





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.510



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.510




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.510



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.510

7. 6. 570



RODERICI
A' FONSECA
LVSITANI,

In Pisana Academia Artis medicę professoris
ordinarij Opusculum,

QVO ADOLESCENTES AD MEDICINAM FACILE
capessendam instruuntur, casus omnium febrium methodice discu-
tiuntur, & curantur; Iuxta normam in punctis tentatiuis,
pro doctoratu recitandis vsitatam, vt post vniuersa-
lem medendi methodum, in particularibus
se quisq; exercere possit.

Adduntur eiusdem Auctoris Consultationes aliquot, & modus demon-
stratur curandi capitis vulnera sine apertione, & per admirabile
Apparitiij oleum, secretum vnicum, quo ille apud Hyspa-
niarum Regem, non modo gloriosum nomen,
sed opes magnas consequutus est.

CVM INDICE OMNIUM, QVAE IN
singulis Capitibus continentur.



FLORENTIAE,
Apud Michaelangelum Sermartellium. B. F.
MDXCVI.

CVM LICENTIA SUPERIORVM.

1
6
510

De Febribus

6
510

645

IVLIO LIBRIO:
PHILOSOPHO
ADMIRABILI,

SAPIENTIA, DOCTRINA, ET
*omni virtutum genere claro, in celeberrimo
Patauino Gymnasio Logicam è
primo loco docenti.*

Rodericus à Fonseca. S. P. D.



NOTAVERAM olim in discipulorum meorum exercitationem, omnium febrium casus methodice discutiendos, & curandos; non eo equidem animo, ut in lucem irent. illi tamen me licet inuictum, in eam rem acriter impellunt, vel potius cogunt. verum ne prorsus nuda ea foret tractatio, ante omnia, in primis discipulorum utilitati consulens, de optimo adiscendi artem genere, tractatiunculam apposui. Consilia quoque aliqua mihi demandata addidi; ut quemadmodum ad febres, ita etiam ad peculiare morbos non deesset exemplum;

plum; ea tamen conditione omnia promulgavi, ut in adolescentium potius gratiam, atq; eruditionem, quam doctorum hominum graue iudicium, aut censuram scripta malim. Cum vero operis protectorem quarerem, primus omnium occurristi Iulij clarissime, quo nullum cariorem inter amicos habui, vel sum habiturus; quamdiu enim in hac Pisana Academia, tanto cum auditorum applausu, & frequentia philosophiam ordinariam professus es, nullum pratermissum abste officij genus est, quo tua erga me benevolentia insigne testimonium non conspexerim, ac perinde, hunc tibi meum offerendum laborem sum ratus, non quod praclaro isto ingenio tuo, atq; doctrinae praestantia dignum existimem, sed ut amoris erga me signum quodcumque magis possem praeberem. Protege igitur vir doctissime libellum, Auctorem, & amicum, & in isto celeberrimo Gymnasio quasi aeternus Sol exoriens, sapientiae tuae radios diffunde, meq; ut soles, ama.

INDEX EORVM CAPITVM, QVAE IN PRIMA PARTE CONTINENTVR.



P ROPONITVR via, modus, atque institutio, qua quis facile artem medicam consequi pos- sit. Caput 1.	pag. 1.
Quæ debeat esse in medico natura. Cap. 2.	2
Quæ doctrina in medico requiratur. Cap. 3.	3
Qui libri atque auctores in medicina legi de- beat. Cap. 4.	3
Iudicium de Galeni libris, & qui potissimum legendi. Cap. 5.	4
Iudicium de Tralliano, Hyppocrate, & Celso. Cap. 6.	5
Quis locus, studiis aptus. Cap. 7.	7
De institutione studiosi nostri. Cap. 8.	7
De indutria medici. Cap. 9.	8
Rationalis medendi forma explicatur. Cap. 10.	9
Fontes signorum vnde petantur. Cap. 11.	10
Vires quomodo in morbis dignoscantur. Cap. 12.	10
Vires quomodo conseruentur. Cap. 13.	11
De rebus præter naturam, & primo de morbo. Cap. 14.	11
De speciebus morborum. Cap. 15.	12
De morborum differentiis. Cap. 16.	13
De causis morborum. Cap. 17.	15
De symptomatibus, seu accidentibus morbi. Cap. 18.	16
De scopis quos operando medicus habere debet. Cap. 19.	16
De instrumentis inueniendi remedia. Cap. 20.	17
De tempore ad artem necessario. Cap. 21.	18
De peregrinatione. Cap. 22.	19

INDEX CAPITVM, QVAE IN SECVNDA PARTE CONTINENTVR.

T ERTIANAE simplices exquisitæ intermittentis, casus. Caput 1.	Pag. 20.
Causonis, seu ardentis febris exquisitæ, casus. Cap. 2.	23
Quotidianæ exquisitæ intermittentis, casus. Cap. 3.	26
	Hypialæ

I N D E X.

Hypialę febris, casus. Cap. 4.	29
Tertianę notę duplicis, casus. Cap. 5.	30
Semitertianę, casus. Cap. 6.	36
Febris ardentis nothę, casus. Cap. 7.	39
Quartanę vtriusque exquisitę, & nothę, casus. Cap. 8.	42
Quintanę, casus. Cap. 9.	47
Hęcticę a principio inuadentis, casus. Cap. 10.	48
Hęcticę putridę iunctę, casus. Cap. 11.	51
Hęcticę nothę, & symptomaticę, casus. Cap. 12.	52
Hęcticę pestilentis, casus. Cap. 13.	54
Febris anglicę, casus. Cap. 14.	57
Febris cum pustulis, & variolis, casus. Cap. 15.	58
Febris cum maculis, quę peteccię dicuntur. Cap. 16.	61
Pestis bubonicę cum carbunculis, casus. Cap. 17.	64
Synochę non putridę, casus. Cap. 18.	68
Synochę putridę, casus. Cap. 19.	70
Febris ephemerę ex bile, casus. Cap. 20.	71
Ephemerę ex cutis astrictione, casus. Cap. 21.	72
Ephemerę ex obstructione, casus. Cap. 22.	73
Ephemerę ex ebrietate, casus. Cap. 23.	75
Ephemerę ex cruditate nidorosa, casus. Cap. 24.	76
Ephemerę ex lassitudine, casus. Cap. 25.	77
Ephemerę ex catharro, casus. Cap. 26.	78
Febris fastidiosę, seu anxiosę, casus. Cap. 27.	80
Febris singultuosę, casus. Cap. 28.	82
Febris syncopalis ex abundantia, casus. Cap. 29.	84
Febris syncopalis ex siccitate, casus. Cap. 30.	87
Febris cardiacę sudorifice, casus. Cap. 31.	88
Febris colliquantis, casus. Cap. 32.	90
Febris cum dolore capitis perpetuo, casus. Cap. 33.	91

INDEX CONSULTATIONVM, QUÆ IN TERTIA PARTE CONTINENTVR.


A N capitis vulnera per siccantia magis, vel potius per hume- stantia curari debeant, & de apertione caluarię. Cap. 1.	94
De modo conficiendi oleum Apparitiij, ad capitis vulnera mi- rabile. Cap. 2.	96
Consultatio prima pro sanguinis reiectione, quam hemoptoi- cam passionem vocant.	97
Consultatio secunda pro melancholia.	103

Con-

I N D E X.

Consultatio tertia pro vesicæ calculo etiam remedium proponi tur pro dissoluendis illis vnicum si molles fuerint.	107
Consultatio quarta pro curandis narium polypis, & forfex pro- ponitur artificiosus pro secandis illis.	112
Consultatio quinta pro extirpandis carunculis in pudendo.	116
Consultatio sexta pro nube in pupilla delenda.	119
Consultatio septima pro fluxu sanguinis a naribus, & gengivis periodico.	121
Consultatio octava pro elephanti morbo.	123
Consultatio nona pro coxendico dolore, & varice in crure.	126
Consultatio decima pro puella epileptica cum loquela impe- dita.	128
Consultatio undecima pro dolore ventriculi periodico cum vo- mitu.	131
Consultatio duodecima pro pudendi corrugatione.	133
Consultatio decimatertia pro nocturna pollutione.	135
Consultatio decimaquarta pro reumatica fluxione ad fauces, hæ- morrhoidibus, & renum calculo; cum admirabili secreto pu- dendi, & dissoluendi renum calculos.	137
Consultatio decimaquinta pro capitis dolore, aurium tinnitu, vertigine, & tumore in genu.	139
Consultatio decimasexta pro curanda podagra.	141
Consultatio decimasextima pro cancro dextram mammam oc- cupante.	144
Consultatio decima octava pro corrigenda corporis obestitate, & extenuatione.	145
Consultatio decimanona pro adiuuando conceptu.	147
Consultatio vigesima pro iuvene hydropico.	149
Consultatio vigesima prima pro pudendi gallicis vlceribus cum gonorrhea, bubone, quo proponitur secretum vnicum pro cu- randis obscenarum partium vlceribus gallicis.	151
Consultatio vigesima secunda pro difficillimo cognoscendo mor- bo, & curando, qui melancholia dicitur hypocondriaca.	154
Consultatio vigesima tertia pro nutrientium viscerum, & præci- pue hepatis mala dispositione, ac duritiæ qua ratione omnes pertinaces viscerum obstructions curari poterunt.	157
Consultatio vigesima quarta pro vrinæ incontinentia ex vesicæ scabie orta.	160
Consultatio vigesima quinta pro epilepsia per consensum, & est casus notabilis admodum.	163

F I N I S.



RODERICO FONSECAE
PRAECEPTORI SVO.



T*V* calamo, Tuq; ore doces Fonseca, salutē
Idem restituis Corpora nostra suae,
Te, dubiis rebus si quis Nostrum haereat anceps.
Non re, consilio non prior ullus adest.
Quid plus Te studiosa velit praestare Iuuentus?
Tu Medicus, Doctor, Tu Pater vnus ei.

Io. Baptista Portinarius.



AD RODERICVM
FONSECAM.



T*E* reddunt Fonseca aeternum, vt reddere vitam
Hac possunt aliis aurea scripta viris,
Magna salutiferi crescet sed fama laboris,
Mundus Apollineum cum bene noscat opus.

Dominicus Ponsseuius.

R O D E R I C I
A' F O N S E C A
L V S I T A N I,

In Pisana Academia Artis medicę professoris
ordinarij Opusculum,

*Quo adolescentes ad medicinam facile capeffendam instruuntur,
casus omnium febrium methodice discutiuntur, & curantur,
Iusta normam in punctis tentatiuis, pro doctoratu reci-
tandis usitatam, ut post uniuersalem medendi,
methodum, in particularibus se quis-
que exercere possit.*

Via, & Modus, atque Institutio, qua quisque facile artem
Medicam consequi possit. Cap. I.



MEDICINAM iure merito Hypp. nobilissimam
omnium Artium existimauit, ac perinde Medicum
inter omnes Artifices prestantissimum. Nec imme-
rito eadem Medicina, & idem Medicus vilissimi cen-
sentur; quia, sicuti doctus & peritus Medicus pre-
stantissimus Artifex est; ita imperitus contempti-
bilis; & propter peritos Ars nobilissima; ob impe-
ritos vero longe vilissima censetur. Ergo summa
ope niti debet Medicine studiosus, ut non solum nomine, sed re ipsa Medi-
cus censeatur. Ratio vero, qua unusquisque id consequi possit, explican-
da nobis nunc est; quę veluti difficilis, & paucissimis cognita, ita maximi
momenti censenda est. Mirum. n. est quantum aberrant Adolescentes, &
perdantur in amplissimo medicinę oceano, atque immensa librorum copia;
ut etiam si ingenio valeant, & assidua lectione crucientur, vix possint me-
tam attingere. Quamobrem Iuuenem Artis medicę studiosum breuiter mi-
hi instruendum proposui, quo non modo bonus Medicus, verum admirabilis
enadat. Tota vero huius rei summa ab vno omnium Auctorum grauis-
simo

A

simo

2
 fimo Hypp. & potissimum libro de lege, quem alias commentario elucidatum in lucem edidimus) peti debet, quæ breuiter nunc percurrenda sunt, additis quibusdam animaduersionibus, quasi fundamentis eius, quod instituiamus negotij.

Hypp. igitur septem conditiones in Medico perquirat; Naturam, Doctrinam, Locum studiis aptum, Institutionem à Puero, Industriad, Tempus, & Peregrinationem; de quibus sigillatim dicendum est. Naturam itaq; comparat Agro; Doctrinam, & Dogmata Preceptorum seminibus, quæ in Agro mittuntur. Institutio à Puero, tempus est opportunum seminandi; locus studiis aptus est veluti Aer ambiens; Industria cultura est & cura Agricola; Tempus omnia perficit, & maturat; Peregrinatio verò rerum cognitione, & operandi facultate Medicum admirabiliter exornat; quæ singula diligentius expendamus ab ipsa Natura exordientes.

De Natura. Cap. I I.

Lib. I. Artis
Med.

Lib. I. Aph.

NATURA hæc, quam omnium principalissimam in Medico exquirat Hypp. nil aliud est quam naturalis potentia ad Artem facile capeffendam, atque exercendam; & ideo consistit in ea facultate anime, quæ ingenium dicitur, & quam Gal. formarum facile susceptiuam appellat, & arguere dicit subtilem cerebri substantiam; & in ea parte anime, quæ dicitur prudentia, & iudiciū rectè operandi, quod difficile appellauit Hypp. Qui igitur & ingenio, & prudentia natura valuerit, hic ad vtramq; artis partem tam Theoricam, quam Practicam aptissimus erit; quamuis difficile sit inuenire, qui in vtrisque excellat; quidam. n. magis ad theoricam, cum ingenio valeant, magis quam prudentia sunt aptiores. Alij verò contra. Hæc igitur duplex Natura nullo ingenio, vel arte acquiri potest, cum sit Donum Dei, & Naturæ; non tamen propterea velim eos deterrevi, qui mediocriter hanc facultatem nacti sunt; quoniam Ars, Doctrina, & labor naturæ defectus corrigunt. Ego tamen libenter eos monerem, qui parum felices ingenio sunt, ut ad aliud negotium se verterent, quod & ipsum tacite monuit Hypp. primo aph. aph. I. difficultates Artis proponens; atq; Utinam iuuenes, qui ad Artem accedunt, vel à Parentibus, vel à Preceptoribus factò examine huius naturæ, quam dicit Hypp. seligerent, ut solum hi in arte admitterentur, quibus promptitudo hæc à natura concessa est, ita enim consultius foret de humano genere, & Artifices, ac Medici egregij euaderent.

De

De Doctrina. Cap. I I I.

CUM quis hanc nactus fuerit naturam doctrina aget, quæ doctrina continet præceptiones, & propositiones medicas, quarum collectio Ars est, quæ sanè doctrina duplex statuitur, altera in scriptis, quam ad Posteriores utilitatem reliquerunt Antiqui, Altera, quæ viua Præceptoris voce habetur; ideo indicandum est qua ratione, & optimum Præceptorem, & optimos libros eligere quisquam debeat, quibus destitutus medicinæ studiosus, quantumvis aptissimus ad Artem sit, oleum & operam perdet. Quoad Præceptorem, attinet, constat talem fore Discipulum, qualis præceptor fuerit, & Gal. inter cæteras medici conditiones, quasi primam proponit ingeniosum Præceptorem, adeo ut felicem se prædicet, quod Patrem natum fuerit Geometram, Astrologum, Logicum, Architectum, & Philosophum admirabilem, quodque præceptores in omni secta doctissimos audierit: inter quos maxime laudat Satirum, & Pelopem, Corinthum nauigauit, ut Numisianum Quinti discipulum audiret, & Alexandriam petiit, ut eiusdem Quinti discipulos alloqueretur: sunt. n. ut scripsit Hypp. lib. de Arte. Artificum alij viles, alij longe præstantes, à quibus tales prodire discipulos, quales & ipsi fuerint certum est; Debet itaque Adolefcens cum sibi Præceptorem eligere, qui non modo bonis artibus sit institutus, sed & bonis moribus præditus, qui sine ambitione, aut furo veritatem querat, & artis præcepta utilia proponat, non nugas, vel sophismata, aut quæstiones logicas, & alia, in quibus sine ulla utilitate remorantur Adolefcetes, quemadmodum olim Thessalus & Themison facere soliti erant, & qui alicui sectæ se addixerunt, aut in cuiuspiam verba iurarint. Quod detestatur Gal. 6. Epid. 2. hæc ad verbum scribens. Ego (ait) non solum in Hyp. scriptis, sed etiam in omnibus Antiquorum libris obseruo, ut non temere quicquid ipsorum dixerit probum, sed experimento, ac ratione verumne, an falsum sit, quod quisque rerum scripsit examino, & hæc de doctrina quæ viua voce à Præceptore habetur. Mox de ea dicendum est, quæ scriptis tradita est.

Qui libri sunt legendi. Cap. I I I I.

MVLTVM sanè interest ex tanta scriptorum copia, eos seligere auctores, qui cæteris præstant; mirum. n. immodum cruciantur studiosi huius artis in tanta librorum copia. Quamobrem inter multos paucos, ne confusio contingat, imo vnum, aut duos Auctores sibi familiares facere decet, & in illis ipsis, eas partes legere, & agitare perpetuo, in quibus Ars potissimum consistit. Inter Græcos, itaque Auctores tres tantummodo familiares habere oportet. Hypp. Galenum, & Alexandrum Trallianum

A 2 inter

inter Latinos autem ex Antiquis Cornelium Celsum, ex Modernioribus vero Fernelium; Nam Hyppocratis reliquit, aut non inuenit, quod ad Artem necessarium esse possit, cuius omnia tam diligenter, & diffuse enarrata sunt a Galeno, ut ad Artis summum incrementum nihil amplius desiderari possit. Est. n. vnus Hypp. nobis instar mille Auctorum, Galenus vero pro innumeris Expositoribus; Galeni tamen scripta ob innatam faciundiam, & contra dicendi studium in infinitum redacta sunt, quae tamen Trallianus, ita contraxit, & in compendium redigit, ut coarctatus Galenus censeretur; qua ratione non modo laudandus venit; sed ob excellens iudicium in curatione, in qua, si quando dormitat Gal. (qua minus tamen raro id fiat) corrigitur. Nam, & in curanda phthisi, & meth. & syncopi, & 2. eiusdem, & quartana, primo ad Glauconem, & pluribus aliis locis non sine ratione ab eo, (ut mihi videtur) notatur magnus vir Galenus. Ceterum Cornelius Celsus, ut de eo, quod & ipse de Hypp. iudicium faciam, vir arte, & faciundia insignis omnia artis praeccepta tam breuiter, exquisitè, & eleganter tradidit, ut recte censendum sit habuisse Latinos, sicut & Graecos suum quoque Hyppoc. Iam vero inter Moderniores Fernelius vnus non tamen ceteris doctissimis Viris spretis, ideo mihi ante ferendus venit, quia nulli sectae addictus, quod in aliis vix reperitur; non solum Antiquorum scripta breuiter, & dilucide explicat, verum dicti formam intuat, multa ex suo adinueniens, quibus Ars ipsa ad cumulum accedere videtur. Habet praeter ceteris exactissimam methodum, sine qua nihil recte vel scribi, vel operari potest. Hi sunt Auctores, quos studiosus noster indefesse legere debet. Verum quia vnusquisque ipsorum multa scripsit, nec pariter omnia sunt utilia, & Galeni opera ad summum peruenire incrementum; ideo in quocumque eorum ea seligere oportet, in quibus potissimum Ars versatur, & in illis perpetuo versari. Sed quoniam Gal. ob dicendi facilitatem, & a qua ceteri post Hypp. quasi ex doctissimo medicinae Oceano omnia depromere videntur. Vnus Primus legendus venit, iudicandum nobis est, qui libri huius auctoris, vel soli, vel maxime praemanibus semper sint habendi, ne in tam vasto mari medicinae studiosus perdat.

6. Metho. 4.

Iudicium de Galeni libris, & qui potissimum legendi sint. Cap. V.

CARDANI sententia est in praefatione lib. 4. aff. ut postquam omnes Hippocratis libros intellexerimus deinceps infrascriptos Galeni libros percurramus scilicet sex de locis affectis. 17. de vsu partium, 14. de metho. 1. med. 5. primos, & 3. vltimos de simpl. facul. 10. de comp. 2. loca, & 7. sec. generi putatq; ut si a reliquis eius libris abstineamus, non solum temporis lucrum facere, sed fieri, ut minus hercamus in his, quae ab Hyppoc. recte

DE FEBRIBVS.

recte sunt tradita; Hæc illæ, quæ sanè optime scripta videntur, desunt tamen aliqua, quæ nos addere oportet, exordium facientes. Medici opus duplex est, sanitatem, scilicet conservare, & curare morbos in utroque tria facit Medicus, qui Rationalis dicitur; primo affectus cognoscit, secundo materiam operandi, tertio methodum habere debet, quæ recte operari possit; & quod pertinet ad eam artis partem quæ morbos curat, quæ præstantissima est, & in qua potissimum Medicus insudare debet, ea ex libris Galeni ita educitur. Quod pertinet ad morborum cognitionem vniuersalem, legat libros de differentiis, & causis morborum, ac symptomatum. Si vero in particulari consisterentur, cum horum triplex sit differentia, similis, organica & communis, primum genus, quod in intemperie est, & febres potissimum continet in duobus libris de diff. feb. id Gal. exactissime describitur. Curantur vero omnes tum primo lib. ad Glau. tum 7. 8. 9. & 10. meth. med. Morbi vero partium organicarum, & qui particulares dicuntur à capite usque ad pedes per doctrinam, quæ in sex de locis aff. & potissimum in quatuor ultimis exactissima methodo dignoscuntur, curantur vero in lib. 10. de comp. med. sec. loc. libri sanè Aurei, & præ manibus semper habendi, à quo omnes quotquot post Gal. extitere omnem remediorum, & curandi formam desumpsisse videntur. Morbi vero communes, & qui ad externas corporis partes pertinent, & chirurgia cognoscuntur, & curantur 2. lib. ad Glau. & 2. 3. 4. 5. & 6. 13. & 14. meth. Ergo libri qui semper legendi sunt, quod pertinet ad curatiuam artis partem sunt hi de diff. feb. de meth. med. de arte cur. ad Glau. de locis aff. de comp. med. sec. loc. atque ij soli libri cum exacta medicamentorum, quæ usu habentur, cognitione omnibus aliis depositis, si continuo legantur à studioso nostro, qui tamen mediocri ingenio valeat, admirabilis Medicus fiet; legi autem volo non solum bis, aut ter, sed centies & milies. Quod vero pertinet ad artis partem, quæ sanitatem conseruat legere oportet libros de sanitate tuenda, & de cibis boni, & mali succi, & de attenuante victus ratione, & denique artem medicam præcipue in tertia parte, in qua Gal. de causis agit tam conseruantibus quam efficientibus sanitatem, & hæc de Gal. satis, quod vero scribit 6. meth. cap. quarto, neminem debere accedere ad Hyppoc. nisi omnes suos libros antea percurrat, non est recipiendum. hoc enim esset auertere nos ab Hyppoc. lectione, & frustra remorari studiosos.

Iudicium de Ceteris Auctoribus, quos legendos proposuimus. Cap. V I.

DE TRALLIANO.

QVAMVIS unus Galenus solus in his quos diximus libros satis superque sit, ut unusquisque bonus fiat Medicus; tamen si quis post Gal.

Gal.lectionem, maiorem perfectionem desiderat, ad Alexandrum Trallianum se conferat. Hic enim curatiuam artis partem ita scripsit, ut quamuis in dignotione affectuum non ita multus sit in illis tamen curandis multa preclara scribit, quae si quando Gal. contradicunt, digna sunt, quae recipiantur. In primis. n. 11. lib. morbos internos percurrit à capite usque ad pedes in 12. & ultimo, artificio mirabili febres omnes curat.

DE HYPOCRATE DIVINO.

QUOD vero ad Hypp. attinet praeclarum medicum lumen monuit ali quando Gal. medicinae studiosum, ne ad Hypp. accedat priusquam omnia eius euoluat volumina, sed satis erit eos tantum legisse prius quos diximus, atque notauimus. Libri igitur Hypp. qui praecipue legi debent, omnes sunt, qui commento Gal. sunt illustrati inter quos Aphorismos, & Prognostica volumus, ita studiosus Noster memoriae commendet, & diligentissima attentione, cum Praeceptoribus, & expositoribus continuo euoluat. Nam hi libri duo ut exactissimi, & omnibus numeris absoluti, ita se habent ad ceteros Hyppoc. libros, ut textus ad glosam; quia & libri Epid. & de Acre, & Aquis, & de morbis acutis, & coacae, & Prorrhetica, omnes commentaria sunt Aph. & Prog. ac proinde si multam reperiantur in aliis Hypp. libris non exacte scripta, non propterea statim negandum est eos Hypp. non esse; quod tamen frequenter facit Gal. quia ceteri libri, quasi seminarium sunt habendi, & materia, ex qua profectis postea extrahere erat in animo. Igitur potissimum inter Hypp. libros familiares habere oportet Aph. 5. Prog. Epidemia, de Acre, aquis, de morbis acutis. Ad morbos vero externos curandos de capitis vulneribus, de ulceribus, fistulis, fracturis, & articulis.

DE CORNELIO CELSO.

QUOD vero ad Cornelium Celsum spectat, quippe qui compendiose admodum non minus quam dilucide, & eleganter omnia ad Artem necessaria complexus est, exigit eius Auctoris praestantia, ut totus percurratur praecipue tamen sex ultimi libri, nam in tertio febres, in quarto peculiaris cuiusque membri mala interna scribit; reliqui quatuor ad chirurgiam pertinent; qua in re omnes superare videtur Hic Auctor. Nam in 5. & 6. morbos percurrit externos, qui magis medicamentis, quam manu curantur 7. & 8. illos, qui potissimum manus operam desiderant.

Ex lib. vero Fernelij, quem inter Recentiores legendum volumus, assidue versandi sunt primus physiologiae in quo Anatomem exactissime describit, 7. pathologiae, seu de passionibus, in quibus omnium morborum tam externorum,

DE FEBRIBVS.

7

ternorum, quam interiorum habetur notitia. 7. de medendi methodo, seu precipue 3. ultimi sunt, & multi alij viri celeberrimi inter Modernos, vt Montanus, Trincauellus, Argenterius, Valeſius, Mercurialis; quorum opera Ars ipsa ad ſummum incrementum perueniſſe videtur, ex quibus ſi non placet Fernelius; aliquem ſtudioſus Noſter ſibi familiarem facere poterat.

De loco ſtudiis apto. Cap. V II.

LOCVS ſtudiis aptus in primis aerem habeat ſalubrem, & rerum ad vitam neceſſariam abundet, & refertus ſit Viris in Arte præſtantibus, tam in Theorica, quam in Praxi; quorum cum in Italia multi reperiuntur, neſcio proſecto an ullus ſit noſtro hoc Piſano Gymnaſio accommodatior, cum præterquamquod eximia Principis liberalitate viris ſcatet in omni facultatum genere Celeberrimis, & rerum omnium copia, pace quadam Octauiana fruitur, & temperatiſſimo aere per Hyemem, adeo vt vix quid ſit frigus dignoſcatur.

De Inſtitutione Noſtri ſtudioſi. Cap. V III.

QUONIAM omnia, que ad Artem Medicam pertinent, & latine, & græce ſcripta ſunt; ideo à teneris annis vtraque hanc linguam callere oportet; græcæ vero lingue peritiã quamuis multum ſplendoris aſferat; non tamen tanti ponderis eſſe putandum eſt, vt ſine ea optimus Medicus eſſe non poſſit. Nam Hyppoc. & Gal. opera omnia, & cæterorum, qui artẽ græce ſcripſere, tã fideliter, & eleganter ſunt Latinitati donata, vt ſi quis alia deſideret Hydropicos imitari videatur, qui cum ſint aqua pleni; Eam tamen perpetuo deſiderant. Cæterum Gal. illius ſententiæ videtur fuiſſe, vt nullus poſſit eſſe optimus Medicus, qui non ſit optimus Philoſophus, & Hyp. quoq; Mathematicas ſciẽtias, vt Aſtronomiã, & Coſmographiam, præterea rerũ naturalium peritiã multũ cõferre ad Medicũ ſcripſit. Verum hi Auctores in ea perfectione Medicum depingũt, quẽ magis admirari, quam imitari liceat. Vnde Celfus iſtarum rerũ contemplationẽ non facere Medicum ſcribit, ſed aptiorem illum reddere, atque perfectum. Sufficiat ergo ex vnaquaque arte quandam habere cognitionem, que medicinẽ inferuiat. Nam earum abſoluta cognitio, nec poſſibilis, nec neceſſaria cenſenda eſt, quare ſcripſit Hyppoc. hominẽ non eſſe a Medico cognoscendũ ſecũdum omnia ipſius prædicata ſed comparatũ ad ea, que bibuntur, & comeduntur. logicam habere Medicum, qui artẽ publice profiteri vult neceſſum puto, quod vero ad Philoſophiam naturalem ſufficiat eam partem habere,

In præmio

Lib. de Arte.

2. Aph. 1.

bere, quæ de principiis agit; unde secunda, vel aduersa valetudo prome-
nit, de quibus primo, & secundo Physicorum, libris de generatione, & 4. me-
thæorum ab Aris. agitur sed veniendo ad ea, quæ proprie artis sunt, Em-
pirici Medici, non solum philosophiam vtilem ad artem putant; sed & cau-
sas occultas, & internas reiciunt tanquam incertas, externas, & notas am-
plexantes, Anathomem quoque; vinorum, ut crudelem mortuorum, ut sedam,
& inutilem (quod non eodem in mortuis, quæ in viuis appareant) pariter
reiciunt. Sed nec medicæ materiæ vllam methodicam cognitionem neces-
sariam putant, quod sufficiat expertis uti verb. falluntur euidentissime;
quia quauis causæ occultæ vndequaque non cognoscantur, artificiosa ta-
men coniectura deprehenduntur. Quare dicebat Hyppoc. Medicum non
solum ad morbos externos, & manifestos esse paratum; sed ad internos, &
occultos; qui quamuis oculis, & tactu dignosci nequeunt; mentis tamen
oculis quantum fieri potest apprehendantur. Ceterum mortuorum anatho-
mes, non modo vtilis, sed tam necessaria medico est, ut in hac præcipue, &
maxime insudandum sit ei, qui vere Medicus dici auet. Quoniam nec mor-
bos partium internarum dignoscere, nec recta remedia his Adhibere con-
tingit ignorata viscerum positura, connexion, magnitudine, substantia, &
figura, ordine, & vsu, quæ omnia sensu iudice magis quam vlla lectione co-
gnoscenda sunt vtilissima tamen ea anotomes censeri debet, quæ aperiun-
tur corpora defuncta ex aliquo morbo, in eo ipso membro cognoscendas in-
ternas affectiones. Cuius nullus apud antiquos vsus fuit, nunc magno ar-
tis profectu exercetur. Quod vero pertinet ad medicam materiam, &
medicamentorum notitiam, tam simplicium, quam compositorum. Cum hæc
doctrina amplissima sit, ideo non puto necessarium, ut earum omnium co-
gnitionem absolutam habeat. Sed eorum tantummodo medicamentorum,
quæ vsu habentur, & experta sunt; quoniam pauca sufficiant & Hypp.
ideo dixit experimentum periculosum, ut moneat medicum ne noua perqui-
rat auxilia, sed paucis, & expertis utatur.

De industria, qua uti debet medicinæ studiosus.

Cap. I X.

HYPPOCRATES industriam comparauit culturæ agriculturæ in
tractandis rebus ad agriculturam attinentibus; sub hac continetur
labor assiduus; nec n. aliud voluit nos Hyppoc. monere artem longam feri-
bens, & vitam breuem; quam debere Medicum perpetuo studio in arte ver-
sari; non sanè, ut fieri solet singulis annis in patriam redeuntibus; discipu-
lis & litterarum curam per quatuor, aut quinque menses dimittentibus, de
exiguo illo annorum numero sciliciti, qui ad Doctoratus gradum illos per-
ducit, quem postea fraude suffurentur, aut si non assequantur (quod raris-
sime

fine contingit) ad alias scolas confugiant; quos non pudet hanc notam in se effundere: quod ignauorum Doctorum sunt, veluti asylum. Ceterum sub industria precipue continetur methodus, per quam verus rationalis medicus dicitur, qui non vt methodicus in vniuersalibus tantum, aut empiricus in particularibus, & experimento quiescit; sed vniuersalia cum particularibus coniungit, & experientia non temere vtitur, sed ad confirmationem eorum, quæ per indicationem fuerunt inuenta. Quamobrem docendum proponimus breuiter, quæ ad vniuersalem medendi methodum pertinent, nec.n. (Gal. docente) fieri potest, vt sine vniuersalium cognitione recte in particularibus te exerceas. Nam curaturus phrenitidem, quæ celebris inflammatio est, prius noscat oportet, quomodo phlegmon in vniuersum curetur; sic de reliquis particularibus.

Rationalis medendi via ab Hypp. primo inuenta à Galeno amplissime aucta, ab Argenterio reducta breuiter explicantur. Cap. X.

HVIUS methodi Hypp. Primus principia, & fundamenta posuit, duas statuens propositiones, quasi per se notas, quorum prima est. Naturalia per similia seruanda esse, ea vero, quæ præter naturam sunt, per contraria esse remouenda; debereq; Medicum ex his vniuersalibus ad particularia descendere; similia, & contraria itaut tam victus, quam medicamenti non solum genus; sed quantitatem, qualitatem, tempus, modum, & ordinem exploratum habeat, non modo ex ratione morbi, sed habita ratione temporis regionis, etatis, consuetudines, & partis affectû. Hisce fundamentis Gal. in lib. meth. vniuersalem medendi rationem admirabili artificio, & methodo scripsit descendens interim ad particularia exempla; quam sanè medendi formam magnæ eruditionis Vir Argenteus melius quam vnquam alius diffusam nimis contraxit & ita exornauit, & auxit, vt dignus sit, qui hac in re ceteris anteferatur, cuius ego vestigia secutus (vt nihil desit instruendo medicinæ studioso Adolescenti) eam ipsam medendi rationem in vniuersum repetere decreui, vt postea in particularibus se quisque exercere valeat.

Lib. de collegiandi ratione.

Duo efficit Medicus in ægris; conseruare. s. res naturalis, & auferre eas, quæ sunt præter naturam. Res naturales potissimum sunt vires, in quibus vita consistit, & quæcumque viribus annectuntur, temperiem. s. & habitum corporis, consuetudinem.

Res præter naturam sunt Morbus causa, & symptoma, quæ omnia Medicus cognoscere debet, sed quia cognitio per signa habetur, ideo proponenda sunt loca, vnde summantur signa, & quia seu conseruet, seu curet instrumenta, habere oportet secundum quantitatem, qualitatem, tempus, & mo-

B dum

dum recte administrata, indicandum est, qua ratione hec omnia facile assequamur, incipiendo a signis, per quæ cognitio habetur.

Signa cognoscendi res naturales, & præternaturam
vnde petantur. Cap. XI.

GALENVS cap. 8. artis medicæ melius, & exquisitius, quam alibi vnquam loca proposuit, ex quibus tãquam è fontibus omnia signa, Medicus desumit. Cum. n. quicquid in affectum est sanitatis, aut morbi, vel pertineat ad eius essentiam, vel accidens vel causam; ideo necesse est omnia signa desumi ab his tribus; & omnia loca signorum ad hec tria reduci essentiam, causam & effectum; additur analogia, & similitudo signa cognoscendi sanitatem Gal. percurrit loco citato. Ego autem in morbo, reputa in tertiana, quam si cognoscere vis signum sumes ab essentia; cum dicis calorem mordacem adesse, & primo tactu acrem, postea mitescere; cum vero ex siti, acri amaritudine, vigilia, fastidio ab effectu sumis inditia; ceterum tempus calidum, & exercitium præcedens, temperies victus calida, signa sunt vt causæ; sed si eo tempore grassetur tertiana in populo, ex hoc per analogiam tertiana cognosci potest.

De viribus in morbis cognoscendis, & conseruandis.

Cap. XII.

CVM vires sint in triplici differentia vitalis. s. Naturalis, & Animalis & radices earum sint Cor, Cerebrum, & Hepar, recte monebat Gal. Medicum, vt horum membrorum statim in primis consideret, & cum signa cognoscendi vires ab eisdem locis petantur, ab operationibus tamen potissimum; Nam robur, aut operationum debilitas virium statum exacte demonstrat, animales ex motibus voluntariis, sensibus internis, & externis; si. n. mente constat æger, si facile vertitur in lecto, decenter iacet, facile respirat, bene videt, & audit, facultas animalis bene valet; si vero contra se habet, Mens vacillat, respiratio offenditur, male iacet, & vertitur, & sentit, languet. Naturalis facultas valet, vbi appetit & oblata concoquit, & excrementa bene habent; Contra vero languet. Ceterum Vitalis facultas robusta ex valido pulsu vultus, & oculorum vivacitate, constante corporis habitu, & bona morbi tollerantia dignoscitur; contra vero languet si pulsus parvus est & debilis, & alia contrario modo habent, & si omnia signa ex vna parte concurrant; facilis est virium dignotio; cum vero discrepant tunc coniectura vtendum, considerando, & numerum, & magnitudinem signorum.

De con-

De conseruatione Virium. Cap. XIII.

CONSERVANTVR Vires in morbo per rectam administratio-
nem sex rerum non naturalium; sed potissimum per alimentum, cuius
recta administratio tãti momenti est, vt ea sola reiecta pharmacia, aliisq;
medices præsidiis omnes fere morbi curari possint, & sine vllò periculo.
Quare Magnus Asclepiades, quod hac ipsa dieta curaret, a Deo dimissus
ad salutem mortalium putaretur, sed administratio victus in agris, & po-
tissimum in acutis morbis tantæ difficultatis est, vt nulla de re magis inter
se Medici pugnantes fuerint. Quidam. n. fame, & inedia trium & quatuor
dierum plurimos interficiebant egros. Alij vero, vt Petrona replebant
eum non minore perniciæ. Unus solus Hypp. diffusissime in lib. acutorum;
sed angustissime primo aph. quanto humano ingenio fas est; rationem do-
cet conseruandi vires in egris per alimentum, & reliqua, eam esse debere,
cum qua vires vsque ad morbi vigorem seruari possint, sine morbi augmen-
to, quare & ptisanam, & mulsam & oximel, & aquam, & vinum, quan-
do & quomodo in morbis acutis exhiberi debeant scripsit, imo potius ex ora-
culo literis prodidit; esseq; procurandum virium conseruationem in mor-
bis acutis per coctionem potissimum; quam parcissimo alimento, quiete, vñ
Etione, chystere, somno, strato molli procurat, & ita mitissime tractan-
dos egros, non vt Prodicus, qui fame, & exercitio necabat, nec vt Ascle-
piades (referente Celso) pugnans contra febrem ipsamet febre, siti, vigi-
lia, & inedia; hac ergo ratione cognoscuntur res secundum naturam, & ser-
uantur in agris; Nunc de his, quæ præter naturam sunt dicendum.

De rebus præternaturam, ac primo de morbo.

Cap. XIII.

MORBI dignotio includit eius essentiam, species, differentias, &
partem affectam, de quibus omnibus dicendum est. Et quod ad mor-
bi essentiam attinet; Morbus dicitur affectus seu constitutio præter natu-
ram à qua primo leduntur actiones sensibilibiter; sicut sanitas constitutio
secundum naturam dicitur, a qua bonæ proueniunt actiones; quæ sanitatis
diffinitio, vt principium est in arte medica, & desumitur ex communi om-
nium consensu; cum omnes sanos fateantur eos, qui sine noxa sua opera ef-
ficiunt; egrotare vero illos, qui cum insigni operum offensione degunt.
Nec potest dici operatio morbus, cum ea cessare possit sine morbo, vt am-
bulatio & loquela in pueris, ergo essentia sanitatis, & morbi in constitu-
tione consistit, & non in opere. dicitur autem morbus constitutio præter
naturam quia naturam destruit; dicitur primo ledere actiones ad differen-

tiam causa morbigica; que mediante morbo actionem ledit, vt in oculo, si adsit suffusio in pupilla, adest visionis impedimentum, quod est lesa operatio, & symptoma dicitur, obstructio vero, que a nebula fit morbus; nebula vero ipsa, seu humor crassus obstruens. s. causa morbi; sed visio impedita immediate prouenit ab obstructione, que morbus est, secundo vero ab humore obstruente, que causa morbi est; dicitur autem, morbus actiones ledere sensibilibus, hoc est vehementer, quia actio non valde lesa morbum non constituit, vt in neutris; sed nec valde lesa constituit; nisi sit prater naturam, vt ablata ambulandi actio in puero bimestre.

De speciebus morborum. Cap. X V.

MORBI species tot sunt, quot sanitatis; sanitas autem triplex est, Alia partium similarium, Alia instrumentalium; tertia communis ambabus; ita etiam & Morbus dicitur, vel similis, vel organicus, vel communis. Iterum Morbus similis, seu in parte uniforme, vel pertinet ad intemperiem quatuor qualitatum; vel ad formae corruptionem; quam appellat Gal. a tota substantia; addiderunt Fernelius. & Alii morbis partium similarium, tertiam speciem, quam appellant materia, concernentem duritiem, molliem, densitatem, raritatem, & ceteras secundas qualitates. Intemperies vel simplex est, vel composita, & vtraque vel cum materia, vel sine materia, que distinctio quauis sit valde communis a paucis tamen intelligitur; eam tamen optime explicat Auicenna appellans intemperiem sine materia; cum corpus (vt illius verbis utar) qualitate non afficitur propter humorem in ipsum penetrantem, vt calefieri ab igne, vel refrigerari a nix cum materia vero intemperies dicitur, quando corpus qualitate afficitur propter vicinitatem humoris in ipsum penetrantis; vt cum ex pituita refrigeratur, aut ex collera calefit; sub morbis a tota substantia continentur omnes maligni, & pestiferi. Ceterum morbi partium instrumentalium quadrisariam diuiduntur; quia vel pertinent ad formationem, vel magnitudinem, vel numerum, vel situm partis. Rursus formatio continet figura vitia, vel meatuum, vel cavitatum, vel superficiei. Magnitudo vitatur vel ad excessum, vel ad defectum; sicuti & Numerus quando vel deficit Totum membrum, vel abundat aliquid, seu secundum, seu prater naturam. Situs continet consensus partium, vel positiones immutatas. Morbus autem communis partibus similaribus, & organicis dicitur solutio continui, que multas habet species desumptas, vel a parte affecta, vel a causa efficiente; vt Vulus in carne, Fractura in osse, Contusio in musculis, Ruptura in ligamentis, & membranis, Auulsio in neruis. Haec de morbi essentia, & illius speciebus breuiter dicta sint. Nunc de illius differentiis agendum est.

Libro primo,
sen. prima de
complexioni-
bus.

De

De Morborum differentiis. Cap. X V I.

NON est opus, vt hic traducamus omnes morborum differentias; sed eas tantummodo explicemus, quæ præcipue Medicos angunt, & indicationes conscribunt; quorum Prima ad magnitudinem, & paucitatem pertinet, de qua (cum tamen satis vulgaris sit) vix quidpiam distinctum reperitur. Dupliciter ergo Morbus dicitur magnus, vel parvus, ratione suiipsius, vel ratione alterius; ratione suiipsius dupliciter cõtingit, vel in genere, vel in specie; & põt vnus morbus magnus esse in specie nõ tamen in genere, sic dicimus tertianam magnam, quæ magna affert symptomata in sua specie; quamuis nec in genere nec absolute tertiana magnus morbus sit. At apoplexia, quæ fortis est, vtroque modo magna dicitur, & quia absolute, & in genere talis est, & quia in specie magna affert symptomata, ita ut dicatur morbus magnus, qui magna affert symptomata, vel in genere, vel in specie, sicut parvus è contra. Sed quia magnitudo symptomatum, vel talis est, & talis apparet, vel denique quamuis talis sit non apparit, ideo dicitur morbus magnus secundum alteram significationem ille qui malignus est, & obscurus. Ceterum Morbus magnus dicitur in ratione alterius vel partis præstantiæ, vt phlegmon Iecuris, cum tamen phlegmon in se magnus morbus non sit; sicuti quando Malignus est ob naturam partis, vt punctura in articulo; quæ omnes morbi magnitudines magna remedia indicant, vt missionem sanguinis, & purgationem; ea raturæ, quæ magnus morbus magna auxilia requirit, & inter magna auxilia prædicta duo recensentur. Secunda differentia, quæ & ipsa principalissima est, illa dicitur secundum quam dicitur acutus, vel lentus, & dicitur morbus acutus, qui celeriter terminatur & grauis est celeritatis causa est symptomatum magnitudo, & morbi grauitas. Sed quoniam ista celeritas exacte scribi non potest; aliquando. n. intra quatuor dies terminatur, & dicitur morbus exacte peracutus; aliquando intra septimum, & dicitur peracutus non exacte; aliquando ad decimumquartum diem peruenit, & dicitur acutus simpliciter; quem terminum posuit Hypp. in acutis morbis, quasi vltimum. Nam acuti qui decimumquartum diem transcendunt non iam vere tales, sed ex decidentia dicuntur; quorum vltimum terminum in prognoslico quadragesimum statuit. Cum igitur dicatur morbus acutus, qui celeriter terminatur, & causa celeritatis sit magnitudo symptomatum ergo idem erit cum magno; nõ tamè ita est, quia magna symptomata cū statim insurgunt, morbi acuti faciunt, quæ vero paulatim nõ acuti sed lentum, vt in Hydrope, & thabe. Hæc differentia quantum faciat ad vite rationem instituendam primo lib. aph. explicauit Hypp. sumens species vltus in agris secundum species acuti morbi, & primo Acutorum eum extollit Medicum, qui in morbis acutis

præ

pre ceteris excellit. Tertia differentia quæ concernit maxime curationem, est illa, quæ dicitur solitarius aut comitatus; solitarius dicitur morbus, qui non habet, vel causam, vel symptoma, vel aliud quidpiam curationem impediens, ut Hæctica. Comitatus vero, qui secum adiunctum habet aliquid, ad quod respiciat Medicus oportet; ut vlcus cum phlegmone, aut dolore. Quarta Differentia, quæ vel in primis consideranda est, illa venit per quæ Morbus dicitur esse in aliqua parte per essentiam, aut per consensum. per essentiam dicitur esse cum ita adheret vni parti, ut ab alio non pendeat, sicuti per consensum quoties ex alia parte venit. Sicut suffusio in oculo ex vtriculo. nec enim possumus in eo casu sanare oculum, nisi ventriculus prius sanetur. Est & quinta Differentia, quam Medici cum quarta confundunt quæ dicitur morbus primarius, aut secundarius, quasi idem sit morbus per essentiam, quod primarius, & per consensum, quod secundarius, cum tamen morbus per consensum vere in actionibus animalibus contingat; in ceteris autem potius secundarius dicatur quam vere per consensum. Ceterum consensus sit, vel per vaporem, ut obscuratio oculorum a ventriculo; vel per qualitatem quandam, sicuti convulsio ex morsu alicuius membri; vel per sympatiā quandā sicuti communicantur affectiones septi transversæ si cerebro potius quam a ventriculo; denique sit vere consensus deficiente materia, aut facultate; sic amittitur vox thorace confosso, & sensus in manu ab affectu spine. Sunt & aliæ differentie, quibus dicitur morbus unus aut plures, simplex, aut compositus, & denique occultus, aut manifestus. Dicuntur autem Morbi occulti interni, qui in visceribus latent. Manifesti vero, qui ad superficiem vergunt, sed quoniā curatione tantum differentia curatione (Gal. teste) quantum pars à parte, ideo debet Medicus in primis cognoscere, quæ pars afficiatur; id vero præcipue in partibus internis, quia partes externæ sensu dignoscuntur; internæ artificiosa indigent coniectura de qua Gal. optime in lib. de membris passis diffuse scripsit reducens ad quatuor loca signorum omnes notas dignoscendi partem affectam. scilicet ab actione lesa, ab excrementis, a dolore cum positis & à propriis accidentibus. Quorum actio lesa primum obtinet locum; sic ex lesa visione oculum ledi cognoscimus, excrementa si sint pars membri, seu in ea contineantur secundum, vel præter naturam partem indicant: primo modo cum bronchium seu corpus cartilagineum educitur à pulmone; secundo modo si per vulnus vri na exeat, tertio modo si veluti pili in ea appareant renes patiuntur; doloris quoque situs, atque differentie sub quibus tumores comprehenduntur partem indicant lesam; ut dolor sinistri hypocondrii cum tumore lesum indicat lienem. Propria accidentia partem quoque demonstrant, ut ungues adunchi pulmonem affectum indicant, & genæ rubentes cum febre, & difficultate spirandi eundem pulmonem pati declarant. Cognita parte affecta, ut puta laborare pulmonem, debet cognoscere Medicus affectum, seu speciem

Primo de loc.
aff. c. primo.

speciem affectus; id, quod eadem signa ostendunt, vnde sumuntur propria cuiusque symptomata. Cognita parte affecta, atque affectu ad causam se conuertit Medicus, quæ per sua signa dignoscitur ex eisdem desumpta, addendo tempus, regionem, etatem, consuetudinem, temperiem, & corporis habitum, parentes, colores, somnos, & mores, atque hæc de morbo dicta sint. Nunc de causis dicendum nobis est.

De causis Morborum. Cap. XV I I.

IN causis primo inuestigandum, quod genus cause sit; deinde cuius differentie, & eius modus. Cum itaque apud Philosophos sint quatuor genera causarum, materia, forma, efficiens, & finis. Ex his Medicus tantum modo considerat causam efficientem; morbi. n. nulla est Forma; cum accidens quoddam sit; nulla materia, nisi subiectum in quo, nullus finis, cum sit imperfectio quædam; consideratur itaque tantummodo causa efficiens à Medico; quæ vel est externa, hoc est vel extra corpus, vt aer ambiens, & ensis, aut interna, quæ in corpore consistit, quæ adhuc bifariam diuiditur; vel. n. dicitur euidentis, & manifesta, vt ira febrem faciens, aut occulta, vt bilis tertianam gignens. Quare sub causæ procatartica seu euidentis nomine, non solum causa externa intelligitur, sed quæ in corpore est nota, & nunc primum agere incipit, quod dicitur ad differentiam causæ occultæ, quæ sensu, & paulatim operatur quam appellauit Hypp. spontaneam. Rursus causa interna obscura, vel dicitur antecedens, vel coniuncta. Coniuncta dicitur, quæ immediate effectum excitat, vt putredinem. Cæterum sub causa coniuncta continetur etiam illud genus causæ efficientis; quam ita coniunctam cum affectu statuit Gal. vt ea ablata statim auferatur affectus, non tamen è contra, vt nonnulli male putant; hanc reperire aliquando in morbis non est dubium, non tamen in omnibus, sed in his, quæ essentiam sui habent ita fluxilem, vt (seu sint entia successiua, seu permanentia) statim decidant circumsisa causa, vt lux corpore luminoso sublato. Materia tamen, & forma causæ dicuntur continentes semper eius rei, quam componunt. Cæterum causæ internæ, & occultæ humores comprehendunt, excrementa, & spiritus, quoties mutantur, & quiescunt, aut mouentur præter naturam. Modus operandi in causam est vel per se vel per accidens, actu, vel potentia, mediate, vel immediate. Vbi vero vnius morbi plures sunt causæ a primo vsque ad vltimum resolutio facienda est; hæc de causa mox de symptomatibus dicendum.

De sym.

De symptomatibus, seu morbi accidentibus.

Cap. XVIII.

SYMP TOM A dicitur quicquid morbum sequitur. Quod trium est generum vel. n. pertinet ad actionem lesam animalem, vitalem, & naturalem, vel ad excreta & retenta, vel ad corporis affectus. Dolor vero aliquando reponitur a Galeno inter actiones lesas, non quod in dolore sensus fallatur; sed quia corrumpitur, aliquando quartum genus symptomatum ponitur, quoniam actio in dolore non proprie lesa dicitur. Symptoma rursus alia diuisione bipartitur; quia vel consideratur a medico, ut signum, vel ut causa vires debilitans: primo modo non requirit medici opus; quia ablato morbo aufertur, at secundo modo requirit, ut vigilia, & dolor, quæ, quia vires debilitant mitigari debent. Cum vero symptomata, ut signa considerantur variam considerationem habent, quia vel ita sequantur morbum ab initio, ut eum comitentur semper, & patognomonica dicuntur, vel postea apparent, quæ assidentia nuncupantur, quorum aliqua dicuntur coëtionis, & cruditatis significantia, alia critica, alia mortalia, vel salutaria, quia salutem, aut mortem significant.

De scopis, quos in operando Medicus habere debet.

Cap. XIX.

COGNITIS rebus naturalibus, & his quæ præter naturam sunt, ille, ut conseruentur, hæc ut remoucantur; sequitur ut doceamus quæ ratione id fieri debeat; quod duplici via consequi oportet scopis quibusdam propositis, & instrumentis, quibus scopi facile perficiuntur, & ut à scopis incipiam, Primus est quo querit medicus an aliquid facere debeat; nec. n. omnes morbi curari possunt. huc pertinent quæcunque Hypp. scripsit in prognostico ad prædicendam salutem, vel mortem, comparando vires ad morbum. Secundus scopus considerat quid sit agendum, quod est genus remedij inuenire; id quod deducitur à duobus propositis principiis, ut conseruentur quæ secundum naturam sunt per similia, & remoucantur non naturalia per contraria, in refrigerando aut calefaciendo.

Succedit huic tertius scopus, qui auxiliorum materiam continet, qua secundus ille scopus commode fieri debet, ut si est vacuandum, aut replendum sit, debet materiã inuenire in particulari qua id commode fieri possit. Hic scopus continet remedij qualitatem. Ceterum auxiliorum materia à quatuor fontibus petitur. s. ab his, quæ assumuntur, admoventur aguntur, expelluntur, & retinentur. Succedit quartus scopus, qui auxilij quantitatem respicit, quæ duplex est magnitudinis numeri, ut si vires seruandæ
sint

sint in agro tali alimento queritur eius quantitas, tum quo ad molem, tum quoad numerum; qua de re Hypp. primo aph. coniecturam tradidit qua Medicus cōseruandarum viriū metam attingat vsq; ad morbi vigorem, habita ratione roboris, morbi, habitus, consuetudinis, temporis & etatis; quare aliquando tota pituita, aliquando succo eius, quandoque potu melicrati, aliquando autem sola inedia, commode in nutriendis aegris vtitur. Ceterum quantitas auxiliij in pellendo morbo à quantitate primo ipsius morbi desumitur. Magnus. n. morbus magnum postulat remedium, & extremus extremum. Sed adducere in considerationem semper oportet, vires, habitum, temperiem tempus etatem, & cetera, quæ coarctant auxiliij molem. (Nec Gal. ipso teste) alius est scopus, qui artem medicam magis dubiam faciat, quam hic, qui quantitatem metitur. Quintus scopus ad tempus operandi pertinet, seu occasionem, cuius oportunitas vel intempestiuitas tanti momenti est, vt omnes alij scopi ab ipso pendeant, & præcipue, qui ad quantitatem pertinent, vnde dicebat Gal. in arte medica tempus sub quantitate, & qualitate contineri. Quod vera remedij quantitas, & qualitas nulla haberi possit nisi apto tempore fiat. Sextus scopus modum continet, quo remedia adhibentur, vt an confertim, vel paulatim vacuandum, & per quem locum, additur his ordo, vbi plura facienda sunt, quod prius, & quod posterius agendum, an omnibus simul succerendum, qua in re dicebat Gal. considerandum esse quid sine quo, quid cum quo fieri oportet; habendamq; esse rationem eius, quod magis vrget, altero non neglecto. Hæc de scopis nunc de instrumentis agamus.

De Instrumentis inueniendi remedia. Cap. XX.

INSTRUMENTA, quibus Medicus remedia adinuenit sunt, ratio, & experientia; experientia dupliciter facit ad remedij inuentionem, vel quando nulla potest haberi ratio effectus, vt cum vipere asu lepram curamus, & betzoraticis febrem pestilentialem; cuius nulla haberi certa ratio potest, cum ab occulta proveniat proprietate. Alio modo cōferre experientia ad auxilium. s. confirmandū, quod per rationē fuit inuentum; qua ratione experientia vtitur, Rationalis Medicus, non Empiricus; Nam experimentum ratione indiget, non solum qua inueniatur, sed postquam inuentum est; tum quod multi mentiantur turpiter remedia, vt experta proponentes; tum quia similitudines, errores Medicis imponunt; vt scripsit Hypp. vt in colico, & nephritico, requirente causa cuiusque, & occasio contrariam curationem. Ceterum ratio seclusa omni experientia per indicationem à propria rei natura remedia adinuenit, qua qui vtitur seu sit in morbo nouo, seu in agro, seu in mari, seu deserto loco semper prompta auxilia habebit. Hæc ratio non solum remedium inuenit, sed

6. Epid. 2.

C cius

Lib. per loca.

eius commodum vsus. Nam (vt recte dicebat Gal.) auxilia medica si quis dicat nihil esse, eademq; diuina, & Deorum donu profferat recte sanè vtrunque; quia temere adhibita nihil efficiunt; commode autem, & vt de cet Dei manus appellantur. Qui igitur per rationem progreditur indicationes sunt ad conseruanda naturalia per similia, ea vero quæ præter naturam sunt, per contraria, vt adest repletio, ergo vacuanda, adest febris ergo refrigeranda, cum vere indicantia sint vires, & morbus additis reliqua, quæ minus proprie indicare dicuntur, aut repugnare, tempus. s. regionem, etatem, consuetudinem, & reliqua eius generis, quibus consideratis vtitur postea experimento ad maiorem confirmationem eorum, quæ per rationem fuerunt inuenta. Ceterum non sine magna vtilitate dubitare contingit, an è duobus medicis; Altero theorico, & Docto; Altero practico, & experto, quia magis ad curandum conducit. Et quauis communis opinio sit expertum Artificem valere magis ad operandum, id tamen absolute si sumatur falsum est. Nam, quæ artes multo sensuum habitu constant, & pauca theorematum cognitione, melius opere, & exercitio, quam lectione, & studio comparantur. At quæ à contrario multis theorematibus, & sensuum habitu pauciori è contra lectione magis perficiuntur: Quare inter partes Medicinæ chirurgia, & anathomes longa magis actione, quæ auditu, & libris comparatur reliquæ vero partes, quæ ad Medicum Physicum attinent, magis librorum, quam operum diligentia perficiuntur. Hec satis dicta sint de industria illa, quam desiderauit Hypp. in suo Medico; per quam instructus ad curandos morbos in particulari accedere debet; & nos ea in curandis, & dignoscendis febribus applicabimus postquam de aliis conditionibus pauca dixerimus, quæ tempus, & peregrinationem respiciunt.

Ex duob^{us} medicis qui præstet.

De Tempore. Cap. X X I.

De locis in homine.

a Methco.

TEMPVS, vt dicebat Hypp. omnia corroborat, & perficit, & cum Medicina Ars sit longa, non potest Medicus fructus edere, & proficere in arte nisi ad multum omnino tempus. Artem. n. Medicum cito addiscere impossibile iudicauit Hypp. non. n. iuxta vnum modum, vt aliæ Artes operatur; sed aliquando per similia, aliquando per contraria, & tot tamq; vasta continet, & tot aliis artibus est anexa, vt vix post tot annorum secula ad perfectionem sit reducta. Hinc Gal. maledictis insequitur Testis, qui se traditurum artem profitebatur sex mensium curriculo; quæ facilitate electi sartores, texores, fabriq; relictis viribus opificis, ad artem sacratissimam se conferebant in perniciem humani generis. Nam quauis separet à medicinâ philosophiam, anathomem, medicamentorum examinationem notitiam quauis causis abditas, quod Empirici faciunt; quauis cum

cum metodicis ad communitates concurras, fluxum. s. & laxum mixtamque
 nihilominus longa admodum Ars censenda sit; Cum (vt recte ait Celsus) In proemio
 compressorum, & fluentium morborum genera diuersa sunt, faciliusque
 id in his, quæ fluunt inspicere potest. Aliud. n. est sanguinem, aliud bilem,
 aliud cibum vomere, aliud deiectionibus, aliud torminibus laborare, aliud
 ludere digeri, aliud tæbe consumi; atque in partes quoque humor erumpit,
 vt in oculos, auresque, quo periculo nullum humanum membrum vacat;
 nil autem horum sic vt aliud curatur, ita protinus in his a comuni fluentis
 morbi contemplatione ad propriam medicinam descendit; denique quan-
 tuis nudam accipias medicinam, & contractam, illa eius longitudinis eu-
 dentia sunt testimonia, quæ scripsit Hypp. occasionem præcipitem experi-
 mentum periculosum, & iudicium difficile, quæ vt assequatur Medicus
 diu multumque insudet oportet, & in bonorum Auctorum lectione, & per
 petua ægrorum visitatione.

Aph. I. primus
 lib.

De Peregrinatione. Cap. XXII

CVM Medicus naturam, doctrinam, institutionem à Puero, locum
 studiis aptum, industriam, & tempus idoneum habuerit, denique per
 Urbes ambulando (ait Hypp.) non sermone tantum, sed opere Medicus
 haberi conuenit; quasi addens peregrinationem tanquam perficientem me-
 dicum. Et sanè omnes quotquot extitere insignes Medici, ac Philosophi,
 post multarum regionum peregrinationem sapientia insigniores sunt ha-
 biti. Nam præter onestissimam peregrinationis voluptatem, hominum for-
 mas cognoscimus, varia remedia; regionis siquidem contemplatio in qua-
 uis medici operatione consideranda est. Aliter. n. curandus Hispanus, ali-
 ter Gallus, aliter Germanus, aliter Africanus; vix. n. in Egipto, vt (ait Cel-
 sus) & in Africa vnius diei abstinentiam ferunt ægri; Romæ curabant,
 (vt ait Gal.) capitis vulnera per humida, Græciæ vero per siccantia phar-
 maca, in Hispania febrientibus singulo quoque die sanguinem toties mit-
 tunt, quod ad morbum declinat; quod semel aut bis in Italia fieri videmus.
 Ceterum quot morborum genera, quot remediorum ex India tum Orientali,
 tum Occidentali prouenerint Storta Noster, & Monardes copiosissime scri-
 pserunt. Nemo. n. nostrum non expertus est quotidie, ac experitur ligni
 guaiaci, Cinæ radice lapidis betzoartili virtutem, aliorumque medica-
 minum ad salutem humani generis repertorum Refert Barrius Noster, qui
 orientalis Indiæ historiam Lusitanice conscripsit, hominē Indicum à nostris
 multis vulneribus, hisq; mortalibus confossum, ne sanguinis guttam emis-
 se, quoad anulus quidam offensus, quem manu gerebat extractus est quo in-
 stante sanguis effusus est, & extinctus homo. Ceterum Hypp. in libro de
 aere, & aquis tam diligenter & accurate ea scripsit, quæ ad regiones atti-
 nent,

Lib. de lege.

ment, ut eo ipso libro possit Medicus pro multis peregrinationibus uti. *Hab* satis pro Iuvene instruendo dicta sunt. Nunc casus proponemus particulari methodo, ad propositum nostrum accedentes febrium omnium curandarum, qua methodo se unus quis exercere valeat.

FEBRIVM OMNIVM CASVS,

In consultationum Formam discutuntur, ac curantur.

CAP. PRIMVM.

Tertianę exquisitę, Intermittentis Casus, ex Galeno x. methodi, cap. 3. desumitur. Casus sic.

Primus Casus.



ADOLESCENS annorum 25. temperie calida, & sicca, habitu corporis gracili, & musculofo, curis, ac laboribus agitatus, in media aestate hora diei undecima post lassitudinem, rigore corripitur valido carnes pungente, ac totum corpus concutiente; quo per horam durante, calor successit acer, ac siccus, cum pulsus magnitudine, celeritate, & frequentia insigni, sitis aderat, inquietudo, capitis dolor; hora quarta à rigore biliosa vomuit, octava sudavit, undecima febris in totum decessit; nec aliquod putredinis, aut febris signum in pulsu evidēs relictū est, urina ruffa, ac tenuis; queritur morbi natura, & curatio.

Dignotio.

QUANTVM ex allatis signis colligi potest febris tertiana est, eaq; simplici exquisita, intermittens in genere putridarum; Causa bilis flaua, non modo superuacua, sed aestuans circa caua Iecoris fellis vesicam, & loca propinqua; quę naturam irritans per sensibiles delata corporis partes rigorem, ac febrem accendit.

De Scopo primo. An Medicus aliquid facere debeat.

FEBRIS proposita mitis, ac salutaris cum sit, neque quartam, aut quintam accessionem sit transgressura, per vomitū, & sudorem (quod sanē

DE FEBRIBVS.

27

Sanè apparuit à natura) nulla Medici ope curabitur ; sed quia ex errore . seu egri , seu Medici præsertim in victu timor est , ne syncopis corripiat , vel in hecticam , aut continuam degeneret ; ideo Medici operam desiderat .

De secundo scopo, quid Medicus facere debeat , & de commodo remediorum usu.

DVO in hac febre , sicut in omni alio morbo se offerunt , quæ medici opus postulant ; alterum secundum naturam , nempe vires , quæ sui conseruationem desiderant ; Alterum præter naturam Morbus , causa , & symptoma , quæ sui remotionem indicant , & vt ab his incipiamus ; Morbus nempe febris attemperationem postulat per frigida , & humida , bilis coctionem , & expurgationem , symptomata , vt sitis , æstus , capitis dolor corrigenda sunt quamuis hæc vix quicquam vrgeant , & sedato morbo in totum auferantur . Quinque egitur facienda vires conseruande , febris attemperanda , bilis coquenda , & expurganda , & symptomata lenienda , de quibus sigillatim dicemus .

De conseruatione Virium .

VIRES alimento potissimum seruantur : id vero cum in omni febrilitate in hac frigidum & humidum esse debeat , & tale vt eger cum eo peruenire possit ad morbi vigorem sine virium insigni iactura ; erit autem optimus cibus ptissana bis in die sumpta cum lactuca vel cucurbita coctis , hora cibanti cum iam febris in totum decedit , vel etiam antequam declinet , & statim prima die ; quia his naturis , (vt scripsit Gal.) optimum remedium est nutrimentum ; cum vix sine eo ad infebrecitationem proueniant , & ipsemet Gal. timens syncopim in hoc agro , non ante accessione ; sed in ipsa accessione cibauit ; coactus . s. Nam quod scripsit Hyppoc. abstinendum in accessionibus , in hoc casu exceptionem patitur . Quare valeant Diatritarij Medici , vt Prodicus , qui febricitantes interficiebat fame , inedia , & laboribus ; valeat Asclapiades , qui referente Celso tortoris vicem gerebat , pugnans contra febrem , siti , vigilia , & inedia , quare scripsit Hyppoc. cum gracilem calor vrit tumidum facere oportet , & nutrire , & curans tertianam , libro de affectionibus , in accessione ait cibo & potu nutrito . Ceterum singulo tertio die minus nutrire oportet , quam in intermediis ; potus aqua sit cum Iulapio ex decoctione hordei vsque ad coctionem , qua apparente vinum pauciferum concedi potest & amplius in declinatione ; quo victu si tractetur nullo alio præsidio adhibito Morbus quintam accessionem , vel septimam non transcendet .

Gal.

6. Epid.

Lib. ter.
De locis
homine.

10. meth. c. 3.

Gal. ergo in curando hoc Iuene sola ratione victus, & balneo usus est; quod si usque ad septimum decimum producta in eo fuerit id factum esse ex errore; & quia exquisita tertiana formam omnino non seruauerit. Ego vero non eam depinxi prorsus, ut ubi iacet, quia formam exquisitę tertianę proposui; Cum vero de syncopali febre agemus ad verbum describitur.

De attemperantibus, & coquentibus.

1. Lib. ad Gl.

9. lib. Acut.

7. Aph. 42.

QUAMVIS solo victu febris hæc curari possit, ad maiorem tamen abundantiam reliquis percurreremus intentiones. Ceterum quę attemperant bilem coquendi facultatem habent reducendo humorem ad temperiem. Conuenit autem in hac febre magis attemperare, quam euacuare; attemperantia laudat Trallianus melopopones pulpam ante accessionem datam; & postea aquam tepidam; quo auxilio prohibuisse accessionem affirmat; parari quoque poterit in eandem intentionem syrappus, qui habet acetosi simp. onc. i. 5. decocti acetosi, graminis, cichoreę adiati 3 iij. fiat syrappus sumendus in aurora frigidus Hypp. n. æstate frigidus potiones dabat, hyeme calidas. Inter attemperantia balneum dulcium, & tepidum aquarum à Galeno maxime laudatur; verum non nisi postquam coctio apparuerit, & febris remittetur; quamuis Trallianus in his, qui valde extuantia, etiam à principio admittat. Cleopantus, referente Celso in hac febre multa calida ante accessionem caput ægri perfundebat; deinde vinum dabat; quam curandi rationem iure merito, nec admisit Asclepiades, nec Hypp. præcipiens, quod si febris non sit ex bile orta, multa calida caput perfundatur. Gal. intelligit ephemeræ febres. Oribasius etiam in hecticis, at etiam in tertianis, sed in declinatione, ea perfusio utilis iudicanda est; nullus. n. ferè est morbus, in quo capitis præcipue respectum non habeat Hypp. & præcipue cum ex eo morbus originem ducit. Nam & in ictericis, & dysentericis caput purgandum monet habet etiam capitis lotio, eam comoditatem; quia perfusiones eius totum corpus peruadunt. Ceterum nostris temporibus balnei usus in ægris aboleuit; poterimus tamen tina vti. Inter coquentia quoque ponuntur lenes chysteres somnusunctiones ventris, & stomaci, sed hæ non nisi euacuato corpore.

De his, quę bilem euacuant.

SANGVINIS missio, licet in omni febre putrida comedetur, in casu tamen nostro, & corporibus gracilibus non conuenit, cum nec aliqua morbi acuties, nec valida, vel obstructio, vel putredo vrgeat; sed bilis ardor, qui sanguine lenitur; vacuanda ergo est bilis leniter, in principio
accessionis

accessionis per vomitum, aut per tepidam aquam mulsam, vel per ptissanam; in vigore vero eadem ptissanæ calidæ potione; diebus vero intermediis leni clysteri alius moueatur, qui recipiat aque hordei lib. i. olei violacei vnc. iij. sacchari rubei ʒ i. salis ʒ ij. apparente vero coctione in vrina, bilis hoc medicamento leniter vacuanda; nec. n. fert hæc febris valida medicamenta, R̄ Reubarbari electi ʒ ij. spicæ, cinamomi an. ʒ ij. insundantur secundum artem, & facta expressione adde, syrussi rosati solutiui ʒ iij. decocti florum, & fructuum quantum sufficit, fiat potio summenda in aurora. Ceterum Gal. mirifice laudat in hac febre, vbi coctio apparet, absynthi coman ex mellicrato sumptam quæ tamen in casu nostro cum Alexandro Tralliano reprobatur; nec. n. ob calorem his naturis, vel febribus conuenire videtur, sed magis spuris tertianis, & habitibus pituitosis.

De symptomatis leniendis.

SITIS valde affligere solet febricitantes, & de potu' magis cum illis, quam de cibo pugna est; sed in accessione abstinere oportet, & precipue in principio; in vigore tamen vel in declinatione data potione hordeæ aque cum iulapio violaceo, & limonis succo sedatur; interim fallenda sitis his, quæ linguam madefaciunt, & lotionibus. Ardor vero, & æstus aere refrigerato frondibus, irrigationibus subterraneo decubita temperatur. Itemque si præcordia refrigerante Galeni vnguento illineantur, & frons, ac tempora oxirodino; quo ingenio capitis dolor lenitur & somnus conciliatur; nullis autem vestibus strangulandus est æger, ne suffocetur. 6. Epid.
Quare Hypp. calidis hisce naturis frigidum cubile, quietem, & aquæ potum præcipiebatur.

CAP. II.

Causonis, seu febris ardentis exquisitæ casus. desumitur
ex Hypp. lib. 4. acutorum.

VIR ætatis annorum 35. gracilis habitu, & hirsutus, magnis venis, 2. Casus.
in diebus caniculæ, sub sole equis depositis iter fecit, sitimq; passus est intensam, hora prima noctis in febrem incidit sine rigore, cum acerrimo, & æstuante calore in præcordiis, inquietudine, respiratione difficili; tota nocte vigilauit, & per interualla delirauit, sitis ingens lingua sicca scabra palida; oris amaritudo, secunda die eadem, biliosa liquida per interualla deiciebat, pulsus magnus celer & frequens, vrina ruffa, tenuis, queritur natura morbi, & curatio.

Dignotio.

Dignotio.

4. Acutorum

QUAE sit natura febris propositae satis aperteprehenditur; est. *n.* *Ardens exquisita continua, & peracuta; causa bilis est flaua, non modo in magnis venis circa lecur, & ventriculum aceruata, sed in paruis etiam, quae (vt ait Hypp.) ex itinere. & siti acres & serosas ad se attraxerunt humiditates; quare totus sanguis biliosus factus ex adustione magis quam ex putredine febrem peperit, & quasi crisipelam vniuersalem fecit.*

De primo scopo. An Medicus quicquam agere debeat.

CUM febris magna sit, continua, valde acuta, & magnos affert labores in magno periculo versatur eger; terminabitur vero intra septimum diem, nec decimam quartam transcendet; an vero ad bonum vel ad malum ex accedentibus signis diiudicabitur magis, verisimile autem est si ad bonum res tendat eam alui fluxu terminari cum iam natura eo humores transmittat.

De secundo scopo, quid Medicus facere debeat, de quo commodo remediorum vsu.

VIRES, quae secundum naturam sunt sui conseruationem postulant; Morbus, & causa quia calida & sicca attemperantia, bilis praeterea coctionem, & expurgationem; inter symptomata sitis, linguae scabrities, vigiliae correctionem indicant.

De conseruantibus, & attemperantibus, coquentibusque.

Primo Acut.

QUIA omnium indicationum vrgentissima est in hac febre, attemperatio ab ea ergo incipiendum; primum attemperans, quo etiam vires conseruantur, erit mulsae aquosae potus, quo cum vsque ad indicationem, quod acutissimus Morbus sit, Hyppoc. hanc febrem tractat; eius vero quantum voluerit bibendum dare oportet, sed quia mel biliosis naturis, praecipue cum os amarum est, vt in nostro egro aduersatur, dabimus in potu aquam hordei cum saccharo. poterit autem in aqua coqui hordeum ad crepaturam, qua ratione magis nutriet; potus itaque magis quam pristinus in morbis valde siccis conuenire scripsit Hyppoc. sed quia nostris hisce temporibus hic tenuissimus victus horrendus est, & febris fortasse prorogabitur, ideo lacteam coctam cum aceto exhibere poterimus semel in die,

vel

vel ptissana succum. Secundum attemperans ex aere petitur, quem omni ratione refrigerare oportet, siquidem per inspirationem continuo attrahitur immediate ad Cor. Tertium attemperans est magnus frigida aquæ potus una vice sumptus; quod tamen ante coctionem Gal. non admittit; in hac tamen febre quocumque tempore exhiberi potest, cum habeat naturam erispelatis; Tutius. n. iudicat Gal. morbum prorogare intempestiua frigida exhibitione, quam sinere, ut in hecticam trāseat, vel curatur humo, tutior tamē est aquæ potus per intervalla, & paulatim nā magnus ille haustus periculosus est, & non nisi cum magna cautella dandus; in senibus semper perniciosus, & vidimus ab eo extinctos; balnea quoq; inter ea, quæ ad mouentur refrigerandi vim habent non exigua. Ceterum præcordia, ne in hecticam incidat ex oleo rosaceo addito succum portulacæ, vel polenta hordeacea ex oxirato madefacienda; inter refrigerantia in ardentissimis febribus Gal. sanguinis missionem vsque ad animi deliquium commendauit; quod tamen præceptum solum in synochis, & in illis etiam raro admitti debet, in casu autem nostro sufficit moderata sanguinis missio ad 3. 7. quod magnus sit morbus, & in corpore bilioso valde, in quibus ob illam validam sanguinis missionem succedere frenissimū vidimus. Ceterum Hypp. hanc febrem curans nullam de venæ sectione mentionem fecit; si tamen alui fluxus perseuerarit mittendus; non est, siquidem iusta Gal. doctrinam in febre cum alui fluxu nulla alia opus est euacuatione.

4. Acutorum

De vacuantibus.

HIC scopus in casu nostro pauca admodum vrget; quare omne fugiendum pharmacum expurgans iusta Hypp. sententiā, qui febribus in fortibus, & magnis non esse purgandum præcipit ante decimā quartam diem; sed potius vtendum chlysteribus tertio quoq; die, qui & actu, & potētia frigidi sint, qualis hic est. R. aquæ hordeacæ, vel decocti acetosæ, violarum cichorei lib. 1. olei violacei 3 iij. sacchari rubei 3 1. salis parum, fiat enema, quod frigidum iniiciatur; sed si aliquod per os leue exhibere volumus, illud cum Hypp. aut lac asininum, vel potius lactis serum, cuius libras tres exhibere poterimus die secunda mane; est. n. attemperans, & expurgans, & quia os amarum est, & iusta Hypp. in tali casu vomere conducit, dabimus tepidam cum oximelite vel oxisaccharo; eunte vero malo iam in declinationem eo medicamento vti poteris, quod ex Raubarbaro cap. de tertiana descripsimus facta expressione in sero lactis.

Lib. de medicamentis purgantibus.

De corrigendis symptomatis.

Celsus lib. 3.

6. Epidem.

RECTE sanè reprehendit Celsus Asclepiadem, qui nullam symptomatum rationem habens in febribus, ægri vires conuellebat. Nam ubi accidentia mali vires deiciunt, & morbum augment, illis potissimum insistendum est, quia ex imbecillitate summum imminet periculum, cuiusmodi sunt sitis, & vigilia; itaque quanto difficilior ægri sitim, quam famem tollerant, illis magis potu indulgendum est; commodeque Erasistratus dixit sepe inferiori parte humorem non requirente, os & fauces requirere, sed in casu nostro requirit etiam inferior pars humorem; ideo sitis & assiduo potu, ut diximus lenienda, & inspiratione aeris frigidi, & silentio; dicebat enim Hypp. ad sitim conuenit tacere, frigidum respirare, & os claudere; sed oris clausio in casu nostro non conuenit; & quia lingua sua siccitate, & scabritie sitim accendit; ideo humectanda, & abstergenda id vero fiet collectionibus, & gargarismis ex oxirato tepido & cocleari, seu canna mundanda; teneat in ore tamarindum aqua maceratum, cerasia accida, vel aquatici melonis pulsam, vigilia, delirium his sedantur, quæ fronti applicantur, ac temporibus; quare populeo unguento ungantur non modo prædictæ partes, sed carotides arteriæ ad guttur, & pulsus repellit quoque & attemperat oxirodinum fronti per interualla duobus linteis aplicitum, atque syncipiti abrafo. Somnus conciliatur silentio, tenebris, & vno vel altero cocleari syrupperi de papauere. Inquietudo & æstus adimitur applicitis cordi, & hypocondriis ephemeratibus ex aqua rosacea, melisse addito aceto; mox ungendo eas, partes unguento sandalino, vel rosino, intus vero summando conseruam de accido citri succo, vel Iulapium cum eo factum.

CAP. III.

Quotidianæ febris exquisitæ. Casus.

3. Casus.

EVNVCVS .xx. agens annum, habitu crassus, colore albus, crapulis, & otio deditus, iuxta nonam diei horam ad finem hyemis, capite grauari cepit cum somnolentia, nausea, inappetentia, stomaci dolore, & ructu accido; extrema refrigerata sunt, pulsus submissus parcus inequalis; usque ad horam noctis sextam, non aeris & æstuosus, sed levis primo occurso mox crescens calor procedebat. Octaua noctis hora declinare cepit paulatimque usque ad horam diei tertiam, qua intermisit, sed intermissio impura, seruans febrilem in pulsu inequalitatem vrina alba, tennis, alui deiectio cruda, & aquosa queritur natura morbi, & curatio.

Digno-

Dignotio.

SATIS aperte colligitur ex allatis signis, quod predicta febris quotidiana est simplex exquisita, & intermittens; febres. n. vel in prima accessione non expectata secunda sui manifestam notam prebent, & Peritus Medicus, vt dicebat Gal. non per dies, sed per naturam, & formam debet statim prima die febrem cognoscere. Ceterum causa humor crudus, pituita inquam accida circa ventriculum, intestina, & misercon collecta, quæ sua multitudine, & lentore obstructionem faciens febrem accendit; quod vero scripsit auctor libri de natura humana, omnem febrem fieri a bile, non ita accipiendum est, quasi quod omnis humor febrificus potentia talis sit; sed quod naturam bilis acquirit, cum febrem facit & accendit, & quasi fiat pituita bilescens.

De primo scopo, An Medicus quippiam facere debeat.

PRÆDICTA febris, licet intermittens sit, periculo tamen non vacat, quod quotidie accessionem sit facturam, eamq; longam, & intermissio parua, sitque nocturna, & hyemalis, & cum longa futura sit periculum est, ne longitudine in cachexiam, vel hydropem transeat. præsertim si male tractetur; vix. n. fieri potest, vt in morbo longo euitentur errores, & cruditates; quare medici manus desiderat.

De secundo scopo, quid Medicus facere debeat, deq; commodo Remediorum vsu.

VIRES, vt quæ secundum naturam sunt sui conseruationem indicant; febris frigida, & humida, pituita, attenuantia, coquentia & expurgantia; inter symptomata ventriculi imbecillitas, extremorum frigiditas correctionem postulant; de quibus sigillatim dicendum initium sumentes ab indicatione, quæ vrgentissima est, causa. s. ipsius febris.

De coquentibus, attenuantibus, ac vacuantibus.

SANGVINIS missio, quanuis in omni febre putrida præcipiatur, 11. Meth. in hac tamen ob cruditates magis vrgentes nequaquam facienda est; quia calor, qui coctionis est causa in sanguine est, & pituita per coctionem sanguis fit; & quia hic adest obstructio, quæ & ex copia, lentore, & crassitie humoris prouenit, in primis transitus aperire oportet leniter, vt decostruentibus detur locus, igitur secunda die vbi febris declinauit chlyster

D 2 iniciatur

4. Acutorum.

11. Metho.

4. Acutorum

Primo ad
Glauc.

iniciatur commune, cui loco sacchari mel adlicere licet. In principio vero accessionis vomitus lenissime inducendus ex mulsâ tepida; nec alia maior vacuatio tentanda per totum illud tempus, quo vrina cruda apparuerit iuxta Hypp. præceptum; chlysteres tamen in dies fiant acriores, addita hiere vncia, aut diacatolicone ad vnciam apertis transitibus, ad ea, quæ detergunt, & attenuant veniendum, quæ tamen febres non accedunt, inter quæ oximel à Gal. præcipue laudatur, cuius 3 ij singulo quoque mane sumere debet cum 3 iiij decocti appij, capillorum veneris, & radicum petroselinii; nec timendum est, quod in hoc casu bile scat apparatus humore & vrina meliori existenti pharmaco mediocri purgabis, quod tamen secundam regionem non transcendat, quale hoc est. R. agarici trociscati 3 iiij, Zenziberis 3. 5. aque mulsæ 3 iiij assummat calidum in aurora; & quia humor crassus ac lentus est, repetatur apotema sumendo oximelitis compositi 3 ij, decocti vero quinque radicum 3 iiij. & purgetur ex diascione sumendo illius 3 iiij vel per hycram diacolocyntidos Galeni ad 3 iiij cum mulsâ, vel vino. Interim vero procuranda coctio, somno, quiete, inedia, perfusione, hypocondrij, & commodo alimento, molli stratu iuxta Hypp. doctrinam. Nec. n. in longis febribus alia maior cura habenda est, quam ut coctio procuretur; quia ex longitudine cruditates aggregantur, unde succedunt quotidiane febres, quæ sæpiissime quartanæ ipsæ detinere solent. vomitus quoque ex cibo, ubi febris minus prorogatur Gal. teste maximam soluendi eam habet prærogatiuam.

De ventriculi imbecillitate corrigenda.

8. per loca.

8. per loca.

VENTRICULI robur, cum in omni alia febre, tum in hac præcipue procurandum, quod sedes sit ipsius mali; in hunc usum Gal. vngit oleo, in quo absinthium incoctum sit quo calido semel in die ieiuno stomacho pars ea perfundatur, quæ ad mucronatam cartilaginem est; in quem usum nullum præstantius hoc inuenies vnguento, quod habet, olei amygdalarum dulcium, vini generosi an. 3 iiij, comarum absinthij, quantum in humore inhibi potest, cinamomi 3 5. masticeis 3 1. bulliant vsque ad vini consumptionem, exprimatur oleum, & cum pauca cera fiat vnguentum, quo stomachus vngatur, non modo in casu nostro, sed in omnibus affectibus frigidis; debent enim omnes perfusiones, quæ ad ventriculum & Iecur applicantur aliquod astringentium habere, ne visceris robur dissolvatur. Nam qui relaxantibus vtuntur præsertim à principio augent affectiones, & perdunt egros. Gal. intus maxime conuenit oximel, in quo absinthij coma maduerit ad purgandum, & roborandum. primo ad Glauconem.

De

De compescendo frigore.

QUONIAM frigus, seu horror in hac febre longus esse solet, & agros affligere; estq; hoc symptoma molestissimum, ideo illi occurrendum, & instante accessione maturius vestibus tegendus est, & thalamo bene clauso accessione presente partes extreme precipue pedes calidis, & siccis fomitibus ex laceribus calidis, & pannis calefaciendis; ante accessionem fricentur extrema calidis oleis, qualis est nardinum, & anethinum; quo etiam spina fricanda.

De conseruatione Virium.

SI quæ febris est, quæ cibi abstinentiam requirat, precipue in primis diebus hæc una est. Nam ubi febris est (ait Gal.) cum obstructione crassorum humorum, ut in casu nostro maximo malo est cibus, quare alternis diebus solum alit & Celsus id ipsum affirmat, ut alter dies cibo vires subleat, alter vero inedia morbum pellat; tenuissime autem à principio alibet non in ratione morbi, sic. n. in statu minus alere oportet, sed ob multas cruditates, quas conquoquere oportet adde, has naturas facile cibi abstinentiam ferre; quare usque ad quartam diem sufficiet in cibo ius palumbi, aut pulli pane intrito, semel in die sumptum; idque matutino tempore, per aliquot horas ante accessionem; potus vero vinum pauciferum, & oligoferum aqua lymphatum; nam nutritionem alterius diebus fortasse ferre non poterit noster æger, quod assuetus sit multæ crapulæ. In progressu morbi bis in die nutriri poterit, & addere alas palumborum, & pullorum; ptissana quoque cum melle, & pipere anetho aptum illi erit nutrimentum.

10. Meth.

Lib. tertio.

CAP. IIII.

Hepialæ febris Casus ex lib. 2. de differentis febr. cap. 2.

MERETRIX annorum 35. cui paulo ante menses defecerant assiduo fructuum, & melopoponum æsui dedita, initio Octobris, hora diei octaua, ingentem algorem per sensit, cum pulsus paruitate, & inqualitate insigni. Calor paulatim accendebatur, qui hora noctis octaua ad summum peruenit; sæper tamen aderat frigus calori iunctus per vniuersum corpus, aliquo tempore declinare cepit tum frigus tum calor, quoad sequentis diei horam quartam decessere; vrina crassa & alba, alia excrementa mucilaginosæ; per totam accessionem anxietas, & stomachi dolor, queritur natura morbi & eius cura.

4. Casus.

Dignotio.

Dignotio.

Lib. de super
fettatione
Hypp.

PRÆDICTA febris, ut signa manifeste ostendunt, è genere est
quotidianarum hepyalos græcè dicta, quod calorem lenem habeat ob
adiunctam frigiditatem, quæ peculiaris solet esse mulieribus, quibus men-
ses cessarunt, causa est pituita vitrea, seu mucillaginosa leuiter putrescens,
ita ut per partem, quæ putret febrem, per eam vero, quæ cruda est algo-
rem inducatur, colligitur vero humor vel circa ventriculum, & intestina,
ut membranosa, & frigida ex cruditatibus accruata.

De primo scopo. An Medicus quicquam agere debeat.

EO hæc febris quotidiana exquisita indicatur longior, & periculosior,
quo ex humore crassiori ortum ducit; quare etiam longior erit ideoque
manus medicas desiderat.

De secundo scopo. Quid agendum deq; commodo
remediorum usu.

VIRES conseruanda, materia coquenda, attenuanda, & vacuanda,
Stomaci imbecillitas, & frigus lenienda; indicatio autem, quæ à fe-
bre sumitur vix quicquam agendum monet; quæ omnia per illam et facien-
da, quæ diximus in quotidiana, sed tanto validiora, quanto humor est per-
tinacior, lenes chlysteres, & vomitus, deinde acriores, mox attenuandus
humor oximellite composito, & decoctione quinque radicum, purgatio ex
hiera diacolocyntidos; stomaci imbecillitas olei vnctione calidi in quo ab-
synthium, & menta bullierint, ad frigus fricanda extrema & spina cum oleo
costino, victus sit parcus valde, ex iure columbi, aut pulli pane intinto ad-
dito pipere. Potus vinum Oligoferum semel in die cibum summat quam
longissime ab accessione.

CAP. V.

§. Casus.

Tertianæ notæ simplicis casus ex libro primo ad
Glauc. cap. 8.

ADOLESCENS xviii. annum agens albus aspectu, pinguis, crapu-
lis, & ebrietatibus deditus, in autumno circa auroram in febrem in-
cidit cum horrore; Calor, & pulsus non ita aucti, ut in tertiana, neque
imminuti, ut in quotidiana; extensa febris est vsque ad vesperam 2. diei,
apparuit

apparuit paucus sudor circa horam tertiam eiusdem, à quo febris paulatim declinauit ita vt ad vesperam, vt dictum est immuni videatur, quantus putredinis signum in pulsu euidentis esset. Rursus die tertia circa horam tertiam accessio eum inuasit similem naturam seruans erat autem pulsus illi durus, quæ durities in dies augebatur, vt septima durissimus conspiceretur queritur morbi natura, & cura.

Quæ proponitur febris tertiana est nō exquisita, sed nota extensa, simplex, & intermittens è genere putridarum, causa bilis crassa aliquibus censetur, aliis bilis pituitæ admixta, seu illa vitellina sit, vt censuit Aui-cennas, seu potius pallida cum pituita vnum corpus efficiens, & ad vnum locum acervata putrescens in venis, & circa venas, quæ meseraicæ dicuntur, è quo loco vbi copia & qualitate naturam irritat ad ventriculum mittitur, & sensiles corporis partes vaporibus permeans horrores efficit, & pulsus durities ob frigiditatem earum caloris participem; augetur autem durities in dies, quia calor magis potest eleuare vapores quam à principio; nulla autem febris hac frequentior visitur in Iuuenibus præcipue autumnii tempore nam bilis per æstatem colligitur multa ob temporis conditionem, sed ex fructuum esu, & aquæ potu multa acervatur pituita, quæ bili iuncta notas tertianas facit, appellat autem hunc humorē Hypp. pituitam subbiliosam, autem bilem pituitosam, prout altera alteram superat.

2. de morbis

De primo Scopo. An Medicus aliquid facere debeat.

CUM hæc febris sua natura longa sit & longiorem in casu nostro illam demonstrent, anni tempus, circuitus eadem hora repetentes ac longi, & corpus multis cruditatibus assuetum, sitque diurna (ita n. appellat Hypp.) febres, quæ matutino tempore adueniunt, ideo periculosa valde censi debet; timor. n. est ne per hyemem in acutum morbum, (quod Hypp. de hyemalibus febribus dixit) transeat, aut in hydropem, maxime vrgenti siti, quæ in hac febre valida esse solet; vnde æger vix a potu abstinere potest, neque mirum si cum vitæ periculo vt ait Gal. febris hæc ad 40. dies ultra æquinoctium verum producta est cum lienis grandi tumore, & hypocondriorum inflatione, aut totius corporis decoloratione, & quod in omni longa febre accidere consuevit.

De secundo scopo, quid Medicus facere debeat, deq; commodo remediorum usu.

INTER ea, quæ secundum naturam sunt, vires sui conseruationem desiderant, inter non naturalia morbus ipse nimirum febris frigida, & humida; causa coquentia & expurgantia, inter symptomata rigor, & ventriculi

triculi imbecillitas corrigenda, & sitis si nimium affligit. Cum vero maxime urgeat, quæ à causa sumitur indicatio, ab hac initium faciendum est.

De coquentibus, & vacuantibus.

Lib. 12.

rad Glau-
cap.

rad Glau-
cap.

rad Glau-
cap.

SANGVINIS missio ob ingentes cruditates à principio non conuenit, nisi in progressu, cum iam partim coctæ fuerint, sed, ut via præparantibus pateat; clyster iniciatur secunda die, qua febris vacat, sit autem communis clyster, cui hieræ ʒ. ʒ. 5. addi potest; itemque in principio accessionis vomitus, leniter ex mulsa aqua, penna in fauces immissa procuretur. hinc ad potiones veniendum quæ deobstruant, & humorem attenuant sine manifesto calore. Gal. oximel probat, quod in casu nostro, & natura, quæ pituitosa est, recte dari poterit cum decocto radicum appij. Quæ tamen in hac re Trallianus Galenum reprehendit, quod in differenter omnibus oximel probat; nam naturis biliosis nequaquam conuenire ait, quod potius febrem & obstructionem augeat tum mulsa, tum oximel; à qua calumnia se vindicat Gal. asserens dandam esse in febribus ptissam, & oximel. ptissam, quibus non acefcit, oximel autem quibus non bilefcit; quod si bilefcit syrappum acetosum dabimus ex decocto capillorum veneris, eupatorij, cicchorij ofcalidis passularum, & melissæ apparente coctione bilis & pituita hoc pharmaco ducenda. & agarici trociscati, raubarbari an. ʒ. ij, spicæ zenziberis an. ʒ. 5. infundantur secundum artem facta expressione adde syrappi rosati solutini ʒ. ij, cum decocto magistrali fiat potio; quæ calida summatur in aurora diei quietis; & quia tenax humor est reitetur purgatio; sed & vomitus & in accessione & à cibo in progressu conuenientissimus est, qui ex ʒ. ij aquæ mulse in qua raphani semen sit incoctum parari poterit; oximel etiam Gal. quo absynthij coma maduerit roborat & ventriculum expurgat; magis apparente coctione, & sudores, & vrina mouenda ex hydromelite, quo appij & petrosellini radices sint incoctæ. Interim procuranda coctio quiete, somno, vnctione, clysteri, commodo alimento, & stratu molli, quæ in omni longo morbo maxime seruanda sunt, sic ut corpus, (ut Magnus ait Hypp.) in æqualitate consueta frigoris, & caloris regatur.

De ventriculo roborando, & horroris remedio.

VENTRICVLVS prescripto vnguento in media hora ante pastum roborabitur, quod habet olei melini, nardini, vini rubei generosi an. ʒ. ij, comarum absynthij ʒ. 5. aloes mastiches an. ʒ. i coquantur ad ignem ad consumptionem vini, expressio fiat & cum pauca cera formetur ceratum; quo calido fiat inunctio, & si angor, & dolor in accessione fiat vomitus

tus ex mulsa procuretur, fere.n. (ait Celsus) rigor fit ex his, quæ biliosa circa stomachum colliguntur; deinde ex prædicto vnguento fiat iniunctio non ratione temporis, sed vrgentie; absynthium quoque oleo frictum auxiliabitur sedabitur quoque horror si bene cooperiatur, & extremi pedes fomentis siccis calefiant.

De conseruatione Virium.

VICTVS parcus sit, quo cum tamen ad morbi vigorem æger proueniat. & in primis diebus sufficiat nutrire in die quietis ex iure pulli cum mica panis in mane; sero vero ex cocto cichoreo, & eodem iure; in die autem accessionis in declinatione ptissanam gustare poterit; procedente tempore oua tremula, & pullorum alæ ac pedes. Potus in die quietis vinum sit album imbecillum, quale burianum apud nos, aut vergineum aquosum, & si vinum aborreat aquam in qua cinamomi & hordei incocta sint addendo Iulapium vel oxisaccharum.

C A P. V.

Tertianæ notæ duplicis Casus ex Hyppocrate
secundo de morbis.

5. Casus.

IVVENIS statuarius, habitu corporis gracili, colore nigro, amplius venis, post multum fructuum æsum, & frequentem aquæ potum ad initium Septembris circa vespertinam horre valido corripitur; quo per duas horas durante calor successit acris cum capitis gravitate, ac stomachi dolore, inappetentia, oris amaritudine, ac valida siti febris ad horam noctis sextam aucta est, cum lumborum & genuum gravitate, & in vigore persistit per duas horas; deinde paulatim decrescens ad secundam diei horam intermisit. Rursus secunda die ad vespertinam febris rediit cum eisdem accidentibus, sed vomuit varia biliosa, & pituitosa, vrina crassa pallida; queritur morbi natura & curatio.

Dignotio.

SATIS apparet ex signis præallegatis huiusmodi febrem esse tertianam notam, intermittentem, duplicem; non enim quia quotidie inuadit, ideo quotidiana censenda est; quia duplex tertiana, & triplex quartana quotidie inuadunt. Sed per formam accessionis indicanda semper est febris, causa bilis est pituita ad noctem, quæ venas occupans præcipue, quæ sunt circa Iecur, & ventriculum obstructionem, & putredinem parit, unde fe-

E bris

bris oritur; ideoq; Hypp. febrem oriri dixit, quoties ventrem moderatans deiectionem non fecerit; & Cibi noui super accedunt pressis venis plenitudine. Ceterum cardialgia inappetentia, & sitis eundem humorem causam habent detrusum ad ventriculum; est autem cardialgia peculiaris autumnalibus febribus; grauitas lumborum & genuum plenitudinem indicant.

De primo scopo. An Medicus quicquam agere debeat.

CVM prædicta febris quotidie inuadat, & fere altera alteram concipiat cum grauib; symptomatibus in autumno, & ex duplici humore genita, longa & periculosa censi debet, non tamen adeo quin si recte tractetur salus sperari non debeat; idque intra 40. dies; ideo medicas manus desiderat.

De secundo scopo, quid Medicus facere debeat, & de commodo remediorum vsu.

VIRES, vt quæ secundum naturam sunt, conseruande; inter ea quæ præter naturam sunt morbus, qui febris est frigida humida, exposcit; causa, quæ bilis & pituita coquenda, & expurganda, plenitudo vacuanda, symptomatica lenienda, qualis est cardialgia, sitis, capitis grauitas & dolor.

De vacuantibus, & coquentibus.

CVM grauitas lumborum, & genuum plenitudinem indicet ideo ab hac deponendi initium sumendum; quare secunda die intermissione facta matutino tempore sanguis mittatur ex basilica brachij destruat 3 x. prius per balanum euacuata alio, nisi sua sponte deiecerit, & si contulerit repetenda die quarta semper. n. in diebus paribus magna remedia facienda, vbi in imparibus morbus exacerbatur, quod frequenter fieri solet; chlysteres vero lenes per interualla ex decocto communi in declinatione fiant, & conuulsus in accessione ex tepida mulsa cum paulo aceto prouocandus, quo enim natura vergitur eo ducere oportet; at in accessione ait

4. Acutorum. Hypp. omnia sursum vergūt, ideo per superiora vacuandum præcipue cum adest oris amritudo; at in declinatione omnia deorsum spectant; apertis hac ratione transitibus procuranda humoris coctio preparante syrappo, & decocto numquā enim in febribus longis, & a causa frigida aquis vtendum in syrappis sed decoctis, qualis hic est. R. Syrup. acetosi simplicis 3. i. capillorum veneris 3. 5. decocti eupatorij, acetose adianti graminis 3. iij. fiat

fiat syrup. sumendus in aurora. oximel autem ne bile scat timendus iure merito ob habitum corporis pricocholum; rursus ex oleo melino addito croco & aloe, ac mastice vnctiones fiant, ad stomachum; & somno, quiete, stratu molli, frictionibus, & commodo nutrimento coctio adiuvanda, quæ ubi in urina & pulsu de se significationem præbet ex diasiniconis ʒ. ʒ. cum mulsâ purgetur, aut ex agarico, & rubarbaro, deinde vomitus à cibo, si morbus producit, inducendus ex decocto raphani addito oximelite, quo tempore vires roborare oportet, ut ait Gal. putredinem superent, & humores concoquant, adhibendæque potiones, quæ urinas, & sudores moveant, quale erit decoctum ex radicibus appij, petrosellini, feniculi, adhibita octava parte sacchari ad urinas, in aurora, ad sudores cum declinatio accessions vigorem excipit, quare Celsus recte monebat, videndum esse si sub declinatione febris tempora madesiant, tunc veste contegendus, & aquam calidam, seu ptissanam siue prædictum decoctum in potu dandum; cuius salubris effectus est, ut sudorem per omnia membra perfundat, & febrem finiat.

11. Meth.

Lib. tertio.

De attemperantibus.

INDICATIO, quæ à febre petitur, requirente frigida humida, mediocriter urget, ea vero potissimum in declinatione mali facienda, ubi pituita bili mixta est, ut in casu nostro. Hypp. in hac febre sero lactis utebatur; eius ideo lib. 1. calidam per intervalla dandam sitq; asininum, vel caprinum, cui addere licebit iulapij violacei ʒ. 1. frigidus quoque potus addito eodem iulapio per declinationem febrium concedi debet, quo etiam sitis extinguitur, & si accidum amat limonis succum addere licebit; extra vero ad stomachi, & Iecuris regionem refrigerans Gal. ceratum.

De symptomatis corrigendis.

CARDIALGIA illa, & sitis, quæ affligit accessione veniente, vomitu ex tepida aqua aboletur; inde vero extra, stomacho absinthium, quod oleo inferbuerit linteo inuolutum applicandum, & si animo deficiat ossa panis danda ex meraco vino & rosacea mixtis; oximel, quo absinthij coma maduerit per intervalla detur ad roborandum, & expurgandum, & appetitum conciliandum; apponendi varij cibi, quibus (ut ait Celsus) degustato suavius etiam si aliquantulum sit peior iuxta Hypp. præceptum; capitis dolor & gravitas frictionibus, & ligaturis, nec non oxirodino fronti, ac syncipiti imposito reprimendus; sitis ea ratione, quæ capite de tertiana diximus.

2. Aphor.

De conseruatione Virium.

lib. tertio.

11. Meth.

CIBVS commodissimus erit ius pulli, aut columbi, cum pane, in quo cocta fuerint passula, acetosa, buglossa, hordeum, & cichoreum; qui cibis omnibus febribus commodissimus est; exhibeatur quotidie bis quam longissime ab accessione ptissana quoque sola uti poterit; in die impari optimum. n. medicamentum (ait Celsus) est oportune cibis datus; quo in exhibendo dii boni quam turpiter communiter erratur, & preceptum Hyp. omitatur implentibus medicis egros usque ad nauseam. Potus sit aqua in qua hordeum, & adiantum sint incocta; apparente coctione vinum oligoferum, in quo exhibendo mirum est quam aberrant Medici cauentes vinum in febribus quasi venenum, cum tamen Hypp. eum in acutis morbis laudet, dum modo tempestiue exhibeatur. sedato inflammationis timore, & febris vigore sublato, & precipue, ubi adest ventriculi imbecillitas dari debet; nouimus etiam febres pestiferas non nisi vini potione sanatas; cauent aliqui vinum etiam in declinatione febris, antequam medicamentum detur religiose immemores eius quod scripsit Gal. vires eo tempore roborandas esse, quo putredinem superent, & humores conquocant, quod nil prestantius vino agere potest.

CAP. VI.

6. Casus.

Semitertianę Casus ex Gal. lib. 2. de differentis cap. 8.

ADOLOSCENS autumno circa primam diei horam febre corripitur cum rigore carnes pungente, secunda hora ab accessione vomuit biliosa flaua, circa horam quintam parum sudauit, hora diei sexta pulsus contractus est, & extremorum frigiditas superuenit horrida hinc inequalis calor successit, qui paulatim succendebatur usque ad horam diei xi. crescebat autem manifeste ad horam noctis quartam, cum somnolentia, anxietate, & stomaci dolore; Ceterum hora noctis quinta & sexta in suo fuit vigore febris, à qua paulatim decrescebat usque ad quartam sequentis diei horam, quo tempore contractus est pulsus, cum extremorum algore inde paulatim accensa ad horam noctis quartam, decrescebat paulatim usque ad secundam diei tertij horam; qua rursus febris hominem inuasit cum horrore, pulsus & caloris inequalitate, mediam quandam seruans formam biliose, & pituitose febris; rursus hora quinta horruit hora octaua inclinatio ad somnum aderat, anxietas, fastidium. fiebantque nouę inuasiones dum febris augebatur, velut reduplicaciones, & quasi accessionis initia per totum febris augmentum.

Dignotio.

Dignotio.

PRÆDICTA febris hemitritica dicitur, siue semitertiana, eaq; exquisita composita ex quotidiana continua, & tertiana intermittente ac propterea tertio quoque die accessiones duas efficiens, vnam vero diebus intermediis; vnde appellabat Hypp. has febres tertio quoque die ingrauescentes, & Celsus dicebat habere frequentes accessiones discessionesque, ut cum idem morbus sit, non idem esse videatur. est autem febris hæc autumnofrequens, & prauis constitutionibus; quamuis ob Medicorum ignorantiam nostri temporis, vix dignoscatur. Cum vero prima die hora prima ceperit tertiana, hora vero sexta quotidiana, secunda die sola quotidiana hora quarta duabus anticipauit, tertia vero die due accessiones cepere eadem hora, antecipante quotidiana duabus horis, postponente vero tertiana totidem. Quare hora secunda tertij diei febris cum horrore inuasit, duabus accessionibus in vnum concurrentibus. Ceterum horrores, quos hora quinta, & sexta sentiebat non fuere nouæ accessiones, sed repetitiones horridæ, quæ huius febris propriæ esse solent ob pugnam duorum humorum; ideo scribit Hypp. in semitertianis rigores factos esse sine ordine & erraticos, eosque paucissimos, quia sunt potius horrores, & cum apud eundem Hyppoc. semitertiana febris sit continua, & horrida, non poterit talis dici nisi cõponatur ex quotidiana cõtina, & tertiana intermittente, vel e contra. Quod si quando Gal. lib. de typis fatetur posse duas intermittentes facere semitertianam, non de vera, & exquisita sed nota intelligendum est; causa vero prædictæ febris humor est duplex pituita. s. & bilis, quorum illa in ventriculi venis magnis continetur, hæc vero nempe bilis a Iecore, & vesica transfunditur.

1. Epid.

Lib. Epid.

De primo scopo. An Medicus aliquid in hac febre facere debeat.

HÆC febris quod continua sit, composita, & à contrariis fiat humoribus, mala habeat symptomata, merito periculosissima ab Hypp. indicatur, & maxime letalis. solent. n. tabidi ex ea laborare, quia ex virium imbecillitate cruda, ex febrili calore biliosa acervant; diciturque ea ratione longa, & acuta, quia seua affert symptomata, ideo inter acutas censeri debet, quæ intra dies 40. terminatur; sed quia in casu nostro exquisita est, neque admodum grauis & eger viribus valet sperandum est, ut tum nature tum Medici ope intra dies 20. absoluat; idque per vomitum, & sudorem, quo natura in primis accessionibus iam inclinauit.

De

De secundo scopo, quid facere Medicus debeat, deq;
commodo vlu Remediorum.

VIRES, vt quæ secundum naturam sunt, conseruationem requirunt; inter ea, quæ præter naturam sunt, morbus cum sit calidus & humidus attemperantia per contraria; bilis ac pituita coctionem, & expurgationem, inter symptomata anxietas, & ventriculi dolor, necnon horror ipse sui correctionem postulant, de quibus sigillatim nobis agendum est.

De coquentibus, & euacuantibus.

4. Acutorum

CUM sit febris putrida ex obstructione nacta, in primis transpirabile corpus fiat oportet, cumque morbus magnus sit, & vires valeant secunda die in declinatione febris circa horam noctis nonam glande aluo redita, sanguis mittatur à basilica brachij destri ad 3 x. & si videbitur quarto die repetenda, stomachus per vomitum ex mulsa tepida præcipue in accessione impari vacuandus, & clysteres lenes per declinationem; hæc. n. omnia inter coquentia numerantur licet vacuantia sint. Corpore expurgato, ad cætera, quæ alia ratione coquunt, (quia humores attenuant) veniendum. Quare apotema fiat hunc in modum R. oximelitis simplicis, syrappi adianti an. 3. 5. decocti adianti, cicoreæ, graminis, eupatorii 3 iij. fiat syrappus, qui tempore congruo exhibeatur non in accessionibus presentibus vel instantibus, melius autem est in omni febre decoctis vt præcipue si à pituita pendent febres, quam aquis, quippe quæ nullam herbarum virtutem sapiunt; neque quidquam præter refrigerationem boni habent; Quare errant Medici, qui illis vtuntur, Coctione apparente in vrina, & pulsu; ex agarico, & raubarbaro purgandus vterq; humor, vel 3. 5. diafiniconis. Ceterum sudor à summo vigore in die impari præcipue prouocandus, data calida ptissana, aut calida aqua cum syrappo capillorum veneris; vrina quoque mouenda ex coctione radicum appij petrosellini, & liquiritiæ.

De corrigendis symptomatis.

7. Epid.

8. per loca.

CARDIALGICAS appellabat Hypp. has febres; quia semper sunt cum anxietudine, & morfu ventris; igitur oximelitis 3 ij cum tepida in accessione vomitus ciendus, quo etiam horror mitigabitur, qui ab eadem causa pendet, Intus vero succum granatorum accidorum dabimus per intervalla quo Hypp. post vomitum vsus est in Vxore Theotimati & Apomanti. Gal. ex officina Asclepiadis, succum granatorum, mentæ cum melle ad partes æquales miscet & exhibet ad subuersionem, nauseam, & fastidium;

fastidium; quod si periculum sit ne syncopin incidat, instante accessione vel in ipsa ossam panis ex generoso vino dabimus & per horas tertias ante accessionem stomachus oleo de nucis moscatis ungatur, vel ex nardino, absynthione; lingue scabrities aqua calida detergenda, & sitis sedanda ea ratione, qua diximus capite de tertiana.

De conseruatione Virium.

CERTE cum acutus valde est morbus parum de viribus sumus soliti quod tempore breui sustineantur absque, nutrimento, vnde Hyp. in acutis magis declinandam esse dixit ad tenuiorem; Contra ac Nostri Medici faciunt; sed vbi longior futurus est, largior debet esse manus, & quia quantum coniectari licet morbus hic 14. transcendet, dabimus in die pari, in quo vnā accessionem habet ius pulli in quo adiantum, cicoreum, burrago, acetosa, hordeū & vne passe sint incocta, cum intrito pane, idque quam longissime ab accessione; in die vero impari, quo valde affligitur ptis sane cremore semel sumpto contenti erimus; & si aliqua febris est, in qua victus Medici diligentia requirat; hæc vna est, cum (vt ait Celsus) fallat, vt ob varias inuasiones, fiat, vt tunc crescat, cum declinare videatur; quare plurimi, (ait ille) sub Medici errore moriuntur, cum vero dare cibum in accessione necessitas cogat (precipit ille) vt satius sit consistente febre dare, quam in incremento, satius instante, quam incipiente, cum eo tamen, vt nullo tempore is, qui deficit non sit sustinendus, Gal. tamen exactius ex illis tribus temporibus, que accessionem faciunt, principio. s. augmento, & statu, quod minus affligat considerat, & in eo cibum præbere solet.

Lib. tertio.

11. Metho.

CAP. VII.

Febris Ardentis notæ, quæ hypiriæ species est Casus ex Hypp. 4. acutorum.

NAVTA ætatis annorum xxx. boni habitus, qui dum nauigaret salitis multis se impleuerat, autumnno hora diei nona in febrem incidit cum extremorum algore. producta febris est per totam noctem cum valido interarum partium ardore, siti ingenti, lingua arida, scabra, sicca, ac salsa, alius liquida deiecit & cruda; vrina vir apparebat, eaque crassa, vigilia aderat & febris sequenti die permansit sine intermissione; vix vero extrema calefcebant, queritur natura morbi, & curatio.

7. Casus.

Dignotio.

Dignotio.

FEBRIS, quæ proponitur est de genere Ardentium, sed nota è genere lippyræ. Causa pituita est salsa in magnis venis circa Iecur, & ventriculū abundans. Cuius acredine alius irritatur, & fluit, ac propterea vrina non apparet, alio translata materia, & fortasse copia pituitæ obstruens vias vrinæ ex humorum crassitie impeditur. Calor ne ad extremas partes omnino diffundatur eadem humorū crudorum copia facit, unde algor adest extremorum, & flamma in internis partibus. Ceterum Auicennas tribuit salsedinem pituitæ, ob bilis admixtionem; Gal. ad putredinem aut salsæ, & serotæ humiditatis admixtionem, sed Auicennas loco eius (aut) quæ est alternatiua posuit copulatiuam & legens fieri salsam pituitam ob putredinem & tenuis humoris admixtionem, sed etiam sine putredine, ex seroso humore, qui sua natura salsus est; fieri potest pituita salsa. at dices si ob putredinem fit pituita salsa, omnis ergo quotidiana febris erit à pituita salsa, sed non sequitur, quia tunc fit salsa, quando putrescit, si terrea fuerit; non tamen sequitur se est aquea, vt salsa fiat.

De primo Scopo. An Medicus aliquid facere debeat.

4. Aphor.

HÆC Febris, quod acuta valde sit, maligna, cum extremorum algore, & ardore internarum partium, & siti, & causam habeat pituitam salsam, letalis indicatur ab Hyppocrate, non tamen omnino desperandum est, quia in acutis, vt (ipse ait) non omnino certæ sunt mortis, aut salutis prædictiones; poterit fortasse per fluxum indicari, quod eo iam materia protrudatur licet symptomatica sit excretio; si vero alius firmatur, ad aliquem abscessum, si ad bonum tendit, finitur. Nam sicuti Ardens exquisita excretionē, ita hæc nota abscessu indicari solet; indicabitur autem intra dies 14. ad plus, quod acuta sit valde. Cum igitur morbus sit, adeo grauis facta coram Astantibus de periculo enarratione, Medicus auxiliare manus præbeat.

De secundo scopo, quid Medicus agere debeat, deq; commodo remediorum vsu.

VIRES, vt quæ secundum naturam sunt sui conseruationem postulant, Morbus nempe febris attemperantia per frigida, & humida; humor peccans coquentia, & euacuantia; inter symptomata sitis, vigilia, extremorum algor, & vrinæ interceptio corrigenda sunt.

De

De coquentibus.

CVM ad coctionem transitus apertos esse conueniat, hic vero alius ex se effluat, non videtur alia opus esse euacuatione, vt Gal. asserit; ^{1. ad Glau.} Hypp. tamen curans hanc febrem sorbitiones attractorias dandas esse monet; quasi quæ expurgent, ipse tamen Hypp. lib. de affectionibus omne re-
tat medicamentum, vbi arida lingua est, cum internarum partium ardore; sed clysteribus procedendum monet, & Celsus vbi ardens febris extorret nullo vtendum medicamento docet, ergo alui fluxus nec proritandus, nec re-
primendus, nisi de viribus sit periculum clysteres tamen attemperantes, & abluentes fieri poterunt; qualis hic est. R. decocti hordei, violarum, betæ, mercurialis lib. 5. olei violacei 3 iij. sacchari rubei 3 i. vitellorum occa-
rum num. ij. fiat enema poterit & sero lactis leniter expurgari; quia mul-
ta adest cacochymia, quod etiam attemperandi facultatem habet, quo sane medicamento Antiqui vtilissimo utebantur; sicuti etiam succo mercuria-
lis cuius 3 iij cum 3 i. sacchari exhiberi poterit; sed si alius firmetur, statim ad sanguinis missionem veniendum hortante id magnitudine morbi,
& etate, ex brachio destro à vena basilica, ad 3 x. vix. n. aliud auxilium, (vt ait Celsus) vnquam sanitatem restituit, præsertim in magnis, & acu-
tis morbis. Ceterum coctio prouocanda humoris somno, quiete, vñctione, & attemperante syrappo capillorum veneris, cum decocto cichoreæ, adian-
ti, graminis oxalidis, hordei, & eupatorii, quod si natura ad aliquem ver-
gat abscessum illa adiuvanda, eo auocando materiam, seu per excretio-
nem, seu per decubitus; quod fieri solet præcipue si alius siccetur, calidis
fotibus vñctionibus, frictionibus, & cucurbitulis.

De his, quæ ardorem attemperant, & se dant sitim, & vigiliam.

CVM febris valida sit, vrens, & exardens circa ventrem, refrigeran-
tia exposcit, sed non adeo intensa, vt in exquisito causone; aqua igi-
tur per intervalla exhibenda, in qua hordeum, adiantumque sit coctum ad-
dito oxisaccharo. Extra vero stomacho cichorii succum cum polenta hor-
deacea, & oleo rosato, quæ simul mixta tepida hypocondriis admoueat. Aër procuretur frigidus, quem inspirat; quibus omnibus etiam sitis tol-
litur; os abluendum oxicato, ad somnum detur cum it dormitum 3 i. sy-
ruppi de pappauere, & tempora, frons, guttur, carpi, populeone vn-
gantur.

F De

De alui fluxu.

Lib. tertio.

2. de morbis.

DI X I M V S non esse sedandum fluxum si vires non debilitat, quia quamvis ratione signi sit symptomatica excretio non tamen ratione cause, nam ubi adest multa cacochimia, natura quomodocumque se exonerare solet etiam à principio, & si retineremus pessima symptomatica fierent, sed si vrget, & debilitat ægrum fluxus, tunc reprimi debet; recte ideo monuit Celsus, considerandum in omni febre an corpus astrictum sit, an profluat; quorum alterum strangulat quod continet, alterum digerit, & quia non minus acredo humoris quam copia stimulans mouet, ideo attemperare oportet, in quem vsus accidus mali granati succus cum saccharo exhiberi poterit. Hyppoc. mala sidonia macerat & facta expressione de illa aqua bibendum præbet. clysteres quoque ex aqua hordei cum saccharo vel ex sero lactis conferent, stomachus mirtino, vel melino oleo perungendus.

De Algore extremorum.

4. Acutorum

MA G N O P E R E conandum est, vt extrema calefant, quia calor intus detentus febrem auget; vnde Hypp. ubi aluius in febre fluit cum frigore pedum ceratis & fasciis, vt calefiant conandum est. Nam cum calor ad pedes diffunditur iam (vt ait Celsus) incipit tempus remedio esse.

De conseruantibus Vires.

16. Meth.

C V M febris hæc sit acuta valde, ita vt vix vltra septimum diem sit progressura, & ex copia humorum fiat, sufficiet ptissane succus vsq; ad iudicationem à principio; & in vigore morbi hydro saccharo solum vtendum, vel malsa aquosa si non bile scat; qua sola vtitur Hypp. in hac febre, ubi. n. ait Gal. ex phlegmone, aut obstructione febris pendet maximo malo est cibus. Potus sit aqua hordei, in qua etiam liquiritia sit incocta, quam liberaliter summere poterit exacte tepidam, aut egelidam.

CAP. VIII.

Quartanæ febris notæ. Casus.

8. Casus.

Lib. I. ad Gl.

Lib. 12.

PR O P O N I T V R hic quartana nota, quia ex ea elucebit ea, quæ exquisita est, & quomodo curari debeat vtræque earum siquidem Medici Imperiti curantes fere semper vno & eodem modo vtræque magnos errores committunt, occasionem præbuisse videtur Gal. qui eam curans parum rem distinxit, vt testis est Trallianus oculatissimus Medicus.

Casus

Casus igitur ita se habet. Mater mea ætatis sue anno 65. temperatura calida, & sicca initio Octobris, hora diei decima rigore corripitur, quo per duas horas durante. calor successit mediocris cum siti, capitis dolore, pulsus quasi tertiana, duravit febris tota nocte; hora sexta declinare cepit cum sudore, hora secunda sequentis diei intermisit vix vllum relinquens febris vestigium. Urinæ tenues subruffæ, excrementa biliosa grauitas ad hypochondrium dextrum, quæritur natura morbi, & eius cura.

Dignotio.

QUANTVM colligi potuit coniectura, statim in prima accessione febris quartana erat, simplex, nota, ac intermittens; causa melan- colia, non quidem naturalis, sed ex assata bile genita per æstatem; quæ sedem suam habuit circa Iecur, quod ex tumore, & grauitate illius colli- gebatur; neque. n. videtur necessarium, vt in intermittentibus sint humo- res extra venas; siquidem, ait Alexander, quartana, quæ per abscessum Lib. 12. ex acuto fit in venis sedem habet; neque continua necessario in venis est, cum vtraque febris ex vtroque loco fiat; sed quod hæc sit continua illa vero inter mittens, magis ad modum putredinis referendam quam ad locum, sed de his alibi, & certe quarta die febris rediit fere eadem hora cum eisdem accidentibus.

De primo scopo. An Medicus quicquam agere debeat.

QUARTANA febris absolute ab Hypp. salutaris indicatur, & curatu facillima, non quod facile curetur, sed quia modus cura- tionis facilis est; sola. n. victus ratione seruata (quod etiam vulgus nouit) curatur; habet. n. terminum fatalem, quem Medicus euitare non potest; immo si irritetur remediis, duplex fiet, aut triplex hæc cum sit in muliere iam sene, & autumnii tempore in casu nostro periculum maximum impen- det, ne totam hyemem transeat cum magno vite illius periculo; Solent. n. hyemales febres in acutas transire, vel saltem reduplicari, quemadmo- dum in Matre factum est; in qua febris simplex, inter mittens duravit toto autumno, & in hyeme duplex facta est, & triplex, & estensa est ad se- cundos annos, & copioso alui fluxu cum magnis doloribus soluta est; mi- rum sane, quod Mulier in ea ætate constituta tam longum & rebellem morbum sustinuerit. igitur si quis alter vmquam casus hic manus medi- cas desiderabat.

De secundo scopo. Quid Medicus facere debeat, deque
commodo remediorum usu.

VIRES, ut quæ secundum naturam sunt, & in quibus vita consistit
sui conseruationem indicant; febris ea, quæ attemperant; humor me-
lancolicus coquentia, & expurgantia. Inter symptomata. Cruditas, ri-
gor, sitis, stomachi dolor, quæ eam maxime affligebant sui correctionem
postulant.

De coquentibus, & euacuantibus.

ad Glauco.

QUONIAM transitus apertos esse oportet, ut coquentibus detur
locus; & quia nulla vis medicamenti conuenit in hac febre, nisi le-
nissimi clysteres; alius molita est die secunda, die vero tertia intermissio-
nis, sanguis missus est ad 3 vij. quod venas haberet latas, & tumidas;
eratque sanguis niger, quem in maiori copia effundere nolimus ob ætatem,
& quia morbus futurus erat longus; fuit vero ex vena basilica destri bra-
chij, quia potius in Iecore quam in liene morbus erat; secunda accessione,
quæ fuit die quarta vomitum ex tepida procurauimus cum aceto, & mel-
le, & aliqua cum difficultate euomuit. Rursus die tertia clysteri usi fui-
mus; deinde in accessione rursus vomitorium dedimus, & sic leuiter tra-
ctabatur iuxta Gal. dogma ne irritaretur; quod si Hypp. seu Auctor libri
de morbis secundo in quartanis à principio validis purgatoriis utitur, id
fecit, quia sperat breui solutionem, ut in æstiuis quartanis, & quæ ex mala
victus ratione, & quæ per abscessum fiunt, sed tutius est lenibus usi; &
quia senes fere semper occidit, nisi cito finiatur; ideo maxima à princi-
pio habenda cura, præsertim cum victu, ut mox dicemus; cum vero in pro-
cessu difficile vomeret, ab eo abstinuimus, & alius per intervalla dato rau-
barbaro, & agarico cuiusque 3. 5. cum iure pulli purgabatur; interim
vero ad coquendos humores potio parabatur hæc. & decocti cicorij, adian-
ti, oxalidis, graminis, passularum vuarum 3 iij. iulapij capilli veneris 3 i.
fiat potio, quam per plures dies assumebat. in vere repetito medicamento
raubarbari cum agarico purgabatur ex iure pulli, & licet moneat Hypp.
humores melancolicos per inferna purgandos vehementer; hic tamen vi-
rium imbecillitas, & cruditas adhuc vigens impedimento erant; purga-
batur, & syrappo de polipodio ex descriptione Mercurialis nostri ad 3 iij
cum iure pulli; dabamus autem medicamenta magis in die quietis ob debi-
litatem, & securitatem, non ignorantes, quod in hac febre cum pertinax
sit, conueniat aliquando purgare, & valide in die accessionis per horas v.
ante accessionem, & Auctor libri de affectionibus iam præcipit; sed va-
lidas

lidas vires requirit. Ceterum prouocabamus sudores, & vrinas cum iam coctio apparebat, hoc quod habet, appij radicem m. iij. aneti iij. coquantur in lib. vi. aque ad tertias, eius dabimus ꝑ iij. cum ꝑ 1. sacchari declinante accessione, aliquando, & ptissam calidam.

De attemperantibus, attenuantibus, & coquentibus
animaduersio utilis.

IN hac quartana ego nunquam his, que attenuant calidis sum vsus, neque salsamentis, neque teriaca, quod nota esset & in corpore bilioso, & sedem in hepate haberet ex adusta bile; quare optime animaduertit Tral-
lianus Galen. in lib. ad Glauc. dormitasse, proponens curam illius quartane tantum, que exquisita est, & à melancolia pendit naturali; nam calida illa, & attenuantia in biliosis magis incrassant, quam attenuent; ideo parum differre debet cura in his a tertianæ curatione; recte autem videtur Tral-
lianus notasse Galenum, qui in terreo humore melancolico, qui sua natura siccus est, siccantia exhibet, cum magis per calida, & humida attenuetur quam per calida & sicca. Nota igitur, quod humor crassus tripliciter
fit, aut ob multitudinem terreæ substantiæ, vt naturalis melancolia, aut frigi-
di concretione, vt pituita, aut ex adustione, vt in atra bile; primus hu-
mor per calida & humida attenuatur, secundus per calida, & sicca, ter-
tius per frigida & humida temperata, & si ob multam pituitam, que colli-
gitur in ista febre, aliquando calidiora conueniunt, id per interualla, &
cum cautione fieri debet, ergo utebatur in casu nostro Mater apozemate
descripto in capite precedente, coquendo in aqua cichoreum, acetosam, eu-
patorium, luppulum cum syrup. de pomis; deinde etiam ob pituitam de dua-
bus radicibus; & quia per hyemem febris duplicata erat, & quotidiana
facta, fouebamus ventriculum, & præcordia oleo melino, camomelino
addito croco aloe, & mastice calentibus.

Lib. 12.

Animadu-
ersio utilis val-
de.

De corrigendis symptomatis.

SICUT in tertiana rigor validissimus est à principio, deinde mitescit, ita in quartana contra se habet, & cum valde affligeret agram no-
stram maxime in hyeme, procurabamus, vt talamo bene calenti decumbe-
ret, & in lecto bene coperta iaceret pedibusque, lateres calidis linteis
inuoluti admouebantur; tota spina anetino oleo calido ungebatur ante ac-
cessionem, aliquando dabamus allium intritum in vino, stomachus absynthij
comis oleo frixis, linteo inuolutis calidis fouebatur.

Quia sitis magna erat & valde affligebat, cumque ex nimio potu tu-
mor ventris emineret, iubebam, vt quam parcissime biberet, ne lien aquam
suscipiens,

Sitis.

suscipiens, quod Hypp. timet, hydropem pareret tollebamur sitim tamarindo vel altero aqua macerato ore contento, necnon cerasiis amaris; concede-
debamus aliquando aquam decoctionis liquiritiæ, hordei, & aneti, quæ illi familiaris erat in potu.

Crudititas.

Cruditates euitabamus, tum lenibus clysteribus, tum glandibus per interualla adhibitis, vntione pæcordiorum oleo, in quo absynthium efferbuerat, quotidiana frictione extremorum, somno, & commodo nutrimento, nam huius febris medela, vt recte scribit Celsus, est vntio, frictio exercitatio, cibus, vinum.

Lib. tertio.

De conseruatione Virium.

Lib. tertio.

QUONIAM Morbus hic nisi statim tollatur diuturnus valde esse solet, ideo in primis diebus tenuiter nutriebamus, & fuit cibus ptisana semel assumpta in die accessionis; diebus intermediis ossa panis in iure pulli intincta; aqua vtebatur ex decocto liquiritiæ rare, & adianti. Cleophanteis (referente Celso) in hac febre inedia vtebatur vsque ad diem 7. quod nullo modo admitti debet. Celsus vbi aquam calidam dat biduo a cibo abstinet, & tenuissime alit vsque ad diem 13. quod etiam reprehendendum est, & maxime in biliosis, vt in casu nostro; perseverauit ergo in prædicto victu per mensem, sed cum febris non cesset, & vrine nil boni monstrant satis apparebat longitudo, ideo aliam victus rationem instituendam putauimus, vt quod diu sustinendum erat, facile sustineret. & ideo plenius nutriebatur; carnes pullorum, & columborum cōcedentes, & oua tremula, & aliquantum vini pauci fieri; sed cum malum in die augetur, & duplex quartana facta esset, rursus ad inediam conuersi semel in die nutriebatur ex iure palumbi cum intrito pane; nam quartana, vt ait Celsus neminem iugulat, sed cum vitio ægri, aut Medici quotidiana facta est in malis æger est; quamuis hic ex vi morbi crescentibus cruditatibus duplicaretur, & denique quotidiana adueniens triplex quartana fieret ad Ver ipsum rigores valde imminuti, & fere continua febris lenta remansit. tunc mutauimus victus rationem, & à vino ad aquam, ab aqua ad vinum, ab acribus cibis ad lenes & è contra. denique totum mutauimus victus genus, quo (vt ait Celsus) ab eo statu demoueretur febris in quo erat. aliquando etiam, quod lenta, & pertinax febris non cederit augere febrē tentauimus, quia quæ ratio non sustinet (vt ait Celsus) temeritas adiuvat; quare maluaticum vinū in media febre dedimus, & ante eam allia intrita. Nam circumspēcti hominis est mutare interdum, & augere febrem, & innouare, quia si curationem, id quod est, non recipit; potest suscipere id, quod futurum est, ideo recte dicebat Hypp. curationem fieri per contraria, & per similia, sed cū ea, quæ per similia fit, timorosa sit Medicum exquirat dili-

Lib. tertio.

Lib. de locis i
homine.

diligentem, & accuratum, vt recte ponderet nocumenta, & iuuamenta: Hec denique febris diarrheæ biliosa, quæ per interualla corripuit ægram, sed cū magnis doloribus post duos annos finita est, paulatim Dei Opt. Max. auxilio; quod vero dixit Hypp. quartanam vltra annum non extendi, intelligit, vt plurimum, & cum virium imbecillitas non adest; finitur enim anno ob solis circuitum.

CAP. IX.

Febris Quintanæ casus proponitur.

MULIER quædam, quæ per annum quartana laborauit, cum iam esset valde extenuata, & fere tabida quinto quoque die febris tenebat; cuius accessionis magna pars cum frigore erat simul & calore, adeoque ephialæ refferet naturam queritur morbi natura, & cura.

9. Casus.

Dignotio.

PRÆFATA febris quintana est circuitu, non tamen specie à quartana differens, quia idem humor, qui quartanam faciebat, quarto quoque die ob virium languorem non potentium eo tempore humores pellere ad quintam diem id fecit, confirmatur quia Hypp. tabidis superuenire scripsit. Causa erit melancholia simul cum pituita crassa & tenace circa hypochondria abūdans. Ceterum longiores febres, vt septimana, & nonana, vel vitia sunt naturalia vel proportionem sequuntur virtutis ad humores.

Primo Epid.

De primo scopo. An Medicus quidquam facere debeat.

HÆC febris letalis censenda est, quod iam extenuata Mulieri, & consumptæ aduenerit; nec tamen semper ea talis censenda, quia si à principio inuaderet curari posset; at in casu nostro (facto prognostico) blanda cura tentandum, quid natura, & accuratus Medicus possint, nec enim deserendi sunt egrotantes; quia sicuti monstra videntur in natura ita in arte ait Auerroes.

De secundo scopo, deq; commodo Remediorum vsu.

VIRES, vt quæ secundum naturam sunt, sui indicant conseruationem; inter ea, quæ præter naturam morbus nempe febris vix quicquam indicat. causa illius humor. s. crassus ac lentus coctionem, & expurgationem. inter symptomata, frigus, virium imbecillitas, & macies correctionem desiderant.

De

De Virium conseruatione.

CVM in hoc malo adsit virium imbecillitas insignis, ideo vrget earum refectio, quod per mediocritatem fiet sex rerum non naturalium; precipue alimento, quod facile coquatur. inter, quæ lac caprinum optimum censetur ab Hyppoc. in febribus longis, & languidis cum melle tamen ne coalescat, bibatur statim mulsum, & panis in eo intinctus pro cibo, conueniunt & iura, consumpta, oua tremula, pullorum & columborum carnes elixæ; saxatiles pisces ex albo iure. Potus vinum album mediocre virium. ter in die nutriatur, somnus procuretur, quies, frictio, vinctio.

De his, quæ coquunt, & euacuant.

QUIA humor crassus est, ideo extenuantia requirit qua ratione oximel cum decocto radicū appij feniculi & adianti dari poterit in apozema. Venterculus, & hypocondria oleo foueantur, in quo absinthium & menta bullierint addito pauco croco. Vacuationes per clysteres acriores, & paulatim fiant, quia vbi adest virium infirmitas cum humorum prauitate epicrasi vtendum monet Gal. paulatim replendo & euacuando. Ceterum quoad symptomata attinet frigus corrigendum, vt supra diximus capite de quartana, refectio & virium imbecillitas per supradicta procurabuntur quantum fieri poterit.

CAP. X.

Hæcicæ à principio inuadentis casus ex Galeno libro primo de differentis febrium cap. 9.

10. Casus.

ADOLESCENS annorum xxv. temperie abundi sicca, & habitu corporis gracili, capillis nigris cum æstiuo tempore multum laborasset, & curis, ac mestitia affectus fuisset, habito quodam nuncio, adeo iratus est, vt in febrem inciderit hora diei decima sine rigore vel vlla pulsus contractione. Pulsus magnus, celer, & frequens, sed æqualis, calor magnus, sed non mordax, oculi eminentes, facies rubra, temporum pulsus, producta est febris ad horam quartam sequentis diei, declinare tamen cepit hora sexta noctis. Ceterum die sequenti febris nulla conspicua, seruabatur tamen in pulsu per duos sequentes dies frequentia quædam, & calor quidam, qui tactu mitis sentiretur, mox acrior insurgebat maior tamen in arteriis quàm in reliquo corpore, accessio nulla neque in quarta die præter quam alteratio quædam maior tum in pulsu, tum in calore, quoties cibum sumeret; quæ post

post horas duas cessabat. Urina non multum a sanis distare videbatur
queritur natura morbi, & eius curatio.

Dignotio.

FEBRIS prædicta hæctica est à principio inuadens præcedente tamen
ephemera ex ira, qua in humore cordis facta est ebullitio; & cum cor-
pus dispositum valde esset ad flammam concipiendam remansit stabilis in
substantia cordis; atque hæcticam peperit, vt manifeste declarant signa
subsequentia, præcipue alteratio à cibo, & arteriarum calor maior quam
in reliquo corpore, quæ inseparabilia, ac propria hæcticæ inditia sunt.

De primo scopo. An Medicus quidpiam agere debeat.

CVM febris hæc adhuc in principio sit; neq; calor valde radices suas
infixit, nõ difficile curabitur; sicuti. n. est difficilis cognitionis, ait Gal.
ita facilis curationis; at si ulterius progrediretur, itaut pulsus non modo
paruus & frequens, sed debilis fiat; (quæ sunt secundæ speciei signa) cum
manifesta corporis consumptione, iam difficilem habebit remotionem; ve-
rum impossibilem, si iam carnosus partibus absumptis; solide ita valde ex-
siccentur, vt facies cadauerosa euadat, quæ marcor, seu marrarmus dici-
tur, & tabes. igitur in primo, & secundo gradu Medicus sperare poterit
sanitatem eamque quam diligenter procurabit, quia sine medici auxilio
vix sanari poterunt. in tertia specie solum proroganda vita.

De secundo scopo, quid Medicus facere debeat, & de commodo remediorum vsu.

DVO agenda se offerunt, vt vires seruentur, & calor in corde fir-
matus extinguatur, prout ipse morbus est, & sui ablationem indicat;
nec vlla alia vel à causa, vel à symptomate est indicatio à principio
summanda.

De attemperatione, & virium confirmatione dum est in primo gradu.

CVM ex corde, & in corde per essentiam, nec aliunde communicatus
sit calor, ideo ex aere, qui potissimum inspiratur principaliter attem-
perare licet, quem refrigerare oportet non modo arte, sed situ montium, &
locorum, quæ perflata sint; hinc præcordia, & præcipue cordis regio linteis
malesacienda ex succo acetosæ & rosarum aqua imbibitis, quæ tepida ap-
plicari

plicari poterint & totum corpus ex refrigerante Galeni vnguento. Ceterum commodo alimento, & nutrire, & attemperare licebit, & ideo cibari debuit prima die statim. Cum vel inedia sola citissime has naturas in hecticam deducat; cibus ptissana est commodissimus, & coctus panis, & lactuca cocta, & pisces saxatiles, qui laudantur in omni febre, & conualescentibus magis, quam carnes; licet Medici nostri temporis id omittant, & vix adduci possint, ut piscem febrienti exhibeant cum magno errore. Potus aqua sit, in qua hordeum coctum sit, cuius liberaliter bibat cum ea moderatione, ne ventriculum, & coctionem debilitet, & si offendit, vinum imbecillum virium ex medio limphatum, & ita tractatus celerrime (vt reor) febris descedet.

Si Febris hectica fuerit in secundo gradu, seu in secunda specie.

10. Meth.

10. Metho.

SI autem malum non cedit, & perseveret febricula, cum manifesta corporis extenuatione, tunc in eisdem persistendum, & duo alia auxilia adhibenda in hoc malo potissima quorum alterum balneum est; alterum vero lac; balneum ea ratione administrari debet, qua docet Gal. sed quia hisce nostris temporibus deest apparatus, ideo fieri poterit assumptis duabus tinis, quarum altera aquam dulcem tepidam habeat, altera vero frigidam, vel potius egelidam hoc est fracta frigiditate. Eger igitur syndone per quatuor Iuene prius in qua calida duo vel ter mergatur; inde vero in frigidam ne minimo quidem temporis illic moratus. Nam qui hectica laborant nisi mergantur in frigidam ait Galen. nihil iuuantur; inde vero abstergetur, & oleo violaceo vngatur. Fiatque tota hec apparatus bis in die mattutina hora, & vespertina; sedata balnei turbatione quod post horam erit, lac ex asina multum statim exhibeto, in quo sacchari non nihil sit, ne coalescat, dosis sit ad 3 iij. & si non corrumpit: quod ex pulsus robore, & bona coctione dignoscetur, in dies augeatur lactis quantitas, citatur, & eodem lacte cum pane, & ptissana; quod si alius fluat; nutriatur Asina astringentibus herbis, & frigidis, vt vena, hordeo gramine, &c.

Si fuerit in tertio gradu.

10. Meth.

Primo de diff.
fer. febrium.

AT si precedens Morbus non cedit; sed iam in marcorem desinat, qui incurabilis censetur, precipit Gal. vt tranmutetur intemperies calida in frigidam, & siccam que hectica senectutis appellatur. Nam ex ea mutatione id procurabitur, vt vel diutius eger in vita maneat, vel postea calidis & humidis curetur; tempus transmutandi erit in fine secundi gradus, distinguntur autem gradus hectice non dierum numero, sed ipsa qualitate dispositionis; modus transmutandi erit, si vt amur balneo frigido, & aque

aque potu copiosiori, & epitematibus precordiis; iam vero habitus frigidus & siccus per calida & humida mutari debet. quare Gal. lacti mel copiosius adhibet, dandaq; intrita ex lacte, & vino ova sorbilia, iura palumborum, stomachus nardino vngendus calido, paulatim & sepe nutriendus, quies, vinctio totius corporis ex oleo camomelino.

7. Meth.

CAP. XI.

Hefticę febris cum putrida iunctę casus ex Gal. primo de differentis febrium cap. 5.

MVLIER habitu gracili, colore nigro, magnis venis, curis, mēstia, ac vigiliis diu agitata, hora diei tertia per autumnum febris corripitur, cum paruo quodam horrore, mox aucta febris vsque ad septimam horam, declinabat cum madore, itaut hora diei decima absque febre esset; remanebat tamen in pulsu frequentia; arteriæ reliquo corpore manifestæ calidiores sentiebantur, corpus calore quodam exiguo & arido tenebatur. Rursus noctis hora tertia eadem febris corripitur priori in totum simili, quæ ad horam duodecimam cum madore ita decessit, vt corpus temperatum appareret, remanebant tamen prædicta signa in pulsu, & calore secunda die rursus duabus accessionibus simul correpta est, & tertia, & quarta die per eadem; quæritur morbi natura, & curatio.

11. Casus.

Dignotio.

FEBRIS prædicta, quantum ex signis apparet composita est ex putrida, & heftica; putrida quia habet inuasionem manifestas; heftica vero, quia in decessione putridæ calor, & in corpore hefticus, & in arteriis maior seruabatur, cum pulsu frequentia, accessio putridæ ob breuitatem, & desinentiam cum sudore tertiana apparet; sed quia bis quotidie veniebat quadruplex tertiana censi debet. Causa bilis pallida circa Iecur in pauca quantitate putrescens; Hefticæ autem febris calor erat in causa cordi infixus ob dispositionem corporis præcedentem.

De primo Scopio. An Medicus aliquid facere debeat, deq; commodo remediorum vsu.

CVM duplex sit febris, altera continua, nempe heftica, altera intermittens, bis tamen in die inualescens periculosa censenda est, sana bilis tamen si recte tractetur, tum quia heftica est in principio, tum quia accessiones putridæ valde mites sunt; erit tamen longior. igitur auxilium Medici desideratur, & acuratum.

G 2 De

3

De secundo scopo . Quid Medicus facere debeat.

VIRES, quæ secundum naturam sunt, conseruandæ; caliditas infixa refrigerantia postulat; humor, qui putredinem accendit coctionem, & expurgationem desiderat; Inter symptomata nullum hic adest, quod Medici opus desideret.

De Attemperantibus, & conserantibus.

NUTRIENDVS æger parce quidem, & hora conuenienti quam longissime ab accessione; ideo ptissana illi optimus erit cibus, quæ bis in die exhiberi poterit; ad attemperandum vero in potu utatur aqua hordei, cuius aliquando 3 x. cum iulapio violaceo, vel oxisaccharo ad 3 i. dari poterit. Nam hectica refrigerantia postulat, neque putrida ut biliosa renuit; scimus. n. bilem coqui maxime per attemperantia; persenerante febre hectica, ad ea, quæ extra applicantur epithemata frigida, veniendum in intermissione, quæ ex acetosæ succo cordi, & præcordiis adhibenda.

De coctione bilis, & expurgatione.

ALVS clysteri communi leniatur per intervalla, ut transitus aperiantur; bilis acetoso syrupo simplici ad 3 ij cum decocto adianti, cichorii, acetosæ, ad 3 iiij præparetur; Mox coctione apparente; si tibi vi debetur purgandum, (neque. n. id semper faciendum est, ut male consuevit Medici, quia quo natura vergit, eo ducere oportet, & quæ integre iudicata sunt, non mouendum) poteris purgare ex 3 ij raubarbari infusi cum 3 iiij syrussi rosati solutini; sudores, quia eo natura vergit, mouendi, cum declinatio accessionis venit, data calida ptissana.

C A P. X I I.

Hecticæ notæ Casus & symptomaticæ ex viscerum corruptione, & tabe.

12. Casus.

MVSICVS quidam boni habitus, in etate consistentie, bibacissimus & crapule, ac veneri deditus, duplici tertiana notha, sed continua laborauit multis mensibus; multoties purgatus, & variis auxiliis usus, tandem relicta est febricula quedam hectica naturam redolens; Pulsus paruus, celer, & imbecillis, ciborum ingens inappetentia, & præcipue carniū, vini vero supra modū appetebat; ventriculi aderat lāgor, vapor ex ore insuauis, macies multa, vrina varia queritur morbi natura, & curatio.

Dignotio.

Dignotio.

PRAEDICTA febris in genere hefticarum est, cum lenta sit, & sine accessionibus, verum symptomatica ex corruptione, seu labe alicuius visceris, & cum tertiana successerit. Iecur affici verisimile est, in cuius substantia effusa bilis, & liquefacta viscus corrumpit, hinc appetitus ille magnus vini. Nam licet intemperies naturales contraria desiderent, ubi tamen habituales sunt ad similia feruntur. Hinc communicata ventriculi affectione, inappetentia illa, & imbecillitas nascitur.

Lib. I. Artis
Med.

De primo scopo. An Medicus quicquam agere debeat.

CVM in hac febre praua sint symptomata, nec ullis remediis cessare videatur, extremaque macies adsit, & viscus in substantia corrumpatur, nulla relinqui videtur sanationis spes, & per consequens omnem curam renuere videtur, nisi eam, cum qua vita producat. sicuti. n. (Gal. teste) nullum remedium est ad putredinem, quae cordis substantia occupauerit, quod excogitari possit, ita cum viscus aliquod princeps corrumpitur, nullum apparet in medicina remedium; quod si ex blanda cura aliquod iuuamentum senserit, audacius ad maiora remedia veniendum erit.

3. de preco.
gnitione ex
pulsu.

De secundo scopo. Quid Medicus facere debeat, deque commodo remediorum vsu.

VIRES, quae imbecilles, admodum sunt sui conseruationem indicant, cruditates quae acervantur quotidie circa praecordia, & ventriculum vacuationem desiderant, corruptio membri per contraria sananda; Iecoris; & ventriculi imbecillitas, inappetentia, sitis illa vini, correctione postulat.

De conseruandis viribus, & corrigendis symptomatis.

VBI adest Virium imbecillitas cum humorum prauitate parum & saepe nutrire oportet, & paulatim euacuare; alimentum ergo sit boni succi & facilis coctionis, & diuersimode conditum, ut eger assumat, quod magis placet; inter cetera pisces saxatiles apprime laudantur, & assi, & elixi; ptisfana ite cum seminibus peponis, & amigdalatum cum saccharo, lactuca, cucurbita, & cicoreum cocta, ante cibum, cappareas conditos ad appetitum conciliandum, assumat, & corroboretur stomachus cum oleo melino, quo absinthium, menta, ebullierint. Potus sit aqua ex decoctione hordei, acetosae, & adianti, vel vinum, sed valde oligopherum austerrum, & lymphatum, aduersatur. n. huic malo vinum grade, quod ab illius copiosi potu nascatur, fallenda pretereas sitis illis, quae in ore tenentur, ut tamarindis in aqua maceratis, vel cerasis amaris.

De

De expurgatione humorum, qui aceruantur.

CVM adfit humorum corruptio, ea paulatim vacuanda est, in quem
 usum chlysteres per intervalla adhibeantur communes. Itemq; pur-
 getur frequenter pillulis de tribus. scilicet ex aloë agarico, & raubarbaro ad 3 i.
 quæ cum syrappo absynthij formentur, poterit etiam vti syrappo ex infu-
 sione rosarum ad 3 iij, quæ post primum somnum assumantur.

De his, quæ Iecur roborant, & putredini repugnant.

8 per loca.

Gal. octavo
Lib. per loc.

SERVVM lactis inter ea, quæ attemperant, & detergunt Iecur ac ro-
 borant magnam vim habere scribit Gal. cum. n. sit amaritudinis cuius-
 dam particeps Hepar extergere, & aperire eius meatus potest sine mani-
 festa refrigeratione, aut calefactione. huius ergo feri caprini bene depu-
 rati lib. vnam assumat calidam per aliquot dies in aurora. Ceterum finito
 sero; assumat singulo mane ad Iecur roborandum hanc potionem, quæ ha-
 bet succi cichorii 3 ij, aquæ fontanæ 3 iij sacchari coclearia dua aromata
 maxime resistere putredini, & Iecur roborare ait Gal. sed quia malum ex
 calidam intemperie originem habere videtur, ideo potius roboratio fiet
 assumendo conservam de accido cetri succo Iecoris regio sandalino vnguen-
 to bis in die illineatur.

CAP. XIII.

Hædicæ Pestilentis Casus ex Gal. 3. de præfatio ex
 pulsibus cap. 3. & 4.

13. Casus.

NAVTA quidam annorum xxxx. è longa trirenium] navigatione
 rediens, febris corripitur cum corporis gravitate, anxietudine, siti,
 vigilia, & inappetentia; erat tamen calor mitis adeo ut vix febricitare se
 sentiret, detenta tamen diu manu acrior assurgebat, sed conspicue magis ad
 thoracem; pulsus parum a naturali desidens cum aliqua tamen frequentia,
 & langore, urina colore, & consistentia naturali similis, cum quibusdam
 tamen sublimamentis sublucidis, & aranci telis similibus; color vultus
 crispelucēs, ardorq; in oculis, alitus insuavis, quæ oīa statim prima die appa-
 ruere, & perseverarūt tertia, & quarta quæritur morbi natura, & curatio.

Dignotio.

FEBRIS maligna est pestilens de natura hædicæ, in qua non humo-
 res modo aut spiritus, sed cordis substantia indicibili putredine corrumpitur;

pitur; occasio vel contagium fuit ex aliis corporibus, vel aque, & victus prauitas per navigationem, quod si dicas, cur læsa adeo vitali facultate, neque pulsus, neque vrina, aut calor, nulla insigni mutatione varientur. Respondent aliqui id prouenire ex nature imbecillitate, que morbo succumbens non audet pugnam aggredi; quod tamen caret probabilitate. Cum natura nostra nunquam cesset ab opere, & prudentissima sit, ergo referenda causa est ad cecam putredinem, neque oportet, vt omnia pariter augeantur, & mutantur in omni febre. Hic vero cum calor magis qualitate maligna pecet, quam quantitate, non mirum est, si vix febricitare se sentit, & pulsus non ita dilatatur, vrget tamen inquietudo, vigilia, sitis, inappetentia, que morbi seuitatem praeferunt.

De primo scopo. An Medicus aliquid facere debeat, deq; commodo Remediorum vsu.

CVM hæc febris sit toto genere letalis, (quod n. remedium ad putredinem, que cor occupauit excogitari potest?) ideo nil Medico agendum remanet, nisi vt, prognostico facto astantibus, ad tentandum, quid natura, & Ars possint. Nam cum solum humores, qui in corde continentur, & non substantia putredine afficiuntur, aliquas spes remanet sanationis, docuit autem id cognoscere, quia si pulsus esset extreme languidus cordis substantia afficitur, vbi vero non ita languent, humores, illud tamen admonet Gal. aliquando ob contrarias intemperies cordis; & arteriarum fieri pulsus naturali similes, vt si cor calet, arteria vero frigent, aut è contra, quod vbi ea ratione prouenit non ita timendum est.

Quid Medicus facere debeat.

VIRES, vt que secundum naturam sunt, conseruandæ; humorum apparatus vacationem indicat; putredo illa indicibilis alacri pharmaco, symptomata, vt vigilia, sitis, inquietudo, inappetentia corrigenda sunt.

De vacuantibus.

QUAMVIS humorum apparatus non sit causa peculiaris huius febris; est tamen causa sine qua antidota recte operari nequeunt appello autem apparatus humorum eorum multitudinem, que in venis est, & circa primam corporis regionem; sanguis ideo (glande tamen prius aluo emolita) mittendus ex basilica brachij dextri ad 3 x. quod si ex ea aliquid leuamen sentiat repetenda sequenti die ad 3 vii. ex brachio sinistro ab interna vena; clysteri sequenti die aluus lenienda communi, aut ex syrup po rosato sol. ad 3 iij leniter expurgetur.

De

De his, quæ veneno repugnant.

CVM vitium sit in qualitate magis, quam in quantitate, & à tota substantia, ideo remedia etiam præcipue adhibenda, quæ occulta quadam qualitate oppugnent, & quia sedes mali in corde ponitur; ideo in aere, qui celerrime inspiratione atrahitur statim alteratio querenda: is ergo suffitus ex belsuino, santalis, caphora aloë corrigi debet; indumenta irriganda ex aqua, & aceto rosaceo, quo etiam nares, frons, pulsus illineantur; Interea, quæ per os sumuntur, præstantissimum antidotum est lapis betzoar orientalis, cuius grana sex in pulverem redacti cum aqua acetose summatu semel in die ieiuno stomacho; cordi vero epithema aquæ rosarum vini maluatici, & generosi an. lib. 5. aceti rosati 3 1. omnium santalorum 3 5. muschi, ambris an. g. vi. tepidum applicetur alternatis linteis duabus horis ante cibum semel in die. Cucurbitulæ quoque emuntoriis maxime ad inguina, ad axillam sinistram, scapulis, cruribus applicandæ, & vnctiones ex camomelino oleo calido faciendæ axillis, & inguinibus, & post aures, vt detur naturæ occasio vergendi ad abscessum.

De conseruandis Viribus.

1. Aphor.

Lib. de alimento.

QUAMVIS febris sit acuta valde, & ideo tenuissimo victu sit vtendum quia tamen maligna est, & vires valde deiecit ea ratione vt be- rius nutrire oportet, quod in omni pestifera febre seruandum est; vbi. n. vi- res deficiunt cum humorum corruptione parū & sepe alendum scripsit Gal- habet etiam alimentum vim remedij, vt obtundat veneni vires, ideo ius pulli, sed magis palumbi, in quo acetosa, burrago, cicerbita, & menta sint incocta intrito pane erit accommodatum alimentum bis in die, vel ptissana cum citri seminibus condita, & aliquantulum boli armeni, conserua quoq; ex accido citri succo per intervalla danda; si vero vires difficiunt destilata aqua paretur, qua vti poterit ad vires reficiendas simul, & morbum pu- gnandum; (Alimentum. n. in medicina optimum dicebat Hyppoc.) habet vero aqua hanc formam, R. conseruæ buglossæ, rosarum, corticis citri con- diti an. 3 ij. foliorum veri diptami tormentille an. 3 ij. Zedoariæ egentia- ne an. 3 5. theriacæ veteris 3 ij. aqua decoctionis duorum capponum alte- ratorum cum oxalide, portulaca, scabiosa, borragine lib. x. foliorum auri num. xx. fiat destillatio artificialis, seruetur aqua in duplici vase sub cine- re, & detur eius 3 1. ante cibum, seu matutino tempore in locum sy- ruppi.

De

De symptomatis corrigendis.

VIGILIA populconis vnguenti vnctione ad tempora, guttur & carpos propulsabitur, & cocleari vno, aut altero syrappi de pappamere cum erit dormiendi hora, sitis ex aqua acetosæ cum iulapio factæ ex acetositate citri mitigabitur. Inquietudo per ea, quæ dicta sunt, epithemata, & potiones tolletur, quod si nimis infestet 3 i. philonigromani antidoti cum maluatico propulsabitur. Ad inappetentiam, foueatur ventriculus cum oleo è nuce muscata, deturque in potu succus granatorum, vel cotoneorum, cappares quoque illi apponantur, & cogendus, vt comedat.

CAP. XIII.

Febris Anglicæ, quæ anno Domini 1486. primo in Angliâ visa est. Casus.

NAVTA quidam naui gubernator Anglus ætatis annorum xxx. 14. Casus. boni habitus, mense Septembris circa horam diei decimam in febrem incidit validam cum sudore magno veloci, & vehementi, qui fetidum spirabat odorem, Stomaci, & capitis dolor æstuosus, cordis palpitatio, anxietas, æstus, sitis, pulsus celer, frequens, languidus, & per intervalla animo deficiebat, queritur natura morbi, & ipsius curatio.

Dignotio.

FEBRIS descripta pestilens est, & toto genere maligna, earum quas appellat Hypp. elodes, seu sudorificas, dicitur autem Anglica, quia in ea prouincia primum visa est Anno Domini 1486. indeque per totam Belgicam, ac Germaniam disseminata est. Causa est ineffabilis in corde putredo, seu in humoribus illius, qua irritata natura per continuos sudores conatur morbum depellere.

De primo scopo. An Medicus quicquam agere debeat.

CV febris hæc toto genere maligna sit, & in corde viresq; perpetuo sudore prosternat; prorsus letalis censenda, atque intra tres dies hominem interficiet per virium dissolutionem, nisi cum virium robur, quod vnum in pessimis morbis salutis causa est præseruet; factæ itaque prognostico, Medicus circa ægrum negotietur citra culpam.

H De

De secundo Scopo. Quid Medicus facere debeat, &
de commodo Remediorum usu.

VIRES precipue sunt conseruande; maligna illa morbi qualitas op-
pugnanda, symptomata lenienda.

De conseruatione Virium.

QUAMVIS morbus sit omnium acutissimus, quod in horis xxiiij. in-
dicari soleat, quia tamen vires deficiunt aliquid dandum per inter-
ualla, quod & sustineat, & repugnet morbo, cuiusmodi erit aqua illa,
quam in precedenti capite descripsimus; interim vero dum animo deficit
panem vino intritum dandum calidum aut vini maluatici cum pauca rosa-
cea mixti tantundem conserua quoque ex accido citri succo cum bolo arme-
no, & puluere lapis betzoartici; ventriculus roboretur mentæ absynthij
folijs oleo infrixis calidis.

De antidotis, & his quæ resistunt veneno.

AER ex aloe ligno, santalis, belsuino per suffitum corrigatur, aqua
acetose exhibeatur cum granis lapis betzoartici, & syrappo aceto-
sitatis citri, sic sitis etiam sedabitur, vngantur nares, tempora, pulsus, ro-
saceo aceto; quoad sudorem attinet dubitandum, ne si retineatur eger pe-
reat, cum natura per eum morbum pellat quasi per crism unde Angli cum
hac febre corripuntur statim si vestiti sunt cum vestibis decumbunt, &
cooperiuntur, & sudorem quantum possibile est sufferunt, quod nulla alia
melior via sit euadendi; sed vbi vires deiciat, & syncopim inferat ex alia
parte reprimendus videtur, & ideo letalis est hæc febris vbi sudores ferre
nequeunt; iaceat autem eger obscuro loco in stratis mollissimis, & si fieri
potest decubitus in vno loco quamdiu tolleretur ita. n. iubet Hypp. fieri in an-
xiosis febribus; poterimus quoque ad anxietudinem, & æstum dare the-
riace quatuor mensium 55. cum aqua rosacea.

C A P. X V.

Febris cum pustulis, seu variolis casus ex Hypocrate
v. i. epidemiorum 6.

19. Casus.

PVER annorum xiiij. boni habitus edax, in Vere mense Aprilis in-
sta occasum solis febricitare cepit, calor magnus, pulsus celer, & fre-
quens,

uens, validusque, capitis dolor, & gravitas cum somnolentia, facies rubra, oculi lachryma, narium pruritus, vrina ruffa, fequenti die apparebant per totam faciem, & corpus pustule quedam late ad similitudinem lentium colore subalbide, & subrubre queritur natura morbi, & curatio.

Dignotio.

FEBRIS continua est, acuta, putrida de natura sinechi; putredinis caracterem ostendens per papulas illas, que variolæ communiter appellantur; morbus non sanè nouus, sed antiquus, cuius mentionem fecit Hypp. primo epidemiorum in Sileno, & sexto in Simone. Causa sanguis est crassior, quod ex albedine, & latitudine pustularum dignoscitur; qui sanè sanguis veluti vinum ebulliens, vt à prauis succis expurgetur, febrem accendit, & reliqua numerata accidentia; transmittit autem humores prauos ad cutim profunda corporis expurgante natura, tanquam ad receptaculum omnium excrementorum, natura temporis, nempe veris adiuta.

De primo Scopo. An Medicus quicquam agere debeat.

QUAMVIS pustule secunda die exierint, cum nec sint mali coloris neque adsint maligna symptomata intra septimam diem salus sperari poterit expurgante natura corporis profundum ad cutim; cum tamen acuta sit febris, & periculosa, timorque sit ne offendantur partes principes; ideo manus medicæ desiderantur in hoc morbo.

De secundo Scopo. Quid Medicus facere debeat, deq; commodo remediorum vsu.

VIREs, vt que secundum naturam sunt, sui postulant conseruationem calor ingens, qui morbus est, & præter naturam attemperandus; multitudo materiæ vacuanda; Partes nobiles tutelam sui requirunt; maculæ delende.

De vacuantibus.

CUM signa prima die erumpentium variolarum conspicua essent, si Medicus prima die esset vocatus, sanguis ad 3 vij. ex basilica brachij destri mittendus erat; sed etiam die secunda, licet iam variolæ erumperent, mitti poterat sine vitio, ob materiæ copiam & corporis plenitudinem: lenata, n. natura melius transpirans expeditior iudicatio fiet, quod si Puer esset annorum 7. nihilominus sanguis mittendus erat, aut cucurbitæ cruribus

H 2 appli-

6. Epidem.

applicande, quæ etiam in brenibus cum secura sit fit magno cum iuuamento in Hispania. Quod pertinet ad purgationem nulla in hoc malo conuenit valida, quia traheret intus humores, qui ad cutim vergunt, ideo dixit Hypp. in Simone vomitum non contulisse, quia ratione neque purgatio; sed per lenes clysteres alius leniter vacuanda ex decocto malue violarum, hordei, & mercurialis cum saccharo, addito oleo violaceo; poterunt etiam exhiberi ad purgandum ventriculū, & intestina manne ʒ ij. cum iure pulli.

De attemperantibus, & vacuantibus.

MOTVS nature ad cutim potius adiuvandus, quia quo illa mouet, eo ducere conuenit; inter cetera aer thalami tepidior sit, & operiatur mediocriter; non tamen adeo ut stranguletur, assumenda, quæ attemperent calorem, & simul euacuent qualis est aqua hordei calida a principio cum saccharo; procedente tempore coquatur in ea radix appij, & anethum, & vna passa ac adiantum; licebit etiam addere syrumpum acetosum simplicem, aut granatorum, euocabunt & fomenta ex aqua calida feruore iam extincto, & declinante febre; ad resoluendum etiam pustulas aptissimum; ideo Simon ait Hyppoc. cum calida lauaretur inuabatur quamuis ubi satis natura pellit; ut in casu nostro non multum laborandum in euacuatione.

De defensione partium nobilium.

CVM in hoc malo impetus nature aliquando in partes nobiles fiat cum magno egri discrimine, ut in oculos cecitatem, in guttur, & pulmones suffocationem, in intestina, & stomachum disenterias, in nares putrefactiones efficiat, ideo his occurrendum est, & pro tuendis oculis pharmaco vtendum, quod mediocriter astringat, & leniat, quale erit oui album rosacea conquassatum addito croco. penna illinendo; Ad defensione faucium & oris gargarizet aquam plantaginis cum diamorone, quod si iam vlceratum sit os succum plantaginis cum oxisaccharo, & aqua hordei; pro tuendo pulmone, ore tenuat pillulas bechicas, & supino iacente lambat syrumpum myrtinum. Ad intestinorum tutelam vtatur clysteribus ex lacte, & iure capitis castrati addito plantaginis succo, stomachus potione vini granatorum roborabitur; nares vero oleo & aceto rosaceo penna illineantur.

De maculorum cura.

SI variolæ ex se dissoluntur facile, nil faciendum est, sed si perseverans emolliende, & maturande vntione olei camomelini calidi, & nisi resoluantur

soluantur acu pungende, & thuris puluere implende, si vero macule remanent aqua ex melle destillata illinantur, & ipso melle; balsamum quoque, quod ex India occidentali affertur præstantissimum est remedium.

De virtute conferuanda.

CUM febris acuta valde sit, & ex humorum abundantia pendeat, tenuissimam requirit victum, & præcipue vsque ad quartam diem; dandum tamen est aliquid etati, & poterit uti ptissana in cibo bis in die data, potus vero aqua hordei cum iulapio, & limonis succo, neque enim vinum dari debet, ut fieri solet ne ignem igni addamus; Nam si Hypp. illud interdicit pueris etiam sanis, quanto magis febricitantibus, & febre acuta ubi caput plenum est, & euaporat totum corpus ex ebullitione, ut in casu nostro.

CAP. XVI.

Febris cum maculis, quæ Petecciæ dicuntur casus ex Hypp.

2. epid. sect. 3.

ALEXANDER barbitonsor habitus crassi colore ruffus, & temperie satis sanguinea ad initium Septembris incidit in febrem cum membrorum quadam lassitudine dolore capitis, pulsus constrictione, calor intus magnus, & præcipue in pectus. Sed foris paruus, sitis ingens, vrina crassa turbida, secunda die eadem, tertia auctus capitis dolor, somnolentia, surditas, & delirium per intervalla, quarta die ad vespèram per dorsum & pectus asperitates quedam miliaceæ apparuerunt ad similitudinem morsus pulicum non pruriginose colore abunde rubro, perseverabant symptomata quanuis morbum melius ferre videretur. Queritur natura febris, & eius curatio.

16. Casus.

Dignotio.

FEBRIS proposita continua est acuta, putrida, & maligna, non ex pura, ut in variolis, sed ex prava sanguinis ebullitione; cum vero ad sit humorum copia, & crassities, ex feruore vapores ad caput sublatis, factus est eger comatosus, surdus, & delirans, quod familiare est his febribus ut Hypp. scripsit, Mulieres. s. quæ ea constitutione febricitarunt habuisse circa 7. 8. & 9. huiusmodi maculas, quarum etiam in Syro phrenitico mentionem fecit, ut non iam nouum, & inauditum morbi genus hoc existimandum sit, licet multis ante temporibus inuisum, ac primum Corsicæ Insula nostris temporibus in conflictu Gallorum conspicuum fuerit.

2. Epid. 3.

7. Epidem.

De

De primo scopo. An Medicus quicquam agere debeat.

CUM febris acuta sit continua, maligna, cum prauis symptomatibus, valde periculosa censenda est, verum cum hæc febris infida sit non exacte predicere possumus maxime à principio, verisimile tamen est si bene tractetur æger febrem intra xiiij. diem abituram, quia maculæ rubræ sunt, & melius ferre morbum videtur post illarum apparitionem, cauendum tamen hic ne te fallat similitudo, quæ est huius mali cum morbillis, qui reponuntur inter pustulas paruas admodum sed cum pruritu, & aliqua cutis eleuatione; nec malignam putrescentiã habent, vt maculæ, sed eandem cum variolis generationem; verum ex subtiliori sanguine. Iudicabitur autem morbus per maculas illas ad cutim emergentes, sunt enim (ubi rubræ apparent) signa superantis naturæ.

De secundo scopo. Quid Medicus facere debeat, & de commodo remediorum vsu.

VIRES, quæ secundum naturam sunt, sui conseruationem indicant, apparatus humorum vacuandus, humor ad cutim educendus, malignitas oppugnanda, febris extinguenda, & symptomata sedanda.

De vacuantibus.

11. Meth.

CUM adsit multus humorum apparatus, & crassities, quæ ob multitudinem, & malignitatem vix admittere coctionem possunt; ideo statim accedente Medico licet die quarta, & licet iam macula apparuerunt, sanguis mittendus est à basilica destri brachij ad 3 viij. vt deposita, vt Gal. dicebat, Sarcina, & transpiratione facta natura superior euadat, & ceteris remediis detur locus. Hinc ad clysteres veniendum, qui acriores sint, medicamentis purgantibus in totum reiectis, ne trabatur materia intus; opus vero clysterium laudabile est admodum, vt euacuans leniter, & reuellens humorum motus ad caput, fiatque si fieri potest, & facile ferat quotidiè, sin minus tertio quoque die.

De euocantibus ad cutim.

QUIA Natura ad cutim vergit, locum conferentem adiuuanda est per ea quæ euocant. Nam siue sit critica siue symptomatica excretio, quia cum venenosa sit materia præstat vt cumque extraesse quam intra; hunc vsu præstabunt cucurbitula, & cum scarificatione, & siue ea, quorum

quorum vsus debet esse frequens, & quotidianus; applicentur scapulis, dorso, cruribus. quare recte sanè e iunioribus doctissimus *Valesius* solo hoc duplici auxilio. sc. clysteribus & cucurbitulis malignas febres curari precepit. Ad eandem euocationem confert etiam aqua hordei addito Iulapio violaceo, calida per intervalla bibita; quæ sitim quoque domabit. Aer procuretur tepidus, & mediocriter caleat, ne ea frigiditate densata cute hamores intus pellantur; frictiones etiam præcipue cruribus valde vtilis sunt in hoc malo, & sane mirum quod Medici nostri temporis earum vsum penè omiserint.

De Antidotis.

PER totum tempus, postquam corpus missione sanguinis, & clysteribus vacuatum est, vtendum illis, quæ veneno vtunque resistunt, inter quæ vt supra dixi, lapis betzoar in puluerem tenuissimam reductus ad g. ʒ. aut 6. cum aqua acetosæ detur, inde festu pulueris diamargaritonis frigidi ʒ i. cum eadem aqua dari potest, vel boli armeni tantundem; sed si in peius omnia ruant, vt fere disperata res videatur, solent aliqui dare ea, quæ calidissima sunt, & fere ignis vim habentia, quemadmodum est (quamuis extremum remedium, aqua elixir, vite dicta, quæ à *Mathiolo* describitur in suo *Dioscoride* fol. eius ʒ ij. dantur cum ʒ iij. aquæ endiuivæ, solet quoque inter extrema remedia numerari oleum, quod dicitur contra venenum, quo pulsibus, & cordi fit ter singulis 6. horis vnctio, sed hæc nimis violentia sunt; casus tamen aliquando requirit; vidi ego hominem hac febre correptum, & valde æstuantem pro deplorato habitum, qui vini potentissimi (nos grecum dicimus) potu sanatus est, vt non mirum sit si hæc febris peculiarem quendam curandi modum requirat diuersum ab aliis.

De leniendis symptomatis.

SITIS lotionis oris ex aqua hordei, & detertione lingue sedabitur, & si in ea contineat tamarindum, aut cerasia accida, capitis dolor oxirodino syncipiti applicito, & temporibus lenietur nec non prædictis clysteribus, & frictionibus; æstus ingens aeris refrigerio, qui inspiratur, & potu frigida moderata tamen quantitate addito limonis succo, & iulapio violaceo; raro. n. in febribus aqua simplex, & frigida exhiberi debet nisi sacchari adhibeatur, aut aliquid aliud, quod frigiditatem corrigat, & sit veluti eius vehiculum; Nam aqua simplex (vt ait *Hyppoc.*) in præcordiis moratur, & sitim accendit somnus aceti rosati olfactu prohibetur.

4. Acutorum

De

De conseruatione Virium.

CVM prædicta febris acuta valde sit, & ex copia humorum pendeat, ptissana bis in die data cum seminibus citri accomodatus victus videtur, vel ossa ex iure pulli, quo borrago, acetosa, hordeum, vix passe, & cichoreū fuerint diutissime incocta, lactuca quoq; dari potest. Potus aqua in qua hordeū coquatur addito saccharo, & limonis succo vel granatorum.

CAP. XVII.

Pestis Bubonicæ, & cum Carbunculis Casus ex Hypp.

2. Epid. sec. prima.

19. Casus.

CVM Triremes Nostræ nauem turcicam cepissent, qua Homines infecti peste erant, illico in eos malum peruagatum est; febricitabant. vehementer cum capitis ingenti dolore, ac vigilare comate, lingua scabra, arida, sitis, vomitus varius, vrine variæ, crassæ, turbidæ, fetentes, aliquibus nigre, apparebant. quibusdam tumores circa inguina ingentes, aliis circa axillas; quorum aliqui bubones, aliqui vero carbunculi naturam referebant; apparebant inquam bubones, & carbunculi aliis ante febrem, aliis secunda, aut tertia, aut quarta die; & moriebantur alij eadem die; alij secunda, tertia, aut quarta, alij ex viriū robore euadebant, vel disrupto abscessu, vel aluo, vel sudore copioso; queritur natura morbi, & eius cura.

Dignotio.

2. Epid. I.

6. Epidem.

MORBVS prædictus pestis est, & epidemica cōtagiosa non ex aliqua aeris constitutione nata, vt qualis Hypp. tempore in Cranone carbunculos excitauit ex immodica aeris humiditate, nec ex cadauerum, paludum, aut antri cuiuspiam exalatione nata; sed per contagium communicata maligna qualitate per vapores ex infectis hominibus, & mercibus, quæ erant in Naue; afficiebantur autem corpora tum per inspirationem sensilem, quæ pulmonibus fit, tum insensilem, attracta per poros perniciofa putredine. hinc concepta Cordi & visceribus Ceca malignitate conabatur natura pellere ad emunctoria axillas. s. & inguina; vnde fiebant carbunculi, ac bubones, qui vt docet Hypp. germina sunt viscerum; nec mirum si illi magis moriebantur quibus ad axillas abscessus apparebant, quia abscessus debent esse ad partes infernas, vt scripsit Hypp. quam longissime a morbo; sed illis certe mors iure adueniebat, quibus bubonibus decrescen-
tibus febres augebantur, recurrente intus materia; est autem hoc morbi ge-
nus,

nus, quod per contagium afficit corpora, & mercibus adportatur valde frequens nostris temporibus, antiquitus vero vix ac ne vix quidem notum; quamuis Gal. mentionem faciat pestis cuiusdam quę ventorum vi adportata fuit Athenas ex Africa. Libro de diff. feb. febrium.

De primo scopo. An Medicus aliquid facere debeat.

CVM non ex aere, sed per contagium ceperit morbus, si prudenter occurramus facili negotio extinguetur; sin minus contagio aeri communicato per vapores ex corporibus eleuatos periculum est ne tota inficiatur prouincia; sicuti ignis ex parua scintilla in immensum crescere solet.

De secundo scopo. Quid Medicus facere debeat, deq; commodo remediorum vsu.

DVO se in primis offerunt facienda, alterum vt quod futurum est malum prohibeatur; alterum, vt id, quod iam factum est extirpetur; quorum primum ad præcautionem; secundum vero ad curationem spectat.

De præcautione.

PRÆCAVTIO duo capita habet, alterum ne contagium disseminetur in prouinciam; alterum vero ne qui iam sani sunt in triremibus afficiantur. Quoad primum attinet Triremes ad aliquam insulam inhabitabilem prope tamen continentem, aut ad situs aliquod longe ab abitoribus mittende. locus eligendus salubris, eminens, & apertus; ibique fabricanda ampla domus lignea, quę inferuiat pro hospitali egrorum; deinde fiant alia tuguria distantia per milliare vnum ab eadem domo pro sanorum habitatione. Fiat autem edictum ex mandato Principis sub capitali pena ne quisquam à termino præscripto egrediatur; ad habitationes. adportentur Nauicula quę necessaria sunt pro victu & medica officina, & relictis his prope locum recedant. Interim omnia, quę sunt lanificia, & merces vel comburantur, vel loco separato exponantur aqua maris bene expurgante, pro qua re deputabuntur aliqui sorte extracti, qui habitationem habeant separatam à sanis; deputentur xx. homines sorte extracti, qui egros, si qui inficiuntur ad hospitale deferant, & qui mortuos sepeliant, & separati degant. Contagium autem præcauetur, & correctione aeris, & corporis dispositione; corrigitur aer ea ratione, qua Hypp. fecit Athenis incensis ignibus ex lignis odoratis, vt lauro, mirto, iunipero. tuguria & habitationis assiduò suffitu ex mirra, aloë, belzuiño, thure, corrigantur, & manibus pila odorifera teneatur ex eisdem. Quod pertinet ad corporis

vis dispositionem tria facienda sunt, vt Gal. docet, exiccare corpus, facile transpirabile reddere, & alterare per amuleta, & ea, quæ veneno resistunt; primum fiet victus ratione parca, & exiccante; inter cetera carnes columbarum præcipue laudari solent, quod pesti resistent. Celsus iubet, vt semel in die comedant. Potus modo aqua malo vinum; exercitatio procuranda, fugienda satietas, cruditas, libido, & omnis intemperantia; corpus transpirabile redditur tum purgando, tum sanguinem mittendo in his, qui valde repleti sunt; vltimo corpus redditur inhabile ad virus si summat pillulas russi ad 3 5. quotidie quæ habent. R aloes 3 ij. mirræ, croci, an. 3 i. cum vino fiat massa ex qua in formam pillularum quotidie ante prandium per horam summat; præseruat etiam theriacis 3 i. per interualla ex vino desumpta, & bolus armenus. Herba quoque, quæ tassus barbassus dicitur, præstantissimum est antidotum, siquidem ad eam concurrunt Mustule ne morsu serpentem ledantur, nuces item cum ruta, & sale si comedantur ieiuno stomacho vim præseruari habent maximam.

Quid agendum in his, qui peste infecti sunt.

VIRES, vt quæ secundum naturam sunt sui conseruationem requirunt; putrefacta iam materia extra corpus pellenda; venenum tam in corpore, quam in abscessibus extirpandum, & oppugnandum; symptomata lenienda economia, siue gubernatio circa ægros in primis procuranda.

De gubernatione agrorum.

PROCURANDUM in primis, vt agrorum res (economia appellat Hypp.) recte instituantur. igitur quatuor Medici Phisici eligantur, & sex chirurgi, qui magna mercede conducti adsint. præterea Astantes decem, qui omnes ægros gubernent successiuo quodam ordine, & caritate christiana inseruiant, qui antidotis prædictis muniti circa ægros versentur, separatam tamen habitationem habeant à sanis.

De his, quæ venenum educunt.

4 Aphor.

CUM nulla in hoc malo sit expectanda coctio, ideo statim eadem die vacuandum iuxta Hyppoc. consilium; ideo valentibus viribus statim sanguis mitti debet, etiam si abscessus appareat circa alas, & si habuerint naturam carbonis eo magis; sed si apparente abscessu minuantur aliquo pacto symptomata, & bene fert morbum tunc mittere sanguinem non expedit, sed magis attrahere ad locum, quod si abscessus non apparent excitandi cucurbitulis ad emunctoria positis, & vntionibus, atque emplastris, medi-

medicamenta autem purgantia ob febris vehementiam non conueniunt nisi lenia, vt ranbarbarum cuius cum aqua acetose vel vino ꝑ ij. dari poterunt statim fiant clysteres per interualla.

De cura abscessus.

ABCESSVS cum apparent seu bubonis, seu carbunculi naturam referant ignito ferro aperiendi, vt expurgetur materia, & extinguatur venenum, & ne retrocedat; nec enim vlla in his malis expectanda coctio; neq; vlla facienda percussio. Si vero vires non sufferant incisionē emplastro vtimur, quod semel attrahat, & maturet, cuiusmodi est illud, quod fit ex cepa, qua excauata ꝑ i. theriacis igni ebulleat, & mortario ꝑi stetur addendo allium, & vinum, & parti applicetur: poterunt quoque prædicti abscessus scarificari, & detracto sanguine putrefacto, pastilli andronis, aut polidæ Japa dissoluti applicari; narrauit mihi amicus Vir acri ingenio præditus, qui cum iter faceret per locum quendam Franciæ pestē infectum, illico genuum dolor eum corripuit ingentissimus, adeo, vt fere deficeret; inde factus est abscessus ad eundem locum maximus; ipse vero vt erat animo intrepidus, & medicinæ non omnino ignarus maluas, & caules, & violas coxit, & axungiam excepta contundit, ac facto emplastro alligauit. inde equum conscendens iter faciens licet febre teneretur ruptus est statim abscessus cū tāta materiæ copia, vt vix credibile esset, & sic euasit.

De attemperantibus, & coquentibus.

QVONIAM exardens febris est, ideo ea antidota requirit, quæ non calefaciunt; quamobrem boli armeni ꝑ i. quotidie cum aqua acetose danda est, vel diamargaritonis frigidi ꝑ i. cum succo granatorum; epithemata cordi ex vino maluatico addita aqua rosacea, & puluere triū santalorum ad ꝑ 5. muschi, & ambris g. 6. Aer continuo suffitu canfore aut santalorum, aloes alteretur, & spargatur pauimento acetum & aqua rosarum. Vigilia licet utilis sit in hoc malo; quia tamen immodica vires deicit; somnus conciliandus est cum syrupo de pappauere, cuius ꝑ i. noctu assumere poterit tempora item, & pulsus populeone vnguento illineantur; somnolentia illa, qua aliqui continuo vexabantur anulsionibus frictionibus, ligaturis extremorum, aceti rosati olfactu prohibenda, scabrities lingue, sitis, & ariditas loctione oris cum oxirato. Potus item frigida copiosus nonnullos seruauit ad quartam diem, & Celsus id præcipit dummodo non sint senes vel imbecilles capitis dolor oxirodino fronti syncipiti, & temporibus frequenter ad moto leuatur. syncopis frictionibus extremorum, ligaturis odoribus stomaci illinitione olei abjynthij. aut sponsia ad moueatur ex aceto, & aqua rosacea ossa panis cum vino tollitur.

Lib. tertio.

De conseruatione Virium.

CUM morbus hic acutissimus sit, & maxima habeat symptomata; ideo tenuissimo victu vtendū esse ratio docet, sed quia vires lāguent in hoc malo; ideo nutriendi succo ptissane tantummodo cui aliquid boli armeni, & seminis citri misceantur; at si parari non poterit, vtetur iure pulli exquisite consumpti; in quo acetosa, hordeum, cicoreum, vna passe, & prunis sint incocta, intincto pane conserua quoque ex accido citri succo per interualla ad cocleare vnum sit in vsu, quod si ager nulla ratione velit comedere, quod aliquando pertinaciter fit, vt malint potius mori; cogendi sunt, & concedendū illis quicquid velint dummodo non magnopere non noceat; cibare. n. licet vberius in peste, quam in aliis morbis. Rasis concedit pullos, oua, lentes, vinum aqua dilutum. Celsus quoque vinum calidum, & meracius exhibet, brudus succum carniū pisces saxatiles, nam vires confirmatē morbos tollere solent oportet autem condire cibos siccantibus, vt aceto, limonis succo.

3. Epid. sect. 3

CAP. XVIII.

Synochi non putridi Casus ex Gal. lib. 9. Meth. c. 4.

18. Casus.

ADOLESCENS natura carnosus, ac bonis cibis saginatus, exercitio deditus, cum exercitationem per aliquot dies deposuisset, & pri die ludo parue pile valde se exercuisset, in febrem incidit, in Vere, hora noctis prima; cuius initium sine rigore fuit, calor magnus, verum tactu mitis, pulsus magnus, celer & frequens, aqualis tamen; vrina tum crassitie, tum colore à naturali non admodum aliena; aderat tamen totius corporis grauitas, faciei rubor; sequenti die eadem, sed auctior febris, magnus æstus, & vigilia, &c.

Dignotio.

FEBRIS predicta synochus est sine putredine, que reponitur inter ephemerat, quia ad earum naturam accedit, licet longior sit; estque putrescens aucta tamen, & continua. Causa copia sanguinis, que ex omisso exercitio increuit, & ex parue pile ludo accessus est, non sine aliqua stypatione.

De primo Scopo. An Medicus quidpiam agere debeat.

CUM febris sit acuta, continua, & magna, periculosa censi debet, salutaris tamen, quia causa facile superabilis est, & caret malis symptomatibus;

ptomatibus; erit autem terminus eius dies septima; terminabitur autem; vel ope ipsius nature, sudore seu hemorrhagia, vel potius medici, sanguine emisso, quo pretermisso in magnum vite discrimen iret. Quare manus medicas casus hic desiderat si quis alius.

De secundo Scopo. Quid Medicus agere debeat, deq; commodo remediorum usu.

VIRES, vt que secundum naturam sunt, sui conseruatione indicant, febris attemperantia; multitudo sanguinis euacuationem symptomata correctionem.

De vacuantibus.

SANGVIS mittendus statim est ad lib. i. 5. & sequenti die ad libram tutius. n. est ex sententia Auerrois repetere missionem sanguinis, quam semel ad animi defectionem euacuare, quod fecit Gal. neque recte ipse in hoc casu ad quartam diem sanguinis missionem videtur distulisse, quia illo tempore facienda est euacuatio vbi viget necessitas; nisi fortasse cruditate causa id ab eo factum est; facto igitur communi chysteri statim vt reor sanguis erat mittendus, atque id in magna quantitate, non tamen ad defectionem vsque cum tutius sit, vt ait Celsus illam partiri quam semel omni vi effusa precipitare, nam cruditates enemate ad inferna trahuntur. Ceterum post febris vigorem purgare ex raubarbaro poterimus, dando infusionis illius ʒ ij. cum ʒ iij. syrussi rosati solutini, quia semper ex sanguinis feruore bilis gigni solet.

De attemperantibus.

CERTE cum magnus in hac febre sit calor, & corpus sit carnosum ac iuuenile, facta missione sanguinis, non tamen ante quartam diem, frigidam aquam bibendam dabimus ad satietatem; nec. n. ex tali potu solum corrigitur ardor, sed roborata natura sudores mouet, & vomitu, aut deiectione peccantem humorem educit cautus tamen Medicus in hoc remedio esse debet, quia magnum est. nec vnquam in senibus faciendum, quorum aliqui extincti sunt ea immoderate aque potione, sed tutius est paulatim & sensim dare cum ardens febris sit, & nuper Hispanus quidam Princeps, in etate 60. annorum febre ardente laborans & sui valida effligitauit aquam a medico in vase magno argenteo, & promisit medico vas ipsum si aquam concederet; Concessit medicus, ita fortasse requirente malo. sed hausta aqua extinctus est ager.

De

De correctione symptomatum.

CERTE symptomata hec minime requirunt opus medici; cum ablata causa tollantur, & eisdem remediis; nam lumborum dolor & lassitudo sanguinis missione tollitur; sicuti aestus frigide potione; vigilia vero ungendo populeone unguento tempora, & guttur; nec non syrappo de papauere ad 3. noctu sumpto.

De conseruatione Virium.

CUM morbus acutus sit, & inter septimam diem terminandus, pendeatq; ex copia humorum, & vires valeant; ideo tenuissimo victu utendum est; quare succo ptissane vsque ad vigorem poterit suslineri. Potus aqua hordei cum oxisaccharo.

CAP. XIX.

Synochi putridi casus ex Gal. 9. meth. cap. 4.

19. Casus.

ADOLESCENS seruus cum pridie tota laborasset, & lotus pauca comedisset, febre corripitur nocte, quæ per totum sequentem diem durauit; calor multus non sine acredine, pulsus maximus, celer. frequens inequalitatis tamen particeps, vrina rubra, sed confusa, capitis dolor pulsans, & totius corporis tentio, faciei robor, & venarum tumor; sequenti die per eadem. sed deinceps sine vlla accessione decrescere videbatur; quæritur natura morbi, & eius cura.

Dignotio.

FEBRIS prædicta, vt ex signis aperte cognoscitur synocha est de genere putridarum acuta, continua. Causa est obstructio à sanguinis abundantia facta in vasis magnis præcipue circa alas, & renes, ac inguina qua obstructione impedita est transpiratio, & accesa putredo, ac febris, est autem de genere perasmaistica siue decrescens, & sicuti hæc febris cum est sine putredine ad ephemeram reducitur; ita cum signa putredinis habet, ad biliosa referri debet, quia sanguis dum putret antequam ex eo fiat per putredinem bilis vel flaua, vel atra bilis naturam habet, eiusque symptomata infert.

De

De primo Scopo. An Medicus aliquid facere debeat.

HAEC febris cum acuta sit, continua, cum putredine periculo non caret, sed cum à benigno humore fiat, & decrescendo procedat, si recte tractetur intra septimam diem iudicabitur, idque potissimum ope medici sanguinem educendo.

De secundo Scopo. Quid Medicus facere debeat, deq; commodo remediorum usu.

CERTE eadem requirit facienda, quæ præcedens; ideoque statim prima die erat iniciendus clyster, mittendusque sanguis ad lib. ij. ut simul euacuemus, & refrigeremus. Victus sit sola prissana ad morbi usq; vigorem; cui lactuca, aut cucurbita cocta addere poterit; Potus aqua hordei coctione apparete frigida, haustus magnus, ut diximus in præcedenti.

CAP. XX.

Febris ephemeræ ex bile casus.

IVVENIS habitu corporis gracili, & magnis venis post validum exercitium equis depositis factum, in febrem incidit sine rigore; multus & acris calor aderat, qui tamen imposita manu vincitur, pulsus magnus, celer, frequens, & equalis, febris perseveravit per totam diem sequentem sine ulla intentione, aut remissione, urine fere naturales, aderat tamen sitis, & vigilia, queritur natura morbi, & eius curatio.

20. Casus.

Dignotio.

FEBRIS prædicta biliosa est, continua inter ephemeræ nothas collocaanda, seu potius synochus quidam ex bile pendens. Causa bilis est agitata potius quam putrefacta, occasio fuit immoderatum exercitium, visuntur autem, ut recte ait Fernelius non raro febres tum continuæ, tum intermittentes, quas neque ad ephemeræ absolutè, neque ad putridas recte referre possis, quales plerunque fieri solent ex destillatione scabiæ, cruditate, bilis, aut sanguinis ardore, & quedam ad quartam extenduntur, aliæ quotidie non totum semel, sed etiam bis accedunt; in quibus æger vix se febricitare sentit, pulsus tamen celeritate, & frequentia, lassitudine, corporis gravitate, vigilia interdum, & grauioribus symptomatibus conspicue.

De

De primo Scopo. Quid Medicus agere debeat.

QUAMVIS febris continua sit, cum tamen sit de natura ephemeræ, ac facilis, salutaris censeri debet, eaque vel solius ope naturæ intra septimam desituram; medici tamen manus desiderat ne errore aliquo in putridam transitum faciat.

De secundo scopo, quid Medicus facere debeat, & de commodo remediorum usu.

VIRES, ut quæ secundum naturam sunt, sui indicant conseruationem, febris & eius causa attemperantia desiderant, & si febris progrediatur euacuantia; symptomata, si quæ sunt lenienda.

De conseruatione Virium, & reliquis.

VICTVS, cum quo perdurare poterit ad solutionem febris, erit pristina, cum ossa panis iure gallinaceo intrita bis in die noctu etiam lactuca, aut cucurbita cocta; Aqua in potu cocta ex hordeo, addito iulapio, & limonis succo, qua victus ratione etiam attemperabitur calor; in quam intentionem renes unguento rosaceo aceto dissoluto unguantur, & frons ac tempora ex populeone. Ad somnum cordi, & hepatis epitmata, ex succo acetose, vel oxirato, balneum item accommodatissimum est in tepida aqua dulci.

De vacuantibus.

SI his non cedat morbus tunc ad bilem euacuandam accedendum est, quæ ex symptomatis abundare dignoscitur, ex 3 s. cassie, & tantundem ex puluere tamarindorum vel 3 i. diaprums non solutui, aut 3 ij. Syrupi rosati solutui.

C A P. X X I.

Ephemere ex cutis adstrictione casus deducitur ex Gal.
octauo meth. secundo.

21. Casus.

IUVVENIS habitu corporis gracili colore nigello hirsutus diebus canicularibus lauandi æsius gratia in aquis alumnosis à quibus suauit, hinc ad umbram gressus febricitare cepit, calor mitis non excrefcens, cutis densitas manifeste sentiebatur pulsus celer, frequens, æqualis, urine fere naturales, quæritur morbi natura, & eius cura.

Dignotio.

Dignotio.

PRÆDICTA febris ephimera est ex styratione meatuum cutis nata propter aquas adstringentes, quibus se lauit; quamobrem retento calido è fluuio neque frigido intus attracto (semper enim corpora nostra transpirant intus & extra) accensa est febris presertim in corpore adeo calido; nam his naturis (dicebat Gal.) frigide lotio non conducit; nec abstinencia balnei cum acri fuligine abundant, quæ facile accenditur.

De primo Scopo. An Medicus aliquid facere debeat.

FEBRIS hæc toto genere salutaris est, & intra quatuor dies terminabitur dummodo, vel ægri, vel medici errore in putridam, aut hecticam non transeat, quare medici manus postulat periti, ne cibandi abstinentia (quod Diatriariis accidit) perdatur æger.

De secundo Scopo, quid Medicus facere debeat, & de commodo remediorum vsu.

VIRES sui conseruationem postulant, febris ea, quæ attemperans, & refrigerant, cutis astrictio, quæ relaxant.

Qua ratione prædicti scopi effici debeant.

ALIMENTVM sit ptissana, & si presto non adsit, lotus panis lactuca, aut cucurbita cocta. Potus aqua citissime autem cibari debent ob biliosam naturam, & quotidie bis; qua ratione non solum nutriemus, sed attemperabimus; balneo quoque, & attemperabimus, & cutem maxime laxabimus, sit tepida in tina si domi non sit paratum, quod si Gal. loco citato Iuene frigida lotione post calidam vsus; id factum est, quia hecticam timebat; nam & corporis dispositio, & quæ precesserant, & morbus facile in eam dispositionem ibant. igitur à balneo, oleo camemelino totum corpus vngatur poterit & uti abstergentibus in balneo, qualis est ptissana aut fabacea farina, quæ innocente id faciunt.

CAP. XXII.

Ephemere ex obstructione casus ex Gal. 8. meth. 4.

VIR annorum xxxx. habitu crassus, & carnosus, colore albo, crapule affectus, & otio cum æstatis tempore in flumine lauaretur hora
K noctis

22. Casus.

noctis prima in febrem incidit sine rigore calor multus, sed non mordax pulsus magnus, celer & frequens cum aliqua inaequalitate; vrina non multum à naturali varia, crudior tamen febris extensa est ad sequentem noctem cum capitis grauitate, & tussim neque tamen intermisit queritur morbi natura, & curatio.

Dignotio.

FEBRIS allegata ephemera est non solum ex meatuum cutis stipatione nata ex lotionis, sed etiam ex obstructione vasorum a crassis humoribus, & potissimum circa venas mesenterij, & cum ultra horas xxiiij. durauerit, neque intermiserit, & adsit capitis dolor, & grauitas non tam exquisita, sed nota dicenda est, quaeque in putridam sit abitura, nisi cito ut decet occurratur, ideoque manus medicas desiderat, & perinde si recte tractata fuerit dissoluetur inter quaternarium.

Quid Medicus facere debeat, & de commodo remedium vfu.

VIRES, ut quae secundum naturam sunt, sui conseruationem postulant inter ea, quae praeter naturam sunt, febris attemperantia, humor obstruens, quae euacuent & attenuent.

De vacuantibus.

IN curanda obstructione primum locum obtinet euacuatio humoris obstruentis, sed quia crassus est, & lentus attenuationem postulat; haec autem fieri non possunt nisi totum corpus transpirabile fiat. igitur secunda die facto mane communi enemate; sanguis ex basilica brachij dextri ad 3 vij. mittatur; mox attenuandus humor dato oximelite simplici ad 3 i. s. cum decocto passularum, adianti, cicoreae, & radicum appij ad 3 iij, nec verendum quod bilescat oximel cum aeger, qui proponitur habitu sit pituitoso; quando vero bilesceret oxisaccharo toco oximelitis vtendum, constat autem oximel mediocre ex duabus partibus mellis, vna aceti, & quatuor aquae; attenuato humore purgandum erit ex diasiniconis 3 s. cum decocto florum, & fructuum. Cutis quoque rarefieri poterit vnctione olei camelini calidi.

De conseruatione Virium.

CVM ex multitudine nascatur febris, & cito terminabilis sit, ideo tenui victu vtendum, qui obseruendi vim habeat, qualis est ptissana
in

in cibo, in potu vero mulsa vel aqua hordeacea cum saccharo sit vero sacchari ad aquam vel mellis pars octaua.

CAP. XXIII.

Ephemeræ ex ebrietate casus, ex Galeno octauo meth. cap. 7.

NUPER ex plebe quidam cum in splendida cœna sibi epulis potuq; indulgisset; domum venit errabundus & manu ductus; cumque tota nocte ex plurima sequentis diei parte perdormisset resurgens, circa primâ noctis horam febre corripitur, cum capitis dolore ad frontem, rubor totius faciei, ructus accidus, & nausea, ceterum nec in pulsu, neque in calore, neque in vrina vllum aderat putredinis signum. 24. Casus.

Dignotio, & prognosticum.

FEBRIS ephemera est, occasio fuit crapula, & ebrietas remanente vino adhuc in stomaco; erit autem salutaris & soluta crapula intra tres dies terminabitur, nisi error committatur, ob quam causam Medici manus desiderat.

Quid agendum, deque commodo remediorum vsu.

CRAPULA discutienda, caput roborandum, & denique si quid remanet discutiendum, procuretur egro vomitus ex aqua tepida cum melle, & si difficile vomet, penna immissa in fauces vomet; enacuato foveat cum vntione olei melini addito mastiche, aloe, croco ad caput roborandum & ipsam frontem oxirodinum admoneatur, hinc brasice folia alligentur temporibus, & ad discutiendum postea vtatur embroca, seu lotionne calide. Ceterum alimentum sit ptissana, aut ossa panis in iure pulli, vinum quibusdam datur, sed id non fiet nisi discussa crapula, quibusdam. n. vinum accessit in stomaco, & aque frigide potu curati, cum fuerint, occasionem habuit Trallianus impugnandi Galenum. Qui omnem accidam cruditatem ex frigidityte fieri dixit, cum in hoc casu à calore fieri soleat, sed licet instantia ad curationem sit utilis, potest & in hoc casu defendi Gal. quia vinum licet calidum sit respectu aque, quia tamen forte est non poterat superari à calore ventriculi; ideo cum talis calor minor sit, quam pro vino conficiendo sufficiat, dicetur à frigidityte fieri, aqua vero facilius superatur, neque accessit.

Ephemeræ ex cruditate nidrosa casus ex Gal. 8.
meth. cap. 5.

24. Casus.

ADOLESCENS calidi hepatis, & ventriculi, cum in conuiuio placens dulciariisque multis, fructibus, & vino se saginasset, in æstate hora diei decima febris corripitur sine rigore, calor non multus, suavis tamen, pulsus frequens inæqualis capitis grauitas, & totius ventris distentio hora noctis quarta vomuit partem cibi, à vomitu ructus nidrosi, subputridi, in sequenti die febris perseverauit cum fluxu alui bilioso, & inappetentia, vrinæ fere naturales, sed crudiores, queritur natura morbi, & cura.

Dignotio.

FEBRIS ephemera est ex satietate facta, & cruditate illa, quam nidrosam appellant Medici, occasio fuit ciborum calidorum, & fructuum multitudo, quare facta putrefactione in ventriculo, nausea vomitus, capitis dolor, ructus, & per consequens febris accensa est.

De primo scopo. An Medicus aliquid facere debeat.

FEBRIS cum sit de natura ephemeræ salutaris censenda est, & intra quatuor dies terminanda, si vt decet Medicum æger nactus sit diligentia præditum. Nam cum ephemera sit plurium dierum, & causa permaneat ni recte tractetur in putridam transiet, quare ad medicum veniendum est.

De secundo scopo. Quid Medicus facere debeat,
& de commodo remediorum usu.

VIRES sui conseruationem indicant, febris parum vrget; humor in ventriculo vacuandus, & coquendus, symptomata corrigenda.

Quomodo prædicta recte fieri debeant.

2. Meth.

NEC vomitus, nec alui fluxus reprimendus est, cum per ea ventriculus exonerari soleat; quare dicebat Gal. cruditatem cum fluore minus malum, quam cum adstrictione, & Celsus alui fluorem vna die sepe pro valetudine esse, sed si diu flucret aluus, tunc corrigenda fluxio; in primis.

mis somno, qui non modo supprimit alium, sed inter cetera coctionē iuuat. Ideoque Hypp. in satietatibus dormiendum esse monet astate sine calore, Hyeme sine frigore. Hic roborabit stomachum Gal. quod recipit olei nardini ꝓ i. pulueris aloes mastiche an. ꝓ. i. cereꝑ parum fiat vnguentum, quo calido bis in die ante cibum per horam vngatur stomachus, quod tamen non laudat Alexander, quia neque affectioni, vtpote calide, neque temperamento calido conueniat nardinum oleum, quare hoc ceratum potius conuenire, ait, accide cruditati, quam nidrose sicuti diatrienpiperon; proinde frigida tum extra tum intus adhibenda censet. Sed Gal. se corrigit paulo post scribens, quod si inflammatio aliqua fuerit, tunc ceratum melinum conuenit aut mastichinum cum hypocistide, aut enemate, quod sic formari poterit, & erit accommodatus. ꝓ olei melini, mastichini an. ꝓ. 6. aloes, mastiches, in puluerem an. ꝓ. i. oriphacij parum; cereꝑ quantum est satis fiat ceratum pro vngendo stomacho, cibus sint pisces saxatiles, aut ptissana. Potus aqua in qua cidonia, vel mirti bacce sint incoctę, sed si alius in agro nostro esset adstricta; tunc humor educendus vomitu si adhuc heret ventriculo si intestinis enemate Trallianus in vtroque affectu, vt pręstantissimum omnium remedium laudat aquam calidam, sine exacte tepidam assumptam, quę & attemperat, & euacuat, solet etiam morsum, & dolorem mitigare; enemate quoque communi intestina essent detergenda, quod si flatu adsint, incoquere oportet anethum, feniculum, cuminum addendo oleum rutaceum; hac ratione symptomata corrigentur, & curabitur capitis dolor, cui etiam rosinum vnguentum inunctum repellet vapores, ad appetentiam dabimus succum cotoneorum cum saccharo, & acetaria, ac condimenta in alimento, quod valde tenue sit, quia ex satietate febris oritur.

3. Acutorum

8. Meth.

8. Meth. 5.

CAP. XXV.

Ephemere ex lassitudine casus.

IVVENIS boni habitus plusquam sollicitus esset cum laborasset & iter tota die fecisset lassitudinem persentit precipue ad articulos; hinc noctu febris corripuit eum sine rigore, calor mitis, pulsus celer & frequens, vrina naturali similis, duravit febris tota nocte, sed ad meridiem sequentis diei declinabat cum sudore, queritur natura morbi, & cura.

25. Casus.

Dignotio, & prognosticum.

FEBRIS prædicta ephemera est exquisita ex labore nata. Nam articuli nimis calefacti calorem ad cor transmittunt, vnde febris orta est, neque non colliquatio, quę per carnes fit ait Hypp. in membris non as-

suetis,

Lib. 4. Aph. 55
 Lib. 3. cap. 5.
 suetis, & cum febris sit benigna, & iam manifeste inclinet, inter horas
 xxiii. terminabitur, nisi error committatur, hoc. n. adnotauit Gal. contra
 eos, qui inedia trium dierum utebantur in omni febris, cum in ephamera,
 statim cibatum hominem ad exercitia consueti mittere liceat unde vere
 constat tantum errare nos in curatione, quantum in cognitione. Nam si
 quis ignorata febris natura sanguinem mittat, aut aliud remedium magnū
 adhibeat valde errabit, ideo Gal. gloriatur se primum harū febriū cogni-
 tionem assequutū; quāuis Hypp. ephemeræ nomen adinuenerit; cū in apho-
 ris mis dicat omnes febres ex bubone malas præter ephemeram; neque Cel-
 sus earum cognitionem non omisit, qui tamen Gal. antiquior fuit ipse enim
 lib. 3. cap. 5. inter ephemeram, & putridam differentiam ponens in hunc
 „ modum scripsit. Igitur si febris semel tantum accessit, deinde desit, eaque
 „ vel ex inguine, vel ex lassitudine, vel ex aestu aliaue re simili fuit; sic ut
 „ interior nulla causa morbum fecerit postremo die cum tempus accessionis
 „ ita transit, ut nil mouerit, cibus dari poterit; at si ex alto calor venit, &
 „ grauitas vel capitis, vel præcordiorum sequuta est, neque appareat quid
 „ corpus cum fuderit; quamuis vnā accessionem sequuta integritas est, ta-
 „ men quia tertiana timeri potest expectandus est dies tertius, & ubi tem-
 „ pus accessionis præterit, cibus dandus est, sed exiguus quia quartana ti-
 „ meri potest Galeno tamen, ut qui hanc rem egregie tradidit laus non me-
 „ diocris debetur.

Quid Medicus facere debeat, & de commodo
 remediorum usu.

CUM exiccati sint calefacti articuli humectari debent, & attempe-
 rari, inter cetera balneum aque dulcis egregiam vim habet hoc fa-
 ciendi. Nam, & attemperat, & lassitudinem leuat & humectat, & su-
 dores mouet, inde vngendum corpus, & Gal. oleo tepido vtitur, sed Tral-
 lianus ex hycheleo, hoc est aqua & oleo potius vngendum docet, quia si-
 mul & humectabit, & refrigerabit, à balneo reficiendus post horam; eli-
 gere autem tempus balnei in declinatione febris commodum est, seu potius
 iam in totum abolita. Cibus sit ptissana, & panis in iure pulli, lactuca
 aut cucurbita cocta, pisces quoque saxatiles. Potus aqua seu vinum al-
 bum tenue limphatum, quies procuranda; Iusta illud Hypp quoquo modo
 corpus laborare cepit, quies statim lassitudinem leuat, lencs etiam ambu-
 lationes id faciunt, reliquias colliquantium dissipantes.

CAP.

Ephemere ex Catarro casus ex Galeno primo de differentis febrium, cap. ultimo.

ADOLESCENS hyeme flante borea tota nocte per Urbem ambulauit; sequenti die hora diei octaua rigore correptus est valido cum capitis dolore tussi sicca; nares humiles fauces, & oculi subtumidi successit febris, que neque calore, neque pulsu, neque vrina ullam putredinis notam habebat. queritur natura morbi, & eius curatio. 26. Casus.

Dignotio.

FEBRIS ephamera est ex frigore, & vigilia enata, nec refert si a rigore innadat, quia constipata cute, acres detenti vapores feriunt partes nervosas, & rigorem faciunt, vnde dicebat Gal. febrium putridarum proprium esse cum rigore, aut horrore incipere, dummodo non præcesserit frigiditas, aut ætus, qui eum efficere possent ab extra. igitur adstricti meatus cutis, capitis repletio facta est, vnde tussis & febris. Libro de differ. febrium.

De primo Scopo. An. f. Medicus aliquid facere debeat.

SANE febris prædicta salutaris censi debet, neque diem quartam transcendet si vt oportet tractetur; solent. n. Tussiculosæ febres & que cum catarro fiunt (ait Hypp.) leniter quinta die detinere, & grauedines, & rauedines citius terminantur cum febre quam sine ea, quia a calore febrili adiunatur coctio; desideret tamen medici cura, quia si error committatur, possunt in acutas transire febres, & pulmonias, aut pleuritides. 7. Epid. 32.

De secundo Scopo, quid faciendum, & de commodo remediorum usu.

CVM hæc febris de se salutaris sit, nullo alio indiget medici auxilio, & instrumento, quam vt commoda ratione victus procuretur humoris coctio. Expectata igitur febris declinatione panem in aqua coctum cum saccharo ei detur. Potus vero sit gliereferre, aut adianti decoctum cum paucis saccharo postea veniat ad oua recentia vinum album sapam quoque bibat per intervalla ad educenda quæ in pectore continentur proinde melle viatur.

CAP.

De febribus cum accidentibus, ac primum febris affodes
casus ex Hypp. 4. acutorum.

27. Casus.

PETRVS Bailus boni habitus etate annorum xxx. constitutus, in Autumno febre corripitur cum magno internarum partium ardore, sed extremorum frigore; hypocondria tenax anxietudo, ut vno loco quiescere non possit; vigilia, & sitis. Queritur natura morbi, & eius curatio.

Dignotio.

7. Aph.

QUAE proponitur febris acuta est continua, maligna, affodes dicta, seu fastidiosa in genere hyppirig. Causa vel viscerum inflammatio censenda, vel obstructio insignis circa naturalia membra ex crassis, ac biliosis humoribus, qua ratione pressus ventriculus inquietudo nascitur; Frigent vero extrema perpetuo, quia calor vel intus trahitur ob inflammationem sicuti cucurbitula, vel retinetur ne diffundatur ab humorum copia quasi suffocatus. dicebat. n. Gal. quod ubi extrema frigent in febre perpetuo necesse est, ut vel inflammatio in visceribus adsit, aut crassorum humorum copia, aut virium imbecillitas, aut ingens dolor, aut syncopis, quorum tamen hic neque dolor, neque imbecillitas cum à principio fiat adsunt, neque syncopis; quare vel ad inflammationem, vel obstructionem referri debet in casu nostro; at ex hypocondrii tensione evidens est magis inflammatio.

De primo Scopo. Quid Medicus facere debeat
in hac febre.

4. Acutorum.

QUOD febris acuta sit valde maligna, & viscera satis affecta cum pessimis symptomatibus, inquietudine, & extremorum frigore; ideo toto genere letalis censei debet; dicebat. n. Hypp. in prognostico pessimum esse si per totum precordium tumor fuerit, & tensio; non tamen ita disperandum, quia sperari possit salus, praesertim quod ager viribus sit robustus, quorum robur unica in pessimis malis salus est. Ceterum Hypp. ex urinis potissimum febris eventum coniectandum esse nos monet; terminabitur autem intra septimam diem quod valde acuta sit, & si fuerit in bonum sanguine per nares, quia ratione inflammata hypocondria indicari solent, aut alui fluxu, aut sudore. igitur facto coram Astantibus de periculo prognostico manus admoneat Medicus.

De

De secundo scopo. Quid Medicus facere debeat, deq;
commodo remediorum vsu.

VIRES, vt quæ secundum naturam sunt, sui conseruationem postulant. Febris ea, quæ attemperant; humorum fluxus, & copia, quæ euacuant, & repellant, cruditas, & malignitas coctionem; inter symptomata inquietudo extremorum frigiditas, & sitis correctionem desiderant de quibus sigillatim dicendum.

De vacuantibus.

STATIM secunda die leni clysteri aluus educenda, ita enim præcipit Hypp. recipiat, aut clyster aquæ lib. 1. mellis 3 1. olei communi 3 iij. salis 3 ij. fiat clysteri, vel potius vti poterit cum melle cocto cum hyera pigra 3 ij. aluo ita lenita sâguis mittendus est ex vena interna brachij destri ad 3 ix. sic. n. monet Hypp. faciendum in inflammationibus, seu doloribus, aut grauitatibus viscerum; in quibus veng sectio principalis est; ita. n. fiet & euacuatio, & reuulsio; purgatio nulla à principio, sed apparente coctione; quo tempore ex 3 ij. electi raubarbari, & 3 iij. syrussi rosati solutini purgari poterit, quo tempore vrina mouenda, & sudores ex decocto apij, feniculi, aut petroselli.

4. Acut. 36.

De coctione prouocanda, ac anxietudine tollenda.

EADEM remedia vires confirmant, & coctionem adiuuant, & anxietudinem tollunt; quare decumbat eger in lecto molli pro consuetudine, stragulis cooperiatur, & in vno loco decubitus tolleretur quam maxime poterit; quia motus vires deicit & prosternit, ex præcepto Hypp. & quia lumen debilitat vires, ideo iaceat in domo obscura. Ceterum tertio quoque die clyster prædictus adhibeatur hypocôdrijs verò circumtensis Hyp. cataplasma adhibet ex semine lini in qua & oleo cocto exacte tepido ne si frigidum fuerit calorem intus pellat, si calidum augeat febrem. Sed si dicas Gal. reprehendit antiquos quod cataplasmatibus vterentur, per quæ succi ad partem trahuntur: dico id fieri antequam corpus fuerit euacuatum, sed euacuato corpore adhiberi possunt, præcipue si habeant aliquid adstringentium, verum dices hoc cataplasma esse pure resolutiuum; dic ad coquendum adhibendum, & resoluendum; nos vero addere poterimus aliquid adstringentium, vt stocum, & puluerem absinthij.

4. Acut. 36.

ii. Meth. vlt.

Z De

De corrigenda extremorum frigiditate, & siti.

CERTE frigiditas extremorum non solum mala est, vt signum, sed vt causa affligit. n. valde, & calor intus continetur maior, cum non extendatur, quare pedes ceratis ex oleo anethino, & absynthino bene calidis ungere oportet, pannis calidis obuoluere, & pellibus manus quoque agnitis vestiantur, & lateribus calidis admoueantur; ligaturis quoque, & frictionibus trahendus calor ad extrema spina oleo absynthino inungatur calido; sitis quæ ex ardore prouenit salenda tum lotionibus, ex aqua hordei, tum accidis cerasiis, & granatæ grans ore contentis.

De conseruatione Virium.

CUM acutus valde sit morbus, & ex inflammatione, siue valida obstructione nascatur tenuissimo victu vtendum; quare Hypp. recte in oximellis potu vsque ad indicationem egrum continet. Cum enim pedes frigidi sunt nil Hypp. exhibendum scribit, nisi vrgenti causa ablata inquietudine, & coctione aliqua apparente ad ptissanam transeundum oximel autem sit aquosum, aquosum verò dicitur, quod & aceti partem vnā, mellis duas aque v. l. vel vii. l. nec certe tacere possunt quam segnes sint medici in instruendo victu morborum acutorum & assiduus potionibus, ac cibis repleant adiciendo pullos pistos, stillatitia iura cum pane, quasi at letam ad palestram arma curi nullum egrum in summa inedia continent, nullum in solo potu, ac nequidem in sola ptissana, quare non mirum est si hac ratione moriantur multi, præcipue cum febres, aut ex inflammatione, aut obstructione, & putredine pendent.

CAP. XXVIII.

[Febris singultose casus ex Hypp. casus 4. acutorum, num. 51.]

STATVARIUS annorum xxx. crapule, & veneri deditus habitu corporis crasso cum laute pranderet hora diei decima in febrem incidit cum horrore; aucta febris est ad horam sextam, quo tempore vomuit pituitosa multa cruda, a vomitu singultus eum apprehendit, qui perseuerabat cum febre ad sequentem diem; sitis aderat, ructus, dolor ventriculi, febris manebat valida. Queritur natura morbi, & curatio.

Dignotio.

Dignotio.

QUANTVM ex allatis signis colligi potest febris est acuta, continua maligna. Causa pituita multa est ventricula tunicas imbibita, & in toto corpore abundans, quę sua praua qualitate, & salsedine irritat ad expulsionem ventriculū, ac proinde ex replectione maligni humoris singultus nascitur.

De primo Scopo. An Medicus quidpiam agere debe at.

CVM febris sit continua, acuta, circa ventriculū in frequenti singultu, vires debilitans; nec febris humoris dissoluere potuerit, valde dubitare contingit de vita; nec. n. vt scripsit Hypp. hi euadere possunt, nisi succedant indicatorij sudores, & somni succedant placidi, aut per vrinas mordaces, & crassas, vel per abscessum: verum si hæc non fiant, Medicus immutando naturam facere debet, quare Medici opus desideratur; facta tamen de vitę periculo pronuntiatione.

4. Acutorum.

Quid Medicus facere debeat, & de commodoremediorum vsu.

VIRES, quę secundum naturam sunt, sui conseruationem postulant; febris quę attemperant. Causa, quę est pituita, crassa, & lenta absterctionem, attenuationem, coctionem, & expurgationem singultus, & imbecillitas stomaci corrigenda sunt.

De attenuantibus, coquantibus, & purgantibus.

CVM morbus magnus sit, & vires valeant statim sanguis mittendus non tamen in multa copia ob cruditates ad 3 vij. ex basilica brachij destri; inde vero clysteri vtatur communi addendo 3 s. hierę logadij, aut diasyniconis; mox danda illa, quę detergendi, & attenuandi vim habent cuiusmodi Hypp. erit hoc R seminis dauci, comini tusorum an. 3. s. oximelitis simpl. 3 ij. decocti appij, anethi, petrosellini 3 iij. assumat bis in die calida hora mattutina, & vespertina tribus horis ante cenam; licet autem hæc calida iudicentur, & febri repugnantia; habenda tamen cause maior est ratio, & singultus; vomitus inde moueri poterit ex multa in qua raphani semen & hyssopus, ac thymus bullierint; hinc purgandus apparente aliqua coctione ex hiera cum agarico ad 3. s. mox imitando naturam sudores mouebimus, & vrinas, cum per hæc indicari soleat febris, quale hoc erit ex

L 3 officina

3. de morbis
39.

84

FONSECA

officina Hypp. R. appij m. iij. pulegij m. ij. in lib. 6. aceti albi quoquo ad tertia, hoc melle, & aqua dilutum aquosum calidum bibat per intervalla. Somnus quoque procurandus cum vim magnam habeat coquendi, & singultum discutiendi. Ceterum si per euacuationem non possit educi humor ad abscessum tentet medicus deducere calefaciendo, & fricando inguina, ac crura, ut eo morbus vergat.

De corrigendis accidentibus.

Aphor.

VENTRICULUS roboretur infra scripto lenimento. R. oleum in quo menta absinthiumq; sint incocta, & bis in die calido foueto ventriculum, & duodecimam spine vertebram. Ceterum ad singultum facient quæ diximus attenuantia, ut si theriaca, aut diaspoliticon exhibeamus; si extrema fricentur, & ligantur, si sternutationes per intervalla moueantur. Iuxta illud singultu laborante sternutatio superueniens liberat.

De conseruatione Virium.

CUM morbus sit valde acutus, & cum obstructione, & circa stomachum ideo tenuissimo victu vtendum; rectè ideo Hypp. solo succo ptissane ad iudicationem vsque vtitur, cui tamen in coquere licebit, & porrũ, & anethũ. Potus vero sit aqua hordei; sit tamen hordeũ prius in aceto maceratũ qua ratione melius sitim sedabit, & adiciemus aliquid sacchari.

C A P. X X I X.

Syncopalis febris humorosę casus ex lib. 12. meth. cap. 3. Quam febrem Hypp. appellat inflatam, & liuidam 6. epid.

VIR annorum xxxxx. hirsutus calidi temperamenti edax tamen & bibax cibis crassis assuetus, ventosus, media hyeme cum laute in prandio comedisset syncopi, siue animi defectione corripitur cum dolore ventriculi; ad noctem febris apprehendit, & multa euomuit; facies tumida plumbea cum paucis rubore, hypocondria inflata nausea, & morsus ventris pulsus paruus, & inequalis vrina crassa, cruda, per intervalla deficiebat viribus. Queritur natura morbi, & illius curatio.

Dignotio.

FEBRIS acuta est, & mali moris ex his, quas Hypp. inflatas, & liuidas appellat. Causa magna crudorum humorum copia in toto corpore, & potissimum circa ventriculum, quæ sua frigiditate, & copia os eius opprimit

opprimens syncopes inducit; occasionem dedit voracitas, & crassorum ciborum assus multus.

De primo Medici Scopo. Num quidpiam agendum sit.

CUM febris sit acuta maligna ex multa humorum copia circa ventriculum enata, & quod pessimum est syncopem inferat toto genere letalis censenda est; Nam qui multum sepe, & vehementer animo linquuntur repente mori scripsit Hypp. sed quia eger natura robustus est; nec defectiones ita frequentes, & valide sint in casu nostro; ideo non est prorsus desperandum de salute terminabitur autem inter diem septimam; nec transcendet xiiij. idque vel aliqua à natura facta euacuatione, vel paulatim, si illum terminum transeat per coctionem. Magni quoque erit momenti opera Medici naturam ipsam adiuuans, quamobrem facto prognostico de euidenti periculo auxiliari oportebit, & si aliqua febris est, quæ medici prudentiam, & diligentiam requirat hæc vna esse videtur.

Quid Medicus facere debeat, deque commodo remediorum usu.

VIRES conseruationem si vnquam alias in hoc morbo postulant indicatio à febre parum vrgens est; validaq; ex causa sumitur, quæ cum humor sit crassus coctionem, attenuationem, & vacuationem postulat. Syncopis reuocationem; stomaci imbecillitas ea quæ roborant de quibus figillatim dicendum.

De vacuantibus, & roborantibus.

QUANVIS morbi magnitudo, & humorum copia euacuationem postulent; ex altera parte, & virium infirmitas, & humorum cruditas impediunt; quare Gal. nullam neque pharmacia, neque phlebotomia molitur euacuationem, sed perpetua artuum frictione vtitur, in domo temperata linteis mediocriter asperis, primum inde ex oleo inungit camentelino; fricat. n. primo crura, mox brachia inde spinam, & rursus circuitu facto redit ad crura; nec absteineat a frictione nisi cum dormit eger debet autem somnus esse mediocris, cum vigilare potius conducat ne calor in internis moretur; statimque oleo in quo absynthium, & menta sint incocta bene calido stomachum fouere oportet. Nam vbi ventriculus debilis est valde, vt in casu nostro prius debemus roborare quam euacuare (ait Gal.) quare neglecta, qui prius euacuare voluerunt hominem necarunt; sed dicet quare Gal. perpetuo fricat egrum plenum humoribus cum frictio, & cetera

12. Metho.

2. ad Glauco.

cetera remedia localia ante euacuationem potius augeant obstructions & die curationem hanc non regulatam esse, sed coactam, & ratione urgentie factam; cum.n.euacuationem sensibilem non tollerent, frictione sunt vacuandi, & humores à partibus internis ad externas traducantur, à iditur inedia maxime que adiuvat vacuationem. Trallianus tamen paulatim vacuandus monet; ubi vires paulo sunt robustiores, & sanè in nostro agrotò posset mitti sanguis ad 3 iij. quia apparet rubor in facie secus si non appareret glandibus quoque aliis lenienda; ita.n.iubet Hypp. faciendum ubi vires non constant, sed iam progrediente malo; si urine meliores apparent oximel in quo absynthij coma maduerit optimum erit medicamentum, & hiera cum agarico 3 1.5. in formam pillularum.

De conseruatione Virium.

CVM febris sit valde acuta, & ex multitudine humorum crudorum enata; quibus qui abundant facillime inedia tollant; ideo Galen. solo potu melicrati vititur, aut oximelitis vsque ad septimam diem; incoquit autem hyssopum, pulegium, & calamentum ad detersionem, & humorum attenuationem in quam sententiam Hyppoc. iuit qui in febre hyberna cum animi deliquio non dat ad indicationem vsq; præterquam acetum mulsum, & si Galenus videat alium fluere, tunc auget victum, & ptissanam exhibet, & si pulsus imminuantur panem intrito vino dilutum quod concessit Alexander impugnans Galenum, quasi hominem necaret inedia, & frictione continua. Nam aliqui fortasse erunt, qui non poterant ferre in quibus prudentia medici augere nutrimentum debet.

4. Acutorum

12. Metho.

Lib. 12.

De occurrendo syncopi, & reliquis.

CVM syncopis corripit statim ad vinum concurrendum merum, & causticum, quod citissimam deductionem per corpus habet; deturque panis eo intritus. Unde Hypp. si cor doleat panem in vino mero dare precipit, sed dices Gal. primo ad Glauconem in syncopi ab inflammatione nil dandum esse scribit sed fricanda extrema & liganda. sic in hac cum ex humorum multitudine procedat nil dabimus, sed damus urgentie causa, & quia frigiditas adest humor, que attemperatur nares aceto, & aqua rosacea, necnon pulsus fricandi, & stomaco spongia imbibita vino, & aqua rosacea calida apponenda; pedes calefaciendi, & manus, at si inappetentia laborat non magnopere curandum cam excitare præsertim à principio cum conducat inedia quam maxime; sed in progressu obseruandum, ut ex duobus cibis gratior detur etiam si aliquanto sit peior, & condiantur alimenta limonis succo, capreae etiam in aceto cum oleo appetitum excitant.

2. Epid. 5.

CAP.

CAP. XXX.

Febris syncopalis casus ex siccitate natæ deducitur ex
Gal. 10. meth. cap. 3.

IVVENIS habitu gracilis, & musculosus vt canis calidæ, & sicce nature; cum ex malo nuncio tristaretur, & valido motu grandeque exercitio in æstate vsus fuisset; hora diei vndecima febre corripitur cum rigore, seu inæqualitate rigenti, tota nocte vigilauit declinauit febris ad auroram secundi diei. cum vero sua, & medicorum inscitia vsque ad tertiam diem inedia vteretur; facies illi tales conspiciebatur, qualis describitur in prognostico extenuata sic vt mortuo similis videretur. Ceterum tertio die alica cibatus rediit febris cum extremorum perfrigeratione, pulsu exiguo, vt vix recalescere potuerit quæritur natura morbi, & curatio.

Dignotio.

PRÆDICTA febris de natura tertianæ exquisita procul dubio erat nisi inedia accessisset, quæ exacerbat morbum & bilem exacuit. Quare siccitate aucta mordens ventriculum syncopim faciebat, accedente corporis dissolutione, & virium imbecillitate ex corporis raritate & humorum tenuitate.

De primo Scopo. An Medicus quidpiam facere debeat.

CVM morbus sua natura letalis non sit, sed errore exacerbatus sit, si recte tractetur facile consequetur sanitatem; pendet. n. ex fame, & causa extrinseca; recte autem monebat Celsus considerandum à Medico cum accedit an æger recte tractatus fuerit an perperam. Nam si quis (ait ille) temere habitus adhuc viribus valet, admota cura, momēto restituitur. Lib. tertio.

De secundo Scopo. Quid Medicus facere debeat, & de commodo remediorum vsu.

VIRES, vt quæ secundum naturam sunt, & in hoc malo difficiunt sui conseruationem in primis posulant, morbus, & causa ea, quæ refrigerando, & humectando attemperant virium defectus prohibendi, & cum deficit reuocandus æger.

Quomodo

Quomodo prædicta fieri debeant.

2. Acut. 22.

1. ad Glau. 14.

EVIDEM cum mali causa ex siccitate pendeat atque inedia succurrendum est per alimentum facilis coctionis quodque humectandi vim habeat, & bilem obtundendi in re autem merito accusabat Hyppoc. Antiquos Medicos, quippe qui debilitates in morbis distinguere nescierunt & quæ ob vasorum euacuationem fiunt aut ob vim morbi, cum illi statim nutriendi sint; hi vero nequaquam. Cum ergo noster æger ex vasorum euacuationem in syncopim delapsus sit commodo nutrimento ad iuuandus, & bis in die nutriendus: erat igitur nutriendus secunda die statim per ptis sanam & frigida potum rursus tertia die recte adhibita est alica ante accessionem (siebat. n. alica antiquitus ex Zea quam speltam vocamus) qua nisi nutritus fuisset in magnam sanè syncopim incidisset; quia ut recte monet Gal. qui ex siccitate in syncopim sunt incursum optimum est prævidere; Nam si duabus, aut tribus ante exhibitionem cibi manus ac pedes constringi iusseris non interibunt quod si syncopis iam hominem inuadit, ut contingit huic in secunda accessione statim fricanda liganda calefacienda extrema. Venter fricandus oleo melino, aut mastichino, vinum exhibendum, quod in omni defectu virium singulare est remedium: nullum autem symptoma est, quod adeo breuè occasionem habeat ipsa syncope, in qua nisi Medicus præsto sit paulo post non sufficiet, ut scripsit Hypp. lib. primo de morbis, in his igitur naturis & casibus non modo in accessione, sed paulo ante ipsam nutriri licet, non in ratione morbi, sed urgentiæ victus sit astringens levis qualis alica est, ptissana, vinum austrium, pirum coctum, mali punici succus, gallorum testes.

CAP. XXXI.

Describitur febris cardiacæ elodes casus ex Cornelio
Celfo lib. 3. cap. 19.

CUM ætas similis veri præcessisset; ac rorida. Adolescens 25. anno ætatis suæ temperie laudabili febre corripitur cum perpetuo sudore circa pectus solum & faciem. cruribus tamen siccioribus, atque frigentibus; facies subhumida, & rubra cordis palpitatio, & anxietudo. Queritur natura morbi, & curatio ipsius.

Dignotio.

FEBRIS prædicta acuta est, maligna, sudorifica, seu elodes dicta. Causa cordis, & ventriculi intemperies ac languor, quibus fit, ut to-

STATVS

DE FEBRIBVS.

89

cum corpus sudore perfundatur. Solent enim cordis affectus sudores effundere prauos, & symptomaticos.

De primo medici Scopo. An aliquid in hac febre moliendum sit.

CV M febris sit maligna, acuta corde affecto, & cum perpetuo sudore, valde letalis censi debet. Nam eiusmodi sudores ait Hypp. prauissimi sunt, præ suffocatione, impetu, & violentia morbi fientis; non tamen perinde deferendus ager est; sed periculo Astantibus nunciato Medicus manus auxiliares adhibeat. Nam si consequi poterimus, ut sudores impetus minuantur (ait Celsus, & vita prorogetur) incipit iam tempus remedio esse.

4. Acutorum

Quid Medicus facere debeat, & de commodo remediorum usu.

VIRES, quæ secundum naturam sunt, & languent, sui conseruationem postulant, febris attemperantia, sudor, ut qui valde debilitet, comprimendus; viscera roboranda, & crurium frigiditas corrigenda.

Qua ratione prædicti scopi recte fiant. Quæ attemperant, & sudorem retinent.

ATTEMPERAT, & sudorem compefcit in primis aer, qui omni ratione refrigerandus; cordi & stomacho epichema adhibeatur ex aqua rosacea ad lib. i. aceti vero rosati 3. 5. vini generosi rubri 3. iij. Ceterum corpus inungendum in ea parte, qua sudat oleo mirtino in quo puluis siccarum rosarum, & aluminis incorporentur. Hypochondriis cataplasmata ex farina hordeacea cum succo acetosæ malaxata.

De conseruatione Virium, & syncope prohibenda.

QUAMVIS febris sit valde acuta, quia tamen corpus sudore digeritur, ideo aliquando copiosius nutrire oportet; idque parum, & sepe; erit autem illi nutrimentum sorbitio ex ptissana, cui mali punici succus adiunctus capponis destillata aqua cum aqua acetosæ. Potus sit aqua hordei cum qua iulapium ex acetositate citri factum misceatur, & cum vrget imbecillitas vinum rubrum aqua frigida temperatum dandum, & intritus in eo panis. odorata naribus admoueantur ex odoribus, quos implentes, & placentes vocat Hypp. quales sunt carniū assarum, & malorum coto-neorum, ac persicorum, nec non vini generosi; ad pedum frigiditatem ligatura, frictions, vnctiones, ac fomenta adhibeantur.

8. Epid. 6.

M CAP.

Febris colliquantis casus.

FABER ferrarius natura biliosus, & gracilis in principio autumnii circa decimam horam diei febre corripitur, calor tactu non multum excedens, maior tamen circa thoracē, & in internis partibus vrebatur cum siti. Pulsus parvus, frequens, & debilis. Urina citrina crassa supernatantibus quasi arancorum telis; alui fluxus frequens, & quæ excernebantur pinguis, & fetida sitis, vigilia, anxietas, facies valde extenuata, & adhuc magis tertia, & quarta die. Queritur natura morbi, & cura.

Dignotio.

9. Meth. ult.

FEBRIS prædicta acuta est, continua, maligna ex genere colliquantium. Causa calor est malignus, qui non modo per insensibilem transpirationem; sed manifesta excretionē corpus dissolvit: liquantur. n. in hac febre partes pinguiore, sicuti in igne carnes humide. unde dicebat Galen. heclicas febres similes esse liquantibus; sed in illis carnes sicciores nil sensibile mittere; at in his humidiores colliquari. Notat Card. febrem acutam cum fluxu alui vel fieri colliuatione, vel cum pars materia tenuior excernitur crassior vero remanet; vel ob phlemonem quod omnibus inutile est vacuare, præterquam in inflammatione, in qua sanguinis missio convenit in casu tamen nostro ex liquatione oritur.

De primo Scopo. An Medicus quidpiam facere debeat.

9. Aphor.

CUM febris maligna sit colliquans cum alui fluxu, & quæ tam parvo spatio corpus extenuavit, & magna virium sit infirmitas, corpore resolutio plus quam ratio postulat, ideo mors prædicenda intra septimam, aut undecimam diem; nihilominus certioribus redditus Astantibus de euentu morbi non negandum est auxilium; nec enim in acutis morbis omnino salutis, aut mortis certæ sunt prædictiones, nec unquam in illis deferendi agri interdum. n. præter opinionem, qui à medicis deserti sunt conualescunt.

De secundo Scopo. Quid Medicus agere debeat, & de commodo remediorum usu.

VIRES, utpote quæ secundum naturam sunt sui conseruationem possulant. Morbus causæ & symptomata, & quæ refrigerant, obtundant, &

& emplastica sunt, nec non leuiter adstringentia tam intus, quam extra, vt corporis resolutio reprimatur tam sensibilis, quam insensibilis.

De his, quæ attemperant, & calorem obtundunt.

RECTE Galen. docuit non aliter curandas has febres colliquantes quam hecticas: nam in illis paulatim absumitur corpus, in his vero repente. igitur aqua, hordei cum oxisaccharo, vel succo mali punici, accidioris dari debet. Ceterum hordeum, quod in aqua coquitur, prius in aceto sit maceratum. Aer procureretur frigidus. Cordi & stomaco epithemata adhibeantur, necnon hypocondriis, quæ habent aquæ rosarum acetose melissæ an. 3 iij. vini rubri maluatici, aceti rosati an. 3. i. exacte tepida admoveantur, & totum corpus rosino vnguento illineatur. 7. Meth. in fi.

De conseruantibus Vires, & fluxum cohibentibus.

IN colliquatione dicebat Hypp. sorbitiones crassiores esse oportere magis quam adstringentes; debent. n. crassæ, vt obtundant, & difficile dissoluantur. Frigida, vt attemperent in hanc intentionem lac dabitur, ex quo butyrum sit extractum cum dimidio pondere aquæ tandiu coquatur donec ad quadrantem redeat; inde calyce in eo extincto bis propinetur; erit enim alimentum, & medicamentum. Brudus recitat securasse mulierem Anglicam fluxu, & febre laborantem iure pulli, in quo refrigerantia, & adstringentia incoxerat, vt in rubus, oxalis, plantago, cichoreum rubi germina vel rose, borrago, herberis, coriandri, semen preparatum, corallus rub. & menta. Ptissana quoque hordeacea cum succo mali punici, & alica si parari poterit, pirum etiam assum concedi potest, & acidum lac, quo remedio in India, vt præstantissimo in dysenteriam vtuntur medici. aqua item in qua intritum cotoneus sit maceratum; optima; stomachus oleo melino vngatur, vel sponsia imbuta aceto, & aqua rosacea. Cum vero in hac febre vires tam ex vasorum; vacuatione sensili, quam insensili dissoluantur nulla euacuatione est opus.

CAP. XXXIII.

Febris cum ingenti capitis dolore casus ex Hypoc. 3. prognost.

FRATER quidam Dominicus, qui nuper ex Hispania venerat annorum xxxv. robustus, hirsutus, & calidæ naturæ, cum ad satieta- tem usque cenasset febre corripitur acuta cum ingenti, & forti capitis dolore, 32. Casus.

M 2 lore,

lore, siti, inquietudine, & vigilia. Urine crasse turbata, vt iumentorum, secunda die sanguis niger e naribus exiit nihilominus perseuerabat febris, & capitis dolor ingens. Queritur natura morbi, &c.

Dignotio.

4. Acut.

FEBRIS acuta est, continua de genere aderentium. Causa multitudo biliosi sanguinis non modo in venis magnis, sed totius corporis, & precipue capitis collectus; vnde ingens ille dolor, stilla. n. illa sanguis venarum copia inflammationem significare scripsit Hipp. semper enim in febre quauis affecta vna pars esse apparet que ex symptomatis illius dignoscitur, vt hic caput ob dolorem & vigiliam.

De primo Scopo, quid Medicus agere debeat, & de commodo remediorum vsu.

3. Prog.

CUM febris sit acuta continua, cum ingenti capitis dolore, atque sanguis niger secunda die exiierit, sane valde contingit dubitare de vita egri. Nam vt dicitur ab Hypp. dolores capitis magni cum acuta febre, si aliquod signum accesserit malum letale esse, & videbatur pessimum esse nigrum sanguinem secunda die eductum; que. n. indicatoria sunt dicebat Hipp. non statim apparent; verum cum robustissimus esset eger sperare ceppi, & indicandum denique febrem per eundem fluxum sanguinis euari- bus, vt contigit quinta die.

De secundo Scopo. Quid Medicus facere debeat.

VIRES, que secundum naturam sunt sui conseruationem postulant febris, & causa attemperantia, & euacuantia, atq; coquentia, capitis dolor, sitis, vigilia, inquietudo correctionem requirunt de quibus sigillatim dicendum.

De vacuantibus.

Primo Acut.

CUM homo nuper cibatus febre corripere curauit, vt cibus ad intestina trahatur per clysterem iuxta Hypp. sententiam; post horam sanguis missus est, a vena cephalica destri brachij ad 3 x. & cum perseuerassent omnia die tertia sanguis ex cephalica brachij sinistri ad 3 totidem missus est; perseuerante dolore, & reliqua symptomata; cucurbitule die quarta cum scarificatione adnote sunt scapulis, lumbis, & crucibus; ligaturæ extremorum adhibite, & frictiones: erat. n. timor ne frenitis

nitis vel conuulſio, aut aliquod magnum cerebri malum arriperet. Sanguis tamen enaribus aliquando apparebat.

De attemperantibus, coquentibus, & expurgantibus.

CVM magnus eſſet ardor, & ſitis dedimus in aurora hanc potionem, & ſyrup. acetofi ſimplicis ꝓ 1. capillorum veneris de accido citri an. ꝓ 5. aquarũ acetofe cichorei an. ꝓ iij. ſummat calidũ; clyſter tertio quoq; die. Cum verò materia turgeret, quod ex inquietudine apparebat purgandi humorem v 111. die, hoc, quod habet & electuarij de ſucco roſarum min. Meſ. ꝓ ij. ſyrup. roſati ſol. ꝓ iij. cum decocto florum, & fructuum fiat potus; à quo euomuit multa bilioſa, & deiecit noctu ſanguis erupit è naribus, & factus eſt à febre liber potius ex viriũ robore ſeruatus qua ex natura morbi.

De corrigentibus ſymptomata.

CVM omnia ſymptomata vigerent, & morbum augerent, illis occurrimus, & primo capitis dolori, pro quo ſedando oxirodinum raſo ſyncipiti admovebatur, quod habet olei roſacei omphacini ꝓ iij. aceti roſati ꝓ 1. fiat oxirodinum ad ſomnum vngebatur frons, tempora, pulſus. guttur populeone vnguento, & ſumebat ꝓ. 5. ſyrup. de pappauere, ad ſitim coluebat os aqua hordei, & bibeat ex illa per interualla heminam addito in lapio violaceo, & limonis ſucco, ad inquietudinem inebam quam maxime quieſcerit in vno decubito, & in aere obſcuro, & ſtomacum oleo melino inungeret aſſumeretq; lapidis betzoartici grana 6. ter in die.

De conferuantibus vires.

CVM acutiſſima eſſet febris, vires valerent, & robuſtiſſimus homo eſſet tenuiſſimo victu vtendum ratus, & cum aborreret ptiſſanam de di illi mala duo cocta, & lactucam coctam bis in die. Potus aqua hordei cum ſaccharo, & limonis ſucco quo cum victu ad ſeptimam perſeuerauit, inde vberius nutriui declinante iam morbo. ſeruando quod monet Hypp. 1. Acutor, vt in declinatione morbi ad cibos accedamus, ſed poſt duos dies a iudicatione ad maiorem ſecuritatem. tunc & oua ſorbilia, & carnes pullorum coctas, & aſſa hepataeorum, nec non piſces ſaxatiles dedimus, qui in febribus carnibus ſunt anteferendi ſemper.

CONSILIA

CONSILIA ALIQVOT

variorum Morborum Roderici à Fon-
seca, & primo explicatur,

*Qua ratione vulnera capitis curari possint sine caluarie
apertione, & per oleum Apparitij celeberrimum
in tota Hyspania, & admirabile
remedium.*

CAPVT PRIMVM.

Explicatur etiam. An capitis, & cerebri vulnera, an per siccan-
tia magis, vel potius per humectantia curari debeant.



5. Meth. vlt.

6. Meth.]

DUPLEX in curandis caluarie vulneribus occurrit
controuersia: quarum altera ad medicamenta perti-
net, quæ admoventur altera ad apertionem ossis, quo-
rum vtraque decisionem requirit, & ut à prima inci-
piamus duplex curandi ratio fuit; Alij. n. per blanda,
& anodina capitis vulnera, (seu cerebrum conspiciat-
tur, seu non) curanda esse, & ratione, & experimentis comprobant, ut Ro-
me Gal. texte fieri solebat; Alij per siccantia, ut in Asia tum quod omne
vulnus exiccatione posulet, & humida renuat, tum quod, & membrana
cerebri, & caluaria natura sicca siccantia pharmaca desiderant; quale
Hypp. ex farina hordei tosta, aut Gal. ex thure mirra aristolochia pana-
ce, & erui farina. Itemq; emplastrum isis cephalicam moschionis aristę
& decleontis per quæ, ut refert Gal. plures quam per humida seruati sunt.
verum si naturam cerebri consideres quod neruorum principium sit, & ideo
facile inflammabile, si vulnus quod contusione plerumq; iunctam habet &
dolorem comitantem, non immerito dices, medicamenta cerebro læso adhi-
benda blanda esse debere, & anodina, quale nostris temporibus est rosa-
ceum oleum omphacinum, & mundificatiuum, quod rosaceo, ouo, & ter-
bentina constat, quam rationem curandi Romę solitam idem Gal. appro-
bavit, & rosaceum oleum ad membranam detectam adeo esse conueniens,
ut melius, quo ipsius verbis utar, nihil possis inueniri capite perfo-
rato, quam ut rosaceo oleo utaris, & plurimos, ideo per hanc cu-
ram sanatos Romę, & nunc sanari vidimus, & secundo per loca medica-
men

men adhibet cerebro. quod e succo calamenti, arina farina milij cum butiro, rosacco, & axungia paratur. Quare cum vterque curandi modus à Gal. & veteribus probetur, & experientia confirmetur vtroq; vti sine vitio poterimus; nec inconueniens est curari morbum per similia, & per contraria, & per ea, quæ diuersa sunt potentia vt scripsit Hypp. Ceterum quæ per siccantia sit pharmaca tutior esse videbitur cum ab essentia morbi sumatur; quam ea, quæ per blanda, & anodina quæ per accidens est (nulum. n. capitis vulnus humectari postulat ait Hypp.) omne enim vlcus exficari desiderat, & à parte affecta, membrana enim cerebri sicca est, ipsa tamen doloris acerbitas, confusio, inflammationis metus ob vrgentiam blanda, & anodina requirunt.

In secunda controuersia habemus Hypp. totius medicinæ parentem, qui præcipit, vt in omni fracto osse, & magnis caluarie ictibus os ferro persequatur, modo ad cerebrum vsque si penetraret, aut lesum appareat; modo ad formam vsque panem, & rimæ finem. Cui assipulatur ratio, quia sanguis si colligatur intus aliter expurgari nequit, & in purgatus putrefacit viscus cum morte inenitabili, sed cum inueniat natura docta vias pelendi tamen cerebrum; adsint & medicamenta materiam extraentia extremum sit remedium errores qui committuntur perforando. Multo non sine ratione alij rarissime, aut nunquam perforandum os caluarie volunt detestari. sane est audacia chirurgi, qui vel lenissima causa perforetur caput, ac si esset torcleare; quod si etiam fiat morbo id requirente cum extremum sit remedium, cerebrum concutiat, refrigeretur possintq; ledi ferro membranae futurae, ossa temporum quæ per secta conuulsionem faciunt, omittenda sit eiusmodi cura, vtendumq; potius emplastris saniem extraentibus, quibus sine vlla noxa vti possumus. Quæ omnia perpendens, Celsi sententiam approbandam puto. Qui hac de re in hunc modum scripsit. In omni fisso fractione ossi, Antiqui Medici ad ferramenta veniebant, quibus id exciderint, sed multo melius est ante emplastra experiri, quæ caluarie causa componuntur, eorumque aliquod ex aceto molitum per se super fissum fractumue os imponere, deinde super id, aliquanto latius quam vulnus est ilitum lentiolum, & præterea fuscidam lanam aceto tinctam, tum vulnus deligare, & quotidie resolvere similiterq; curare vsque ad quintam diem; sexto die etiam vapores aque calide per spongiam fovere, & cætera eadem facere, quod si carruncula concrecere ceperit, & febris, aut soluta erit, aut lenior, & cupiditas cibi accesserit, satisque somni est in eo medicamento perseuerandū sed si sub hac curatione febris intenditur, breuesq; somni, & tumultuosi, vlcus, madet neque alitur in cervice glandule oriuntur, magniq; dolores sunt, cibi fastidium increscit tum demum ad manum scalpumq; veniendum hæc ille. Nos verò vti poterimus emplastro aliquo ex his, quæ à Galen. describuntur quale isis v. de med. secundum genera

Lib. de capit. vuln.

cap. 10.

cap. 20. & de ilionis lib. 4. cap. 13. est & emplastrum conciliatoris, qui san-
niem extrahit extra caluariam, quod habet gummi ellemi 3 iij. resine pini
purissime 3 iij. cere 3 6. olei rosacci 3 ij. 5. amoniaci 3 ij. terbentine 3 iij.
& 3. 5. fiat unguentum, ponit quoque gentilis, multa emplastra optima
parte quarta Auicennam in consiliis suis, consilio pro fractura cranei.

CAPVT II.

De oleo Apparitij.

SED veniamus ad oleum, quo utebatur Apparitius quidam à Cubra-
natione Vasconius homo illiteratus, & omnia capitis vulnera curabat
in Hysspania sine vlla caluarię apertione ad miraculum vsque nec vsquam
Vasconius dum viuit secretum alicui pandere voluit, eo autem mortuo
uxor consilio, & stipendio Regio commota olei compositionem eiusq; vsum
detexit. Quod habet 3 olei veteris lib. iij. vini albi antiqui, & optimi
lib. ij. resine abetine, cuius penuria sint terbentine lib. ij. thuris opti-
mi triti, & cribrati lib. 5. valeriane, cardii sancti an. 3 iij. tritici puri
puz. iij. perforatę saluie an. lib. 5. fiat oleum.

Modus conficiendi.

Lib. 4. de san-
quen. cap. 8.

PRIMO erunt vino maceranda herbe per diem integrum in olla lutea
vitreata, herbeq; sint primum forcipibus excise; hoc. n. modo, quę
oleum ingrediuntur, parari iubet Galen. tum triticum, & oleum in ollam
proiciantur, & cum bene inter se coniuncta fuerint, olla iterum cooperta
ad lentum ignem carbonibus accensum, aut flamma exigua, & sine fumo,
vsque ad vini consumptionem bulliant, & quandoque cum tudecula oleum
simul agitabimus, & ollam subinde aperiemus, postea coletur colo denso,
& exprimatur, vt herbarum virtus in oleo maneat; inde vero in illam re-
deat oleum, postea adde therbentinam cum qua oleum parum decoquatur
vsque ad olei crassitudinem; postremo thus per se solum etiam; antea opti-
me comminutum, & vino maceratum; tum cum placuerit ipsum insper-
gas, & ferueat parum; tunc quiescere nocte siue postridie cola, & va-
se vitreo, aut vitreato serua.

De vtendi modo, & qua cautione.

ANTE omnia ex vulnere eximendum quidquid in eo incidit siue te-
lum sit, siue teli, aut ossis, aut rei alterius frustulum, siue pilus, siue
sanguinis concreti grummus; tum vulnus vino albo calido lauandum, & si
plaga

plaga angusta fuerit cathetere immittendum erit; mox oleo, quod calidissimum quantum patiens sufferre poterit vulnus implendum, supraque linteola oleo imbuta imponenda, & extremum vino iterum calido super imponatur; ita ut nec numero linteorum nec pressu vulnus grauetur; demum commoda fiat deligatio, & sic ad finem usque perseverando curabit; quia oleum habet omnes intentiones, & siccandi, & abstergerendi, & attrahendi, & incarnandi. Interim & vacuationes, & victus ratio instituenda, ac commode. Omnibus enim ulceribus magnis a principio ieiunium conferre & aquam, nec non purgationem esse necessariam scripsit Hypp. eoque magis in capite in quo, vel cutis solum incisa nisi recte tractetur periculum ingens inducitur; quamvis Vasconias spretis his omnes curaret, si vulnus fuerit paruum, & vulneratus boni habitus semel in die curabis, sed in aestate, & maiori malo bis, verum si sanguis fluat admovei poterit oleum frigidum cum adstringentibus, & oui candido. Ceterum hoc utentes oleo nullo modo perforare calvariā oportet, & si penetraverit ad cerebrum vulnus, hoc eodem oleo utendum; ex quo abunde patet curationem per ea, quae siccant utpote ab essentia rei deductam, indicante id affectu, & parte affecta optimam esse. Omne. n. vulnus recens dicebat Gal. & Hypp. medicamentum requirit enemon, quod mediocriter exiccet, & membrana cerebri quanto siccior est tanto valentiora siccantia postulat. est etiam hoc oleum omnibus frigidis passionibus, & antiquis vnicum remedium. Ceterum Gentilis de Fulgineo in ultima parte Avicennae sui consilia quaedam scribit, & in eo cui titulus est recepte in fractura cranei, proponit remedium Episcopi Cremonensis, quo utitur in desperatione, cum nulla alia remedia iuvant ob vulneris prauitatem ad quod recurrendum censeo in ultima desperatione.

Prima Consultatio pro nobili Ianuense moniali reiectione
sanguinis laborante, casus.

VIRGO sacra etate annorum xxij. natura biliosa, & superioribus partibus exardens; pectore angusto, collo longo, & gracili. cui menstrua anno xj. xij. apparuerunt inde ad xvij. annum suppressa sunt, a xvij. usque ad xx. redire meneses, & recte habebat à xx. anno usque ad xxij. menses imminuti sunt, & aliquando salsa destillatione à capite laborabat, quamvis mense Octobris proximi preteriti post lactis assumptionem, & missionem sanguinis ex pede melius habuisset; tamen rediit salsedo. Sanguinem, iam agitur annus, singulis ternis mensibus spuit, pauca tamen quantitate viuidum, floridum, & spumosum, ultima tamen reiectione, quae fuit 18. die Ianuarij preteriti reiectavit sanguinem maiori cum tussi, & quantitate spacio trium dierum ad 3 vij. circiter. Quoties sanguinem reiecta-

N nit

uit missus illi est à brachio bis, aut ter semel in die; & quoties sanguis missus illi est etiam si modica quantitate imminuti sunt menses magis; dicit nobilis hæc Virgo in pectore se sentire quasi vermem mordentem. Ceterum in sanguinis reiectionibus nullus præcessit labor, aut causa manifesta. Rursus sanguinem sputit licet pauca quantitate præterito mense Maij, Iunij, & Iulij, & à die quinta Iulij aliquid febris persentit; quotidie pedes frigent superioribus partibus ardentibus; lac asine per aliquot dies assumpsit à quo tamen abstinuit ob stomachi imbecillitatem. hæc est Historia. quidam mittendum sanguinem volunt à brachio bis aut ter in modica quantitate. Alij non esse mittendum sanguinem, sed alterandum, & diuertendum, & prouocanda menstrua. Alij sanguinem ex pede mittendum esse volunt, ne fiat maior mensium suppressio.

Pars affecta.

PARS affecta pulmo est, quod ex sanguinis qualitate exeundi modo, & pruritu illo in pectore colligitur item ex habitu corporis vite ratione, & ætate afficitur autem pulmo per consensum primo deinde etiam per essentiam. Consensus duplex, alter ab utero ob mensium retentionem, alter à capite transmittente materiam ad pulmonem. Per essentiam vero quia cum pulmo diu laborasset hoc affectu, & sui etiam natura debilis sit ex sympatia facta est ideopatia.

Quis affectus, & quæ illius causa.

SYMP TOM A est in excretis præter naturam cum excernatur, id quod non debet, & quo non debet. Affectus duplex esse videtur, alter in via meatuum apertio pulmonis, quam greci anastomosin vocant; alter solutio continui iam incipiente ab erosione (ni fallor) ulceratione. Causa vtriusque non modo sanguinis tenuitas, sed mala qualitas, quæ tum aperit tum erodit pulmonem natura debilem. accedit partium superiorum caliditas attrahens, & præcipue capitis; unde etiam pedes refrigerantur, erosio, quam ait se in pectore sentire quasi vermem ob destillationem paulatim fientem ex capite fieri notat Hypp. lib. de morbis primo.

An Medicus quidpiam agere debeat.

7. Aphor. 36.

1. Meth.

SI nullus est casus, quo sententia Hypp. locum habeat hic vnus esse videtur. scilicet ad sanguinis sputum sequi puris sputum, & denique tabem; id quod indicat natura ad motum prompta, vite ratio, ætas, quod toties malum repetierit, quod suspitio sit non mediocris, tam adesse erosionem, quam incu-

incurabilem iudicauit Gal. quod ex mensium defectu ortum habeat, non tamen ob hæc puto deferendam esse nobilissimam hanc Dominam, quia si debita cura, & diligentia tractetur sperandum est si non mali absolutam curam, eius tamen impetum, ut alias factum est tolli posse, & cum in hoc malo periculosa sit omnis dilatio, ideo statim ad remedia veniendum.

Quid agendum sit.

VLCVS, & meatuum apertio in pulmone adstrictionem, & obturationem indicant; fluxus ad pulmonem reprimendus sanguis attemperandus symptomata lenienda, & ne malum recurrat procurandum, & quia reuulsio primum locum obtinet ab hac incipiendum.

De reuulsione.

SANGVINIS missio rectè sanè facta est ab Excellentissimis Medicis toties, quoties repetit malum; nec.n. sanguis, qui à pulmone excernitur citius, & melius sisti potest quam repetita illa sanguis missione ex utroque brachio ut monet Hypp. ideo si symptoma expectetur hoc est excretio semper à brachio fieri debet, quod tamen magis vrget ubi sanguinis copia spuitur, quam mensium prouocatio, ob propinquitatem quamuis si ex tallo missus fuisset non sine magna ratione, & non minori iuuamento factum putem, sed in casu nostro, in hoc tempore cum sanguis, qui spuitur vix appareat & corporis habitus adeo tenuis, & acris vrgeat fluscio, pro nunc ideo abstinendum à missione sanguinis iudico aliis reuulsionibus cōtentus. Nam & ipse Gal. in muliere Romana, quæ in ediam quatuor dierum passa est à sanguinis missione abstinuit, & precepto tradit in corpore exangue, & extenuato non esse prius mittendum sanguinem, quam, & nutritio, & succorum attemperatio facta fuerit, & Trallianus etiam in acri fluxione a sanguinis missione abstinet, qua facta attemperazione, & nutritione tunc ex vena talli prope mensium tempus ad mensium reuocationem, ut sanguis educatur consulo magnam.n. dixit Hyppoc. esse communitatem pectorum mammarum, & pudendorum; ideo nunc aliis vtendum reuulsionibus. Cumque vrget symptoma in quiete, silentio, minima respiratione continenda, fricanda brachia, & potissimum crura quotidie oleo anethino cui aliquid piperis, aut synapi sit adiectum, & ligaturis vtatur, & quod maxime fieri velim, coxis frequenter cucurbitula sicce applicentur; aliquando etiam scarificatæ ad mensium euocationem potissimum diebus, quibus solent illi menses venire cruribus. nam missio sanguis ex vena tali valde dissoluit spiritum, ut docet Gal. lib. de cucurbitulis nulla.n. spes est ait Hypp. in mulieribus hoc malo affectis quam si optime menses apparuerint.

1. de morbis.

3. Meth.

2. Epidem.

2. prædict.

N 2 De

De purgatione.

g. Meth.

INTER reuellentia purgatio post sanguinis missionem primum locum tenet, & Gal. ex hemoptoica passione, quæ per diaurosim, seu erosionem fit purgandum esse docet medicamento, quod plures educat humores, quod ex agarico conficitur, aloe, coloquintida, & scamonea, in cuius locum habemus aggregatiuas pillulas: verum quia sumus sub Cane in corpore valde sicco lenius purgandum esse; putamus, quale hoc est Be cassie 3 i. agarici raubarbari in puluerem redactorum cum aliquanto cinamomi, & Zin ziberis an. 3 i. cum puluere anisorum, & sacchari fiat bolus assumendus in aurora, vel eisdem vtatur ex infusione feri lactis additis syrup. rosati sol. 3 ij. facta purgatione, pessi, in vterū quotidie immittatur: ex partenij succo addito myrrhe puluere sindone exceptis deinde ex succo artimise, & conise, quæ prestantissima omnium indicauit Hypp. ad menses educendos in progressu etiam cum iam sputum sanguinis fuerit restrictum vtatur artimise syr upp. ex decocto critini hoc est feniculi marini, cuius planta, radices, semina, & solia Hypp. in vino coquebat, ad menstrua euocanda; sed hæc potio dum spuitur sanguis dari non debet, sed pestis vtendum.

Lib. I. de mor
bis mulierū.

De attemperantibus.

Hyp. I. Epi. 6

I. de morbis.
g. Meth.De internis
affect.

DUM fit his artibus reuulsio, sanguis attemperandus, & incrassandus, & exsiccandus, quo iure nullum potentius remedium, aeris commodi mutatione reperiri patet; quippe qui continuo à pulmonibus trahitur, ideo ad Tabias mittebat Gal. huiusmodi egrotantes & Celsus in Affricam nauigandum docet, sed quia ob eius institutam vitæ rationem locum mutare non esset facile, ideo saltem paretur eius habitatio sic, vt pateant fenestre ad cælum temperatius, & vtatur perpetuo suffitu talami ex rosis therebinto succino, camphora, belsuino, Victus vero quoties vrgat excretio tenuissimus esse debet; dieta enim vtendum à qua exanguissimus fiat inquit Hypp. & Gal. in muliere & iuvene hemoptoicis sola ptissana, & piro vsus est vsque ad quatuor dies, sed in casu nostro pro nunc, quia non multum vrget, & deinceps quo minus apparuerit sputum sanguineum copiosius nutriendum, nil enim est perniciosius in hoc malo quam corpus esse tenue, & exangue, vt scribit Hypp. ideo lacte crassificandum perpetuo monet; sed quia nobilissima hæc Domina ex vsu lactis liquidi (quod alioquin prestantissimum est remedium, & etiam vt alimentum) stomacho noxam sentit, alia ratione parandum lac, vt si non vtatur in potu saltem in cibo; igitur eo vtatur vel caprino vel bubulo; sed incocta farina tritici in modum pultis, (cioè di pappà) aliquando coquat far in eo, aliquando orizans ali-

aliquando panem; immo ipse panis quotidianus sit factus ex lacte, ut faciunt Belgæ, lactis igitur in hunc modum sit illi perpetuus vsus, quo solo viuendi modo lactis (ait Trallianus) quidam cum per totum annum vsus fuisset, & à vino abstinuisset, liberatus fuit, quando vero vsus lactis tedio fuerit prissana vtatur cum saccharo, aut amygdalatum cibus. qui sanguinem incrasset ex pullo elixo, seu asso, ex pedibus castrati optime coctis, ex lactuca cucurbita intubo coctis, oua quoque recentia, sorbilia vix cocta, album. n. emplasticum est, pisces saxatiles elixi in albo iure. Potus vero sit aqua in qua rosa, liquiritia, & capillus veneris sint incocta, ex fructibus pira, & passule, attemperato sanguine, iterum ad partium attemperationem veniendum.

Lib. 7. cap. 2.

De partium attemperatione.

DICEBAT Gal. quatuor esse præsidia huius mali sanguinis. s. misionem, purgationem, caput roborantia, & narcotica; sed caput roborare idem est ac attemperare; ipse tamen Gal. in hoc proposito in mulieris casu, & iuuenis calidissimis vtitur; emplastrorum ex columbino stercore, & tapfia, quam tamen curandi rationem, ut periculosam, & præcipue in casu nostro, cum partes supernæ ardeant, cum Tralliano reicimus, & putamus deueniendum esse ad ea, quæ refrigerant; ideoque abrafo syn-
cipite oxirodino vtatur frequenter, vel Galeni refrigerate, quotidie pectus ungatur oleo melino: inter attemperantia balneum aquæ dulcis magnum videtur præsidium, & licet Gal. abstinentioniam eius commendet timens meatuum apertionem, eo tamen vtitur in muliere, & iuvene, & Trallianus in acri fluxione eo vtitur, sed pro nunc vterer embrocha ex tepida in qua be-
tonica camemelon, malua sint incocta.

5. Meth.

5. Meth.

5. Meth.

De his, quæ adstringunt, & consolidant pulmones.

QUIA supponimus meatuum apertionem, & aliquam factam adesse erosionem, vsus perpetuus esse debet eorum, quæ re nutriunt adstringunt, & emplastica sunt, & præterea aliquando eorum, quæ pulmones expurgant in prima intentione commendat Hypp. vsum decocti lentium, oportet autem bis coquere, & ultimo decocto vti, habet. n. lenis miram siccan-
di, & adstringendi facultatem, & fortasse occultam aliquam proprietatem auersus hoc malum hoc decocto vtatur cui sacchari aliquando aliquid adesse oportet: poterit ergo per aliquot dies vti in locum syrup. hoc decocto, quinimo & ipso cremore lentium coctis lentibus exactissime ad similitudinem hordeati. secundum remediū conuenit, potissimum cum vrget spuitio sanguinis, & est oxicratum valde aquosum, & temperatissimum tepidum,

Lib. 7.

dum, utpote adstringens, & grummos dissoluens. tertium remedium præstantissimum omnium iudicat Alexander, & quod non solum emplasticum sit, sed à proprietate repugnans est pulvis capedis hæmati fidis tenuissimus exhibitus per intervalla cum succo pulligoni, aut mali punici ad ʒ iij. vel ʒ iiij. dat etiam in expressione vini odorati, & in quibus sanguis non erat multus cum aqua tepida, & mirum est (ait Trallianus) quam vlcus exicauerit sanaueritq; in hanc quoque intentionem vsus frequens sit sacchari rosacei veteris, in quo pastilli fieri poterunt, quos sub lingua teneat perpetuo & sacchari rosacei ʒ i. pulueris boli armene . . . an. ʒ i. cum tragacanto fiant pastilli in ore tenendi. Ad pectus expurgandum teneat etiam in ore liquiritiæ succum, & utatur amygdalato cum saccharo, & syrappo violato.

De corrigendi symptomatibus.

7. per loca.

QUONIAM symptomata, quæ valde affligunt hos egrotantes, & vires deiciunt, & morbum augent, sunt tussis, & vigilia, hæc vero adhibitis narcoticis medicamentis sedantur; quæ (ut ait Gal.) commodissima sunt in hoc affectu, utputa sanguinem sistentia, & fluxiones, ac somnum conciliantia; ideo his utendum esse putamus, sed cum debita cautione; quia angustant pectus, & corporibus debilibus nocent; inter cætera laudat Gal. diaspermaton, ut nobilissimum narcoticum in hoc casu; cuius hæc est compositio. & ameos, anisi, feniculi an. ʒ iiij. opij alterici apij an. ʒ ij. leuigentur cum aqua, cuius cum vino odorato ʒ. ʒ. dari poterit, notum cum it dormitum; laudat etiam mirifice Alexander diacodion medicamentum, cuius duplicem facit compositionem, alteram cum sapa, alteram cum melle. Nam Gal. urgente acri fluxione cum sapa magis miscet, cum vero expurgare vult pectus cum melle leuior inter narcotica est syrapp. de pappauere, cuius coclearia duo, aut tria per intervalla assumere poteris cum it dormitum.

De præseruatione.

SI sanguis sistatur, & melius habeat, fugiat omnem motum violentum, vociferationem, & risum validum, iram, tristitiã, omnia calida, acria, aromata salsa, auras mattutinas, & vespertinas: deambulationibus utatur mediocribus; purgetur bis in anno raubarbaro, & agarico, vel aggregatiuis pillulis in vere sanguinem sibi mittendum curet, sed si ad sanguinis sputum squatur puris sputio, quod Deus auertat, & corporis extenuatio ac, si vlla licentia impetrari potest mutetur ad aliud monasterium extra urbem, balneo utatur in tina quam moderatissimo in quo quatuor horis residat,

sideat, persistendum in esu lactis, & emplastricis cauteria in cruribus duo procuret facienda, vidi ego hemoptoicos ex longa iam puris spuitione diutissime viuere. nam vlcus licet coalescere non possit, solet callum contrahere & sic nec sanguis neque pus educitur quamuis per intervalla recrudescat re si recte tractetur, Deus vero suas auxiliares manus prebeat.

Consultatio secunda pro Melancolia nobilis Ianuensis Hieronymi Mercurialis, Maximi Aquilani, Roderici à Fonseca relatio.

ILLVSTRIS Vir etatis annorum quinquaginta sex circiter suapte natura boni habitus, & minime morbosus temperaturę quidem in actiuis calide, in passiuo ad siccum vergentis, fuit. n. diligens, prudens, & sagaci ingenio à natura dotatus vigil, atque natura gracilis; factum est vt ob innumeras publicas, & priuatas curas, nec non & ob merores maxime ipsius animum vexantes caput illi aliquantisper affectum fuerit, nempe aurium tinnitu, qui cepit infestare Illustrem Virum sunt xiiij. anni, cuius affectus causa relata fuit in multos odores, & vapores ab herbis, quibus utebatur tempore pestis super ignem ad euitandum contagium, à quibus propter nimiam intemperiem debilitate ortam, cepit tinnitus aurium infestare Illustrem Virum, & perdurauit vsque ad annum 1591. & ultra; post modum absque vlllo presidiorum auxilio euauit tinnitus; præterea erat assuetus per nares plura pituitosa excernere, & sanguinem, quę etiam euacuationes suppressę sunt; cepit ab his memoria paulatim consueto reddi debilior, atque omnes intellectus vires, paulatim etiam minuit, quo ad ratiocinationem atque ad intellectus acumen; quę omnia in dies magis vigent, nec filios, & res domesticas curat, vt maxime solebat, & stupor quidam adest & in somnum propensio cum obliuionem præter rationem risus quorum symptomatum causa referimus ad intemperiem frigidiorē, atque humidiorē capitis; cum. n. debilitatum in initio fuerit caput ob curas, atque à vaporibus illarum herbarum tempore pestis, atque etiam ob suppressas iam dictas euacuationes, in dies humidius, & frigidius, redditum caput, factum est, vt in presentiarum non ita possit eorum, quę nunc phantasmatum, representantur recordari memoria. n. indiget siccitate cerebri, qua nunc caret; ita etiam acuties intellectus, & rectrices facultates obtunduntur à frigidiori & humidiori intemperie non sine materia; qui quidem affectus cum iam sint antiquati. (præterierunt. n. duo anni ex quo ceperant) nec per vnum annum, & ultra aliquod presidium efficax fuit illi adhibitu; nec hucusque admissim ea, quę ex vsu erant poterint administrari ac exhiberi, quia ipse egrotans reuens non putauit se egrotare; nec is est, qui possit mandatis alicuius ita obtemperare; sed potius industria,

& medicorum, atque coniunctorum aliqua presidia, quæ narrabunt fuere adhibita; meliori interim victus regimine vsus quantum fieri possibile est. Cum igitur morbus sit iam in capite confirmatus per essentiam, qui suapte natura admodum difficilis est, non possumus nisi admodum, de euentu timere, & eo magis cum à presidiiis etiam ex arte adhibitis nihil inuamenti susceperit, quinimo affectus in dies rebellis magis euadit.

De affectu, loco affectu, & causa.

VIDIMUS relationem earum affectionum, quas patitur nobilis ille vir, quibus recte perpensis dicimus referendas esse ad melancholicam affectionem per quam principes læsæ sunt facultates, & quoniam metus, & mesitia quantum ex relatione constat non adsunt, ideo notha potius quam exquisita melancholia esse videtur. quæ immis metus, & mesitia non sunt necessario iuncta melancholice, vt in Democrito ait Hypp. in Epistolis, qui omnia ridebat. Locus affectus, vt recte dicitur in relatione cerebri est, & per essentiam; cum diuturna adeo extiterit affectio, patitur quoque cor per consensum, vnde totus sanguis male afficitur. Causa affectionis intemperies est non simplex, sed composita ex abundantia, tum bilis, tum pituitæ; Nam memoriæ lesio, somnus, stupor illæ pituitæ sunt, sed iracundia complexio calida, causa quæ malo dedit originem. scilicet sollicitudo, quæ cerebrum extorret atræ bilis indicia sunt, est enim sollicitudo, & cura potissima melancholice causa, vnde studiosi omnes melancholici, & Abderitis scribentes ad Hyppocratem dicunt insanire Democritum præ nimia sapientia accessit suppressa euacuationis nares; Nam sanguineum, & biliosum corpus cessantibus euacuationibus melancholicum fit 6. epid. igitur affectionis causa intemperies est multiplex, eam peperit humor potissimum atrabiliaris; inde vero & phlegmaticus in sanguine abundans, atque in cerebro maxime.

Hypp.

An medicus in hoc malo quidquam facere debeat.

MORBI natura pertinax, diuturna, composita, causa quoque morbi similis, ætas iam senescens, remedia quoque secundum rationem adhibita parum, aut nihil inuantia, insanabilem fere affectionem ostendunt, quinimo processu temporis timor est ne in mala ea, incidat, de quibus Hypp. 6. aph. 56. scripsit, veruntamen remedia experienda esse putamus, & repetenda, & illa quidem generosa, quo mali radices eluantur, quibus si non cedat affectio, ad lenem, & preseruantem victus rationem diuerendum.

Quid

Quid agendum.

CURATIO tempus sit opportunum, quale iam vernum appropinquat expetitur adeo ab Hypp. ad difficillimas egritudines remouendas secundo predictionum, quare ad initium proximi Aprilis cum iam tempus dulcescere incipit ineunda curatio est, atq; in primis cum princeps anime facultas lesa sit, per contrarias animi passiones auxiliari debet, iuxta sententiam Hypp. 1. epid. sect. 4. scribentis, & monentis nos, vt curemus in passionibus anime contrarias inducere; at conuenit hic succos effundere, & letitiam inferre; quamobrem obseruandum in primis est, vt nobilis hic Vir per totum curationis spacium a negotiis omnibus abstineat, & rebus omnibus, vt ait Celsus, quæ sollicitare eius animum possunt, nec vnquam solus sit, vel inter ignotos, vel eos quos contemnat, & negligat, querenda delectatio ex fabulis, nugisq; & rebus, quibus, capi maxime sanus assueuerat, laudanda, si quæ sunt illius opera, & ante oculos ponenda, leuiter obiurgandus risus, & repetitio illa crebra, atq; deprauata imaginatio.

Pro euacuatione vniuersali.

ET quoniam vnà corpus agrotat, & in corpore precipue sanguis, ideo eiusdem Hypp. consilio corpus quoq; curandum. Approbamus itaq; sanguinis missionem, quam proponit Excellentia vestra ex iecoraria destribrachij primum, postmodum vero ex interna sinistri ad 3 vij. pro vnaquaq; vice, & sanguis detrahatur eo magis, quo nigrior apparuerit: misso sanguine leuiter purgetur prius preparato corpore. preparabitur corpus syrup. de pomis admixto fumoterre vel de radicibus, purgatur vero per medicamentum Tralliani ex hiera, & epitimo datis ex sero lactis vel aqua mulsa, cui addi potest tantundem agarici, & raubarbari; à qua purgatione transactis tribus, vel quatuor diebus conueniens esse putamus remedium, quod Excellentia vestra proponit de hirundinibus ano affigendis, quæ ratione non solum vacuabitur humor, & reuelletur; sed impelletur natura quodammodo ad excitandas hemorrhoides, quorum aduentu hic morbus sanari solet, vt ab Hypp. notatum est; quo etiam remedio ad præcautionem per vnā, vel alteram hirundinem singulo quarto mense ad 3 iij. vel 3 iiij. educere conuenit. Facta itaque, & repetita supradicta præparatione, & euacuatione, si morbus non cessat ad generosa magis veniendum putamus præparantia, & euacuantia. Nam melancholicos vehementius purgandum esse per inferiora scripsit Hypp. quare rursus præparandi sunt humores ex iure galli veteris alterato per radices cichorei, appij, petroselinij, & feniculi incoquendo epithymum, & polypodium addendo aliquid

O sacchari

Lib. 1. cap. de
melancholia.

6. Aph. 2. 1. 11.

4. Aph. 9.

In Epistolis.

sacchari in colatura, denturq; in syrumpum per quinque vel sex dies; terget enim, & incidet, atque expurgabit, ac roborabit, cum sit alimentum, & medicamentum ab hac preparatione ad elleborum nigrum confugiendum est ad quem vniuersa antiquitas, & in primis Hypp. acutorum pro hoc morbo sanando occurrebat; preparatur ex mente Hypp. & corrigitur per daucum, cominum, & anisum in hunc modum. R. radicem ellebori nigri detracta medulla 3 ij. feniculi, dauci, cumini, anisi, an. 5. minutim concidantur omnia, & in puluerem redacta, infundantur in vnciis duabus oximellitis per horas 24. & exhibeatur in aurora, & post potionem ptissana sorbere oportet ex precepto Hypp. præcitato loco. Quo medicamento si melius habet eger bene est sin minus interpositis diebus aliquibus, facta eadem purgatione purgetur iterum per eundem elleborum, & tertio si opus fuerit repetatur, quia difficillimi morbi è quorum genere hic est medicamentis non ita facile cedunt, poterit etiam commodissime purgari per hierampachij à Scribonio Largo descriptam, ex secunda descriptione dando eius 3 ij. cum vino, aut mulsæ, aut in bolo, quod medicamentum laudat ad miraculum vsque proinde recte scripsit Celsus mirandum non esse si quid in morbis longis non statim profuit, quia profectus tempore expelletur. In hoc vero progressu obseruandum maxime putamus quod præcipit Hypp. 6. epid. contraria paulatim adhibenda est, & inter quiescendum, interponenda esse ipsa intermedia, ut iterum virtus resecta morbum superare possit.

De attemperantibus, & roborantibus.

FACTIS prædictis euacuationibus corrigenda est intemperies, & totius corporis, & capitis, fiatq; primum per balneum aquæ dulcis potabilis incoquendo alteam, maluam, violam rosam, stecadem, betonicam in quo ieiunus hora iaceat per decem dies, aut duodecim, quo etiam tempore lactis serum conuenientissimum putamus ad sanguinem, & iecur temperandum, sitq; caprinum, & optime depuratum, quod calidum assumat per dies viginti singulo quoque summo mane ad mensuram 40. vnciarum solebant enim antiqui dare, & lac & serum in maxima quantitate præcipue ad purgandum, quo tempore etiam approbamus ducciam ex aqua Villensis, in qua coquatur camomilla, altea, viola, sticadas, saluia, ruta, & betonica, fiatq; duccia abrafo syncipiti, toto etiam tempore purgandam caput est per nares, quoniam eo vergebat natura, fiatque herinum leue, quale est hoc R. foliorum betæ, brassicæ recentium an. m. 1. affunde, aquæ bettonicæ, vini albi an. 3 ij. & expressus succus per nares trabatur prono capite, & altius subeat, vel hoc aut, quod habet aquæ ordeï 3 iiij. sacchari, succi betæ an. 3 i. misceantur, & trabatur per nares validissimum est quod ex succo

*succo ciclamini, aut elaterio fit, sed hoc non trahatur non per nares ne le-
dat valde cerebrum. verum tortum linamentum eo succo intinctum naribus
imitatur quibus remediis si non cedit morbus nil amplius tentandum est;
sed leniter tractandus, quo quantum fieri possit morbus non augeatur.*

De leni curatione.

CAUTERIVM, quod proponitur ab Eccellentia vestra, tunc tem-
poris approbamus in brachio sinistro, quod ad apertum seruet pur-
getur bis in anno, Vere, & Autumno per pillulas de lapide lazuli, vel de
bolo armeno, interim tamen ab vno quoque mense leniter ex hiera, & rau-
barbaro, clysteres vero per intervalla & acres, qui & renellendo, & va-
cuando plurimum possunt; victus temperatus ex media materia, potest
vinum rubrum tenue dari, aliquando etiam & aqua ex decocto passularum
addito sacchari vitanda sunt omnia vina grandia, & aromata, & salsa,
& acria sanguinem inflammantia; frictiones dorsi, & arctuum quotidie
panno aspero quinquagies, ambulatio, vectio navigatio, mox in vrbe, mox
in agro, & ex agro in urbem peregrinationem citoq; & regionum muta-
tionem magnam vim habere in hoc morbo recte notauit Celsus hæc nobis
occurrunt ad confirmationem eorum, quæ proposita sunt ab Eccellentia ve-
stra. Adsit Deus Opt. Max. vt prædicta remedia virum hunc ingenium ita
adiuuet, vt integram consequatur sanitatem.

Addictio.

SI Morbus, vt pertinax non cedat prædictis remediis ad antimonium
exhibendum veniendum est, vt censeo curando tamen vt illud sit opti-
me præparatum, & bene præhumectato corpore cibo, & quiete, darem
primo illius grana tria in puluerem redacta cum saccharo rosaceo; inde in
terposito mense grana quinque, deniq; interposito alio mense grana septem.
Ceterum quæ sit antimonij vis, & qua cautione dari debeat ex Mathiolo
in suo Dioscoride f. 837. petendum nec.n. quod validum sit remedium ab
eo abstinendum; cum in extremis morbis extrema remedia conueniant.

Consultatio tertia pro lapide vesicæ Historia, & proponitur
remedium singulare, & admirabile ad pellendos
renum calculos, & arenulas.

VIR ætatis annorum 55. natura boni habitus ad calorem tamen de-
clinans, cum multa, & varia comedisset salita scabie laborauit anno
ætatis suæ 14. qua per annos tres laborauit, denique aqua cinæradicis as-
sumpta

sumpta exudando: conualuit vsque ad annum xx. etatis cum apud Belgas degeret frigidam regionem aromatibus aliisque calidioribus vsus, hepar valde incensum est, anno etatis 30. ventris doloribus laborauit qui tamen non calidis, sed temperatis imminuebantur; verum superueniente alui fluxu insigni liberatus est, secessere tamen capitis calores cum reumatibus quibusdam, qui ab sternutamento incipiebant, & à cibo veniebant, vomitum inducebant cum facilitate, anno 40. rediens ex Belgis quartana laborauit per menses, qua sub lata renum dolor apprehendit, & hoc tempore reumata, & vomitus cessarunt anno 52. etatis persentit quasdam pendendi alterationes insuetas, cum frequentia vrinae, & magno ardore ex impetu mingendi; cogitur simul, & semel aluum exonerare, torquet quasi durum quidam, & asperum circa perineon, non potest equitare, & curru difficile vehitur, adeo vt ex motu vrina turbetur, & sanguinolenta fiat; vix sedere potest ob dolorem neque diu stare potest, quin posituram mutet, non valens in vno situ permanere.

Quis affectus.

VIDI relationem ex libro Excellentiss. Doctoris Sanchi in quo etiam vel vt multa alia docte, & accurate attingit, morbum Domini Didaci Enriches, & cum eo sum eius opinionis vt putem eum habere in vesfica calculum, eumque esse vnum, mobilem, & spinosum, & non paruum, quod lapis adsit tum precedentia, tum consequentia signa manifeste ostendunt; nam & eius natura plus nimis calida, atq; inordinata viuendi ratio, quar tane quoque precedentes quibus hunc morbum, & alios vesicae succedere expertum habeo dolores ad renes, & hypocondria, cessatio illa vomitus omnem materiam ad vasa urinaria accommodarunt, & ad generationem lapidis promptissimam prebuere occasionem. Dolores autem illi renales, & colici, qui precessere, ex arenulis per angustia vasorum ad vesficam delatis. Ceterum preterita signa, quae anno 92. se prodidere in casu nostro, idem praesferunt. s. membri alterationes, vrinae frequentia, sub cruenta, pruritus ille, & ardor tam in collo vesicae, quam in praeputio manifeste praesentiam lapidis indicant iuxta Hypp. doctrinam lib. 4. de morbis signa huius affectionis tradentis, ita ad verbum scribit. Vbi me ire vult dolore affligitur, & vrina paulatim fluit, vel vt in vrinae stillicidio, & interdum sub cruenta, nimirum vesfica à lapide vulnerata, & inflammata, quod indicat summa praeputij pars, tandem quandoq; mingit arenosa haec ille. Et quamuis non ante apparuerit archarum. s. lapidum & frustulorum excretio non obstat, cum hoc signum non sit necessarium haec igitur lapidem in vesfica manifesta coniectura demonstrant, id quod & tactu experti medici, & instrumento magis confirmari poterit. Quod vero sit vna, & non plures probabile

babile est, tum quia raro in vesfica multæ generantur, tum quia nusquam expulit aliquam quod fieri solet, vbi plures creantur; Quod vero calculus non adhereat vesficæ, sed vagetur in ea, manifestum est ex doloribus raro enim adherens afficit, iidem continui dolores lapidem demonstrant angulosum, & spinosum nequaquam verò lenem. Concludo itaque adesse lapidem in vesfica, eumque esse vnum, mobilem spinosum, & non paruum quod est fundamentum totius negotij; tantum. n. erramus in curatione, quantum in cognitione, vt scripsit Gal. 2. ad Glauc. & sicuti in legibus ex facto ius oritur, ita nobis ex ruta morbi cognitione tota medendratio petenda ad maiorem tamen certitudinem, si veniendum est ad functionem manibus experti chirurgi tum extra, tum intus per iandullam l. siringam tactu perquirenda, cum magna tamen præmeditatione, ne vesfica exagitetur quæ facillima est ad inflammationem concipiendam, & præcipue in casu nostro.

An agendum, & quid agendum.

CLARVM est, & experientia confirmatum non posse vesficæ calculos vlla potione, vel medicamentiui alteri, aut dissolui tam propter eorum duritiem, quam membri naturam, ita vt non sit vilo pacto torquendus ager aliqua potione ad hunc scopum, aut quæ possit vilo pacto vrinam mouere, cum hæc omnia materiam ad vesficam trahunt, & malum augent, nec obstat quod scripsit Hypp. 6. epid. 1. vtendum cum diureticis in calculosis; loquitur. n. de calculis renum; nec habet locum in casu nostro non defuere tamen, qui aliquos vesicæ calculos, moles si licet, & tophaceos dissolui posse sperent. verum hi ex se in arenulas dissoluuntur, sed infra remedium Adam quo quidam se dissoluisse affirmavit mihi; durus tamen ni fallor est, qui proponitur nunc, vt fere solent esse omnes vesicæ semota igitur hac cura duo se offerunt Medico facienda; alterum quod tutum est. s. morbum eiusque seuitien lenire, & si non succedat alterum dubium, & periculosum, quod lectionem concernit, nec fortasse prima intentio frustrabitur si quæ subscribo forti animo obseruet.

De ratione leniendi malum, & eius symptomata.

DVO præcipue facienda sunt pro assequendo hoc scopo, primo ad victus rationem pertinet, secundum ad reuulsionem materiæ, quæ ad vesficam fluit, quod pertinet ad primum necesse est accuratissima victus ratione vt, ad quam denique recurrit Gal. veluti ad sacram anchoram in pessimis morbis, ad quam etiã Asclapiades omnem curæ rationem traherat spretis medicamentis; ideo quasi à celo dimissus pro salute humana (referente Plinico) indicatus est; duplici autem ex causa indicauit Hypp. 4. acutorum exacer-

Lib. de extenuandi victus ratione.

exacerbari vrinae difficultates, dolores, reumata, & spirandi difficultates
tum ex vehementi motu tum etiam ex crapulis, & cibis flatuosis; quam-
obrem rite sane consulit tibi per quietem, & in lecto; nam quamuis Hyp.
6. epid. non quiescendum esse calculosis percipiat; id tamen non intelligit
in casu nostro, nec in accessionibus, & doloribus urgentibus, poterit tamen
leniter ambulare cum minus affligitur. Quod pertinet ad alimentum; vo-
lo vt semel in die comedat, ita vt vel solum prandeat, vel solum cenet, ma-
gis tamen mihi probatur, vt prandeat propter dolores, qui augentur ad no-
ctem, vt scripsit Hyppoc. 4. acutorum, sed paulatim assuescat, ita vt intra
mensem consuetudinem acquirat semel edendi in die, atque in prima septi-
mana ita procedat, vt prima die detrahat sextam partem cene, secunda
quintam, tertia quartam, quarta mediam, & sic quinta duas partes, & nō
cenet septima. Rursus edat ter duabus diebus, & ita denique paulatim eg-
nam ammittat. Cibus non transcendat 3 xij. nec potus 3 xiiij. vt in pri-
mis assumat cibum leniens aluum, vt 3 ij. vna passe, aliquando vero se-
ptem, aut octo pruna cum beta, aut spinachiis cocta, & cum oleo, & sapa-
mox parum carnis, vel capi, vel pulli, aut columbi cum ossa panis in pau-
ca quantitate, & pauca scutella; carnis vero edat 3 iij. & caro sit animum,
boni succi, & incipiens a passerculo non transcendat caponem. si fastidierit
carnis edat saxatiles pisces ad 3 6. ex albo iure elixos, quod erit illi opti-
mum medicamentū; panis vero bene formentati, & eiusdem diei non tran-
scendat 3 6. vinum vero sit rubrum subausterum, paruum, & bene aquosum
bibat. Nam album vinum facile ad vescicam venit, & merum magis eam
ledit quam aquosum ex sententia Hypp. lib. acutorum 3. & in hac victus
ratione fortiter persistat per quadraginta dies, quos sane tempore singulis
decem diebus, vomitum procurat ad recuperandam pristinam naturae con-
suetudinem, & reuellendum ex vescica. Vnde Gal. magis approbat vom-
itum in morbis partium infernarum, quam alui fluxiones; fiat autem in hūc
modum, vt iubet Hypp. varia comedat, & multa vt repleatur, & non bi-
bit, nisi ad finem pastus; deinde afferantur illi in potu tria vina permixta
austerum, dulce, & accidum, & bibat paulatim primo deinde citius, &
multum, aut si noluerit bibere vinum assumat potionem aque mulsae ex de-
cocto raphani, & digito immisso, seu penna euomat, a vomitu roboretur
ventriculum, & cerati, quod recipit oleum nardinum, & mastichinum cū
pauca cera, aloë, & mastiche, postea dormiat, & hoc est illud, quod Hypp.
appellauit 6. epid. 1. attenuare. Quod si morbus lenitur in eadem victus
ratione perseueret, & constanter tolleret legem hanc pro vita producenda.
Nam multi qui pessima sanitate fuerunt affecti hac vsi constanter, diutis-
sime vixerunt; procuret quoque bis in septimana vti clysteri ex puro oleo,
foeantur pudenda, & pecten quotidie ex camomelino oleo, vt iuxta Hyp.
sententiam loco citato fiat emollitio, & dolores sedentur; verum si intra
dies

dies quadraginta perseuerauerint dolores . . . non obstante tali dieta ad sectionem veniendum esse puto, quia malum non poterit ferri diutius, ubi. n. salutis via est, quamuis dubia ex sententia Gal. 10. meth. necesse est aduersus pericula ire, fit igitur sectio cum infrascriptis cautionibus. Volo tamen narrare hic remedium, quo narrauit mihi quidam se dissoluisse in se ipso vesicæ calculum in arenas. cum iam incidendus esset, & ipse per inservalla eo utitur quo tempore mirum est quantas expellat arenulas. Ra dicis corticis lauri tenuissime triti, & cribrati drac. mediam raubarbari etiam puluerizati drac. vnam misce, & sime cum vino. vidi ego post assumptionem medicamenti plusquam vnc. duas arenularum emisisse, ideo ad renales calculos puto optimum remedium, & mirabile secretum.

Cautiones in sectione obseruandæ.

PRIMO quod si fieri potest, fiat tempore veris quod Hypp. aptissimum indicauit precipue mense Maij. Secundo quod fiat sanguinis missio ex vena poplitis, vt docet Hypp. 6. epid. ad prohibendam inflammationem. Tertio perquiratur tactu certitudo lapidis in vesicâ à Sectore perito, & ex perimento celebri, cum destitit ne fiant dolores. Quarto trahatur calculus ad collum vesicæ. Quinto fiat sectio in perineo ad desteram, vel sinistram partem declinando, lineam querite procedit; plaga fiat amplior ex sententia Celsi, quia timor est ne grandis sit calculus, inde digitis, aut forfice extrahatur, & si grandis fuerit perscindatur, & si contigerit frangi partes extrahantur per & si aliquod frustum remaneat non diu perquirendum ne vesicâ inflamet, quia ex se ad incisionem veniet ex sententia Celsi, & ex illa agitatione inflammari potest vesicâ, & distendi, & sanguis, qui ex sectione venit, permittendus, vt veniat nisi in magna quantitate exuperet, quod si contingat pessa oxicato imbuta applicetur, & cucurbitæ peccini, & inguinibus; post duas horas ab extractione vulneratus locus, & pudenda, & pubis ex oleo calido ex lana foueantur, & lenissime ligetur; quamuis Celsus nullam admittat ligaturam, & cum hoc oleo quotidie vsque ad quartam die foueat partes prædictas ad euitandam inflammationem, quod intra hoc spacium solet succedere, quod si vehementissime rursus vigeat dolor poterit vti balneo, seu in seßu quo utitur Celsus quotidie, atque per totum hoc tempus, & vsque ad septimam tenui victu utatur & aquæ potu, & denique paulatim ad sanitatem perducatur, cætera, quæ ad hanc operationem pertinet tum Peritus Sector, tum Periti, & Excellentiss. Medici Astantes considerare poterunt. Ceterum modus ille extrahendi lapidē statu per canalicū dilatando penem, & attrahendo quo in Aegypto asserit calculos à vesicâ extrahi solere, Prosperus Alpinus lib 3. de antica Aegyptiorum medicina c. 14. imaginaria potius cēferi debet quā realis.

Con-

Consultatio quarta procurandis polypis Historia.

VIR ætatis annorum 40. temperamento calido, & sicco, iam per annos carnes excrecentes intra nares habet albas, & molles, quæ per interualla inflammantur, & ideo respirationem valde impediunt; nec quamuis hætenus recte à Medicis tractatus sit malū cessat; queritur an veniendum sit ad carricularum extirpationem, & qua ratione malū leniri possit.

Discursus.

CVM ægotantis naturam, atque morbi, quo afficitur perpenderim, & curationis difficultatem, breuiter, quæ mihi occurrunt exponam, & in primis quam facilem, & tutam proponam; secundo vero dubium & difficilem: & quoniam huiusmodi carnes, quas polypos appellant Medici, secum capitis imbecillitatem anexam habent, quæ fouet eos, oportet, (vt recte monet Gal.) prius caput siccare, & roborare tanquam mali fontem, & quamuis ob dispositionem antiquitatem, & pertinaciam impossibilis videatur eius extirpatio, nihilominus si infra scriptum viuendi modum seruauerit magnam intenti partem se consequuturum speret.

3. per loca.

De capitis exiccatione.

Lib. 3. de attenuante victus ratione.

6. Epidem. Galen.

VT caput exiccetur totum corpus exiccare oportet, quæ tamen exiccatio præcipue ex victus ratione pendere videtur; qua sola vt dicebat Gal. pertinacissimi morbi sanati sunt. Quamobrem non mirum est si qui ad oraculum accedebant Esculapij sanarentur auxiliorum quadã inaudita lege, & fide, cum alioquin sanari non potuerint, vt si iuberetur quis per totum annum non bibere, & alia huiusmodi. igitur eo reducere oportet in casu nostro corpus, vt semel in die cibum assumat, ita vt cibus non transeat 3. 15. & potus totidem, ac paulatim fiat mutatio incipiendo à diminutione cene, ita vt prima die quinta pars detrahatur, secunda quartam, tertia dimidia, quinta partes due, sexta tres partes, septima sine cena: & postea comedat ter singulis duobus diebus, ita vt spacio mensis paulatim semel in die comedat in meridie: prandium igitur incipiat ex aliquo, quod leniat aluū. vt vna passa, vel prunis, aut cerasis cõditis, vel oleribus coctis, qualis est beta, spinacium cum sapa; hinc caro vt plurimū assa, aliquando elixa ex peniferis auibz boni succi, quæ non transcendat caponē, vt pulli pernice, columbi; si fastidierint carnes ad pisces saxatiles transeat assos, aut ex iure albo coctos qualis longatus. nec quantitas seu carnis, seu piscium vncias quinque transcendat; panis vero sex, qui sit recens;

vini

vini vero pauciferi calices duos bibat, qui ambo 3 x. vel xij. non transcendant; aliquando loco vini aquam bibat, & in hoc victu perseueret per dies 40. quo tempore (vt reor) catharrus resoluetur, atque polypi imminuentur, nec huiusmodi viuendi norma, quanuis ardua videatur omittenda quia per assuetudinem postea non sentitur, & est verum fundamentum sanationis Card. mentionem fecit cuiusdam Aloysij Cornarij nobilis Veneti, qui cum etate annorum 36. a medicis pro deplorato relinqueretur, ob passionem stomachi, quæ eum consumebat; statuit vt quotidianus victus non tranficeret lib. 12. vinctarum, & potus 3 15. quæ modum viuendi perpetuo obseruans annos viuit 96. omnibus exemplū prebens magnæ tēperantiæ, & prudentiæ quater in anno purgabitur pillulis ex hiera pachij ad 3 ij. quæ sunt admirabilis virtutis, R. autem siccadis marrubij, camedrios agarici colocyntidis an. 3 x. opoponacis sagapeni, seminis petrosellini, aristolochiæ rotundæ piperis albi an. 3 v. cinamomi, spice nardi, myrrhæ polij, croci an. 3 iij. & si noluerit accipere in formam pillularum, assumat cum mulsâ, singulis quoque quindecim diebus 3 1. pillularum de tribus, aloë. f. ranbarbaro, & agarico expurgetur.

Card. de san-
tate tuenda.

Ad localia remedia.

TO TO corpore exiccato caput exiccandum, & roborandum quod commodè fiet per embrocha ex decocto radicis cinæ abraso syncipiti quotidie bis, lotionis quoque ex maluatico vino, cui incotta sint betonica, salvia, rosa, siccas, crura fricanda erunt & brachia quotidie ieiuno stomacho in lecto panno mediocriter aspero spacio partis quartæ horæ assiduus illi sit vsus mandendi mastlicem.

Polypotum cura.

MEDICAMENTA polypis conuenientia ait Gal. composita facultate sint oportet, vt. f. reprimant, siccent, & attenuent; sed quia eiusmodi pharmaca eodem teste, quæ carrunculas consumandi vim habent irritare consuevere, & conuocare fluxiones, vt contingit egro nostro ex admotione aluminis, & sulphuris (quamuis moderata) ideo illa medicamenta ad mouenda, quæ sine morsu eiusmodi carunculas consumere valeant, quibus paulatim adhibitis naturâ prædicta ratione victus adiuta intentum assequemur nostrum. Gal. inter omnia medicamenta laudat mali punicorum succum, qui fit ex triplici genere eorum. f. dulcium austerorum, & accidorum, & cocto succo ad tertiæ partis consumptionem, & reseruat in frequentem vsus; quod si polypi erunt molles, vt in casu nostro maiorem partem austerarum mittit, & ex corio malarum punicarum turso, penicilla efficit,

3. per loc.

P quæ

que in nares immittit, predicto imbutas succo; quod si ferre non poterit tentas, vngantur nares, & attrahatur frequenter succus. Secundum medicamentum, quod paulatim & sine morfu siccandi vim habet constat ex puluere rosarum siccarum cribrato, & in nares insufflando, quo medicamento (recitat Gal.) se curasse Eunucum cui omnia alia medicamenta irritationem efficiebant. Tertium medicamentum sine morfu consumans dyphruges est, sed difficile est diuinare, quod vere tale sit methalicum, cuius multas species adducit Dioscorides, sed eius in locum poterit vti tutia, aut lithargirio, vel pulueribus plumbi; immo potius puluis ille qui ex vasis greis dum malleo dilatantur excidit, vtpote exiccans insigniter sine morfu esset accomodatissimus sic ad miscendo illum vnguento litargirij, aut tutie, vngantur polypi quotidie sic vt vnguenti sit \bar{z} 1. pulueris vero \bar{z} 1. & paulatim augenda dosis istius pulueris, quoad ipsemet puluis primo lotus mox sine lotionem insuffletur. Ceterum medicamentorum modus est, vt nunquam pars sine eo sit, vel per tastam, vel vnctionem, vel insufflationem, vel attractionem. quamuis penicilli vsus sit difficilior, & ideo non debet esse continuus, sed inter mediet dies, at si mouet, alteretue, & catarrum procuret remoueat medicamentum quiescat aeger, & vnus diei abstinentia vtatur; Scribonius Largus pastillum officio ad firmandum fluxum, & catharrum quando excitatur; habet autem seminis appij \bar{z} iij. aneti \bar{z} iij. seminis alterici \bar{z} iij. opij \bar{z} 1. fiant pastilli dosis \bar{z} 1. inde vero lenientia naribus ad-mouenda, quale est rosaceum vnguentum, & de tutia, & album de litargirio quibus ita progredientibus blanda cura poterit sperari polyporum consumptionem.


Lib. 3. c. 79.

Lib. 1. c. 52.

De secunda cura eradicatiua.

SI vero morbus non cedat & necesse sit venire ad curam totalem, queritur an id faciendum sit vel potius supradicta curatione contenti morbum mitem reddere. Celsus scribit polypos eos qui sunt de natura canceri non esse attingendos, sed cum in casu nostro sint albi & molles neque scirrosi poterunt curari, & quia vel ferro vel igne extirpari possunt conuenientior esse videtur ignis non sane caustico, sed actu tali. Nam cum probabile sit adherere carrunculas colatirio ossi vix radicitus extirpari ferro possent nisi absciso naso. Hypp. igitur sententia est, vt igne curentur omnes enim (ait ille) vrere oportet, adurantur autem aut immissa fistula vsque ad radicem polypi; sit vero argentea vel ex penna facta, & sic ter quaterue aduretur radix, vtilis carrunculis puluere ellebori nigri vtitur quoad putrefacte cadut, si vero praeindere sit animus purgetur prius corpus vel mitatur sanguis, & dicta vtatur per tres dies ante operationem, & si multus effluat sanguis oxiceratū trahat, & plantaginis succum per nares,

FORFEX PRAECIDENS POLYPOS.



calibe, aut ferro rostrum habet canulatum rotundum, in superiori parte, hinc inde coopertum, latera omnia operculi, & canule acuta sint, ut præcidant apprehenditur canula polypus, & à superna parte præciditur, & est pulcherrimum instrumentum forma talis licet instrumentum non viderim, sed ex relatione hoc est poterit formari pro polyporum crassitudine for fex omnibus extremitatibus canæ acutus.

Consultatio quinta pro extirpandis carrunculis in meatu
corinario Hiltoria.

VIR annorum 40. cum longam passus gomorreæ esset ex gallico affectu in difficultatem urine incidit, itant cum labore, & dolore, ac ardore mingat, ut necesse sit candela uti ad urina liberum transitum. Ceterum candela in transitu prope vesicæ collum detinetur, & sanguine madefacta rediit.

Dignotio.

MORBVS adstrictio est, seu potius obstructio meatus urinarij obstructionis causa caruncule sunt ulceratis partibus enate ex præcedenti erodenti gomorrhea, solet. n. concreescere caro prope ulcera; quia sicut ex bono sanguine caro gignitur, ita ex vitioso succo vlcus alente caro quedam spongiosa solet concreescere, quæ obturando meatus actionem lædit mingendi.

De primo Medici Scopo. An aliquid faciendum sit.

CERTE omne vitium pudendi, & magis in internis partibus, & homine iam ætate constituto difficilem, & laboriosam habet curationem; non tamen desperandum est quin, si adhibita Medici periti diligentia malum, si non in totum magna tamen in parte possit tolli; est autem necessarium auxilium quia si spernatur temporis processu coalescens, aut increscens carruncula urina omnimodam suppressionem inducere poterit, & necessarium interitum.

Quid Medicus facere debeat, & de commodo
remediorum usu.

MATERIA, quæ insuit auertenda, corpus attemperandum. loca emollienda, carruncule extirpandæ, vlcus detergendum cicatrix in ducenda, & symptomatis occurrendum.

De

De reuellentibus, & deriuantibus.

LENI dato pharmaco, quale diacotolicon est ad 3 i. cum bolo, aut cū decocto senæ, postridie mittatur sanguis ex basilica brachij destri 3 vij. sequenti die ex saffena pedis destri totidem; mox preparato humore ex adiantino syrappo, & cicoria cum decocto adianti graminis violarum, & acetosa, exhibeatur purgans medicamentum, quale est quod 8z syrup. ros. sol. 3 iij. electuarij rosati Mes. 3 iij. fiat potus.

De attemperantibus.

VICTVS sit attemperans, & refrigerans, ex carne pulli, aut caponis, vel hedi cocta & alterata cum acetosa, lactuca intubo cichorea, & hordeo. Potus aqua sin minus vinum pauciferum, & imbecille; aquosum enim minus ledit (ait Hyppoc.) partes, quæ ad vesicam sunt grande vero mordendo offendit. Ceterum renes vngantur, & lumbi, & pudenda refrigerante Gal. cum succo sempreuiæ.

De emollientibus.

INDICATUR emollitio non solum ad mitigandum, sed etiam ut melius penetrent instrumenta, & vrina effluat facilius in seßus igitur ad umbelicum vsque fiat quotidie ex decocto camemeli, viola, alteæ, maluæ; inde vngantur partes pudendæ oleo camomelino, cum vnguento dialtheæ; percipit. n. Hypp. ut post fomenta semper fiant vnctiones. Ceterum intra virgam per canalem siringa oleum amygdalarum transmittatur, & si pus aderit abstersiuum aliquod, qualis est aqua hordacea cum paucis saccharo, quæ omnia calida infundi debent, seu tepida; perseneret autem in hac emollitione per aliquot dies.

Lib. de mor-
bis mulierû.

De carrunculis extirpandis.

EMOLITIS partibus extirpandæ sunt carruncule, quæ obstruunt & mali causa sunt; eius duplex est ratio, vel per violentam instrumenti immissionem; vel per medicamenta quæ carnem consumunt; prima tentanda est numquam cum violentia, sed leni manu. ut videamus si per medicamenta curari possint, igitur in primis vel maluæ, aut apij cauliculo tentanda penetratio oleo amygdalino imbutos si ita fieri nequeat cerea candela; si hæc non penetrat plumba fistula; fugiendus autem siringæ vsus, nisi in magna necessitate, quo modo si breuiter tractando non fiat carruncule extirpatio,

tirpatio, ad aliam curationem accedere necessitas cogit, quæ per medicamenta fit exedentia, quæ sanè ingenij humani præstantia conspicitur, sed quod non faciat viuendi desiderium, modici igitur est qui sequitur.

Qua ratione consumendæ carruncule in virga.

CERATVM fit duriusculum, quod candela agglutinatur ad eam partem, in qua suspicamur adesse malum, & si per candelam non potest fieri penetratio, cum lamina plumbea sed fere candela fieri solet; fiat vero candela ex cera, & resina lino contorto ne frigore rumpatur, & bis in die immittenda cum dicto cerato; altera matutino tempore, altera vero vespertino immissa candela, membrum altius eleuandum, & subligandum, & teneat eam nocte, ac die, ac sedeat, vel iaceat per 15 dies quo tempore circiter eroditur caro signum est, quod via liberior se ostendit, & pus in maiori copia conspicitur, & poterit mingere sine ablatione candelæ, quia sic melius abstersio fit nec per noctem detrabere candelam debet, nisi necessitas cogat, vel ob dolorem, vel mingendi necessitatem.

Cerati compositio.

HABET floris æris, auri pigmenti, vetrioli romani an. p. equales, puluerizentur subtilissime in mense Maij, aut Iunij, & aceto acerrimo excepta lapidibus porfreticis per horam agitentur, & in sole ardente exsiccantur & ista præparatio per decem dies fieri debet; Mox & olei rosacei 3 vij. pul. lithargirij 3 iij. tractentur in igne quo ad bene durecant; extracto ab igne postquam refrigescit adde prædicti pul. præparati 3 iij. postea igni lenti spatula agitando quoad valde durecat tractetur; quo cerato præparato vtendum vt diximus, & cum venit in vsu debet liquefieri, & candelæ applicetur ad partem cui carruncule adhereant aliqui in mucrone ponunt. Est & alius modus applicandi ceratum sic vt excipiat linteum subtili admodum bambaceo latitudinis semi digiti, & inuoluitur fistulæ plumbeæ in modum torculi. inde extrahitur plumbum viceuersa, & relinquitur linteum, quod si ceratum præparatum non inueniatur poterit parari quodcumque tempore, lacuna componit ceratum libello quodam de extirpandis carrunculis, sed ego habeo simpliciore compositionem, & faciliorem, & mitiorem. quæ habet & pulueris illius, qui exuatis æreis cadit cum ab igne maleo verberantur, in polinem tusi parum; agglutinetur ea parte candelæ, quæ supra carnes esse debent, & fascicula inuoluetur ne in transitu alias partes tangat, & sic facile erodentur carruncule. est enim sine morsu valde siccans, & mirabile remedium ad omnia vlcera pudendi, & etiam absque eo quod teneat candelam, si his in die cum hoc puluere carruncule tangantur consumuntur.

De

De vlcera retentione, & agglutinatione.

EXTIRPATIS carrunculis, vlcera detergenda sunt, mox agglutinanda; deterfio fiet per in vñctionem succi appij cū melle, & aqua hordei prius inde ex succo plantaginis cum eodem melle absterfis vlceribus ad agglutinationem; destilletur hæc aqua & aluminis crudi ꝑ. iij. succorum plantaginis, portulacæ an. ꝑ. vij. agitentur simul & dissoluantur cum albumine ouorum reponantur in alambico destilletur aqua, quæ siphone intra virgam iniciatur tepida.

De corrigendis symptomatibus.

CERTE si vrina supprimatur candela detrahenda, & rursus immittenda, vt aperiantur vię; sed idque diligenter fieri debet, & à perito huius operis magistro, alioquin ex agitatione flegmones, & canceri, & mortes excitari solent, si vrgeat dolor extrahatur candela, & anodinis vngatur pars intus, & extra interque, & fomenta sunt, & calido oleo amygdalarum, & vñctiones, & lactis inunctiones.

Consultatio sexta pro Nubecula finistri oculi visionem impediēte, & optalmia relicta, casus.

VIR annorum 40. gracilis cum multum scribendo laborasset, optalmia corripitur sedata inflammatione nubecula remansit in sinistro oculo, quæ fere pupillam operit, & visionem magna ex parte tollit, alias se habuisse idem malum narrat per tres menses; denique sacchari albissimi puluere siccando deletam esse nubeculam.

De affectu, loco, & causa.

AFFECTVS, qui curandus proponitur symptoma est ad visionem imminutam pertinens, locus affectus sensu conspicitur oculus sinister; sed dubitatur an sit in humore aqueo, quo suffusiones fieri solent, an potius inter corneam, & vneam, qua nubecule, & quantum conici potest malum est inter corneam, & vneam; afficitur autem oculus & per essentiam, cum iam in eo permanens sit dispositio etiam per consensum, cum à capite originem per affluxionem habuerit, & nunc etiam licet magna ex parte sedata sit fluxione aliquid effluit. Caterum morbus ad obstructionem, vel numerum excedentem referri potest, nubecula causa est obstructionis, quæ ex vapore humoris crassioris est genita; causa antecedens capitis dispositio, & oculi debilitas.

De

De primo Scopo. An aliquid sit faciendum.

CUM malum adhuc recens sit, & prope superficiem oculi, imo aliquanto sit imminutum, & clauso oculo destro, clariorem sentiat visionem, certe sperandum est. ut si Medici periti diligentia tractetur facile dissipetur malum, & tota restituatur visio.

Quid Medicus facere debeat, & de comodo remedium vfu.

CORPVS, & caput exiccandum, atque providendum ne quid amplius in oculum effluat, Nubecula resoluenda.

De prouisione totius, & reuellendo humorum fluxu.

NON curatur oculus (ait Gal.) nisi curato capite, & hoc nisi toto corpore, quare recte à Medico primo loco tractatus, cum sanguis missus sit, & purgatum corpus, sed conuenit rursus valentius purgare phar-maco, quod à tertia corporis regione, nempe à capite attrahat; ideo post primum somnum noctis sequentis assumat has pillulas in maiori quantitate, quæ habent ℞ pillularum cocciarum, siue quibus an. 3 i. s. cum oximelle formentur pillule vii. aureate sumende, ut dixi. Ceterum facta vacuatione ad reuellendum; quotidie fricentur crura, & brachia spacio quartæ vnius horæ in lecto, ie iuno cucurbitule occipitio assidue affigantur; & si perseverauit malum cantherium; desiccabitur materia non per herrina seu nares ne commoueatur ad oculos ob propinquitatem, sed masticatoriis ex mastice & piretro denique si hæc non satis sunt per decocti ligni guaiaci.

De nebulæ dissipatione.

4 Libr. per
loca.

CUM oculi sint sensibiles valde, & mollissima substantia, oportet adinuenire remedia (ait Gal.) quæ innocentissima sint, & posteaquam ex puluere sacchari fricando oculum bene habet, ideo illo utatur; non quidem saccharo candido, quia cum vitiose sit substantiæ, non siue aliquo dolore abstergit, etiam si in tenuissimam puluerem redigatur; sed saccharum sit al-bissimum quod raffinatum dicitur vel maderæ. quo in tenuissimam puluerem redacto per intervalla fricet pupillam cum palpebra superiori; sed ante frictionem balneo utatur aque tepide qua camemelum, rosa, fenum græcum bullierint, quod est præstantissimum remedium; per spongiam mollissimam utatur etiam aqua mulsa aquosa, quæ per vas angustum frequenter in oculum

in oculum apertum inspergatur, quod remedium præstantissimum nouit Alexander, ad omnia ea, quæ in oculis continentur dissipanda. Ceterum mel paucum sit ita vt talis sit pars ad aquam, vt vix dulcedo censeatur, atque his remediis dissipatam iri nubeculam non est dubitandum.

De capitis, & corporis exiccatione.

INTERIM tenui victus ratione vtatur, aquam bibat; fugiat lucem fumum, pulueres, odores, & si perseueret malum ad ligni sancti decoctum concurrat in quo procuret exudatione per interualla, & caput syncephiti raso embroca roboret ex eadem aqua, in qua malua, bectonica, rosa, camemelum, salvia sint incocta.

Consultatio septima pro sanguinis fluxu periodico. Casus ex naribus, & gengiuis.

VIR bonæ temperaturæ habitu crasso, ætatis 40. annorum ab ineunte ætate bis, aut semel in anno ad ætatis principium, & finem fluxu sanguinis è naribus corripiebatur magno, & valido; nuper autem sanguis relictis naribus per gingias effluit in tanta copia, vt in vitæ discrimen incidat cum puris symptomatibus.

Dignotio.

AFFECTVS, quem patitur, symptoma est præter naturam in genere excretorum immodice; excernitur. n. sanguis, qui secundum naturam retineri debet. Cum vero omnis hemorrhagia, vel ex solutione continui, aut anastomasi, seu orificiorum apertione, aut diapedesi, seu resudatione fiat, in casu nostro dicendum est, vel anastomasim, vel diapedesim causa esse fluxionis accedente sanguis acrimonia, & multitudine facultatem irritantem; & verisimile est adesse in capite, & venis eius naturalem dispositionem ex imbecillitate vasorum, cum ab ineunte ætate passus sit prædictum symptoma.

Prognosticum.

CUM hæc affectio tam diuturna extiterit, & perinde fere natura dici possit, difficillime erit remotionis; immo periculum est ne ex aliquo horum fluxuum, vel repente concidat, vel in cachexiam, aut hydrophem, & malum corporis habitum incidat, calido innato debilitato; attamen non desperandum est, quia si recte adhibeantur remedia vel tollatur affectus, vel immutatur, adeo vt raro, & non cum ea vi proueniat.

Q Quid

Quid Medicus facere debeat.

DVO se offerunt facienda, alterum respicit symptoma ipsum, vt. s. sanguis iam fluens sistatur; alterum vero ad precautionem, vt prohibeatur fluxus, de quorū utroq; dicēdū est, & primo de precauēda fluxione.

Ineunte Vere inde ad medium Aprilis semel in anno curet sibi sanguinem mittendum ex vena iecoraria brachij dextri ad 3 x. ita. n. minuetur sanguis ne sua copia irritet partem; deinde ad deriuandam materiam in brachio sinistro cauterium sibi faciendum curet, & continuo ad apertum gerat; fugiat balneum, solem, exercitium, & quaecunque caput replere possunt, inter quae studia immoderata valde sunt nociua, & quo tempore fluxum expetat intermittat omnino studia, & omnem motum; & victu utatur parcissimo, & potu quoque paucissimo. Victus vero ex his, quae incrascent sanguinem, huiusmodi est lactuca, cichoreum, acetosa, farrum coctum, oriza, & quae ex farina fiunt iura pedes vituli cocti, ita. n. sanguinem crassefacere oportet. Potus vero eo tempore sit aqua calibeata, vel si propter stomachum non poterit tollerare vinum nigrum astringens pauciferū; pro pane utatur biscocto, vt exiccetur sanguis, optimus quoq; illi erit, cibus ē piscibus saxatilibus assis, aut elixis, pira, cotonea, sorbe, mespile.

De repugnando fluxu, & symptomate.

AVERTITUR sanguis ex sententia Gal. 5. meth. & clauso loco unde fluit, & ad remota reuulsus, & ad proxima deriuatus; non curet statim sistere sanguinem sed postquam paulatim fluxerit iuxta doctrinam Hypp. 6. epid. sect. 3. ne. s. ex retentione fiat aliquod malum ubi modice fluxit; primum locum obtinet reuulsio, quae duplex est; altera sit cum euacuatione, altera sine ea; prima sit secando venas ex brachio dextro, & sinistro facta parvissima incisione, & singulis horis mittatur 3 i. sanguis, mox digito claudatur, vel linteo, & post alteram horam vnc. secunda reuulsio fiet applicando hypocondriis dextro, & sinistro duas cucurbitulas amplas, & scapulis quatuor; deinde liganda extrema validius liganda, & fricanda. Quod autem pertinet ad gingiuas, seu nares facta reuulsione applicanda quae refrigerant & astringunt, inter quae est succus plantaginis si ex eo colluatur os adlito pulvere aluminis, & galle, qui etiam trahi potest per nares si ex his fluat sanguis. acetum quoque rosaceum si ex eo colluatur os, validam habet adstringendi vim. si his non cedat malum abrafo synicipiti fiat embroca ex frigida aqua, qua etiam facies frequenter abluitur fronti vero, & temporibus adhibeatur linteum ex aceto & aqua rosacea, & hypocondriis quoque, ac testibus, atque his constitutis si non in totum

tum. saltem magna ex parte sedabatur affecta quibus addat Deus Opt. Max. auxiliares manus.

Consultatio octaua pro elephantico morbo. Casus.

ADOLESCENS Nobilis Genuensis xx. annum agens iam per annos duos tubercula patitur in facie sublinida, labra, crassa, nares intus subsquamosas, maculas quoque in reliquo corpore praesertim circa pedes cutiliginosas, ac sublinidas, multis vsus remediis non cessit morbus ex guaiaci assumptione peius habuit, sero autem ebibito melius.

De affectu, parte affecta, & causa.

EX praedictis symptomatibus patet, affectum, quem patitur esse arbum, lepram, grecorum vero elephantiam; qui morbus communiter Sancti Lazari dicitur; pars affecta duplex Hepar. s. ut dispositionis origo; Cutis vero ut recipiens impressionem, in hepate non solum adest exardens intemperies sanguinem assans; sed indicibilis quaedam pernicies, quae sanguini communicata ad extremam corporis cutim transmittitur, & in primis ad caput, quippe quod venenosum sit, & valde caleat; Nam huius morbi initium, ut ait Plinius statim incultu apparet, est autem contagiosus morbus frequens admodum apud Belgas propter potum Zythi, seu ceruesiae, & casei continuu esum quae ambo crassum, & melancolicu gignunt succu.

An Medicus quidpiam agere debeat.

CUM hic affectus confirmatus est nullam admittit opem in principio difficilem, sed non impossibilem curationem. Ceterum in casu nostro iam praetergressum principium videtur non tamen vigorem adhuc attingit, ideo in augumento esse dicitur. quare summa praedifficultate, aut vix tolli posse dicendum; praesertim cum nullis remediis cesserit. tentanda tamen generosa remedia esse arbitror, antequam pedum ac manuum tumor superueniat, ac stupor cutis; dissidendum autem non est, quoniam Medico secundum rationem gerenti omnia; multa praeter opinionem accidunt.

Quid Medicus facere debeat, & de commodo remediorum usu.

MATERIA, quae iam genita est vacuanda. Iecoris, & totius intemperies corrigenda; morbi malignitas, & caca pernicies oppugnanda; & vitia cutis quae praecipue afficitur delenda.

De euacuatione.

VACUATO aluo ex 3. i. diacatoliconis, que in bolo, aut cum decocto sene sumo mane sumitur, sequenti die sanguis mittatur ex vena basilica brachij destri ad 3. vij. postmodum ex interna sinistri ad vnc. totidem; sequentibus decem diebus matutino tempore assumat seri caprini 3. x. addito succo borraginis, & fumi terre viciusque 3. 5. sacchari 3. ij. deinde purgetur per elleborum nigrum sic. R. corticum radices elleberi nigri 3. ij. anafisi, femiculi, cinamomi puluerizatorum an. 3. i. infunde in oximellite & facta expressione adde syrappi rosati solutini 3. iij. fiat potus pro aurora hinc hirundines ano affigant, & sanguis extrahatur ad 3. vij. quod singulis duobus mensibus faciendum.

De corporis attemperatione.

QUO tempore corpus supradicto modo euacuatur, refrigerandum, & humectandum primo per alimenta ex carne pullorum, hedorum incoquendo lactucam, cicoreum, acetosam, borraginem, quidem affirmat se curasse lepram solo victu; Exhibendo ptissanam & testudinum carnem; ptissanæ autem modus talis est: hordeum infundatur in aquam multam, xij. horis coquatur donec disrumpatur, cribretur, coquatur cum iure pulli, vel testudinis donec non amplius ampullas mittat; quod post tertiam horam vix contingere potest; testudines autem in aqua diu coquantur, cum modico aceti albi, croco, & borragine; perseveret in huiusmodi cibo saltem per sex menses; interim poterit uti piscibus in cibis elixis boni succi, ut soleo aurata, & beta, & malua, & lactuca. & perseveret in hoc victu per sex menses; vinum sit album, lene, clarum, sed aquam bibere fortasse melius esset, sin minus transire à vino ad aquam & è contra; aqua verò paretur sic. R. liquiritie recentis 3. 6. radices tamarisci 3. ij. passularum 3. iij. aque lib. iij. coquantur ad tertie partis consumptionem, coletur, & utatur pro potu, extra vero attemperetur corpus balneo aque dulcis, quo insideat bis in die per horam, & si poterit a balneo exudet, postquam lectionem corpus vngatur ea ratione, que infra dicetur, eatque ad balnea ter malia, que tamen refrigerandi vim habeant, quale est de aquis in agro Pisano, vel Lucense, quod non modo attemperat lecur, sed cutis maculas dissolvit, & debet & omnia vitia cutis mundat.

Qua

Qua ratione a propria substantia sit morbus impugnandus.

CARNIS viperine esus inter cetera antidota prestantissimum habetur; ea vero diuersis modis parari solet. Gal. amputatis capite, & cauda ad iij. vsque digitos, & exemptis interaneis in olla noua, coquatur ex aqua donec exquisite mollescant, addendo bordeum, anethum, porrum, & olei nonnihil. bibat in primis ius; deinde carnes ieiuno comedat semel in die, nec postea per horas 6. aliquid edat; immo post viperæ esum prouocet sibi sudorem; sumat autem per dies xx. carnes has. Quidam ita parant, quatuor, aut sex gallinas nutriunt per xv. dies, viperis costis contusis, farina, & surfure in massam redactis, cumq; id factum fuerit, occise galline, & excuteratæ, atque deplomatæ coquantur iuxta morem. & ius illud bibat, & carnes edat, & postmodum quiescat in lecto donec exciderint cruræ, nec solum viperina caro huius morbi est antidotum maximum, sed vinum in quo vipera extincta sit primam prerogatiuam habere videtur, & duobus experimentis confirmant Gal. extinguitur ergo vipera, seu iniicitur vina in generoso vino, ut emoriatur ibi, extrahatur post triduum, quo vino utatur familiariter in potu, & illius poculum ieiuno stomacho sumat post allij spiculi æsum, & duret per dies xxx.

De cura cutis, & macularum.

AD cutem mundandam, & humores dissoluen-
 Termali, quæ est de aquis in balneo Pisano, & Villense in Luense, ad quas ire debet mense Iunii, in aliis temporibus balneum parari poterit domui, aut ire ad publica ex aqua dulci, post balneum affigantur cucurbitule, seu cornette xx. aut xxx. pro virium robore locis cutis affectis, & scarificentur in partibus tumidis deinde fiat vntio hoc, quod habet. R. succi ocinastræ, olei, cere an. partes æquales fiat vnguentum, quo post balneum, & cucurbitas illiniri debet tercio die balneum redeat, & omnia peragantur præter cucurbitas vsque ad quinque circuitus, in quorum ultimo rursum applicentur cornua, seu cucurbitæ, antequam balneum eat poterit assumere aliquid matiipanis, vel aliud quippiam ne deficiat, noctu vero vngantur macule calce extincta cum oleo rosaceo, & est remedium Hypp. ad lepram. Card. ponit vnguentum, quo ait se liberatum à scabie, quam annos 26. passus erat quasi lepra, sine purgatione, aut balneo. R. sulphuris vini 3 ij. salis 3 i. 5. lachrimæ iuniperi, qua utitur bibliopole, elleberi albi an. 3 ij. succi hyssimali 3 ij. apponitur tota herba contusa pondere 3 i. olei de semine lini 3. 5. terantur exquisitissime inde coquantur super cineres, donec redigantur,

redigantur in formam vnguenti, post exprimatur, & reiecta fece inungantur statim deterfa aqua, à balneo sub poplitibus, & interiora cubitorum, tallum, & iuxta corpora manuum, & sub alas, & plantas pedum, & loca omnia patientia, aere calidissimo, seu iuxta ignem post cenam diu confri-cando loca, & copioso vnguento, inde ingrediatur lectum calentem, & te-gatur pannis hoc a prandio, aut à cena, & fiat alternis diebus donec ter fuerit vinctus.

Consultatio nona pro dolore coxæ cum varice in crure
assurgente. Casus.

MARCUS ANTONIUS Gentilis Ianuensis, vt nobilis ita etiã virtute clarus, & mihi amicissimus cõstitutus in 26. anno ætatis sue, temperie, & habitu corporis gracili, & bilioso, venis latis, ex saltu quodã, crepitum quendam se sensisse ait ad coxæ summum, inde sequutus dolor est, & impedimentum progressus; post aliquot dies melius habuit sed cum ma-lum spreuerit, & valido venando exercitio vteretur, dolor perseuerauit per interualla ad coxam iam per quatuor menses, & varix ad crus in par-te inferna conspecta est, quam, vt comprimeret cerato adstringenti obuol-uit pelle canina super alligata.

De affectu, parte affecta, & causa.

QUIS locus afficiatur satis ex dolore apparet, dolor. n. ad natem supe-riorem, & per totum femur ad genus vsque, vena quæ tumet in cru-re ramus est illius magnæ venæ quæ deorsum descendit, sed quis vere locus sit affectus in coxa, an articulus ipse, vel potius tendines, & nervi, qui ad os sacrum sunt, an potius vena ipsa tumens, quæ eò proreptat, vt velle vi-detur Hypp. non multum ad curationem refert. Affectus symptoma est, nempe dolor ad actionem deprauatam pertinens, in varice vero morbus in magnitudine. Ceterum afficiuntur partes per essentiam, & per consen-sum, per essentiam ob diuturnitatem per consensum vero, quia verisimile est ex reliquo corpore, & maxime ex liene, sanguinem melancholicum in co-xam, & crus influentem, & coxæ dolorem, & denique varicem fecisse; oc-casio fuit motus illæ, seu saltus, vnde tendines coxæ passi sunt, & debilitati & perinde humiditates attraxerunt, videtur autem causa melancholicus, sanguis ex adustione, cum æger sit calidi admodum temperamenti, & ve-nas latis, & subnigricantes habeat.

De

De primo scopo. An Medicus aliquid facere debeat.

HOC malum non letale iudicauit Hypp. verum longum, & difficilis 1. de morbis.
admodum remotionis, atque in nostro ægro difficilior redditur, quod
varix infra emergat, ad quam continuo sanguis effluit; verum quia Iuue-
nis est, nec morbus valde antiquus, & varix nunc primum emergit, spe-
randum est, vt si Medici diligentia opera vtuntur, & obediens sit æger in-
tegram consequatur sanitatem, aut saltem morbi vnguentum prohibeat.

Quid Medicus facere debeat, & de commodo
remediorum vsu.

IN primis prohibendum ne materia ad partem influat, secundo que in
loco est euacuanda, tertio pars roboranda ne recipiat; varix ne am-
plius crescat prohibendus.

De primo Scopo. Qui prohibet influxum materiæ
ad partem.

HIC scopus multiplici ratione fiet. Gal. ait, iuuari coxædicos magis vo 10. per loc.
mitu, quā alui fluxu, proinde aliquando per intervalla à cibo valde re-
pletus eū procuret; purgetur quater in anno ex hiera, pachij an. ʒ ij. sed
pro nunc assumet leuiter syrup. de polypo. ex descriptione Montani, qui
euacuat leniter humorem melancholicum ad iiij. cum iure pulli in defectu
ʒ i. diacatoliconis; post hanc lenem deiectionem procuret sibi postridie mit-
tendum sanguinem ex vena talli externa iuxta præceptum Hypp. ad lib. i.
post detractionem sanguinis, procuret, vt singulo quoque mane in lecto fri-
cetur crux destrum, & tota coxa panno mediocriter aspero per spaciū de-
nique horæ, vt renellatur materia. Secundum ingenium prohibendi fluxio-
nem ad loca est in exiccatione corporis, ideo vtatur ratione victus exte-
nuante, ex assis pullis, columbis, exercitium mediocre non excedens, vt am-
bulationes, ex arcebat. n. ex valido motu coxæ dolor, vt ait Hypp. & po- 4. Acutorum
terit vti ligni sancti, vel potius eius decocto, vt hæc intentio in totum per-
ficiatur, hac igitur ratione prima intentio optime fiet, & prohibebimus,
ne materiam influat ad locum.

De euacuanda materia, quæ in parte continetur.

QUONIAM vero verisimile est, copiam adesse materiæ in loco, vt
causam coniunctam, & in aliquibus venani ramulis, vacuatur autē
&

& sensibiliter per cucurbitularum appositionem, quod remedium esse solet frequens Hypp. Item clysteria, quorum usus maxime laudatur in hoc malo, quæ etiam sint acria dicebat. n. Hypp. fluxum materiæ ad coxam esse interceptiendum tum per ea, quæ intus adhibentur, tum foris calida medicamenta, foris autem utitur Hypp. fomento quod aquam partem habeat acciti, & aquæ falsæ spongia ad moto calido, applicantur quoque emplastra, quæ per dies agglutinata maneant, quorum magna silua est apud Gal. x. per loca inter cætera usque ad celum extollit, quod ex Hiberide, & axungia sit à Democrito versibus decantata, Dioscorides herbam cum helenij radice contundit, & illiuit quarta parte hore.

De his, quæ attemperant, & roborant.

INTER cætera, quæ siccandi, roborandi, & calefaciendi vim habent balnea sunt sulphurea, quorum usum tempore opportuno non prætermittet, pro nunc, quia sumus in tempore vendimix eat ad vinacea, seu vini recrementa, in quibus sedeat bis in die per duas horas; quod si non cedat malum ad ignem veniendum, atque iuxta Hypp. doctrinam lino crudo intorto aduratur pars, quæ dolet, ut crustæ inducantur; id vero commode fieri poterit corda archibugij ignita; omni autem dolori coxendico, licet a causa calida fiat, ea, conueniant, quæ calefaciendi vim habeant applicata, quia humor, qui ad partem confluit, crassatur, & frigescit, & pars sua natura frigida est, & exanguis ac ossea; ideo procurandum semper ne frigeat aut humescat, pedes calidi teneantur & sicris, & pellis agnina coxæ maxime per hyemem alligata deferatur.

Varicis medela.

INTERIM, quia varix est in principio vena constringenda, & humor depellendus ad partem superiorem. id vero commode fiat lamina plumbæ subtili admodum composito succo plantaginis vel mali corij madida, & ligatura constringatur, quæ ab inferiori parte procedens sursum vergat.

Consultatio decima pro puella epileptica, & balbutiæ. Casus.

PUELLA annum agens decimum octauum loquelam habuit impeditam, ut pauca admodum, & vix verba proferat anno 15. etatis proxima epilepsia correpta est; accessiones tamen rare, & per longum temporis intervallum risum quemdam frequentem habet fatuum; nec ex naribus, aut ore aliquid humiditatis effluit, menses tamen habere secundum naturam dicunt.

De af-

De affectu, loco affecto, & causa.

QUOD afficiatur cerebrum ex leſa actione tum ſenſus, & motus, tum ex loquela impedita ſatis apparet, quamvis in lingua quoq; malum eſſe poſſit, vel neruis illius, loquela impedita inter ſymptoma eſt, epilepſia inter ſymptomata leſe actionis, & morbos in via reponi poteſt, affici vero videtur cerebrum per eſſentiam, cum ex nulla alia parte morbus naſci videtur; cauſa lenta pituita, & melancholia eſſe videtur retorrída in cerebro contenta, & venis illius; vnde mentis ſtupor; viſus vero ex acedine vaporum mordentium muſculos labiorum oriri videtur; impedimentum loquela ex eodem fonte promanat neruis leſis, qui ad linguam veniunt; dicebat. n. Hypp. lingue incontinentiam, & ſtuporem a melancholia fieri; quod vero nil ore, vel naribus materia veniat, ex humoris ariditate provenire videtur, ſeu quod humores alio ruant intus; nam quæ foris ſicca ſunt, intus ſordent, præter dictas, cauſas alia peculiaris in cerebro, ex maligna qualitate ſtatuenda eſt, vnde morbus à tota ſubſtantia recte appellari pòt.

De primo Medici Scopo. An Medicus quicquam agere debeat.

CVM origo huius mali ex naturali quadam diſpoſitione eſſe videatur, nec ad menſtrua ceſſauerit, immo ea ſequutum eſt malum, & a cerebro ortum ducat, menſq; ſtupore quodam attonito teneatur fruſtrato-rium reor omne Medici præſidium; nihilominus quia Medico ſecundum rationem agenti multa præter opinionem contingunt tentare non erit inutile, & præſertim illis remediis, quæ ſi non iuvant ſaltem non lædunt.

Quid Medicus facere debeat, & de commodo remedium uſu.

CORPORIS vitioſa conſtitutio in primis corrigenda, ſecundo cerebri, tertio malignitati, quæ huic malo ſemper associatur reſiſtendum; & quia loquela vitium, viſus, & fatuitas ab una eademq; cauſa pendere videntur, ideo illorum una cum morbo eadem erit procuratio.

De corporis præparatione.

QUIA Morbus præcipue eſt in capite, & ſentitur in corpore toto, ideo illius habenda cura, & pro euacuatione leniatur aluus 3 i. dia catoliconis, inde ſanguis poſtridie mittatur 3 ix. ex baſilica brachij deſtri;

R mox

mox oximelite simpl. & decocto cicorij, adiantij, bettonica, eupatorij, & appij radices prepararetur humor; inde expurgetur per hieram pachij à Scribonio Largo descriptam ex secunda descriptione, quæ est validior, & illius ʒ ij. s. dentur, & vsque ad ʒ iij. cum decocto, vel in forma pillularum; oportet, aut valentius purgare in hoc malo, vel ipse Hypp. Ceterum semel, sed multoties, ipse tamen Hypp. elaterio purgatur, ceterum in brachio sinistro; post factas has vacationes cauterium gestet, quod facilem habeat vomitum, ille per intervalla ciendus, primo ex lenioribus à cibo, deinde per maiora, & ad antimonium preparatum denique veniendum, cuius. g. tria cum rosaceo saccharo dari poterunt, nec aliud remedium magis curare posse hunc morbum puto. Ceterum Celsus, & sanguinem mittendum, & purgandum in die accessionis, docet, quod tamen non probatur; Nam in accessionibus abstinere oportet, fricabit bis in die brachia, & crura multa & aspera frictione.

De cura capitis.

MATERIA, quæ in capite dissoluenda, & vacuanda, nam cum crassa sit vix sine preparatione veniet; ideo abraço capite fiant embrocha à ligni sancti decocto, cui camemelum, malua, viola, bettonica, salvia sint incocta; mox ad vrina, & apophlegmatismos prima leniora, inde maiora si vero nil veniat, non est vis facienda nature, cucurbitæ autem singulis duobus diebus scapulis, & occipitio adhibeantur, & scarificentur, & denique veniat ad assumptionem ligni guaiaci, & procuret exudationes, & extenuante victus ratione utatur denique, quia virgo est viro copuletur; nec. n. aliud maius, aut præstantius remedium excogitari potest ad exilrandam mentem, & commouendum totum corpus, procuret mutare regionem; Nam Hypp. huius morbi curam in mutatione ætatis, locorum, temporum, & victus collocat. Cauterium denique in brachio gerat.

De his, quæ a proprietate agunt, & malignitati resistunt.

PRÆSTANTISSIMUM remedium est ungula illius animalis, quod vulganter gran bestia dicitur & appensa collo, aut anulo gestata, & pulvis eius assumptus peonie quoque radix in eandem intentionem gestetur, & assumatur pulvis cranei humani, nec non visci quercini ossis de corde cerui quæ huc malo resistunt egregie. Ceterum hoc electuario ait quidam antiquam sanasse epilepsiam, & conficitur hunc in modum. R. piperis, seu herba sancti Petri vulganter dictæ quantumvis cariophilorum, peonie, piperis an. partes æquales, puluerizentur, & melle excipiatur; fiat electuariū, cuius sumat quotidie coctlearium per dies xxx. ieiuno stomacho.

Con-

Consultatio vndecima, qua agitur de dolore ventriculi cum vomitu. Historia.

VIR ætatis annorum 60. habitu corporis crasso, qui gelato vino utebatur, iam quatuor elapsis annis ventriculi dolore corripitur, quo per mensis quatuor torquebatur, discessit deinde; verum mense Iunii proximi præteriti rursus eo corripitur dolore frequenter, qui os stomaci affligit, & spinæ correspondet, aliquando locum mutat ad mammam; dolet autem bis in die in occasu solis, & ad sextam noctis horam, qui durat ad vndecimam vsque, & venit cum magno vomitu, vometq; pituitosa, cruda, accida, nulla adest febris multa facta sunt, sed permanet dolor, qui calidis pannis appositis aliquantum mitescit.

De affectu, parte affecta, & causa.

NON sicut empirici faciunt, curantes omnem affectum ventriculi per calida, sicca, stiptica, ut ait Gal. ita nos facere debemus, sed cognito malo curare. Duo igitur proponuntur symptomata cardialgia, seu stomachi dolor, & vomitus, qui dolorem sequitur; afficitur autem ventriculus, & potissimum ad os, quod ex dolore cum positu, atq; ex excretis per vomitum agnoscitur. Ceterum cum iam diuturnus sit affectus per essentiam eo contere dicendum est; affectus intemperies esse videtur, eaq; frigida & humida, quod ex præcedenti gelato potu colligitur, & quia calidis remediis auatur, est autem intemperies cum materia, quia ex praua coctione multata, & pituitosa gignuntur, quæ adherent tunicis ventriculi; vnde eleuatur flatu, & fortasse lien per eum meatum, qui in ventriculum recipit, plus melancholice transmittit, quam deceat, vnde augetur malum. Ceterum consentiente corde, & flatu locum mutante ad sinistram mammam dolor aliquando apparet, qui solet potissimum post coctionem affligere, quia cum ea imperfecte fiant relinquuntur cruditates, in quarum ebullitione flatu eleuatur, qui dolores, & vomitum generat.

7. Meth.

De primo Scopo. An Medicus quicquam agere debeat.

CVM malum hoc iam confirmatum appareat, & in homine sene neq; remediis commode adhibitis cessarit, & graue sit viresq; deiciat, ut syncopem minatur, parte existenti admodum sensibili, & cordi valde consentiente; non modo difficile remonebitur, verum periculum vite minatur, ac per inde omni ratione occurrendum, ut lenetur saltem, & minatur.

R 2 Quid

Quid Medicus facere debeat, & de commodis
remediorum usu.

MATERIA, que in ventriculo adheret attenuanda, & euacuanda, intemperies corrigenda, ventriculus roborandus, symptomata nempe dolor, & vomitus tum præcauenda, tum etiam cum adsunt mitiganda; siquidem cause rationem obtinent, & vires deiciunt.

De attenuatione, & vaeuatione.

AD humorem attenuandum, qui adheret, oximel accommodatum est remedium, quo absynthij coma per noctem maduerit, addito pipere; cuius summat mane ieiuno stomacho coclearia duo, vel tria, humor paulatim, & frequenter per inferna vacuandus, non validis medicamentis, tum ob ventriculi languorem, tum etiam ne humores ad partem trahantur; hiera igitur Gal. præstantissimum est pharmacum, quo per intervalla uti poterit sumens eius ʒ iij. cum mulsâ, vel brodo pulli, & utatur frequenter una Hiera si paritur ex aloe tota magis erit accommodata, vel altera pillula de tribus, que aloe, agaricum, & raubarbarum recipiat.

De roborando ventriculo.

VENTRICULUS roborandus tum extra, tum intus cuius intentionis semper habenda cura est; extra igitur utatur hoc cerato præstantissimo, quod habet. R olei amygdalarum amararum, (in defectu dulcium) vini albi odoriferi an. ʒ iij. comarum absynthij quantum capere humor possit, cinamomi, aloes, mastiches an. ʒ i. bulliant ad vini consumptionem, & facta expressione cum cera fiat ceratum, quo calido ungatur os stomachi, & 12. vertebra bis in die parum ante accessionem linteo calido super imposito, aut hapsus lane carminatę supra imponatur eodem unguento madidus; hoc nullum præstantius inuenies. Gal. oleo, in quo absynthium inferbuerit, utitur, & emplastrum adhibet ex vino, hordei farina palmulis, croco, aloe, mastiche. Ceterum intus ad roborandum diatrocopiperon, aut diaspociticon electuarius proponit, & inter cetera ad subuertitiones hoc utitur. R succi mali punici accidi partes tres, succi menthe partes duas, mellis optimi, succi cotonei an. partem unam fiat mixtura cuius per intervalla accipiat ʒ ij.

2. ad Glauco.

De

De intemperie corrigenda.

AQUAM testuccij assumat per quatuor, aut quinque dies deinceps
utatur vino, in quo lignum guaiacum sit incoctum.

De prohibendis symptomatis.

VTATUR chystere, vel balano parum ante accessionem frictiones
fiant, & ligaturæ precipue pedum exhibeatur ossa panis cum vino
calida aqua temperato, cucurbitula umbelico apponatur. Cauterium cru-
ris sinistro fiat, victus sit parcus admodum & facilis coctionis, cum pipere
condiantur carnes auium boni succi, utatur exercitio saltem mattutino tē-
pore, ut longa deambulatione, vel ludo parue pile, aut trahendo aquam de
puteo; vinum bibat rubrum aqua calida temperatum; Nam si recte vi-
ctū, & exercitio utatur sine alio remedio sanari poterit, polenta quoque
cum farina facta tritici, aut farri addito melle, & pipere commodissimum
alimentum videtur esse in die accessionis, ut obtundens, & attemperans,
cui etiam vinum misceri poterit album generosum.

Consultatio duodecima pro pudendi corruga-
tione. Casus.

ADOLESCENS gracilis, procera statura, latis venis, rubra fa-
cie anno ætatis xxi. constitutus, diu à Venere se abstinuit, & pœni-
tentia, ac ieiuno diu vitam deguit patitur membri virilis in actu venereo
impotentiam, adeo ut in coitu quamvis semen emittat staceat, & corru-
getur, querit auxilium, & An possit matrimonium innire.

De affectu, parte affecta, & causa.

MALVM, quod patitur symptoma actionis imminuit ipsius puden-
di, seu naturalis sit, seu ex naturali & voluntaria composita actio
erectio; afficitur autem coles, qui rigidus non servatur, ut decet in causa.
causa videtur esse meatuum ipsorum densitas adiuncta musculorum erigen-
tium imbecillitate; nam quod proueniat ex spirituum inopia penem inflan-
tium, non videtur probabile, cum Iuuenis sit, & copiosum gignat semen.
Galen. causas erectionis pudendi in dispositione naturali, vult esse spiri- 8 de loc.
tus copiam, & meatuum membri dilatationem; cum moderato calore, &
ea dem fere agnoscit in dispositione præter naturam quæ priapismus dici-
tur, vel moderatum calorem cum crassorum humorum copia, vel etiam im-
moderatum.

moderatum calidum sic vt pudendum patiatur quidpiam inflammationi simile; ergo meatuum angustia, quę membrum in conformatione facit causa, & affectus est, huius vero causa frigiditas vel natura, vel ex abstinentia esse videtur, cum muscutorum imbecillitate.

An Medicus aliquid sperare debeat in hoc casu.

C*VM diuturna admodum sit affectio, nec tantum acquisita, sed naturalis esse videatur, ideo cum magna difficultate corrigi poterit; quod si remediis non cedat, quamuis ad eorum egre conficiendum abilis, ad generationem tamen nequaquam censendus est talis tentanda tamen sunt remedia, vt videamus quid Ars ipsa efficere possit.*

Quid Medicus facere debeat, & de commodo remedium vfu.

M*EATVS reclusi aperiendi, partes corroborandę, spiritus copia procuranda; sed ante omnia corpus mundandum.*

De corporis prouisione.

C*VM patiens sit hepatis valde calidi, & pruritu, & scabie laboret, ideo mundandum est corpus. Verno itaque tempore hanc sequatur normam; assumat syrup. ros. sol. 3 iij. post die sanguis ex basilica ad 3 viij. inde vero preparentur humores hac potione R syrup. de cicorea simpl. de luppulis, eupatorii an. 3 6. Decocti fumarie, luppularum, borraginis, lactuce, capillorum veneris 3 iij. sumat in aurora calidum, post vij. potiones, purgebatur hoc pharmaco. R electuarij ros. Mes. 3 iij. diacatoliconis 3 i. Decocti senę quantum sat est fiat potio.*

De meatuum apertione, & partium robore.

N*ULLA alia meliori via aperiuntur meatus pudendi qua vfu ipsius veneris, ideo coeat bis, aut ter in septimana; idque faciat matutino tempore vel a somno, aut qua hora maxime pronus ad rem veneream fuerit, Galenus aptissimum tempus veneris voluit esse, cum corpus in mediocritate sit positum, ipse tamen coeat cum maxime stimulari se sentit, cincturam gestet, qua ventrę constringat valide, vt spiritus deorsum vergant, quod valde probat, Gal. partes vero genitales fouendę fotu suffitu, & vnctione fotus sit ex vino maluatico, quo camemelum, malua, rosa sint incicta, & fiat cum it dormitum. post fotum suffiat partes ex belzoino, aut mirba, inde vngat pudendi pectenperineum oleo, de nuce muscata.*

De

De gignendis spiritibus.

ALIMENTA sint boni succi, aliquantum flatuosa, oua sordida duo singulo mane sumat addito pipere; victus optimarum carniū, sed precipue testium agnorum. vtatur frictis balbis, aliquando castaneis, tartufis, faba, cicer, cocta, & pisum, fricta scalonia, rapum, que omnia flatuosa sunt a cibo pinei, & pistachia saccharo incrustata, & cum it dormitum per interualla assumat diasporionis electuarij 3 iij. vel ex hoc quod valde probatur 3 radices iringorum 3 1. seminis rapę, cepe, bulbi an. 3 iij. radices piretri 3. 5. Zinziberis 3 1. 5. renum, & caudarum stincorum 3. 5. rasura polypi piscis 3 iij. fiat electuarium, cuius 3 1. accipiat. Ceterum Hollerius in suis obseruationibus ad consilia casu 22. electuarium proponit quod diuinum appellat & singulare pro erigendo pene quo nobilis quidam Hispanus remediis aliis frustra tentatis conualuit accedant veneris irritamenta vage pictura aliaq; eiusmodi generis.

Consultatio decimatertia pro nocturna pollutione.

IVLIVS odius mihi inter discipulus carissimus, & Medicinę doctor, & imaginę expectationis Adolescens habitu corporis gracilis, & procera statura constans, sepe mecum questus est de nocturna pollutione, qua iamdiu inuitus per somnum magnam copiam seminis effudit vnde affligitur, & anxius est, asserit autem se vsu veneris melius habere, & rarius eo malo affligi quamobrem conabor pro viribus mali naturam, & auxilia scribere.

De affectu, parte affecta, & causa.

QUOD proponitur malum symptoma est immodicę excretionis; Affectus causa intemperies esse videtur eaq; calida partium, que semen attrahunt, & gignunt. s. testium, & renum, & vasorum spermaticorum; qua attrahitur sanguis ad semen consiciendum, atque illud quidem multum, cumq; acridinem concipiat irritat facultatem, id vero magis per somnum, tum quia eo tempore magis attrahitur materia tum quia qualibet imaginatio irritatio per somnum magna, & valida se offert sensibus.

An Medicus aliquid facere debeat.

CUM affectio sit adeo inueterata, & confirmata, non ita facile, vt puto remoueri poterit, nec tamen negligenda est; quia si veluti per interualla aliquot dierum superuenit, ita frequentior esset, & validam extenuandi corpus vim haberet, & Hypp. satirum quendam scribit, qui cum
die

die ac nocte perpetuo semen effuderit tabidus mortuus est; ego tamen id nequaquam timendum esse in casu nostro existimo, immo beneficio atatis partibus attemperatis melius habiturum spero, quando remedia ut spero, & ut decet adhibita erunt, ad quæ deueniendum quamprimum existimo.

Quid Medicus facere debeat, & de comodo remediorum usu.

CORPVS expurgandum, & attemperandum, materia reuertenda, & partes roborande.

De primo Scopo.

QUIA verifimile est, humores, ex quibus semen conficitur non inculpato esse, ideo leniter vacuandi per intervalla; id vero fiet si singulo mense accipiat 31. pillularum de tribus, quæ recipiunt aloë, ranbarbarum, & agaricum ad partes æquales cassiæ quoque vnciam; mirabiliter renes mundandi vim habent, quæ aliquando uti poterit; procuret autem, ut bona victus ratione utatur, ut humores ad mediocrem statum reducat.

De attemperantibus.

INTER ea, quæ attemperandi vim habent præstantissimum est serum caprinum, cuius Veris tempore assumere poterit lib. 1. singulo quoque die per 15. dies; victus sint carnes auium boni succi, & piscium saxatiliū, oleribus utatur lactuca. s. & cucurbita, cichorio, & borragine coctis. Potus sit modo aqua, modo vinum imbecillum virium, & nigrum magis quam album; extra vero ungantur partes ad lumbos unguento Galeni refrigerante addito succo sempreniui vitet decubitus supinum, poterit etiam gestare ad renes subtilissimam laminam plumbeam multis foraminibus cribrata tam ut vapores exeant.

De auertenda materia.

PROHIBENDVM quantum fieri potest ne materia fluat ad partes infernarum, quare licet aliquando uti vomitu, & fricentur quotidie brachia panno mediocriter aspero; utatur comodo exercitio præcipue ad partes superiores qualis est ludus parvæ pile, aliquando etiam utatur venere, ita enim fiet ut minus tumentes partes non adeo stimulentur, sed moderate vino nigro ad roborandum foveat pudenda quo rosa mirtus, verbenæ, agnus castus, & menta sint incocta.

De his,

De his, quæ a proprietate resistunt.

R Limaciarum lib. x. succi limonum lib. ij. portulacæ, acetosæ plan-
taginis agni casti, rutæ, mentastri an. m. i. omnia destillatur, & de
hac aqua sumat per aliquot dies matutino tempore: pulvis quoque capi-
tis lucij piscis furno exiccati mirabiliter ad pollutiones conferre dicunt.

Consultatio decimaquarta pro Nobili Pistoriensi, qui perpetua
ad fauces fluxione laborabat, hæmorrhoidibus, & ne-
phrifica passione. Casus.

ADOLESCENS ætate xx. annorum constitutus, colore sublinido
temperie melancolicus, caput frigidiori, iam annis quinque magno cor-
reptus est catharro ad fauces & os, & cõtina spuitione laborat & crassa,
& liquida expuit, alui feces eodem humore apparent imbutæ, accersitus
Medico per biennium bis in Vere purgatus est, veterum sine profectu: ideo
cauterium in sinistro brachio factum est; verum perseverauit ab eo ma-
lum, quamvis copiosa materia ex eo flueret. Rursus alterum cauterium cu-
rauit fieri sub genu à quo materia copiose fluit, nihilominus malum per-
seuerauit: non confugit ad lignum guaiacum, quia ob Iecoris calorem timor
erat, ne potius læderetur.

Laborauit quoque hic eger renum calculo iam per biennium vrine sem-
per cum arenulis, dolor ad renes grauis, bis assumpsit aquam tetucci, &
Villæ; inde ad balneas in agro Pisano, quæ de aquis dicuntur profectus est
bis per duos annos, in quibus moratus aliquot dies 20. anno ex assumptione
prædictarum aquarum lapidem eiecit, qui ad virgam perueniēs mago cum
labore, imo opere chirurgi extractus est, à quo tempore renum cessauit do-
lor, vrine tamen cum arenulis descendunt. Hæmorrhoidas habet, quæ per
quatuor menses iã multum effluunt, quoties aluum deiecit, sanguis, qui deii-
citur ater est, nullamq; ex illo licet copioso se imbecillitatem percipere dicit.

Discursus.

ISTARVM affectionum causas, non vna, sed multiplex statuenda est;
Nam catarrhus ille ad cerebri humidam, & frigidam intemperiem re-
ferri debet, eamq; per essentiam factam & fixam, ob quam cum alimentum
conficere non possit, conuertitur magna illius pars in pituitam; quam, vt co-
pia grauantem ad fauces transmittit, & circuitu facto rursus idem euenit;
nec mirum si medicamentis, cauterio, hæmorrhoidibus non sit finitum ma-
lū, quia nullo negotio impedire potest, quin cacochymia persistat, & gene-
retur

retur cōtinuo ex partiū debilitate, & imbecillitate caloris innati; Iuuatur affectio ex aluo, quam duram habet. Ceterum caliditas Hepatis, quæ ex scabie, qua scatet satis deprehendit, & per consequens renum; calculi causa censi debet, Hemorroides vero superuenientes, vt copiose fluentes (vt puto) in causa fuere, cur non amplius nephritico dolore laborauerit; Nam vt docet Hypp. melancholicis, & nephriticis hemorroidis superuenientes bonum, sed cum illæ sint copiosæ, & cum corpore cacochimo symptomatice potius quam critice superuenisse censendum est ex debilitate retentricis, aut sanguinis praua qualitate.

An Medicus circa prædicta aliquid moliri debet.

CUM prædictæ affectiones tam diuturnæ extiterint, & remediis recte adhibitis non cessarint, immo contraria remedia requirant cum contrariæ sint affectiones fixæ, & in hac ætate fatendum est, corpus egrotantis eo deuenisse, vt potius sperandum sit, malorum lenitionem, quam extirpationem, & quod Hypp. de senibus dicebat, de adolescente nostro vere dici possit, reuma hoc, quo perpetuo affligitur coctionem non esse admissurum.

Quid Medicus facere debeat, & de commodo remediorum vsu.

INTEMPERIES corrigenda, ita ut tam corpus, quam caput exiccetur, ita tamen vt quam minimum Iecur lædatur, qua in re omnium, quas patitur, passionum consistit medela.

De corporis exiccatione.

7. Aphor.

HÆC intentio, nulla alia ratione melius, quam per victus rationem perfici potest; curet corpus suum exercere quotidie longis deambulationibus ab exercitio cibum assumat ex carnibus auium, vt palumbarum, pullorum, turdorum, vt plurimum assis aliquando etiam elixis; Potus vinum nigrum imbecillum virium, & bibat quam minime poterit, parcus. n. admodum debet esse potus, sicuti & cibus; corporibus. n. humida carne præditis præferenda fames; dixit Hypp. fugiat omnia acris, salsa, aromata, solem, auras matutinas, vespertinas, validum motum, deinde Verno tempore sumat decoctum radices cine in defectu, sarzipariliæ sine regula, & propter calorem Iecoris, in sine decocti addat cichoreum oxalidem borraginem, adianton eupatorium, & bectonicam; quo tempore leni aliquo medicamento purgetur per pillulas de tribus, quas in vsu habeat frequenter ad leniendam aluum, in qua intentione soleat ante prandium vti betis,

aut

aut spinaciis coctis cum melle, & vna passa, & prunis; Nam in lenienda aluo magna consistit curationis pars.

Pro capitis robore, exiccationeq;.

F IANT lotiones ex decocto ligni guaiaci, aut lixinio, in quo rosa, betonica, salvia, rosmarinus stecas bullierint; à lotionē sacculis ex milio calefactis, aut linteis pānis caput calefiat per spaciū octauī horæ; vtatur caput purgiis, per ea, quæ ad nares attrahūt, nō masticatoriis, ne ad fauces materia trahatur; igitur succum betę cum saccharo naribus attrahat, aquamue hordei cum melle: pro hemorroidibus nil moliendum, si tamen ex nimio fluxu corporis timeatur refrigeratio; vtatur ceruse vnguento dissoluto in oleo mirtino, & clisteribus, qui leniter astringant, & obturent, qualis hic est. R. plantaginis, centum nodio, rosarum, rubrarum, balaustrorum an. p. i. fiat decoctio in lacte ad lib. i. pulu. boli armeni farine fabarum an. 3. i. fiat clister in formam pultis.

Pro præseruatione a calculo.

N E verò amplius generetur in renibus calculus singulo mēse sumat pulueris corticum radicum lauri tenuissime triti, & cribrati, pulueris raubarbari an. 3. i. & cum dolore renum afficitur, idem sumat in mulsa, & est admirabile remedium impellendo calculo, & secretum quod centum aureos valet.

Consultatio decimaquinta de capitis dolore, sibilo aurium vertigine, & tumore in genu.

V I R annorum 60. calidæ temperaturæ, & gracilis, laboriosus, & cuius deditus iam diu dolorem passus est in medio frontis cum frigidissimo sensu, ita ut conaretur locum fricare, vnde sedabatur dolor, quo sublato dolore per intervalla patitur hemicraniam, successit sibilus in auribus, & vertigo, patitur quoque tumorem flatuosum in genu, habuit etiam post illud primum dolorem, hemorroidas effluentes, quæ clausæ sunt artificio.

Dignotio.

P A R S, quæ afficitur, cerebrum est, id quod & dolor, & sibilus & vertigo ostendunt, & leditur per essentiam quod colligitur ex diuturnitate affectionum, & quia non sequitur euidenter alium affectum, nisi dicamus occlusionem illam hemorroidarum concurrisse cum cerebri debilitate ad ista

S 2 sympto-

symptomata facienda : causa istorum symptomatum ad imbecillitatem referri debet, ad imbecillitatem inquam ex intemperie frigida, & humida ortam, id quod ex sensu doloris, & etate deprehenditur; estq; cum materia vnde eleuantur vapores, quorum motu & vertigo, & sibilus fit: ex eodem capite quoque verisimile est, deferri vapores ad genum, qui creantur tumorem illum, accedente partis imbecillitate.

Prognosticum.

CVM sit adeo inueterata affectio, & in corpore iam sene, non est verisimile posse vlla ratione sanari, imo periculum est, ne in paralytin, stuporem, aut apoplexiam, vel epilepsiam, aut alium grauiorem cerebri affectum incidat; aliquid tamen a Medico agendum est, vt quantum fieri potest, mitigentur symptomata, & euidentur.

Quid Medicus facere debeat.

INTEMPERIES cerebri corrigenda, materia euacuanda, & deuertenda, caput roborandum, symptomatibus quantum fieri potest occurrendum, vt dolori, sibilo, vertigini, ac tumori; denique virtus seruanda bona victus ratione.

De euacuantibus totum corpus.

AD initium Maij curabit corpus euacuare infra scripta ratione. R. dia cathol. ʒ i. hiere pigre ʒ ij. fiat bolus, & capiat in aurora; sequentibus diebus sumat syrupum infra scriptum. R. syrupi de betonica, de stecha de an. ʒ i. decocti senæ ʒ iij. fiat syrup. assumendus in aurora, quo quinques repetito, assumat infra scriptas pillulas. R. pillularum cochiarum ʒ iij. cum oximellite fiant pillule vij. assumende post primum somnum, & repetat hanc purgationem a finem Septembris bis in anno.

De vacuatione capitis.

MASTICATORIA aptissima sunt ad trabendam pituitam si versetur in ore, ieiuno tempore, per vnā horam in hanc formam. R. piperis, pyretri, an. ʒ i. sacchari cand. ʒ i. cum melle fiant pastilli mandendi in predictum vsum. itidem pro conuersione materie curet sibi faciendum cauterium in nucha, quod diu adaperitum seruet.

Pro

Pro roboratione capitis, & corrigenda intemperie.

VT caput roboretur medicamentum est Pauli, quo Mulier quedam multos curabat in hanc formam. R. radices cucumeris agresti, quem asininum vocant, in taleolos concise ʒ ij. comarum absynthij m. ij. aque lib. iij. olei lib. ʒ. eoquantur, & bulliant, deinde abrafo capite vel syncipite lotiones fiant cum expresso decocto, & materia, quæ remanet etiam post lotionem in emplastri modum syncipiti applicetur repetatq; remedium bis in septimana.

De leniendis symptomatibus.

VERTIGO quoniam ex motu exacerbatur tam rerum externarum quam corporis, ideo quiescat, & ad exercendum corpus sufficiant ambulationes, sed fugiat conspectum rerum, quæ mouentur velociter, vt rotarum, & fluminum, & precipitia, & cum vertigo corripit, quiescat statim. Dolor capitis supradictum emplastrum lenietur; sicuti & tumor, qui est ad genu, ex eodem emplastro supradicto absynthij, & agresti cucumeris dissoluetur, & pars roborabitur. Ad sibilum vtatur oleo ex amygdalis amaris in intincta lana, seu bombace, qua obturentur aures, & vngantur meatus interni.

De victus ratione.

FUGIAT auras matutinas, & vespertinas, & meridianum somnum; victus vero sit extenuans, & mediocriter calefaciens, qualis paratur ex aribus montanis boni succi, cuiusmodi sunt columbae, & perdices, & turdi, oua sorbilia, vug passæ, & ficus sicce; ante cibum ad soluendam aluum, vinum sit paruarum virium ne feriat caput, seu album, seu nigrum, & si aluus fuerit sicca procuret singula septimana vti clysteri acri accipiendo decoctum commune, & addendo diacatoliconis ʒ i.

Consultatio decimasexta pro curanda podagra. Calus.

VIR 40. annorum boni habitus dolorem in magno digito sinistri pedis, & in talo eiusdem per intervalla sentit, qui valde eum affligit per aliquot dies, qui dolor primo incipiens à genu firmatur in predictis locis nec tumor adest nisi parvus, & vix conspicuus. Pater, auius eodem etiam dolo re sæpius cruciati sunt.

Dignotio.

Dignotio.

CERTIVS est, quam multis verbis indigeat affectum, quæ pati-
tur esse podagram; dolor. n. pedis per intervalla repetens huius affe-
ctus signum est evidens, causa pituita cum bile est, quæ ad prædictum arti-
culum effluens solutionem continui quandam creat, unde dolor nascitur ac-
cedit quoque intemperies calida attracto sanguine ad partem recipit au-
tem articulus imbecillitatem, quam videtur contraxisse hereditariam iure
transmittens caput præcipue in hoc morbo est, unde omnis pituitæ origo cū
vero humor sit tenuissimus sic penetrat per exiguas venas in prædicta loca.

Prognosticum.

QUAMVIS huius morbi natura pertinax admodum sit, & in præ-
dicto ægroto quodammodo hereditaria, & ideo difficilis admodum
curationis, nihilominus cum cura adhuc recens sit, & accurate viuat, spe-
rare licet sanitatem, si rectè curetur, aut saltem magna mali imminutio-
nem, ut secundo prædictionum scripsit Hypp. & in hoc morbo requirit Me-
dicum intelligentem, alioquin sanitatem non sperat.

Quid a Medicis sit agendum.

DUPLEX oritur intentio, altera ad præseruationem, & causarum
extirpationem, altera vero accessionem respicit. Rursus prima ma-
teriam euacuat, quæ fluxionis est causa prohibet ne noua generetur, arti-
culos roborat quo minus materiam suscipiant, quæ vero accessionis est cu-
ratrix fluentem materiam reuellit secundo repellit, & attemperat, dolo-
rem lenit tertio reliquias materiæ discutit.

De materiæ euacuatione.

SI fieri potest vere suscipienda curatio præueniendo accessionem, quæ
eo tempore excitare solet; dolores. n. podagrici vere, & autumno exci-
tari solent 6. aph. Igitur in primis sanguis mittatur; nam missio sanguinis
statim inter initia facta, ut ait Celsus sepe annuam nonnumquam perpe-
tuam valetudinem præstat; purgatio quoque, & crebriori vomitu à cibo,
& per deiectionem fieri debet, cuiusmodi ex pillulis de hiera cum agarico
ad 3 i. vel per diacartamum, vel diaturbit accipiendo huius, vel illius 3
iiij. cum 3 i. electuarij lenitiui post euacuationem totius corporis, cura-
bit caput purgare per herinna, & masticatoria.

Quomodo

Quomodo prohibeatur, ne materia, & cruditas gignatur.

SIT in primis victus ratio ex media materia vitando repletiones; Potus aqua, aut rubrum vinum pauciferum; Venus adeo inimica est huic malo, vt vel ea sola ipsum excitare possit, quippeque fluxiones commoueat, & venas aperiat; vnde notauit Hypp. nec pueros ante veneris vsum, nec Eunucos hoc morbo laborare 6. aph. & Celsus scripsit quosdam hoc morbo laborantes cum toto anno à vino mulso, & venere sibi temperassent securitatem totius vite fuisse consequutos debet preterea exerceri, & ab exercitio exudare in quibus duobus (Card. teste) securissima ponitur huius morbi curatio, modus vero est, vt homo exerceatur ieiunus vehementer vsque ad sudorem; inde ponat se in lecto calido, & exudet contactus panno quousque potest, & hoc faciat quotidie, aut bis in septimana a sudore mediocriter prandeat, & continuet per annum & sanus deget, & forsan curabitur in perpetuum.

6. Aph.

Articuli qua ratione roborandi.

ROBORANTVR articuli, si quotidie fricentur oleo, & sale, & ex decocto etiam, quod recipiat mirti, saluig, bettonica, origani, maioran. 1. in lisciuio sarmentorum addita salis lib. 5. Hypp. quoque iubet aduratur digitus, & articulus dolens ex lino crudo lib. de affectionibus, Celsi quoque fomentum ex sale lib. 2. cap. 17. ad roborandum articulum magnam vim habet.

Pro accessione, quomodo reuellenda materia.

CUM tempus accessionis properat, aut etiam accessione presente medicamentum purgans exhibere oportet superscriptum, & tenuis victus ratione vtendum, ita ut dimidia pars cibi detrahatur, bibatur aqua, aut vinum rubrum ad dimidium temperatum, & fugiat solem, & frigus, & exercitium, & balneum, & venus, & quaecumque excitare fluxiones solent.

Qua ratione depellere, & dolorem sedare oportet.

SI pars cum dolore rubet, & calet immittendus pes in frigida aqua, hec senim attemperat, & dolorem lenit 5. aph. 25. sed neque continuo, neque diu ne nerui ledantur, adhibet quoque in eo casu Hypp. lib. de emplastrum, ex portulaca, & lactuca rubra cum farina in aqua dissoluta in eam intentionem quoque inter cetera maxime laudatur mucilago seminis cidoniorum, & psilij.

Et psylli, extrahatur ex aqua plantag. vel solani cū modico aceto ex *stappa* canabina tepida, inducatur bis aut ter in die, quoad ardor omnis cesset; nam persistente ardore, & inflammatione adeps vel olcū non conueniunt, quia eum augent. Cum itaq; pars iam temperatior est tunc oleum camomelinum, & lileaceum conueniunt, cassiæ item medulla cum oleo rosacco applicita.

Qua ratione discutienda materia.

DISCVTIVNT materiam iam dolore prorsus sublato cataplasma, quæ habent sãpẽ lib. i. furfurum. q. s. ut fiat pulvis, quæ calida applicetur; hoc non solum resoluit, sed etiam dolorem lenit & aufert, magis vero discutit hoc quod habet, & gummi pini, picis naualis, emplastri oxicrocei an. 3. i. sulphuris viui hermodactylorum in puluerem redactorum 3. 5. olei terbentina. q. s. fiat emplastrum, quod articulo applicetur.

Consultatio decima septima pro cancro mamillæ dextræ. Casus.

MVLIER annorum 45. temperamento calidiori, habitu corporis gracile, colore flauescente, tumorem habet ad mamam dextram subliuidum, venis tumentem, dolorosum, pungentem: initium habuit anno elapso, menses iam per annos tres desiere; quærit auxilium.

De affectu, & causa.

AFFECTVS cancer est, ut aperte signa demonstrant, estq; occultus, cum non sit ulceratus, & quia tam diuturnus est, & auctus, ut vere affirmare liceat habere radices alte constitutas, & ad viscera præcipue, & Iecur. Causa humor est acris per adustionem sanguinis, & bilis factus, ad cuius generationem menses suppressi occasionem dedere, magnus enim (dicebat Hypp.) consensus est pectoris mammarum, & pudendorum, est autem pessimæ naturæ cum exacerbatum fuerit etiam lenientibus medicamentis.

2. præd. &

An Medicus quippiam agere debeat.

CVM sit occultus, & pessimæ naturæ, adeoq; iam excreuerit, nullam admittet curationem; nam nec ferrum, neque ignem ferre poterit sine magno vite periculo, adde, malum à Iecore initium habere, & cum valde irritatus fuerit ex medicamento, quod bdellium, amoniaci, & mucillagini psylli recipit, verisimile est eo magis irritari etiã à quocunq; alio remedio

dio, ideo cum Hypp. melius erit non curare, sed producere vitam quantum est possibile, & morbi symptomata blanda manu.

Quid Medicus facere debeat, deque commodo remediorum usu.

DVQ respicit hæc cura Medici; alterum ad totum corpus pertinet, alterum ad affectam partem. Quoad corpus debet euacuare leniter per intervalla, & sanguis attemperari; Tumor vero leniter tractandus. igitur purgetur per intervalla per hieram pachij, qua nullum est pharmacum præstantius, quæ describitur a Scribonio Largo cuius 3 iij. dari poterunt, plus aut minus corpore tamen preparato ex iulapio, de luppolis, & fumæ terre cum decocto sene; attemperabitur Iecoris, & sanguinis caliditas, si sumat serum caprinum per aliquot dies; fiat cauterium in crus destrum prope genum; utatur alimento, qui attemperandi vim habeat, quales sunt pullorum, & hedorum carnes coquantur cum borragine, cicboreo, acetosa, lactuca, cucurbita. Potus aqua, aut vinum album imbecille. Quoad tumorem adhibeantur, quæ leniendi, attemperandi, & mediocriter reprimendi vim habent quale est, quod ex succo plantaginis, oleo rosaceo, & lacte mulierum sit unguentum. hæc igitur pro affectu sufficiant prædicto. Illud tamen ex Gal. notandum, cancos à principio curari frequenti humoris melancholici purgatione, & his, quæ mediocriter reprimunt parti admotis. Card. cuiusdam herbe mentione fecit quam chyrsum appellat, cuius folia cum duplici herbe pastelle diste, & panis medulla contundens emplastrum facit, quod (ait) curare cancos; quidam autem omnes cancos ita curabat erat. n. empiricus scindebat, & secabat ad similitudinem folij oliuæ, & oleo calcanti illinebat, qui sanabatur, sed postea redibat malum post anñ, hæc tamen non nisi summa cum cautione faciendam.

Lib. Aph. 38.

Consultatio decima octaua pro corrigenda corporis obestitate, & extenuatione.

IVVENIS annorum xx. ex natiuitate obesus, paulatim eo crassities deuenit, ut amplissimam habeat, & ventris, & omnium membrorum molem, adeo ut vix se mouere queat, & difficultate spirandi laboret.

Huius autem frater natu maior cum a natura gracilis admodum sit, progressu tamen temporis cum febre diu laborauerit, qua modo caret, cum sto maci tamen insigni imbecillitate eo deuenit extenuationis, & vix quidquæ præter ossa, & cutem habere videatur; quaritur in primo ablatio, in hoc vero secundo adiectio; agemus igitur de crassitie illa immodica; deinde de extenuatione.

T De

De affectu, & causa.

AFFECTVS ad auctam magnitudinem referri potest, qua partes ita tument, vt officio suo fungi non possit corpus precipue in motu. Causa esse videtur sanguis natura frigidior ad congelationem apta; carni-um, & cutis densitas, vasa enim angusta statim transfundunt sanguinem, qui non transparens frigiditate membrorum concrevit; aucta est affectio ex cibis multis, & boni succi, vita otiosa.

An Medicus aliquid moliri debeat.

CVM hec crassities sit à natura, ideo vix aut ne vix quidem absolute tolli poterit, quamuis aliquantisper corrigi non sit desperandum, & conandum sane est ne augeatur, id, quod fieri solet etatis beneficio frigidioris; ideo magis pinguescunt quo seniores he nature; periculum autem est ne vel nimia mole suffocetur, aut febribus corripiatur acutis; has naturas dicebat Hypp. minus viuere quam graciles.

2. Aph. 44.

Quid Medicus facere debeat.

6. Epidem.

MOLES corporis extenuanda, & ne amplius augeatur prohibendum, id vero potissimum fiet victus ratione extenuante, & labore, vnde Hypp. de extractoriam curam fieri dixit cursibus, deambulationibus celeribus, lucta, carne ouilla, maxa, & prodicto pane; ideo ex mediocri materia nutriatur, vt carne pulli assa vel palumbi, piscibus saxatilibus, & salitis pane bene cocto. Vinum sit album oligoferum tenuium virium, & austerum: curet exercere corpus quantum fieri potest paulatim, & si non potest ex se equo, aut curru; curet quotidie, vt fricetur totum corpus, linteis asprioribus multa satis frictione ad artus, & scapulas inde oleo anethino vngatur per intervalla; vomat a cibo bis in mense; coitu vtatur, vigilia aliquando lecto duro.

De extenuatione.

SICVTI illa obesitas ad morbum in magnitudo referenda erat; ita hec extenuatio ad motum in paruitate, est autem naturalis extenuationis causa cutis raritas, sanguinis tenuitas; sed cum etiam preter naturam ex febre, & deinde ex ventriculi imbecillitate consumptus sit, & quasi in habitum senectutis conuersus, ideo verisimile est siccitas esse partes solidas, ac perinde refrigeratas. . . a ventriculo, vt vix sperari queat refectionem.

Quid

Quid agendum.

HUMIDVM, quod deest quantum fieri potest restituendum ventriculus roborandus; ergo alimentum sit calens & facilis coctionis, quælia sunt oua sorbilia caro palumbi, pullorum, iura pinguis, lac etiam cum melle assumatq; cibum à balneo, quo bis in die vtatur, & ter in die cibetur. Vinum sit mediocrium virium, & medijs saporis; frictions lenes vt trahant, sed non dissoluant; ventriculus extra oleo de nuce muscata inungendus, aut nardino in quo absinthium, menta cum vino bullierint, ambulationes lenes fiant, vt sensim exerceatur, & si corpus reficitur (sunt. n. hæc veluti vehicula ait Gal.) ad ea, quæ magis nutriunt veniendum, & sensim ad naturalem habitum reducendus, quæ enim longo tempore extenuata sunt corpora sensim reficere oportet.

Consultatio decimanona pro adiuuando conceptu. Casus.

ADOLESCENTVLA annorum xx. boni habitus, menses suos habet, & sana est. Vir eius Iuuenis, sanus, & tamen non generant; fatetur tamen mulier non admodum coitu delectari, & in eo ipso frigere.

De affectu, & causa.

QUANTVM coniicere licet defectus est ex parte mulieris ex intemperie vteri proueniens, eaq; frigida, & humida. Nam quæ frigidos & humidos locos habent, non concipiunt ait Hypp. quia extinguatur in ipsis genitura colligitur vero hic affectus, quia Mulier in venereo actu friget; considerata quoque menstrua in arena, siue in linteis siccata, quæ (vt puto) pituitosa, & mucosa erunt, & si semen effluit ab vtero intra septimum diem.

5. Aphor.

An Medicus aliquid moliri debeat.

HUMIDA intemperies ex se facile curatur, dummodo à natura talis non fuerit, quod tamen raro contingit, ac perinde puto in præfata Nobili Iuvene facili negotio correctam iri.

Quid Medicus facere debeat.

TOTUM corpus, & uterus expurgandi; secundo attemperandi, & exiccandi, tertio roborandus uterus, quarto excitanda Venus, quinto conseruandus fetus vsque ad partum, dato quod concipiat, de quibus sigillatim dicendum est.

De corporis expurgatione.

ALVS leniatur primo ex hiera Galeni cum diacatolicone, vt huius summat ʒ i. illius ʒ ij. in bolo; inde vero preparetur humor ʒ ij. syrup. de artimisia cum decocto maioranae, slicados, bettonicae, & origani; inde assumptis septem potionibus, purgetur pillulis cochiis ad ʒ. i. ʒ. que cum oximellite formentur, a purgatione summat aquam tettucci.

De uteri purgatione, & exsiccatione.

FIAT fetus ex vino, cui laurus, feniculus, artimisia, & conisa bulliant, inde pessus fiat ex succo artemisiae, & conise cum pulvere myrrhae, & cum it dormitum odoratis foneat pudenda per siphonem ex belsuino stacte, & carofilis.

De exsiccatione corporis.

VTATUR tenuante victus ratione, & carnes edat affas pullorum; parum bibat, & vinum sit rubrum mediocrium virium, exerceatur quotidie saltem longa ambulatione, & cum coit comedat parum, & si genitura receperit utatur ea cura, qua Hypp. utitur libro primo de morbis mulierum, dum hunc affectum curat; si ita non possit concipere ad exsiccandum corpus assummat ligni guaiaci decoctum.

De incitamentis ad Venerem.

ASSUMAT cum it dormitum electuarij diasatirion dicti ʒ ij. parum cenet comedat illa que Venerem augment, qualia sunt pistacchia, & pines saccharo incrustata; inter cetera, asus piscis polypi, aut pulvis eius assumptus valde facit ad conceptum Hyppoc. teste, est enim piscis ille falacissimus.

De

De præseruatione.

HYPPOC. primo de morbis mulierum docet, quod ubi mulier a coitu se recepisse semen sentit, nec exiit statim alternatim positis cruribus quiescat, & primo die dieta vtatur, vel non detur ei aliquid præter polentam ex farina, inde vero nutriatur assa carne columbi, aut pulli, fugiat omnem validum motum, balneum, durum sedile, & vino nigro austero vtatur.

Consultatio vigesima pro iuvene hydropico.

IUVENIS annorum xxx. boni habitus, post diurnam quartanam per quam, multum aque biberat tumorem patitur abdominis cum durtia præcipue dextri hipocondrij, in quo aquam fluctuare videtur superiorum partium; extenuatio adest cum febricula quedam lenta, sitim vix tolerare potest; aluus astrictior, deiectiones biliosæ, & acosæ.

De affectu, parte affecta, & causa.

AFFECTVS, quem patitur hydrops est ascites dictus; pars affecta Iecur potissimum tum lien à nimio aque potu tumentes, & intemperati, intemperies in dispositione frigida, sed in habitu calida, cum Iecur valde calidum habeat, & biliosæ adsint deiectiones, aqua vero, que tumorem facit intra intestina, & peritoneum contineri probabile est, eò autem refluit, vel alicuius veng erosione, seu rima, vt putauit Farnelius, vel potius per occultos meatus; nam in hoc morbo externi meatus ocluduntur (vt ait Hypp.) interni aperiuntur.

Lib. de locis
in homine.

An Medicus quicquam facere debeat.

QVOD ipse morbus sua natura, rebellis admodum sit, quod longo morbo successerit, atque febrem coniunctam habeat, & fere remedia contraria postulet; omnia hæc vel impossibilem, vel difficilem admodum curationem ostendunt; verum quia iuuenis est, & robustus, neque pedes inflati sunt, eò magis spes augetur, si obediens fuerit medico; nam hic morbus (vt ait Celsus) facilius in seruis, quam in liberis tollitur, quia cum desideret famem, sitim, mille alia tedia, longamq; patientiam, promptius his succurritur, qui facile coguntur, quam quibus inutilis libertas est iidem docet de die in die mensurandum ventrem, & si decrescit spes est, si minus malum; item mensurandam potionem, & vrinam, & si plus excernitur, quam assumitur, ita demum secundæ valetudinis spes est.

Quid

Quid Medicus facere debeat, & de commodo
remediorum usu.

A *QVA*, quæ in ventre est vacuanda; viscera Iecur. s. & lien attem-
peranda, & roboranda, symptomata lenienda, ut febris, & sitis.

Qua ratione ducenda aqua.

A *QVA* nisi prius emittatur, non poterimus morbi radices perscin-
dere; ea igitur omni ratione ducenda est, primus modus est per me-
dicamenta, quæ aquas educunt per aluum, quæ tamen non noceant suo
calore, inter quæ succus ebuli ad 3 i. cum 3 ij. syrup. ros. sol. per interval-
la datus aquas educet. secundus modus est, ut aqua per urinam educatur,
ideoque summat 3 i. ranbarbari cum vino meraco per dies aliquot, tertio
quoque die; sic enim per aluum, & per urinam; deinde incoquat in vino
albo tenuium virium radices quinque nec non camemelum, adianton, gra-
men, asparagum, colato decocto 6. calidos sumat cum oximellitis vncia i.
mane per aliquot dies, tertius modus educendi aquam est per cucurbitas
multa flamma umbelico applicitas, & cum scarificatione, & scarificatio
si fiat per ferrum ignitum melius, ut seruetur via diutius ad aqua emitten-
dam, hæc sensibilibus: insensibilibus autem per emplastra, seu unctiones,
quæ aquam attrahendi vim habeant non tamen sint calide valde, quæ ve-
luti absorbeant aquam, quale est malagma, quod ex farina cumini fit cum
melle & sulfure; absorbetur etiam arena calida, & sacculis, Matheolus in
suo Dioscoride cap. de absynthio, scribit se sanasse hydropicos iam deplo-
ratos; eius herbe cum saccharo esu; & ibi compositionem ponitur paran-
di ratio est, summito florentium iam comarum absynthie pontici lib. i.
sacchari albis. lib. iij. comas demptis, & pediculis tundito in mortario la-
pideo. deinde bis optime tuis saccharum in puluerem tritum adicito tunde
in vatum corpus adustum, quod si non educatur prædictis rationibus iam
de sectione iudicium faciendum, ea ratione qua docet Celsus lib. 3. cap. &
cum cautionibus de quibus idem lib. 2. cap. 20. in fine, quia non omnes apti
sunt sectioni nisi (ut ait ille) Iuvenes sint, & robusti, qui vel ex toto fe-
bre carent vel saltem liberales habent intermissiones; Nam quorum sto-
machus correptus est, & qui malum corporis habitum habent, quique atra-
bilem huc deciderunt, idonei huic curationi non sunt, & cum iam viscera
corrupta aqua vero paulatim, nec una vice educenda ne repente morian-
tur, ut ait Hypp.

De

De attemperantibus.

VICTVS ratio instituat, ut corpus sine manifesto calore; bibat itaque parcissime, & vinum sit album tenue; alimentum ex auibus montanis assis boni succi labores mediocres, & ambulationes quantum ferre poterit; licet enim exercitium sit validissimum remedium; tamen in casu nostro vires repugnant. Iecur, & renes vngantur ex cerato, quod recipit olei rosacei, absynthij, mentę an. 3 6. pulvis absynthij, mentę, scolopendrij an. 3 1. cum cera fiat vnguentum bibat aquam, in qua appium, adiantum, scolopendria, cicoria, & gramen sint incocta cum saccharo sitis tolleranda quantum ferri poterit. immo aliqui qui per menses a potu abstinuere conualuere philosophus quidam cum tollerare non posset necessariam sitim, aquam in magna quantitate assumebat, (ut refert Celsus) & deinde remouebat, quod tamen tutum non est, quia si retinetur valde nocet.

Consultatio vigesima prima de vlcere gallico pudendi cum gonorrhęa gallica, & proponitur excellens remedium pro vlcere pudendi.

QUIDAM ad me venit, qui gonorrhęam patiebatur ex coinquinata muliere, ac præterea præputium, glandem ita tegentem, atq; illi agglutinatum, ut detegi non possit, ex vlcere maligno.

De affectu, & causa.

GONORRHEA, quam patitur non ex seminis copia, vel vasorum imbecillitate, ex nimio coitu progreditur; sed potius ex mala vasorum spermaticorum, & testium qualitate coitu infecte mulieris inducta, quo fit, ut quæ ad testes venit materia corrumpatur, & malam acquirat qualitatem cuius impatiens natura cogitur sepe eam emittere, & aliquando ipse sanguis antequam mutetur. Ceterum ex eadem causa in pudendo vlcus enatum est siccum, quod agglutinavit præputium sic, ut glans detegi nequeat; appellant vero hanc Hypp. putredinem siccam, quæ in vlcerebus à quibus nil emanat deterior est, quam in illis a quibus sordes in dies profluunt; an vero hoc vlcus ex alia parte, ut puta ex Iecore affecto materiam transmittente exortum sit, vel potius ex praua sanie per contactum enatum, questione dignum videtur, sed secundum probabile est.

De primo

De primo Scopo. An Medicus quicquam agere debeat.

QUAMVIS malignum sit malum, tam gomorrhea, quam ulcera, & bubo; ideoque cum difficultate sanationem sint adeptura tamen si recte tractentur, & precipue cum adhuc in principio sit sperandum ex toto sanatum iri nam gallici morbi senties satis hisce nostris temporibus imminuta est si cum ea comparatur quæ eo a principio olim. adeo ut sperandum sit aliquando abolerit hanc rabiem quod vero hic morbus alia ratione, quæ per contactum fieri possit, satis declarauit Hypp. 3. epid. sect. 3. ubi morbos pestis illius connumerans, & pilorum desinuium, & pudendorum ulcera, & bubones, & faucium erosiones aliaque huius morbi propria numerauit.

Quid Medicus facere debeat, & de commodo remedium vfu.

CORPUS expurgandum, & materia diuertenda; attemperandum interim ulcera pudendi, detergenda, & sananda bubo maturandus, denique malignitas, & mali origo oppugnanda.

De corporis expurgatione.

IN primo mane assumat lenitiuum hoc. R. cassie nouiter tractæ, diacatoliconis an. ʒ 6. cum saccharo fiat bolus, quem assumat in aurora, sequenti die hoc utatur syrup. R. syrup. de cicorea simpl. ʒ 1. de luppulis ʒ 5. decocti florum, & fructuum ʒ iiij. fiat potio sumenda in aurora calida, transactis septem diebus summat hoc pharmacum in aurora. R. diasiniconis ʒ 5. syrup. ros. sol. ʒ iiij. cum decocto sene fiat potus; interim aquam bibat, & bona victus ratione utatur, & quiescat.

De attemperatione.

QUIA acredo multa est humoris, & caliditas lumborum, refrigerantia adhibenda, extra ergo vngantur renes hoc. R. vnguenti rosati ʒ 1. succi sempriuiui ʒ 1. miscè fiat vnctio frigida ad lumbos cum it dormitum; intus vero summat singulo quoque mane aquam à limonibus destillatam cum saccharo rosaceo denique ad guaiaci decoctum deueniat, quo ut proprio antidoto, & tuto, relictæ omni alia curatione, per quadraginta dies utatur; cura enim quæ sit per vnctionem lithargirij, vel argento vino, ut pestis fugienda, quod pessime afficiat corpus, & imprimat venenosam in membris qualitatem, quæ in tota vita sit permansura.

De

De tractandis pudendi vlceribus.

VLCERA pudendi siccantissima pharmaca desiderare scripsit Gal. vn te combustam cartam, & aloem adhibet; verum cum hoc vlcus maxime siccum sit, neque glans agglutinata detegi possit, atque adsit magna caliditas, aliquanto emolire oportet, & detergere, cum his, quæ minime inflamment, ergo aqua calida in qua malua, hordeum, camemelum, pæretaria, & viola bullierint, foueatur pars bis in die, post fotum per instrumentum aquam hordei in qua parum sacchari sit proiciat, vel aquam ligni sancti, in qua hordeum, lactuca, cichoreum, gramen cocta sint; post istam iniectionem filamenta ex vnguento apostolorum applicet cum tertia parte butiri recentis, vt detergantur vlcera, & paulatim detegenda glans, vbi vero in conspectum venerit, & iam sanies emanat, tunc ad siccantia veniendum, & quæ malignitati resistunt; inter vero omnia illa, quæ maligna pudendi vlcera breuissime sanant, & sine morbi siccantissime sunt; puluis est metallicus, qui ex vasis aneis ab igne dum malleo percutiuntur exiit quæ est cinerici coloris, & eam vendunt artifices, qui calderarij vulgo dicuntur; eam vel eris squamam, vel florem eris non sine ratione appelles, & habetur hoc, pro vnico, & admirabili remedio sanandi vlcera pudendi, & præcipue gallica sine vlllo dolore; admouetur aliquando puluis mixtus cum rosaceo vnguento, aut de calce ob inflammationem eius, est autem vsus quod ad caro in vlcere rubeat, & naturalis appareat, hic vnguento lithargirij facile ad naturam redeunt. Quidam cum glandem omnem putrefactam haberet ex gallica lue, & pro desperatione se occidere cum calderarij cuiusdam seruus hoc ipso puluere insperso sanauit.

De bubone.

QUIA durus est, & maligne nature, nec ad suppurationem venit; coquit in aqua, malua, camemelon, alteam, & per spongiam bis in die spacio quarti horæ calidam foueat partem, deinde applicet emplastrum ex brasice foliis tunfis, & in butiro, vel axungia frictis. ita enim trahetur foras per fomentum, & maturabitur per emplastrum, ac emolietur. deinde sectio fiat, vt solet, & mundificatio, quod oui luteo, oleo, & therebentina constat expurgetur, addita parte 12. ægyptiaci, ob malignitatem & quia omnes hi tumores maligni, sunt inequaliter maturescentes, vt scribit Hypp. dum expurgatur, si quæ adest durities emollienda emplastro, vel cerato diachilone, vel de mucilagimbus ceterum bubonis curam docet Gal. 13. Metho. & secundo ad Glauconem.

V Con-

Consultatio vigesima secunda pro difficillimo morbo curando,
qui melancholia dicitur hypocondriaca. Casus.

IVVENIS annorum triginta quinque gracilis, hirsutus, pilo nigro, latis venis, studiosus, & curis vanis agitatissimus, per duos annos dolores patitur ventris cum rugitu, & ventriculi rosonibus, cum anxietudine & ructu accido, & presertim quoties cibos coctus difficiles assumit vel calidos & acres; color vitiatissimus sub flavus, macies totius corporis, & precipue ad partes abdominis, vigiliae, & interrupti somni, imaginationibus pleni, alvus sicca valde, hypocondria cum tensione quadam vtrinque tactui renitentia haec patitur, & multis quamvis recte adhibitis remediis perseverat malum.

De affectu, loco affecto, & causa.

QUOD afficiatur ventriculus satis demonstrat actio lesa, coctio scilicet depravata, & erosiones illius, atque anxietudo, quare Diocles refertente Gal. aliquando scripsit os ventriculi in hoc malo, leduntur quoque viscera nutrientia, quae ambiunt ventriculum, hepar scilicet & lien, & vasa eorum, & precipue vene meseraicae. siquidem haec omnia coctioni inserviunt, & sibi inuicem mala communicant. Afficiuntur vero iam per essentiam cum tandiu egrotari; videtur tamen prima origo mali fuisse ex hepate. Affectus duplex est, obstructio siue adstrictio meatuum quae sunt ab ore ventriculi ad iecur, per quae fit alimenti distributio, humor obstruens duplex esse videtur; alter ex bile & melancholia genitus per assationem, qui potissimum pertinax causa est; alter frigidus & pituitosus, qui in dies ex cruditate acervatur. Intemperies multiplex quoque est Gal. ex sententia Dioclis calidum affectum affirmat, & inflammationi similem ex crasso sanguine genitum, id quod & aestus, qui in parte sentitur demonstrat, & symptoma, quod per calida exacerbatur; quae ratione intemperies calida, & sicca iecoris censei debet, & oris ventriculi, ubi eo consistit malum rursus propter ructus accidos, cruditatis, status; videtur esse affectio frigida & humida ventriculi, sed quia proprium eius humidum absumptum videtur ea ratione sicca dici debet in habitu, licet in dispositione sit humida; videtur autem hic affectus magnam habere affinitatem cum eo quem coleram siccam appellat Hyppoc. & cum eo quem appellat Celsus calidam passionem; cum itaque via per quas distribuitur alimentum, sint obturata, seu os ventriculi sit, seu intestina ipsa, seu Vene meseraicae, seu ea quae sunt in hepate multiplices, nec cibus perinde recte distribui possit sursum regurgitans vertitur inflatus; unde dolores & erosiones, rugitus, & ructus. Cum vero nec prima, nec secunda coctio recte fiant, tertia quoque vitatur, quare non nutritur

Acut. lib. 4

tritum corpus & color prauus apparet. Aluus vero siccatur, tum ob hepatis calorem, tum etiam propter flatum in quo vertitur alimentum, & ob structiones, somnus autem impeditur, quia assatus est sanguis, & exsiccatur cerebrum. Insomnia autem illa ob prauam coctionem in ventriculo fiunt, quod etiam dicebat Gal. accidere in pueris, scilicet ut teneantur in somno corruptis in ventriculo cibis. 4. Aphor.

An Medicus quidpiam agere debeat.

SI vllum est malum, quod medicos contemnat, & praesidia omnia, hoc certe vnu est & si vlla difficilis curatio, haec difficillima dici debet; difficultas vero pendet ex multitudine affectionum contrariarum; nam intemperies multiplex est. calida, & sicca hepatis, & venarum ad intestina venientium, frigida & sicca ventriculi in habitu, & frigida & humida eiusdem indispotione; humores quoque in affectionibus partibus contenti & calidi & frigidi, sed maior difficultas ex intemperie provenit, quae cum fere sit sicca in hepate & ventriculo per absorptionem humidi, & in habitu & solidis partibus, non mirum est si non curatur; & cum longis siccitatibus, ut scribit Gal. necessario superueniat frigiditas, deficiente partium nutrimento, ideo reduci potest hoc malum ad intemperiem frigidam sic causa partium omnium nutrientium in habitu, & sicuti non omnis siccitas est insanabilis nisi cum consumata fuerit, ita nec omnis hypocondriaca passio, nisi cum ad gradum deuenit extremum ad quem tamen deuenisse videtur in casu nostro, cum tandiu durauerit affectio, nec remediis minuta sit; non tamen deferendus est eger, quia si non assequemur, ut in totum liberetur, lucrabimur saltem ut malum quantum fieri potest leniatur. 7. Meth.

Quid Medicus facere debeat

OBSTRUCTIONES tollendae sunt, humor expurgandus, intemperies corrigendae, & symptomatibus occurrendum, scilicet cruditatibus, doloribus, vigiliis, alui siccitatibus, & corporis extenuationi.

De preparatione humorum.

CUM venter infernus non tumeat, sed extenuatus sit pertinax potius videtur esse obstructio quam multa, & cum duplex sit humor infartus, tenax alter & assatus, qui temperata & humida rogat ad sui dissolutionem, alter aqueus concretionem frigidus, qui per calida, & sicca extenuatur, ideo tale reperire oportet medicamentum quod ambobus sit accommodatum, & praeterea nutriat, & paulatim euacuat, quale hoc erit. R. me-

V 2. lisse,

lisse, luppulorum, cuscute, borraginis, scolopendrij, eupatorij an. p. 1. radicum petroselinij, polipodij, liquiritie an. 3. iiij. Coquantur in iure pulli vel columbi & facta colatura sumito huius iuris 3 6. sacchari albi 3 ij. epithimi, aloes in pulverem redactorum, an. 3 ij. fiat potus, quem calidum sumat in aurora per modum per decem dies; atque hec potio nutriet ratione iuris, dissoluet humores, & attemperabit propter herba, & radices; paulatim euacuabit etiam bilem per epithimū, flauam per aloem, qui ambo sunt huius morbi radix. Interim ad partem externam in eandem intentionem quotidie fots fiat per horam ante prandium, qui habet R malue, viole, camemeli, scolopendrij, absynthij, sumitatem anethi an. m. 1. seminum anisi, cumini, feniculi an. 3 5. bulliant in aqua, & foueantur hypocondria, vt dixi, & a fotu emplastrum hoc hypocondriis adhibeat, quod habet R semen lini exactissime coctum, deinde massam illam in oleo absynthino excipe, & in ignem agita; adde croci in pulverem redacti parum, & in modum cataplasmatidis hypocōdrio applica, & renoua quotidie a fotu per decē dies.

Depurgantibus.

POST prædictos dies, preparato humore ea ratione qua dixi, & paulatim expurgato, validioribus vtendum, & si facile vomit, per vomitum expurgetur, hac potione R seminis raphani 3 ij. radicis assari 3 5. coque in lib. vna aque cuius colate R 3 6. oximel 3 ij. tepidum bibat, mane, & si fortius facere vis adde preparati antimonij grana duo, transactis quatuor diebus infra purgandus est hunc in modum, R radicum hellebori nigri 3 5. contunde leuiter vas, & infunde per horas quinque in libris duobus aque adde ad correctionem cinamomi, & dauci an. 3 5. epithemi passularum, florum buglossi an. m. 1. coque ad dimidias, & cola pro duabus dosibus; accipiat itaque huius decocti 3 6. cum 3 ij. syrui ros. sol. & fiat potus in aurora, & renouetur potio post dies octo, in quibus pro syrupo sumat singulo quoque mane ptissane cremorem cum drac. vna epithimi in locum syrui denique aquas assumat minerales, que purgandi vim habent, & abstergerendi mirificam, qualis est aqua tetucci, quæ licet caliditate sua aliquantisper noceant, magis tamen purgando, & abstergendo inuat.

Pro corrigenda intemperie.

SUMAT singulo quoque mane cichorie saccum saccharo, & aqua hordei, ita vt succus sit pars sexta, aqua dupla, sacchari vero cochlear, & verno tempore lactis serum caprinum ad quantitatem 3 40. calidum per 15. dies.

Pro

Pro symptomatum correctione.

COCTIO procuranda, vt alimentum non solum immoderata quantitate, sed optimi nutrimenti sumat, qualis est ex carnibus columbinis, pullorum, & auium boni succi & hedorum elixis cum iuribus suis, oua tremula, saxatiles pisces ex albo iure cocti, ptissana amygdalarum, & ante pastum viuis passis, & prunis coctis; post pastum semina anisi, & coriandri, nec non etiam pinea saccharo incrustata, & melonis semina eodem modo, vinum sit album tenue; ambulationes mediocres, vt cibus distribuatur; somnus vt concoquatur inducendus, comedendo lactucas coctas, & si semina papaueris albi aliquando in vna cum cibus misceat, vel si sumat vnciam syrupi de papauere cum it dormitum ventriculus item roboretur quotidie per horam ante pastum, hoc præstantissimo vnguento quod habet ℞ olei amygdalarum dulcium, vini generosi an. ℥ iij. comarum absinthij quantam in prædicto liquore imbibi possint bulliant ad vini consumptionem, & facta expressione adde mastiches aloes an. ℥ i. cere parum fiat vnguentum pro stomacho, vt dixi. Alui siccitas corrigetur cum iure præscripto tam etiam passulis illis, & viuis coctis ante pastum, & si aliquando vtatur clysteribus communibus. Ad flatum, & rugitus fieri poterunt clysteres ex rutaceo vel anethino oleo, liquando in illis adipem gallinaceum, & adendo anisum, cominum, & feniculum, & ad flatum in stomacho cum vrget accessit sumat cyathum vini generosi addito puluere anisi, & prædicto loco foueat venter & ventriculus.

Consultatio vigesimatertia pro nutrientium viscerum, & præcipue hepatis mala dispositione qua ratione omnes pertinentes viscerum obstructions curari possunt.

Casus.

IVVENIS ætatis annorum triginta, gracilis habitu, & biliosus, cum iam duobus annis præteritis febre acuta laborasset, durities quedam relicta est ad hypocondrium dextrum, quæ adhuc pendurat, supervenerunt ulcera in cruribus serpentina quæ aliquando ad cicatricem reducta redierunt, color illi subniger.

De affectu, parte affecta, & causa.

QUOD locus affectus iecur sit, ex tumore & duritie situs, tum etiam ex malo colore, & mala nutritione satis apertum est. Afficitur autem per essentiam quod permanens sit dispositio, nec ex alia causa dependeat,

V 3

deat, & propriis accidentibus cognoscatur. Compati quoque lienem verisimile est. Affectus multiplex est, obstructio enim adest & tumor, qui an sit iā scyrus, vel potius adematodes ex tactu deprehendi potest, dicebat enim Hypp. 2. epid. hypochondri contentiōem sub mollem, & aequalem esse flatuosam; sursum vergentem subrotundam, duram, suppuratoriam, aut scirrodem hepatis, rursus flatuosum tumorem calidis fomentis imminui, non ita durum, & suppuratorium, causa tamen tumoris, & obstructionis humor videtur esse crassus, ex bili & melancholia præassatus propter magnam intemperiem iecinoris calidam & siccam, accedente mala victus ratione: Hinc obstructum iecur est, crescente obstructione tumor, qui vel iam principium scirri esse videtur, vel futurum minatur. Cum vero sanguis ex assetur in iecore, & proinde mala qualitate imbutus, non corpus ut debet nutrit, & ad crura descendens vlcera procreat herysipelatosa. Cum vero vlcera symptomatice fiant non mirum est si sanata aliquando redierint causa ipsorum permanente.

An Medicus in hoc morbo aliquid facere debeat.

OMNES affectus inueterati viscerum magna cum difficultate sanantur, atque eo difficillius cum schyrrodes naturam præferunt; nam incipientes hepatis scyrros se aliquando sanasse Gal. scribit, factos autem nequaquam posse sanari affirmat, quinimo processu temporis in hydropem degenerare, & propterea in casu nostro, cruentus est ambiguus, & difficilis admodum sanatio, sperandum tamen est, ut si rectam seruet victus rationem, & commoda adhibeantur remedia magnos progressus factum iri.

Quid agendum.

HUMOR, qui obstructionem facit attenuandus, & euacuandus; iecur emolliendum, & roborandum, intemperies corrigenda est, & denique vlcera sananda.


De humoris attenuatione, & vacuatione.

FLUIDUM corpus facere oportet priusquam euacuetur; fluidum redditur meatus aperiendo, humores attenuando, & dissoluendo, ut aperiuntur meatus communes prima die alius leniatur hoc pharmaco. & diacatol. ʒ i. hyere picre Gal. ʒ ij. fiat bolus cum saccharo, vel dissoluantur cum decocto sene, sumat in aurora. Postridie sanguis mittatur ex vena iecoraria ad ʒ x. mox attenuandus humor & dissoluendus tum intus, tum extra non per ea que calida sunt, & magis humores exassantur, sed que temperando

temperando id faciunt, intus ergo duplex est preparans alimentum, & medicamentum; alimentum ex auibus boni succi, & ex piscibus saxatilibus potius ex ouis tremulis caricis, & uis passulis, utatur perpetuo cicchorio cocto, quod dicitur seris à Gal. oleis inter cetera ad hepatis intemperiem calidam prestantissimam 8. per loca, vinum sit tenue & aquosum.

Aliquando etiam aquam bibat in qua radix liquiritie, & polipodij sit cocta cum saccharo omnes cibos crasse substantie, & omnia calida, & acrida, & aromata, & exercitium validum medicamentum, intus attenuans R^x oximel. scilitici 3. 5. de cicchorio Nicolai 3. 1. 5. decocti capil. ven. borrag. graminis, oxalidis, eupatorij, liquiritie 3. iij. fiat potio, sumat in aurora, quæ potio, & refrigerandi, & attenuandi, & dissoluendi, & corroborandi vim habet. Extra vero attenuans fons ad hypocondrium dextrum per spongiam, post syrupi assumptionem per tres horas ante cibum, quin habet. R^x camomelli, absynthij, eupatorij, anethi, scolopendrij an. m. i. radicum polipodij, querni, capparis, liquiritie an. 3. i. coquantur in aqua, & fiat per spongiam fons, ut dixi per spatium quartæ horæ partis, & dum attenuatur humor intus, & extra fiant singulis tribus diebus clysteres, ut emolliatur aluus, & pars materie attenuatæ euacuetur, decima die a potione, & fons purgetur hoc modo R^x electuarij de succo ros. di. asinicon an. 3. ij. syrupi rosati sol. 3. iij. cum decocto senæ fiat potus; post tres dies sumatur aquam tetuccij per tres dies, & sumat vnoquoq; mane lib. viij. aut x. quibus si non cedat repetatur decoctum, & fomentum, & ea quæ molliunt attenuant, & roborant adhibeantur a fons extra quæ subsequuntur.

Emollientia applicanda post fotum.

 Caricas, & passulas coctas tunde illas in mortario adde oleum absynthij, & puluerem comarum eius, & mentę croci spice nardi an. 3. 5. incorporentur omnia distendantur linteo, & dextro hypocondrio applicentur quotidie, & renouentur post fotum, & est prestantissimum emplastrum ex passulis caricis, & croco coquit, & emollit, ex absynthio, menta & spice nardi roborat & attenuat. Pro liene si duritiem aliquam habuerit quoniam fert medicamenta validiora adest emplastrum Gal. quod ipse conficit ex oxirache, absynthio, cappari, cui tamen amoniacum ex aceto liquatum addere poteris, quod ita fabricare poteris tunde comam absynthij, & cappari radicem, mox oximellite excipe. (scilitico si vis fortius efficere) adde ammoniacum cum prius in vino vel aceto liquatum fuerit, & applica lieni calidum.

De

De intemperie corrigenda.

SUMAT serum caprinum quod Gal. teste aperiendi, & abstergendi meatus vim habet sine manifesta calefactione cuius bene purgati, & calidi sumat ieiuno Stomacho quotidie lib. ij. vel iij. additis sacchari 3 ij. & duret per 15. dies.

Pro vlceribus.

NULLUM remedium in præstantius, quam balneum aque medicate quale est sulphuree, qualia sunt hæc ptissana ad montem Diui Iuliani, quam ad miraculum vsque intra tres dies vel quatuor solet sanare vlcera, & omnia cutis vitia, si vero alia balnea prope sint poterit eo ire. Interim tamen curari poterit per ea quæ herpetibus conueniunt medicamenta quæ nequaquam humida, sed frigida, & sicca esse debent, vt docet Gal. 2. ad Glauconem cap. iij. paretur ergo decoctum in hanc formam. R. plantaginis, poligoni, lentium, rosarum rubi an. m. i. coquantur in sufficienti quantitate vini rubri tenuium virium, & calido hoc decocto foueat vlcera quotidie, mox a fotu emplastrum fiat ex farina fabarum cum oximellite, & plantag. succo; si non cedit malum acria apponit Galen. & vtitur Andronis, aut polide, vel passionis pastillis sapa vel vino dissolutis, nos eius loco possumus Aegyptiaco vnguento; sed quoniam hoc fortasse magis irritabit ego heris squamam adhiberem quod siccantissimum est medicamentum fere sine morsu, & pulueris est tenuissimus, qui excidit ex ere cum cogitur & malleo percutitur; vsus est, vt parum eius pulueris super vlcera inspergatur per tres vel quatuor vices quoad caro in vlcere iam dispositionem acquirat laudabilem, quo tempore ad cicatricem perducentur vnguento de tutia, vel de calce, vel lythargirij, & si fortasse puluis ille mordeat vlcera magis quam decet, misceatur cum dictis vnguentis, vel succo plantag. & applicetur, verum dum curantur quiescat magis quam potest, & sic curata mali radice vlcera quoque curatum iri probabile est, nec amplius, vt redeant timor erit.

Consultatio decimaquarta pro vrinæ incontinentia ex scabię vesicę. Relatio.

ILLVSTRISSIMVS Marchio Forinoui vrinam continere non potest, sed cogitur frequenter, & in pauca quantitate mingere, mingit tamen sine difficultate, vrina tenuis esto, & alba, subturbida; præcessit gonorrhœa quedam acris, & quartana quam per annum passus est; quo tempore
scabię

scabie quadam sicca, seu prurigine laborauit totius cutis, vt ceciderint pili superciliarum; agit etatem quinquaginta annorum, temperie sanguinea; nec remediis recte adhibitis cessit malum.

De loco affectu, affectu, & causa.

QUOD vesica afficiatur eius indicat lesa actio, cum nequeat continere urinam; indicat dolor, cum posita, cum sentiat originem, quandam, & in collo vesicæ, & in glande indicant, & excreta, vrina nequaquam cocta; laborat autem per essentiam, cum adeo perseueret, & propriis accidentibus dignoscatur, neque apparet unde nunc originem habere possit? Affectus symptoma est actionis lese immo lice; Causa non videtur esse calculus cum sine vilo impedimento meat, neque vnquam lapillos, vel arenu- las exercuerit, non vlcus vesicæ, cum nunquam pus minxerit, nisi aliquando rarissime parum sanguinis; nec enim sanguinis exercitio sola signum est vlcerationis in vase vrinario, sed si etiam pus excernatur; nec Aphor. 74. 4. libri disiunctiue legi debet, sed copulatiue; si quis sanguinem & pus meat renum aut vesicæ vlceratio significatur; Erit igitur affectus scabies vesicæ; nam sicuti totum corpus squamosum, & scabiolum factum est, ob salsum & acrem humorem, ita sane vesica lepram quandam concepisse est vero simile, qua ratione fit vt irritata & morsa ab vrina illam continere nequeat. Sed dices Hypp. pro signo scabiei vesicæ ponit 4. Aphor. vt vero crassa vrina furfuracea expellantur, & primo Epidemiorum in Theophrasti filio quo vesicam scabiosam habuerat vrina erat crassa, hic vero tenuis apparet vrina, & furfuracea corpora non apparent; Ego non potui exacte eius lotium perpendere, nec enim fieri posse puto quin aliquando appareant; sed quoad crassitiem vrinæ, dico Aphorif. esse intelligendum, sicut si adsit crassa vrina cum furfure adsit scabies vesicæ non è contra. Causa scabiei humor acris, & salsus, & adustus est, tunicis vesicæ infartus, & intemperies illius affans humores. Ex quibus nutritur, hinc fit vt vesica lotij qualitatem ferre nequeat, quod cum sua natura mordeat, acrius tamen in casu nostro esse credendum est.

An agendum?

QUIA adustos gignit humores procedendum, vt temperati gignantur, & geniti euacuentur; nam fouent, & augent; ad vesicam vero illa quæ exsiccant sine morsu conueniunt medicamenta, & quæ attemperant.

De

De fiat adustus humor, & de attemperacione.

DVPLEX est causa alimentum, & viscera conficientia; ego si alimentum sit temperatum, & attemperans attemperabit viscera, & precipue iecur; ex carnibus animum boni succi, ut plurimum elixatis cum suo iure, in quo lactuca, cichorium, acetosa hordeum coquantur. Ex piscibus saxatiles ex quibus optimum & attemperans sit nutrimentum utatur loco syruporum matutino tempore ptissana, quæ aliquando fiat ex hordeo, aliquando ex amygdalis cum seminibus frigidis, aliquando lac caprinum in omnibus saccharum misceat; oleribus utatur coctis, ut cichorio, lactuca, cucurbita; vinum non album ne statim petat vrinæ vias, sed subrubrum vel subausterum perpetuo. Cum vino misceat aquam, radices cing indefectus salsaparillæ, fugiat omnia acria calida aromata, motum & quæ inflammare sanguinem possunt, hypocondrium dextrum vnguento santalino succo cichorij excepto vngatur quotidie.

De expurgatione.

PROCVRET ut alius sit lenis perpetuo, quod per alimenta procurare poterit, si ante cibum prunas, passulas coctas, & caricæ assumat. Item betas, mercurialem, maluas; aliquando clysteribus ita enim deriuabitur materia, sed ad reuclendum si vomitum facile habet, vomat singulo mense a cibo assumens varia, & varia vina, inde tepida digito vel penna immissa, expurgentur quoque humores acres per syrupum rosatum solutivum quo pluries in anno uti poterit, sumendo illius 3 iij. cum decocto florum, & fructuum.

De exsiccantibus vesicam, & temperantibus.

SVMAT bis in anno aquam Villicam, aut eam quæ est ad montem Sancti Iuliani, quæ sine morsu abstergunt vias omnes vrinæ, & ex eadem aqua per Siphonem fiant quotidie inunctiones addito plantaginis succo, aut solani halicacabi, seu vesicariæ, quæ præstantissima est in hoc casu, unde troscisci fiunt alchechengi, aliquando lac immitatur, cui tutia in tenuissimum pulverem redactum, & coralli pulueris sint admixta; hæc enim attemperant exsiccant ulcera balnea quoque de aquis ptissanæ solo singulo anno petat, & perseveret cum remediis, iuxta illud Hypp. secundum rationem operanti nisi succedat, non est protinus ad aliud transcendendum, & impertinaci, & longo morbo, ut dicebat Celsus non est mirum si quid non statim prodest, quia profectus tempore expletur.

Con-

Consultatio vigesimaquinta pro epilepsia per consensum,
& est casus notabilis admodum.

PVELLA annorum x. per intervalla quædam hæc patitur symptoma-
ta. Primo morsum quendam sentit ad mucronatam cartilagine[m], quasi
quod constringatur, & prematur, mox succedit vocis & omnium motuum
privatio; Venæ coli tument: dentes & maxillæ tenaciter, vt in tetano ad-
herent. Recordatur omnium post accessionem.

De affecto loco, affectu, & causa.

QUOD cerebrum afficiatur, actio læsa satis demonstrat; sed non pri-
mo, nec per essentiam cum alio exoriatur malum, scilicet ex ore ven-
triculi, vt ostendit dolor cum positu. Nam si quæ ante morbum pars labo-
raverit ibi morbi sedes locanda est. Hypp. auctore. Igitur ventriculus se- 4. Aph.
cundum os eius pars est quæ primo, & per essentiam afficitur.

Affectus non est apoplexia, neque paralisis, hæc enim per circuitus non
adueniunt. Igitur inter epilepsie species numerandus est.

Causa mali non aliqua manifesta intemperies esse videtur, sed potius
præua quedam dispositio, seu in ventriculi ore, seu humoribus, qui ibi ag-
gregantur impressa, per quam quoties pars irritatur, ad cerebrum, seu per
vaporem, seu alterationem quandam communicatur cerebro, & cordi ma-
lum. Nam sicuti ex morfu scorpionis, aut phalangi (vt ait Gal.) in parte
quedam venenosa linquitur dispositio, quæ totum corpus afficit; ita sane in
corporis particula talis gignitur affectus aliquando à quo cerebrum, &
cor feriuntur, & conuelluntur partes, & præcipue cum sedem habet in
ore ventriculi, parte adeo sensibili, & cum cerebro, & corde communica-
bili; commotis vero nervis tertij, & septimi paris quæ ad linguam, & ma-
xillas eunt loquella amittitur, & rigent dentes. Quod vero recordetur om-
nia post accessionem indicat non esse læsos ventriculos, sed magis nervo-
rum exortus.

Lib. 3. de loc.
aff. c. 7.

An aliquid agendum sit.

CUM malum non sit in cerebro per essentiam, sed ex ventriculo de-
pendeat sperandum est artis beneficio superari posse, atque multo ma-
gis ætatis cum menstrua erumpent; & quia gravis admodum est accessio
ideo curandum, vt quamprimum succurratur.

Quid

Quid agendum.

MATERIA quæ aggregatur indies euacuanda: Venter roboretur, & attemperandus, prava illa qualitas corrigenda, & symptomatibus occurrendum.

De vacuatione humoris.

EA fiat paulatim primo per vomitum assumendo aque tepide uncias iij. oximellis 3 i. inde vero fauces penna irretet, & poterit vomere à cibo: si minus vacuetur ex hiera Gal. cuius pillulas sumat unam vel alteram singulis septimanis; purgetur etiam pill. de tribus quæ excellentes sunt in hoc affectu, & clysteribus acutioribus per intervalla utatur addendo communi coctioni hieræ pic. 3.5.

Pro intemperie curanda.

2. Aphor.

CUM hic morbus ex materia frigida ortum habere soleat, maximè cum sit per consensum, seu ex affectu, qui frigide qualitatis sensum inducat, ut in pueris 3. loc. aff. ait Gal. ideo vergat omnis victus ratio ad calidum, & locus itidem; nam hæc duo testimonio Hypp. hunc morbum curare solent, & perinde victus attenuans sit ex aurbus boni succi potus aqua in qua pconie radix sit incocta: Vinum quoque absynthites per intervalla sumat. Extra vero ventriculus roborabitur unctione olei in quo absynthium, & menta coxerint.

De iis, quæ resistunt a proprietate.

Lib. de puero epilept.


CUM adsit indicibilis qualitas in parte ea per antidota curari debet: Gal. eos quibus ex crure oriebatur malum. ligaturis adhibitis supra partem, & us quæ adurendi vim habent accessionem prohibebat. Quare & medicamentum ex thapsia, & ignem admouebat. sed in ventriculo quod sensibilis admodum sit id ipsum per theriacam fieri poterit, cuius per intervalla 3 i. sumere poterit cum vino maluatico; Quinimo & ventriculus ipse extra eadē theriaca oleo absynthino diluta inungi poterit. Ceterum Gal. medicamentum conficit ex squilla quod post purgationem, si quotidie per quadraginta dies assumat liberatum iri à morbo permittit.

De providentia accessionis.

5. Aph.

QUOTIES accessio venit excitanda est ligaturis, & frictionibus extremorum foveatur ventriculus per theriacam oleo melle dissolutam; Aperiantur dentes, & tepida cum oximellite infundatur per os ut vomat. Glans quoque ex melle cum speciebus hieræ facta iniciatur, ut alius exoneretur cienda sternutamenta quæ hysteriis supervenientia maxime conferre scripsit Hyp. admouendo naribus acetū cū pipere, & rutha, & castoreum.

F I N I S.





005664138